



## БОШ МУҲАРРИР САҲИФАСИ

# ZAR УАМОQLAR



Пойтахтимизнинг марказий манзилларидан бирида — йўл ёқасида ҳайбати чоғроқ уйдек келадиган бир “манзара”га кўзим тушди. Тепасига “XX аср сўнгги йилларидағи Ўзбекистоннинг энг машҳур шахслари” деб ёзилган (рус тилида). Ким экан, дея бош қотириб овора бўлманг, тополмайсиз. Мен ҳам уларнинг номини айтмайман. Айтганда нима — барибир у арзандани ҳеч ким олиб ташламайди. Пули тўланган. Реклама. Ҳай, анчайин баҳту омаддан шишиб турган икки ёш йигит. Тўй-пўйларга бориб юрадиган яллачи болалардан. “Юлдуз” ҳам дейди унақаларни — ердагиси-да, жайдари юлдуз.

Ўтган асрнинг сўнгги йилларидағи қаҳрамонларимизни-ку билиб олдик, хўш, янги аср бошидаги машҳур кишиларимиз ким экан денг? Бу ҳам — ўшалар.

Машҳур дегани — бирон бир ҳунари ёки қилиғи билан эл орасида шуҳрат қозонган, бугунги кунга келиб эса номини эшишибоқ аксарият ёш-яланг жазавага тушадиган алоҳида бир тоифа, шахс дегани. Йўқ, беихтиёр оғиздан чиқиб кетди, узр — шахс эмас, оммаболу ҳаммабол бир кимса. Бошқалардан ортиқ бир жойи — гоҳида замоннинг қитигини топа билгани, уddyабуронлиги. Шуҳрат бобига келсак, одам фақат эзгу амаллар билан эмас, гоҳо гараз аралашган кори бади орқасида ҳам донг таратиши мумкинки, ундай шоввозларни шахс атаб бўйлас, нима дедингиз?

Шахс — мустақил фикрлайдиган, умум номидан гапирмоққа маънан ҳақли зот. Агар у ана шу йўлда маълум такомилга етсагина миллатнинг шарафига айланади.

Замонавий ошқол-дашқоллар кўмагида уч-тўртта хиргойи билан чиқиб, ҳали йўр ёш-ялангнинг чапагини олган бугунги “юлдуз”ларни шахс деб, миллат шарафига лойиқ санъаткор деб бўладими? Аммо, таажжубки, Абдулла Қаҳҳор ёки Ҳабиб Абдуллаев кимлигини сўрасангиз бармоқ тишлаб қоладиган аксар ёшларимиз гап ановиларга келганда сайраб кетади — номма-ном санаб беради. Аҳвол шу.

“Шуҳрат — чоловордаги кўзга ташланиб турадиган зар ямоқдир”, деган экан бир вақтлар Пушкин. Чоловорида зар ямоғи бор одам шахс аталаверадими?

Гап келди, айтайлик: мамлакат саҳнаси ҳам, жаҳон саҳнаси ҳам миллий шараф никобидаги фирромликлар билан эмас, чинакам ижодий меҳнат, ақл-заковат билан забт этилса, ҳалол, умрбоқий бўлади.

Биргина рекламага шунча ваҳимами дейишингиз мумкин. Дарвоҷе, яқинда кўрдим: ниҳоят, кимдир бирор уни олдириб ташлабди. Барака топсин. Аммо хотирингиз жам бўлгай, бунақа аломат тасвиirlар шаҳарнинг бошқа гўшаларидан ҳам ҳар қанча топилади.

Халқимизнинг соддагина, лекин аччиқ бир гапи бор: “Пул ўлсин-а, пул ўлсин!..”

Жони  
Махмуд



Бош мұхаррір  
Әркін АЪЗАМ

*Таҳририят:*  
Фахриддин НИЗОМ  
(бош мұхаррір ўрінбосари)  
Дамин ЖУМАҚҰЛ  
(масыл котиб)  
Мұхиддин РАХИМ  
(бўлим мудири)  
ШОҲСАНАМ  
(бўлим мудири)  
Ольга ЖОЛДАСОВА  
(бўлим мудири)  
Наргиза УСМОНОВА  
(саҳифаловчи)  
Машраб НУРИНБОЕВ  
(фотомухбир)

*Жамоат кенгаси:*  
Дилором АЛИМОВА  
Абдулла АЪЗАМ  
Хуршид ДАВРОН  
Нуриддин ЗАЙНИЕВ  
Баҳодир ЗОКИР  
Нажмиддин КОМИЛ  
Султонмурод ОЛИМ  
Хайридин СҮЛТОН  
Нурислом ТЎХЛИЕВ  
Абдураҳим ЭРКАЕВ  
Тўлепберген ҚАЙИПБЕРГЕНОВ  
Муртазо ҚАРШИБОЙ  
Фарҳод ҲАМРОЕВ  
Иброҳим ҲАҚҚҰЛ

Муассис — Республика Мањавият ва мањрифат кенгаси.

Ўзбекистон Республикаси Матбуот ва ахборот агентлигига 0219-рақам билан рўйхатта олинган.

Матнларда фойдаланилган мисол, кўчирма ва маъълумотлар санкхига учун муаллифлар жавобгардир.

Журналдан кўчириб босилганда манба кўйд этишиш шарт.

*Шеърий осарлар журналинг ўз ташаббуси билан чоп этилади.*

Манзилинизи: 100047, Тошкент шаҳри, Мовароонмаҳар кўчаси, 6-йй

 233-10-68  
239-46-16  
239-05-19

Журнал ондозаси таҳририятнинг компьютер бўйинида тайёрланди.

“Шарқ” нашриёт-матбоя акциядорлик компанияси босмахонаси. 100029, Тошкент шаҳри, Буюк Турон кўчаси, 41-үй.

2010 йил 11 январь куни босмахонага топширилди. Қоғоз бичими 70x100 1/<sub>16</sub>. 8 босма тобок, 840-буюртма. Нашроади 3000 нусха.

ISSN 2010-6491

## НИМА ДЕЙСИЗ, ЗАМОНДОШ?

Адабиёт руҳни поклайди.  
Профессор Наим КАРИМОВ билан сұхбат.....4

## ЖАМИЯТНИНГ МАҚСАДИ

Абдураҳим ЭРКАЕВ. Миллий жипслик омиллари.....12

## ЯНГИ АСР МУАММОЛАРИ

Улуғбек МУҲАММАДИЕВ. Но“давлат” ташкилотлар.....20

Назар ЭШОНҚҰЛ. Маданият нима?  
Маданиятсизлик-чи?.....28

## ШАРҚУ ФАРБ ФАЛСАФАСИ

Улуғбек САЙДОВ. Мањрифатчилик: тафаккур ва эркинлик уйғуналиги.....36

## АҚЛ МУНОЗАРАСИ

Хуршид ЙЎЛДОШЕВ. Фалсафа фанми?.....44

## ЮРАК ТИЛГА КИРДИ

Матназар АБДУЛҲАҚИМ. Муҳаббатдан бошқа шафқатлар — зулм... .....50

Адиба УМИРОВА. Майсалар оҳидан танидим сени....54

## НАСР ЖАВОХИРЛАРИ

Ясунари КАВАБАТА. Ойнадаги ой.....58

## МИЛЛАТ ВА МАЊНАВИЯТ

Улуғбек ДОЛИМОВ. Эски мактаб.....66

# SAHIFALARIDA

## Саҳифаларида

### ТАҚДИРДАГИ ТАДБИРЛАР

Шариф ЮСУПОВ. Оғача ойим.....74

### БҮЮКЛИК ТИМСОЛЛАРИ

Абдулла ШЕР. Ҳалқни англасанг —  
Ҳақни англайсан.....82

### ТАРИХ САБОҚЛАРИ

Жуманазар БОЗОРБОЕВ. Мўғуллар  
ичидаги қорақалпоклар кимлар эди?....86

### БОҚИЙ САРЧАШМАЛАР

Маъруф ОТАХОНЗОДА. “Хешлигим бор  
қон билан унга...” .....89

### МАЬНО ВА МОҲИЯТ

Шомирза ТУРДИМОВ. Шажара сабоғи.....92

### ЖАВОНДАГИ ЖАВОҲИР

Жаббор ЭШОНҚУЛ. Шарққа юзланиш....104



Улугбек ДОЛИМОВ



Шариф ЮСУПОВ

### ТАЛҚИН ВА ТАДҚИҚОТЛАР

- Фулом ПИРНАЗАРОВ. Миллий foя ва  
ёшлар тарбияси.....112
- Аброр ЮСУПОВ. Трансчегараий  
дарёлар муаммоси.....113
- Акбар МУҲАММАДЖОНОВ. ШХТ фао-  
лиятида Афғонистон масаласи.....114
- Нуридин ҲОШИМОВ. Аждодлар  
мероси ва сиёсий маданият.....115
- Хайридин НИЗОМОВ. Ҳамкорлик  
самаралари.....116
- Мавлуда РАҲМОНОВА. Фалсафада  
ҳам беназир.....118
- Шукур ЖАББОРОВ. Герменевтика —  
талқин назарияси.....119
- Нигора БЎРОНОВА. Оғир саноатнинг  
оғир кечмиши.....120
- Улугбек МАМАТОВ. Бўёқларда жон-  
ланган тарих.....121
- Чинора ЭРГАШЕВА. Ошиқлар кўйи.....122
- Абдиолим ЭРГАШЕВ. Бахшичилик  
завол топадими?.....124
- Зулхумор МИРЗАЕВА. “Парда”  
жозибаси.....125
- Журналнинг инглизча мухтасар  
мазмуни.....127

НИМА ДЕЙСИЗ, ЗАМОНДОШ?

# ADABIYOT RUHNİ POKLAYDI

Профессор  
Наим Каримов билан  
сұхбат

— Жадидлар — миллий тарихимиздаги ноёб ҳодиса, том маңнода феномен. Сабаби — фикр ва фаолият бобида бу қадар дадил кишилар ҳар қачон ҳам етишиб чиқавермаган. Улар тарих учун жуда қысқа бўлган мuddат — йигирма-үттиз йил ичида ижтимоий онг ва ижтимоий ҳаётни кескин ўзгартириб юборди! Ўзбек халқига миллий мустақиллик учун тарихий шароит етилганда ҳам бу ёвкур аждодлар меросига биринчилардан бўлиб эҳтиёж туғилгани бежиз эмас. Домла, айтинг-чи, мустақилликка эришган бугунги авлод жадид боболарнинг армонларини амалга ошира билдими? Улар илгари сурган гоялардан яна қайсилар Ватан ва миллатнинг эртанги ҳаётини қуришга кўмак бера олади?

— Чиндан ҳам, XX аср бошларида жадидларнинг тарих саҳнасига чиқиши, ҳаёт дарёсини бирдан тўлқинлантириб, уни янги ўзанга буриб юбораёзгани — фавқулодда буюк ҳодиса. Агар большевиклар Туркистон Мухториятини чақалоклик палласидаёқ бўғиб ташламаганда, жадидлар замонавий, демократик, парламент бошқарувига асосланган маърифатли давлат моделини яратган бўлармиди?.. Ҳар ҳолда улар ўз дастурларини босқичма-босқич амалга оширишга интилган. Бунинг учун ҳатто 1917 йил воқеаларидан кейин ҳам келажакда ўзбек миллий давлатини идора қила биладиган, фан ва маданият, қишлоқ хўжалиги ва саноат соҳалари бўйича юқори малакали мутахассислар етиштириш мақсадида етмишга яқин йигит-қизни Германияга ўқишига юборган. Уларнинг режасига кўра, 1922-23 йиллардан бошлаб ҳар йили Европа мамлакатларига, шунингдек, Россиянинг Москва ва Петербург шаҳарларига кўплаб ёшлар юборилиши лозим эди. Лекин большевиклар барпо эта бошлаган давлат бундан манфаатдор эмас ва ҳатто “Кўзгол, куллар!” деб наъра тортаётган режага зид эди. Шунинг учун улар давлат тепасига келиши биланоқ жадидларни қириб ташлашни мақсад қилиб олди ва қизил империя тарих уммона нига фарқ бўлгунига қадар ҳатто “жадид” сўзи тилга олинишига ҳам йўл қўймади.

Энди жадидларнинг орзу-армонларига келсак, уларнинг буюк орзуси 1991 йилнинг 1 сентябрида рўёбга чиқди: ўзбек халқи ниҳоят мустақил Ватанда яшаш ва ишлаш имконини кўлга киритди!

Лекин, шунисига аминманки, агар жадидлар ҳозирги до-риломон кунларга етиб келганида ҳам Гётенинг “Фауст”-идаги каби “Сония! Сен гўзалсан, тўхта!” демаган бўларди. Негаки, орзу ва армон — чек-чегараси бўлмаган тушунча. Жадидлар, албатта, орзу-армонлари йўлида ўқтин-ўқтин пайдо бўлиб турадиган ҳаётий муаммоларни ечишдан ташқари жаҳоннинг энг тараққий этган мамлакатларига ҳам назар ташлаган ва шу мамлакатларда яшаётган халқларнинг тараққиёт дараҷаси билан ўз халқининг ҳаётини таққослаб, янги-янги залворли режалар ишлаб чиқкан ва ниятларини рўёбга чиқаришига интилган бўларди.



Бугунги халқимизни бундан йигирма-ўттиз йил илгариги халқ билан қиёслаб бўлмайди. Мамлакатимизнинг ташки қиёфаси ҳам, халқимиз дунёқарashi ҳам, унинг турмуш тарзи ҳам бутунлай ўзгарди. Аммо халқнинг менталитети билан боғлиқ одатларнинг ўзгариши осон эмас. Ҳар қанча фармону қарор чиқарсангиз ҳам, сахар-мардондан кўзини уқалаб тўйхонага кетаётган кишилар сафи озаймайди. Хали уйқуси қочиб улгурмаган одам тонг-саҳарлаб ҳазми оғир таомни танаввул қилиши шартми?

Жадидлар ислоҳ қилмоқчи бўлган масалалардан бири ҳам айни шу — тўй масаласи эди. Улар яшаган замонларда тўй маҳалла миқёсидаги маъррака эди, холос. Одамлар ухламасдан шаҳарнинг бир чеккасидан нариги чеккасига ош егани бормасди. Аҳолининг аксар қисми камбағал ёки ўртаҳол бўлган ва тўй харажатлари шу тоифа кишиларнинг баттар камбағаллашувига сабаб бўларди. Жадидлар тўй — оиласвий байрам, шунинг учун кўпга ош тортаман деб қарзга ботманг, агар орзу-хавас йўлида сарф-харажат қилмоқчи бўлсангиз, шу маблагни фарзандингизни илмли, маърифатли этишига сарфланг, деган даъват билан чиқди.

У вактдаги тўйларни ҳозирги дабдабали тўйлар билан асло солиштириб бўлмайди. Агар жадидлар ҳозир яшаганларида нима деган бўларди? Кўша-кўша дошқозонларда ош дамлаб, юртга тўй бергандан кўра, меҳрга муҳтож оиласларга мадад қўлингни узат, фарзандларинг таълим олаётган мактабга уч-тўртта компьютер совфа қил, маҳаллангдаги ўнқир-чўнқир йўлларни асфальтлаб бер... деган бўлмасмиди?

Кези келганда айтиш жоизки, ҳашаматли ресторон ва тўйхоналарнинг кўпайиши халқнинг бой бўлганини англатмайди. Жадидлар орзу қилган бойлар ҳали етишиб чиққанича йўқ. Фитрат домла “Хинд сайёхи баёноти” асарида XX аср бошлиарида иқтисодий муаммолар борасида сўзлаб, бундай деб ёзган эди: “Яна бошқа масала ҳам борки, буни ҳам арз этсам: тижоратдан мақсад — бойлик ортиришдир (яъни пул топиш). Аммо сарватни (бойликни) қўлга киритишнинг йўли фақатгина тижорат эмас. Бунинг жуда кўп йўллари бор бўлиб, тижорат шулардан биридир. Бошқа йўл: “ихроҳ саноати”, яъни ер ости бойликларини чиқариб олиш ва “аъмол саноати”, яъни ускуналар (фабрика ва заводлар) яратишдир”.

Ўзбекистон — энг аввало, агар мамилакат. Бугунги бойларимиз энг замонавий технологияга асосланган завод ва фабрикалар қуриб, қишлоқ хўжалик маҳсулотларидан тайёрланган рақобатбардош товарларни жаҳон бозорига олиб чиқмагунча мамлакатимиз, айниқса, қишлоқ ахли бойимайди. Фитрат айтмоқчи, халқ ва мамлакат фаровонлиги кўп жиҳатдан ихроҳ ва аъмол саноатининг келажагига боғлиқ.

Жадидлар тўйдан ташқари, гиёҳвандлик, жувонбозлик сингари миллат камолига монелик қилган масалаларга ҳам бежиз эътибор қаратмаган. Аммо уларни ҳаяжонлантирган энг муҳим масала маърифат эди.

XX асрда қандай оламшумул воқеалар содир бўлган бўлса, буларнинг барчаси юксак ақл-заковат ва билимнинг самараси эди. XXI асрда яшаётган ёш ватандошларимиз жаҳонга Мусо Хоразмий, Аҳмад Фарғоний, Абу Наср Форобий, Абу Райхон Беруний, Абу Али ибн Сино, Мирзо Улуғбек, Алишер Навоий сингари машҳур сиймоларни етишириб берган ўзбек халқининг илмий ва ижодий салоҳиятини намойиш эта оладиган етук инсон бўла оладими? Бор-йўғи, иккичун минг нусхада чоп этилаётган китобларни ҳам сотиб олмайдиган, олий ва ўрта маҳсус ўкув юртларидағи маъruzalarни хуши келганда бориб тинглайдиган ёшлар буюк аждодлариға муносиб маърифатли ворис бўла олармикан?..

Агар жадидлар бизнинг кунларга эсон-омон етиб келганида яна енг шимарип ишлаган бўлардилар.

— Домла, ўзингиз ҳам кўп бор тақрорлагансиз, ўтган асрда ўзбек адабиёти 20-, 60-, 80-йиллардаги қисқа муддатли эркин нафас олишларни айтмаса, асосан, эрклизлик сиртмоғида бўғилиб яшади. Қанча-қанча адиблар, тўғрироги, сара, гул адиблар жисман маҳб этиб юборилди. Тирик қолганлар қалбида эса бир умр кўркув ва ҳадик яшади. Бу кўркув ва ҳадик ижодкорнинг асл “Мен”ини итоатда сақлаб турган хоин “Мен” эди. Бадиий ижод табиатини биласиз: чинакам асар фақат илҳом туғали дунё юзини кўради, илҳомни эса фақат озод руҳдан қидирмоқ керак. Хуллас, XX асрда қалам аҳли аксар муте ахволда илҳомсиз асарлар яратган экан, бу давр адабиётини тўлақонли деб ҳисоблаб бўладими? Ҳолбуки, Сиз бу даврни ўзбек адабиётининг олтин асли деб атайсиз. Бунда қандай принципларга асосланасиз?

— Чинакам асар фақат илҳом туғали туғилади, дейиш у қадар тўғри эмас. Ёзувчи ёки шоирнинг адабиёт олдидағи, салафлари олдидағи бурчини чукур ҳис этиши (Алишер Навоийнинг “Хамса”си сингари), ҳаётда нохуш воқеалар рўй бераётган, инсоф ва диёнат каби фазилатлар хира тортиб, миллат жар ёқасига яқинлашган бир пайтда халқни огоҳ қилиш эҳтиёжи пайдо бўлиши (Абдулла Қодирийнинг “Ўтган кунлар”и сингари) ёки турмуш машққатларидан эзилиб, яшаш учун кураш туйғусини йўқотган кишилардан фарқли ўлароқ, бир ўсимликтининг тогу тошларни тешиб кўкка юксалиши ҳам (Ойбекнинг “Наъматак”и сингари) чинакам асарларнинг майдонга келишига сабаб бўлиши мумкин. Биз илҳомнинг ижодий жараёндаги аҳамиятини ҳаддан зиёд ошириб юборамиз. Тўғри, лирик шеърият намуналари яралишида илҳомнинг аҳамияти катта. Лекин илҳом — оний ҳолат, холос. Йирик эпик асарларнинг, айниқса, қисса ва романларнинг майдонга келишида ёзувчи маҳорати, ижодий малака, профессионализм фоят мухимдир.

Ўтган асрнинг 20-йилларидан 90-йилларига қадар давом этган шўролар даврида қандай бедодликлар содир этилган бўлмасин, адабиётимиз худди шу даврда Абдулла Қодирий, Ойбек, Faфур Fuлом сингари буюк ёзувчilarни етишириб берди. Шу даврда адабиётимиз хазинаси роман, қисса, достон, баллада, пьеса сингари янги жанrlар ва уларнинг хилма-хил шакллари билан бойиди. Янги ўзбек адабий тили худди шу даврда шаклланиб, олмос қирраларини намоён этди. Шеърий асарлар 5-10 минг, насрый асарлар 10-50 минглаб нусхада нашр этилиб, ўзбеклар жаҳондаги энг китобхон халқлардан бирига айланди. Бундай адабий даврни “тўлақонли эмас”, дейиш инсофдан бўлмас.

Шайхзоданинг “Искандар Зулқарнайн” деган балладаси бор. Халқ әртагига асосланган бу асарда тасвирланишича, Искандарнинг сочини олаётib бошидағи шохни кўриб қолган сартарош бу даҳшатли сирни яшира берганидан қорни ёрилар даражага келиб қолади. Шундан кейин бояқиш тогу тошларга бориб, “Искандарнинг шохи бор!” дейди-да, юрагини бўшатиб олади. Иттифоқо, мол боқиб юриб, ўша ерга бориб қолган чўпон қамишдан най ясад чалса, ундан фақат ўша садо чиқади: “Искандарнинг шохи бор!..”

Шайхзода балладани шундай равон, болаларбоп қилиб ёзганки, унча-мунча одам унинг сиз айтган эрксизлик даври ҳақидаги асар эканини сезмайди. Эҳтимол, шоирнинг ўзи ҳам асарга катта ижтимоий-сиёсий маъно юклаш ниятида бўлмагандир.

Биз ҳозир шўро ҳокимияти йилларида ҳалқимиз бошдан кечирган даврни, айрим танаффусларни истисно этганда, бошдан-оёқ эрксизлик даври, деб биламиз. Аммо шу даврда рўй берган синфий кураш манзарапари Ҳамид Олимжон, Абдулла Қаҳҳор, Комил Яшин, ҳатто Абдулла Қодирий ижодида ҳам ўзининг ижобий талқинини топган. Уларнинг аксари 20-йилларда Саъдулла Қосимов бошчилигидаги суд ва прокуратура, Боту ва Рамзий бошчилигидаги маориф ҳалқ комиссарлиги ходимларининг, Мунаввар қори бошчилигидаги “миллий иттиходчилар”нинг қамоққа олинишини тўғри ҳисоблаб, “Ўлим ёвга!” деб шеърлар ёзган. “Мен совет ҳокимиятига ишонар ва бу ҳокимият амалга оширган ишларни тўғри, деб ўйлар эдим”, деб эътироф этган эди Абдулла Қаҳҳор.

Адабиёт шундай қудратки, у, Ойбекнинг наъматаги сингари метин тошли ҳам тешиб-ёриб чиқади. Мамлакат ичкарисида, оиласи бағрида яшаб ижод қилган ёзувчиларни кўя турайлик-да, Магадандаги лагерлардан бирида азоб-укубат чекиб ётган Усмон Носир ўша ерда бир неча достон ёзганини кўз олдимизга келтирайлик. (Афсуски, бу асарларни ҳанузгача қидириб тополмаймиз.) Маҳбуслару лагерь назоратчиларидан иборат зулм ва ўлим масканида Усмон Носирга илҳом қаердан ҳам келсин? У Олой бозори яқинидаги қамоқхонада деворларга мана бу сатрларни илҳом келгани туфайли ёзиб ташламаган:

...Қарға қагиллашда этса ҳам давом,  
Булбул навосига эл солур кулоқ,  
Жарлиқда ҳам қайнар, беором қайнар  
Эл назари тушган илҳомгоҳ булоқ,  
  
Ўлмаслик даъвосин қилмоқ номардлик,  
Ном қолдирмоқ учун урин оламда.  
Эзгу ишинг қодир узоқ яшашга,  
Куламас бир ўрин берур оламда.

Умидим бор: булбулинг бўлиб,  
Курмоқликка бошингда ошён.  
Вомиқ, Фарҳод, Мажнундан кўра  
Муҳаббатим ҳадсиз, бепоён.

Бу сатрлар — илҳомий ҳолнинг меваси эмас, балки тухмат тоши остида эзилиб ётган Шоир қалбининг ҳайқириги. Бу сатрлар зарурат тақозоси билан туғилган. Бу сатрлар Инсон руҳининг вулқоний тошқинидир.

Шундай сўзлардан кейин қандай принципларга асосланиб, XX аср адабиётини “олтин аср” дейишим мумкин? Албатта, унинг ҳеч қайси аср адабиётига ўхшамаганига асосланиб. Ҳалқ ва жамият дарди билан яшаганига асосланиб. Тил ва тасвир бобида фоят гўзаллиги ва бойлигига асосланиб. Қафасдаги булбул янглиғ жўшиб сайрагани ва айрим китобхон гурӯхларни эмас, бутун ҳалқни нафис сўз шайдосига айлантирганига асосланиб...

— Домла, Сиз кўп йиллар мобайнида “Шаҳидлар хотираси” жамғармасига раҳбарлик қилдингиз. Ҳозир ҳам бу жамғарма билан алоқангизни узганингиз йўқ. Табиийки, ҳам хизмат, ҳам ижод тақозосига кўра, ўн минглаб кишиларнинг фожиавий тақдиридан огоҳ бўлгансиз. Албатта, бундай дамларда кўнглингиздан аламли ўй, изтиробли туйгулар ўтган бўлса керак. Айтинг-чи, қатағон деган бало аслида нимадан ва қандай бино бўлади? Тўғри, уни ёвуз идора усули дунёга

келтиради, деган одмироқ жавоб бор. Лекин шу идора усулини ҳам одам ўйлаб топади ва ишга солади-ку?! Ёки қатағон “манбаи” деб инсон табиатининг қора томонларини олиш керакми? Қолаверса, жабрдийда ҳалқ бошига тушган қатлиомларнинг Ватан равнақи ва миллат тараққиётига етказган талофатини бирор шаклда ҳисоб-китоб қилиш имкони борми?

— Ажабки, жаҳоннинг манаман деган сиёсатшунослари ҳам қатағоннинг қаердан пайдо бўлганини айтиб беролмаяпти. Қатағон — зулмнинг кутурган шакли. Зулм эса кучлар нисбати тенг бўлмаган жойда пайдо бўлади. Мана, ҳозир Россиядаги демократия деб аталган хўжасизлик ёки бедарвозалик оқибатида инсон қиёфасини йўқотган бир ҳовуч кимсалар юзлаб кишиларни ўғирлаб, кул қилиб ишлатмоқда. Бу ваҳшийлик XXI асрда рўй бермоқда. Ҳарбий “спутниклар” ёрдамида Ер куррасининг аллақайси пучмоғида ётган игнани ҳам кўра оладиган ҳукумат бандилиқдан қочган жабрдийдалар туфайлигина ўз ютида авж олган “қулдорлар давлати”дан хабар топмоқда.

“Бирорвинг дарди”, “ўзганинг фожиаси” деган гаплар бор оламда. Больше-виклар 1917 йил октябридан кейин Романовлар оиласини отиб ташладими ёки бойларнинг мол-мulkини талаб, ўзини Сибирга юбордими — хеч кимнинг иши бўлмаган. “Хой, инсон қиёфасини йўқотган нокаслар! Романовлар тахтини-ку, олишга олдинг, энди таҳт эгасини отиб, нима қиласан? Бойларни талаб, шўрини-ку қуритдинг, энди ўзини Сибирга ҳайдаб, нима топасан? Уларнинг айби нима?” дейдиган мард топилмаган. Ҳали бундай марднинг дунёга келмаганини кўрган большевиклар ундан-да каттароқ жиноятларга кўл ура бошлаган. Кейин ундан ҳам каттарогига... Ана шу тарзда “Оч қорним — тинч қулогум” мақолига амал қилиб яшаган ҳалқ большевиклар учун айни муддао бўлган.

Ўзлари вайрон қилган мамлакатни қайта тикилаш осон кечмади. Уни ҳалокат ёқасидан қайтариш учун улкан қурилишларни бошлаш, бунинг учун эса иш кути зарур эди. Шундай мураккаб бир шароитда ВЧК қамоқхоналари ўғри ва муттаҳамлар билан тўлиб-тошиб кетди. Ҳудди шу вақтда Сталин ва большевиклар баҳтига, Натан Френкель деган туркиялик яхудий пайдо бўлиб, “инқилоб иши” учун миллионлаб пул топиб беришни ваъда қиласди. У шу вақтгача давлат пулига кун кўриб келган қамоқхоналардаги маҳбуслар энди шу давлат учун “пул ҳалтаси” бўлиши мумкинлигини айтади. Шу тарзда арзимаган айб билан ҳам ўн минглаб кишилар қамоққа олиниб, Беломор канали, Москва-Волга канали қурилишларига жўнатилида. Соловец ороллари, Сибирь ўрмонлари, Колиманинг борса-келмас жойларида ташкил этилган ўнлаб лагерлардан пул оқиб кела бошлади.

Бу — масаланинг бир томони. Иккинчи томони шундаки, 30-йилларнинг бошларида ВКП(б) МК Сиёсий бюросида ҳокимиёт учун кураш бошланган. Сталин бу курашда барча рақибларидан ҳалос бўлиш учун уларнинг ўзинигина эмас, иттифоқдош республикалардаги улар билан алоқада бўлган барча кишиларни ҳам уруғ-аймоги билан йўқ қилишга киришган. Ўзини Сталинга содик қилиб кўрсатишни истаган большевиклар ёнаётган гулханга мунтазам мой сепиб турган. Шу тарзда қатағон гулхани йилдан-йилга авж олиб, “1937 йил” деган жаҳннамни пайдо қилган.

Шубҳасиз, Сталин ҳам, Москва ҳам Ўзбекистондаги Акмал Икромов ва Файзулла Хўжаев сингари раҳбарлардан ташқари, фалончи-фалончилар отиб ташлансин ёки қамоққа олинсин, демаган. Бундай вазифани кўни-қўшнисида хусумати бўлган, ўртоғининг хушрўй хотинига кўз олайтириб юрган ёки омади юришган кишиларни кўролмаган юртдошларимиз бажариб, “инқилобий хушёрлик” қилган. Шу маънода, инсон табиатидаги шайтоний сифатлар ҳамма замонларда ёвузликнинг вужудга келишига сабабчи бўлади. Сталин ва сталинизм ана шундан усталик билан фойдаланган.

Мустамлакачилик даврида ўзбек халқичалик кўп озор чеккан халқ йўқ, дейиш мумкин. Негаки, 1917-1920 йилларда большевиклар дастидан қочиб, Амударё орқали Афғонистонга ўтиб кетмоқчи бўлган миллатдошларимизни қизил аскарлар чуғурчукдек отиб ташлаган ва дарё ойлар давомида ўликлар билан тўлиб оқсан; 1918 йилнинг феврали — Туркистон Мухторият ҳукуматининг тор-мор этилиш кунлари Кўқон ва Кўқон атрофидаги қишлоқларда, “Наша газета”нинг ёзишича, 10 мингдан зиёд одам қириб юборилган; “босмачилик” харакати, жамоалаштириш, “кулоқлаштириш”, пахта мустақиллиги учун кураш йилларидағи фожиали воқеаларни-ку айтиб адо қилиш қийин. Булар қатағон машинаси ишга тушган вақтгача бўлган “шунчаки ҳодиса”лар, холос.

Қатағон даҳшатлари халқимизни кўрқоқ, муте ва ҳатто бир оз ҳуркак қилиб қўйди.

— Кўп бўлгани йўқ, “XX аср адабиёти манзаралари” деб номланган тадқиқотнинг салмоқдор биринчи китоби босилиб чиқди. Айни вақтда иккинчи китобни ҳам нашрга тайёрлаш борасида ишлайтган бўлсангиз керак. Одатда, биз бундай китоблар жамоавий ижод маҳсули сифатида дунёга келади, деб ўйлашга ўрганиб қолганмиз. Сизнинг тажрибангиз, гарчи ягона бўлмаса-да, ҳарқалай, кўп учрайдиган ҳодиса ҳам эмас. Албатта, бундай йирик тадқиқот фазилатлар билан бирга кусурлар ҳам бўлиши табиий. Улар ҳусусида соҳа мутахассислари ҳали батафсил фикр юритар. Ҳозирча бизни ушбу тадқиқот қандай юзага келгани, унинг асосига қандай концепция кўйилгани қизиқтиради...

— Алишер Навоий номидаги Тил ва адабиёт институти “Ўзбек адабиёти тарихи” деган монументал тадқиқот устида иш бошлаган. Унда ўзбек халқ оғзаки ижоди ва ёзма адабиётининг энг қадимги даврларидан ҳозирга қадар босиб ўтган йўли, шу йўлда орттирган тажриба сабоқлари, йирик ёзувчилар ижоди таҳлил қилиб берилади. Бу шундай катта адабий-маданий даврки, бир киши ёки бир хил йўналишдаги адабиётшунослар гуруҳи бажарадиган иш эмас. XX аср адабиёти — ана шу бой тарихга эга ўзбек сўз санъатининг энг муҳим даврларидан бири. Сиз айтгандек, бу давр тарихини бир киши ёзиши қийин. Шунинг учун ҳам китоб “XX аср адабиёти манзаралари” деб аталади. (Сарлавҳа узун бўлмаслиги учун “ўзбек” сўзи тушириб қолдирилган.)

“Манзаралар”нинг нашр этилган биринчи китоби жадид адабиётининг юзага келишидан 30-йилларнинг ўрталарига қадар бўлган давр ва шу даврда яшаган ёзувчилар ижодига бағишлиланган. Бу давр адабиёти турли-туман ижтимоий силсилалар жараёнида кечган. Адабиёт оламига кириб келган ёзувчилар, бир томондан, янги ўзбек адабиётини яратиш ишига бел боғлаган ва улкан ишни амалга оширган бўлса, иккинчи томондан, бамисоли тўқиз балли денгиз пўртанаси оша сузуб борган кема янглиф, даврнинг даҳшатли ижтимоий-сиёсий силсилаларини бошдан кечирган ва пирвардида, қай бир тарзда эса-да, шўро даври фожиаларининг курбони бўлган.

Тақдир менга шу даврда сиёсий қатағоннинг аччиқ тузини тотган ижодкор юртдошларимиз ҳаёти ва фожиали тақдирини озми-кўпми ўрганиш имконини берди. Шу туфайли жабрдийда ёзувчиларнинг истиқололгача темир сандиқларда сақланиб келган “иш”ларини ўргандим. Бу “иш”лар орқали ўша зиёлилар ва улар яшаган давр ҳақидаги ҳақиқат зарралари билан танишдим. Бу “зарралар” 30 — 50-йиллар жабрини чеккан ёзувчилар ҳаётининг айрим номаълум саҳифаларини ёритиб юборди. Мен “Манзаралар”да XX асрда яшаган ўзбек ёзувчилари ижоди ва улар орқали ўша даврдаги адабий жараённинг соф илмий тадқиқи ва таҳлилини беришни эмас, балки унинг ижтимоий-сиёсий ва маданий тавсифномасига ҳамда ёзувчилар ҳаёти ва ижодига оид мумкин қадар янги маълумотларни беришга уриндим. Ўйлайманки, улар яратилажак “Тарих” учун материал бўлиб хизмат қиласиди. Айтмоқчиманки, “Манзаралар”ни ёзишдан бирдан-бир мақсадим “Тарих” учун материал тайёрлаш эди.

Шу вақтгача яратилиб келаётган “тарих”ларда ҳам, муайян ёзувчи ижодига бағишиланган монографияларда ҳам кўпинча тарихий шароитнинг, ижтимоий сил-силаларнинг адабий жараёнга таъсирини четлаб ўтганимиздек, ёзувчиларнинг шахсий ҳаётига ҳам эътиборсизлик билан қараймиз. Ҳолбуки, ёзувчи ҳаёти қайси тарихий шароитда, қайси ижодий ва маиший муҳитда кечса, ўша шароит ва муҳит унинг ижодига албатта ўз муҳрини босади.

Агар бу сўзларимни концепциянинг жайдари ифодаси сифатида қабул қилсангиз, мамнун бўлардим.

— *Хабарингиз бор, давлатимиз раҳбари Ислом Каримовнинг Ўзбекистон Ёзувчилар уюшмаси фаолияти самарадорлигини ошириш юзасидан фикр-мулоҳазалари матбуотда эълон қилинди. Ушбу фикр-мулоҳазалар ҳозир нафақат шоир ва ёзувчилар, балки бутун жамоатчилик орасида қизгин муҳокама этилмоқда. Миллий адабиёт равнақига бефарқ бўлмаган бир инсон ва олим сифатида, айтингчи, Президент фикр-мулоҳазалари Сизда қандай ўй ва кечинмалар уйғотди? Сўз санъатимизнинг ҳозирги аҳволи ҳақида шахсий фикрингиз қандай? Унинг эртаниги куни, Сизнингча, қандай бўлиши керак? Адабиёт маънавият негизи сифатида ги бурчини қай тарзда адо этиши лозим деб ҳисоблайсиз?*

— СССР парчаланиб, унинг харобалари ўрнида мустақил давлатлар пайдо бўлгач, жамият ҳаётининг ҳамма соҳаларини бозор иқтисоди қонунлари идора эта бошлади. Моддий ва маънавий қадриятларга муносабат кескин ўзгарди. Куни кеча яхши маош олиб, башанг кийиниб юрган элнинг олд кишилари — ўқитувчилар, ёзувчилар, олимлар, кутилмаганда, ўз мавқенини бой бериб кўйди. Кўча-кўйларда олдига хонтахта қўйиб, сигаретми, сақичми сота бошлаганлар эса бир-икки кунда уларнинг бир ойлик маошини топадиган бўлди. Ипподромда дўкон очганларни-ку асти кўяберинг. Ўқитувчининг, ёзувчининг, олимнинг дарвозаҳонасида бўлмаган машина уларнинг уйида пайдо бўлди. Шу тарзда илм-фанга, адабиётга, санъатга бўлган эътибор сусайиб, соҳа мутахассисларининг кечаги обрў-эътибори совун кўпигидек фойиб бўлди-колди. Натижада, ёзувчиларнинг бир қисми рўзгор тебратиш илинжида ўзга соҳаларни ихтиёр қила бошлади. Бошқа қисми эса ёзган китобини нашр эттириш учун ҳомий излашга тушди. Бундай шароитда бели бақувват одамлар мардикор ёллаб, асар ёздирадиган ва чоп эттирадиган ҳам бўлди.

Агар адабиёт карвони шу тарзда одим отаверса, унинг “олтин аср”ида эришган ютукларидан из ҳам қолмаслиги мумкин эди.

Шундай мураккаб шароитда Президентимиз “Адабиётга эътибор — маънавиятга эътибор, келажакка эътибор” деган шиор билан чиқди. Биз, адабиётшунослар ва адиллар Президентимизнинг Ўзбекистон Ёзувчилар уюшмаси фаолиятининг самарадорлигини ошириш бўйича муҳим амалий таклифларини эшитиб, сўнгра шу таклифлар асосида эълон қилинган макола ва рисолани ўқиб, ҳайратга тушдик. Бу сұхбат ва рисолада билдирилган фикрлар шунчаки кўнгил кўтариш истагида айтилган гаплар эмас. Бу гаплар замирауда катта ишларни амалга ошириш, адабиётимиз томирларига янги қон юбориш мақсади ётади.

Бир замонлар адабий ҳаётнинг гавжум маркази бўлган Ёзувчилар уюшмаси сўнгги йилларда ижод ахли ўртасидаги обрў-эътиборини йўқота бошлаганди. Уюшма қошидаги Адабиёт жамғармаси ҳам, поликлиника ҳам, Ижод боғи ҳам ачинарли бир аҳволга тушиб қолганди. Президентимизнинг шу сұхбатидан — адабиётимиз муаммоларига катта эътибор бериб, оталарча фамхўрлик кўрсата бошлаганидан кейин харобага айланган Ижод боғини ҳам, поликлиникани ҳам қайта қуриш ва жиҳозлаш учун, билишимча, катта маблағ ажратилди. Жаҳон молиявий инқизози шароитида шунча маблағ ажратилиши ҳазилакам гап эмас.

Ўзбек адабиёти, унинг ҳозирги таникли намояндлари ва эртанги вакилларига эътибор берилса, ёзувчининг халқ ўртасидаги обрў-эътибори тикланса, ошса, бу халқимиз маънавиятининг юксалишига қўшилажак муҳим ҳисса бўлади.

Абдулла Қаҳҳор, XXI аср адабиёти буюк адабиёт бўлади, деган эди. Адабиёт шу даражага эришиши учун, аввало, ёш ижодкорларни тарбиялаш лозим. Миллий университетнинг филология факультети қошида ташкил этилган Олий адабиёт курсининг ўзигина бу вазифани уddyalай олмайди. Менимча, ҳозирги Санъат институти базасида Адабиёт ва санъат институтини ташкил этиш мақсадга мувофиқ. Бу институтда адабиёт назарияси, тарихи ва ҳозирги адабий жараён бўйича маърузалар ўқиш билан бирга, йирик ёзувчилар раҳбарлик қиласидан устахоналарни ташкил этиб, талabalарни бевосита ижод табиати, маҳорат сирлари билан ошно қилиш имконияти ҳам туғилади. Масалан, талabalар “Шароф Бошбеков устахонаси”дан драматургия жанрининг қонун-қоидаларини мукаммал ўрганиб чиқади.

Ёзувчилар уюшмаси бир замонлар адабий жараёнга фаол аралashiб, қизғин баҳс ва мунозаралар, ижодий кечалар ўtkazib турарди. Эътиборга молик асарлар университет ва институтларда муҳокама қилинар, янги асарга бўлган эътибор халқда, айниқса, ёшларда катта қизиқиш уйғотар эди. Халқ “Навоий” романни ёки “Вақт” шеърининг эълон қилинишини чинакам байрамдек кутиб олган. Агар адабиётга эътибор аввалиги мақомига эришса, бугун чиқаётган “зўраки ёзувчи”-лар сафи ўз-ўзидан сийраклашиб, бора-бора йўқолиб кетишига шубҳа йўқ.

Адабиёт, адабий асар — инсон руҳини покловчи, унинг маънавий оламини ҳаётбахш нурлар билан муనаввар қилувчи, унга турмушнинг синов ва машаққатларини енгib ўтиш кучини бағищловчи, унинг эрк ва иродаси пўлат янглиф тобланишига ёрдам берувчи омилдир. Ҳозирги ўзбек адабиётининг ана шундай кучга эга бўлиши учун шарт-шароит йўқ эмас.

— Сиз Чўлпон, Ойбек, Усмон Носир, Ҳамид Олимжон, Мақсуд Шайхзода тўғрисида монографик тадқиқотлар эълон қилгансиз. Изланишлар давомида уларни нафақат ижодкор, балки шахс сифатида ҳам билишга, англашга интилгансиз. Табиийки, улардан ҳар бирининг миллат зиёлиси сифатидаги қиёфасини аниқ кўз олдингизга келтира оласиз. Бугунги зиёлиларимизни улар билан қиёслаб кўришга ҳеч ҳаракат қилганимисиз ва бу борада қандай хулосаларга келгансиз?

— Ойбек ва Faфур Fулом авлоди Чўлпон ва Фитрат авлодидан фарқ қилганидек, ҳозирги авлод нафақат Аскад Мухтор ва Шуҳрат, балки Эркин Воҳидов ва Абдулла Орипов авлодидан ҳам фарқ қиласиди. Ҳеч бир замонда бир авлод аввалиги авлодга хос барча фазилатларнинг вориси бўлмаган. Ҳар бир тарихий давр ўз авлодуни яратади. Лекин бу ҳар бир авлод орасидан Чўлпон ёки Ҳамид Олимжонга ўшаган ёзувчилар чиқмайди, дегани эмас. Ҳар бир авлод ўзини яратган давр “сүт”ини эмиб, улгайиб боради.

Мен адабиётимизнинг ҳозирги ва эртанги авлоди вакилларига, ёзувчи, бошка соҳа кишиларидан фарқли ўлароқ, халқ дарди ва интилишлари билан яшовчи киши, шунинг учун ҳам сиз китобхонларнинг — адабиёт мухлисларининг руҳан бой ва гўзал, олижаноб, имон-эътиқодли, фидойи, ҳалол, камтар, халқ ва жамият олдидаги бурчани чуқур ҳис этувчи шахслар бўлишига ҳисса қўша олувчи ижодкор бўлиб улгайишингизни истайман, деган бўлардим.

Ўйлайманки, бу фазилатлар, биринчи навбатда, ёзувчининг ўзида ҳам бўлиши лозим.

**Муҳиддин РАҲИМ  
суҳбатлашди.**

## ЖАМИЯТНИНГ МАҚСАДИ

Абдураҳим ЭРКАЕВ



# MILLIY JIPSLIK OMILLARI

Миллий жипслик ҳар қандай миллатнинг тарихий бирлик сифатида ўз манфатларини англаш, муҳофаза қила олиш ва шу асосда тараққий топиш салоҳиятидир. Мабодо, миллатда жипслик етишмаса, маҳаллийчилик, гурӯҳбозлиқ домида қолиб кетса, қолоқлиқдан чиқа олмайди. Айрмачилик кайфияти устунлик қиласидаган миллат эса охир-оқибатда бўлиниб кетади, мустақиллиги ёки худудий яхлитлигини кўлдан бой беради.

Миллий жипслик тушунчаси жамият моддий ва маънавий ҳаётининг барча йўналиш ва соҳаларини қамраб олади. Бу иқтисодий, ижтимоий, сиёсий, маданий ҳаётга, таълим-тарбия, ахборот, мағкура тизимиға, ҳалқ иродаси, шахсларо, табақаларо, кўпмиллатли мамлакатларда, шунингдек, этник гурӯҳлараро муносабатларга бирдай тааллуқли. Миллий жипслик, энг аввало, ҳалқ онгига — психологияси, тафаккури, миллий идентитик (айният) түйғусида намоён бўлади. Лекин унга жамият ҳаётининг иқтисодиёт, сиёсат, ҳуқук, мағкура ва маданият сингари барча йўналишлари, тузиљма ва шакллари таъсир кўрсатади.

Иқтисодий ҳаёт бирлиги миллий жипсликнинг моддий асосларини ташкил қиласади. Бунга қазилма бойликлардан бутун

халқ, барча ҳудудлар манфаатини кўзлаб фойдаланиш, ягона ҳалқ ҳўжалиги, энергетика, транспорт, коммуникация тизими нинг вужудга келиши, мамлакатда умумий ички бозорнинг шаклланиши, давлатнинг оқилона тизимли иқтисодий (бюджет, солиқ, молия-кредит) ва институционал сиёсат юритиши, умумий ички бозорнинг ҳудудий, маҳаллий ҳамда ташқи ҳалқаро бозорлар билан алоқалари мустаҳкамланishi, ҳўжалик субъектлари ўртасида ўзаро боғлиқликнинг кучайиши киради.

Мамлакатнинг иқтисодий ҳаёти қанчалик муштарак бўлиб, ягона тизимга айланаса, айни пайтда иқтисодиёт субъектларига ҳўжалик юритишида ҳуқуқий кафолатлар берилса, эркинлик яратилса, корхоналар, мамлакат ҳудудлари ўртасида ҳамкорлик учун, бинобарин, миллий жипслик учун шунчалик объектив зарурат ва шарт-шароит вужудга келади. Мулкчилик шакллари, тадбиркорлик фаолияти турлари кўпайған сайнин улар ўртасидаги иқтисодий алоқалар ҳам ранг-баранглик касб эта боради. Ҳўжалик юритувчи корхоналарнинг, ҳудудларнинг билвосита ва бевосита бир-бирига боғлиқлиги ортади. Иқтисодиёти қолоқ, ишлаб чиқариш ва тадбиркорлик турлари яхши ривожланмаган мамлакатларда ҳудудлараро иқтисодий

интеграция заиф, автаркия (ўзини ўзи зарур маҳсулотлар билан таъминлаш) тенденцияси эса кучли бўлади. Бундай ахвол миллий жипсликнинг моддий-иктисодий асосларини мўртлаштиради.

Ўрта Осиёда ягона халқ хўжалиги вуждга келмагани, ҳудудлар иктисодий жиҳатдан деярли ўзаро боғланмагани (карвонлар орқали амалга ошириладиган чекланган савдо-сотиқдан ташқари) ўлканинг учта мустақил хонликка бўлиниб кетиши олдига ҳеч қандай тўсиқ кўёлмади.

Иктисодий ҳаётдаги жўшқинлик ва ранг-баранглик ҳудудлар интеграциясига, миллий жипслик мустаҳкамланишига хизмат қиласди. Аммо иктисодиёт ўз-ўзича миллий жипсликни юзага чиқара олмайди. Биринчидан, иктисодиёт ягона тизимга айланиши учун аҳоли сиёсий жиҳатдан бирлашган, давлат ҳокимияти барқарор ва самарали бўлиши лозим. Давлат сиёсати иктисодиёт ривожланишининг объектив талабларига жавоб бермаса, қонунчилик базаси ва ҳуқуқий кафолатлар заиф бўлса ёки тўлиқ таъминланмаса, мамлакат иктисодиёти ва ижтимоий ҳаётида салбий ҳолатлар: турғунлик, бошибошдоқлик ва инқироз аломатлари кучайди, аҳоли норозилиги ўсади. Бунинг оқибатида сиёсий барқарорлик издан чиқиши мумкин. Иккинчидан, сиёсий жипслик суст бўлган халқда маҳаллийчилик, ҳудудлар манфаатини кўзга илмаслик, улар ўртасида ўзаро фойдалари алоқаларни ривожлантиришга етарли эътибор қаратмаслик каби салбий тамойиллар вуждуга келади. Бундай ҳолда давлат ҳокимияти маъмурий усувларга зўр бера бошлайди.

Давлат ҳокимияти қонуларга қатъий риоя қилинишини таъминлаёлмаса, маҳаллийчилик, гуруҳбозлик иллатларига, ижтимоий адолат бузилишига қарши самарали чоралар кўра олмаса, аҳоли норозилиги янада ортади, ҳатто айирмачилик ҳаракати пайдо бўлиши ҳам ҳеч гап эмас. Бундан, одатда, бузгунчи, ёвуз ниyatli ички ва ташқи кучлар фойдаланишга ҳаракат қиласди. Шу сабабдан сиёсий барқарорлик ва қонун устуворлигининг таъминланиши мамлакат иктисодиёти

бир маромда ривожланиши ва миллий жипслик мустаҳкамланишида жуда муҳим аҳамиятга эга.

Миллий жипсликка психологик омиллар таъсирни ҳақида сўз юритганда, аввало, миллий айният туйғусини эътироф этиш лозим. Миллий айният, бу — кишининг ўзини муайян миллат, тил, маданият вакили, унинг маънавий, мафкуравий муносабатлари иштирокчиси деб англашидир. Бошқача айтганда, миллий айният — инсон ўзини тор этник маънода миллат вакили деб эмас, балки кенг маънода халқнинг ажралмас бир бўллаги деб ҳисоблашидир. Халқ ҳаётига, урф-одатлари ва маданиятига, орзу-умидларига, фам-ташвишларига бефарқ, фақат шахсий манфаатларига ўралашиб қолган одамда миллий идентлик туйғуси деярли бўлмайди. Миллий айният, биринчи навбатда, онгда, туйғуларда акс этса-да, у инсоннинг амалий ҳатти-ҳаракатлари, ижтимоий фаолияти орқали юзага чиқади. Яъни шахснинг миллий идентлиги, бир томондан, уни халқ билан боғловчи барча муносабат ва алоқаларни (иктисодий, ижтимоий, лисоний, маданий, диний, мафкуравий ва ҳоказо) англашида, иккинчи томондан, уларни мустаҳкамлашга, такомиллаштиришга йўналтирилган саъй-ҳаракатларида намоён бўлади. Бу жараёнда шахснинг ўзлигини англаши, майший-маданий турмуш тарзи, маънавий-маданий ва эътиқодий интилишлари муҳим аҳамият касб этади.

Миллий идентлик туйғуси жамият жипслигига ижтимоий онг даражасида бевосита таъсир кўрсатади. Агар бу туйғу заиф бўлса, унда маҳаллийчилик, урф-аймоқчилик, гуруҳбозлик каби миллий жипсликка хавф солувчи иллатлар сақланиб қолаверади, ва аксинча, бу туйғу кучайса, мазкур иллатларни енгиш осонлашади. Турли ижтимоий гурух ва табака вакилла-



ри ҳамда шахснинг индивидуал онгида ўз ақл-заковати, хоҳиш-иродасининг миллий идентлик туйғуси қай даражада қарор топгани ва унинг миллий манфаатларга хизмат қилишга қай даражада йўналтирилгани миллий жипслик учун жуда муҳимdir. Миллий идентлик тушунчасини тор мазмундаги этник мансублик тушунчасидан фарқлаш лозим. Чунки кенг маънодаги “миллий” тушунчаси муайян мамлакат ва маданиятга мансубликни билдиради. Масалан, “миллий байроқ” иборасида “миллий” тушунчаси “давлат” мазмунини ҳам ифодалайди. “Миллий foя” деганда этник foя эмас, балки мамлакатда яшайдиган барча табақа ва элат вакилларини бирлаштирувчи foя тушунилади.

Этник идентлик миллий идентлик билан мос келиши ҳам, келмаслиги ҳам мумкин. Маҳаллийчилик, урuf-аймоқчилик, гурӯхбозлик туйғулари устунлик қиласидан кишида, у қанчалик ўзини ватанпарвар қилиб кўрсатишига уринмасин, миллий идентлик туйғуси яхши ривожланмаган ёки носоғлом бўлади. У бошқа худудда яшайдиган, шеваси сал бошқачароқ миллатдошига бир оз беписанд назар билан қарайди. Аксинча, этник келиб чиқиши давлатга ном берган миллатдан фарқ қиласидан фуқарода миллий идентлик туйғуси соғлом, яхши ривожланган, ўзи эса ҳақиқий ватанпарвар, ҳалқининг фидойиси бўлиши мумкин (“Халқ” деганда, миллати, тили, динидан қатъи назар, бир мамлакатда яшовчи барча фуқаролар назарда тутилади. Ўзбекистон Конституциясининг “Ўзбекистон ҳалқини, миллатидан қатъи назар, Ўзбекистон фуқаролари ташкил этади” деган 8-моддасини эсланг).

Миллий идентлик туйғуси оила, мактаб, таълим-тарбия, маданият, маънавий-мағкуравий мухит, урф-одатлар таъсирида шаклланади. Ўзга тилда таълим олган, бошқа субмаданий мухитда тарбия топган айрим кишилар онгида миллий нигилизм унсурлари, она тили, миллий урф-одат ва маданиятга беэтиборлик, ҳатто уларга нисбатан жиндек беписанд муносабат учраб туради. Табиийки, уларда миллий идентлик туйғуси сустроқ бўлади. Мабодо миллий идентлик туйғуси авлоддан ав-

лодга сусайиб, кучсизланиб бораверса, оқибатда муайян этнос миллий хусусиятлардан айрилиб, бошқа миллатга қоришиб, сингиб кетиши мумкин.

Миллий идентлик туйғуси учун миллий қадриятлар ва манфаатларни нафақат ақлан, балки қалбан тўғри қабул қила олиш ҳам муҳимdir. Ижобий ҳис-туйғулар мавжуд камчиликларга “бурунни жийирмай” танқидий ёндашишга, бошқа ҳудуд вакилларига бегонасирамай, ҳасад ёки нафрот билан қарамай муносабатда бўлишга ундаиди. Миллий ривожланишга, ижтимоий алоқаларни такомиллаштиришга нисбатан ижобий хиссий муносабат жамият аъзоларида толерантлик (бағрикенглик), хайриҳоҳлик ва масъуллик туйғуларини юксалтиради, ижтимоий-маънавий мухит яхшиланишига ёрдам беради. Бундай шароитда маънавий-маърифий, маданий тадбирлар самарадорлиги ҳам ошади. Толерантлик ўзгача қарашлар, фикрлар, foялар, эътиқодларга нисбатан тоқатли бўлишдир. Албатта, ёт, бузғунчи foялар, файриинсоний (фашистик, экстремистик, террористик) мафкуралар бундан мустасно.

Бағрикенглик, биринчи навбатда, миллатнинг турли ижтимоий табақалари, гурӯхлари, сиёсий партиялари ўртасида қарор топиши лозим. Гарчи улар бирбирининг фикрини қабул этмаса-да, хурмат қилиши, тушунишга интилиши лозим. Бу турли авлодлар (оталар ва болалар) муносабатига ҳам, дунёвий ва диний эътиқод вакиллари муносабатига ҳам, бир мамлакатда яшайдиган турли этник гурӯхлар муносабатига ҳам бирдек тааллукли. Толерантлик етишмайдиган миллатнинг жипслиги ҳам мўрт бўлади.

Миллий жипслик толерантликдан ташқари масъулликни ҳам тақозо этади. Фуқаролар ва ижтимоий гурӯхларнинг масъулият туйғуси миллат ва мамлакат тинчтотувлика барқарор юксалишига хизмат қиласиди.

Ўзбекистонда туб ислоҳотлар боис мулкчилик шакллари, бозор иқтисодиёти ривожланиши жараённида жамиятнинг ижтимоий-синфий таркиби бойимоқда, мулқдорлар, биринчи галда ўрта мулқдор-

лар синфи шаклланмоқда. Турли синфлар, ижтимоий гурух ва табақалар манфаатлари ўртасида фарқ юзага келиши табиий ҳол. Улар ўз манфаатларини тўлиқроқ ифодалаш, ҳимоя қилиш ва кўзланган режаларини амалга ошириш мақсадида ўз сиёсий ва жамоат ташкилотларини тузмоқда. Натижада сиёсий партиялар, тармоқ касаба уюшмалари, маънавий-мағкуравий, ижодий ва бошқа йўналишдаги жамоат ташкилотларининг ижтимоий ҳаётга таъсири ортиб бораётир. Уларнинг жамиятдаги ўрни, ўзаро ҳамда давлат ва жамият институтлари билан муносабатлари қонунлар билан тартибга солинади. Сиёсий партиялар сайлов орқали ҳокимиятга интилиш жараёнида бир-бири билан рақобат қиласи, айримлари ўзаро келишиб, иттифок (коалиция) тузади, ҳокимиятни бошқараётган партияга ёки коалицияга муҳолифлик қиласи. Муҳолифликни конструктив (бунёдкор) ва деструктив (бузгунчи) муҳолифликка бўлиш мумкин. Демократия шароитида муҳолифлик миллий жипсликни сусайтираслиги, аксинча, кучайтириши лозим.

Жамият демократлашуви, турли сиёсий партиялар фаолият юритаётган, қарашлар ва мағкуралар хилма-хиллиги, ўзаро рақобати, кураши қарор топган шароитда муҳолиф партияларни умуммиллий стратегик мақсад ва манфаатлар бирлаштириши мумкин. Сиёсий партиялар ва кучларнинг ўзаро рақобати, расмий ҳокимиятга муҳолифлиги бунёдкорлик, конструктив мазмун касб этишида миллатнинг, жамиятнинг олий стратегик мақсадларини ифодаловчи миллий фоя асосий мезон ва мўлжал вазифасини ўтайди.

Умуммиллий манфаатлар ва мақсадларни етарлича ҳисобга олмаган, ёки унутган партия, ёхуд муҳолифат деструктив, яъни ижобий натижа бермайдиган муросасиз йўлдан кетиши мумкин. Бу эса миллий жипсликни бўшаштиради. Чунки муайян сиёсий партия ёки муҳолифат ортида маълум ижтимоий табақалар, гурӯхлар туради. Кенг омма ҳар бир мураккаб масаланинг моҳиятини, зиддиятли нозик жиҳатларини доим ҳам теран англайвер-

майди. Одамлар кўпроқ ўзлари қўллаб-кувватлайдиган партияга ишонади. Шу сабабдан сиёсий партиялар мағкурасининг миллий фояга зид келмаслиги давлат, жамият жипслигига путур етмаслигига катта аҳамият касб этади. Тор партияйиий мақсадлардан эмас, умуммиллий манфаатлардан келиб чиқадиган муҳолифат ҳаракати ижобий самара беради. Чунки конструктив муҳолифат ҳокимият идоралари ва бошқарувчи партия ёки коалиция фаолияти устидан назорат ўрнатади, йўл қўйилётган камчиликларни қонунда белгилangan тартибда танқид қилиб, баҳс юритиб, уларни тузатишга ундаиди, муқобил усул ва чораларни таклиф қиласи. Бу эса жамиятдаги турли ижтимоий табақалар, гурӯхлар манфаатларини етарли даражада ҳисобга олишга, кўпчилик манфаатлари билан озчилик манфаатларини уйғунаштиришга имконият яратади. Шундай қилиб, конструктив муҳолифат миллий жипсликни янада мустаҳкамлашга ҳисса қўшади.

Кўппартияйиilik сиёсий қарашлар ва мағкуралар плюрализмини вужудга келтиради. Жамият ҳаётининг плюралистик қарашларга асосланиши демократиянинг фундаментал (негизий) принципларидандир. Шу сабабдан Ўзбекистон Конституциясининг 12-моддасида мазкур принцип ҳуқуқий меъёр сифатида мустаҳкамлаб, кафолатлаб кўйилган. Шунга асосан, мамлакатда кўппартияйиilik вужудга келди ва сайловлар ҳақиқий демократик мазмун ва шакл касб этди. Сиёсий партияларнинг мамлакат ва жамият ҳаётига ҳамда ҳалқ оммасига таъсири йилдан-йилга кучайиб бормоқда. Электорат орасида у ёки бу партияга хайриҳохлик бўйича табақаланиш тобора кўзга ташланмоқда. Буни, айниқса, Олий Мажлис ва ҳалқ депутатлари маҳаллий кенгашларига бўлиб ўтган охирги сайлов яққол кўрсатди.

Демократия миллий жипсликка путур етказмаслиги учун партиялар стратегик миллий мақсад ва манфаатларга хилоф ҳаракат қиласлиги, ўз фаолиятини миллий фоя мезонлари билан ўлчаб, мослаштириб туриши, шунингдек, ҳалқ ҳам миллий фояни теран англаши, юксак сиёсий маданиятга эга бўлиши лозим. Сиёсий ма-

даният демократиянинг асосий шарт-шароити ва ҳаракатлантирувчи, ривожлантирувчи кучи бўлиб, фоят кенг ва ҳар хил сатҳда (индивидуал ва ижтимоий онг сатҳларида) намоён бўладиган тушунчадир.

Сиёсий маданият одамлардан дунёкараши кенг ва илфор бўлишини, давлат ва жамият олдиғаги бурчини, ҳақ-хукуқларини тўғри англаб, ўз манфаатларини умуммиллий манфаатлар билан уйғунликда кўра олишини, эркин, мустақил фикр юритишини ҳамда масъулликни ҳис эта-диган фуқаровий етукликни талаб қилади. Лекин сиёсий маданият онг, тафаккур ҳодисасигина бўлмай, амалий фаолият ҳамдир. Сиёсий маданият фуқароларнинг хукуқий ва сиёсий қарашлари, толерантлиги, қонунга итоатгўйлиги, давлат идоралари, партиялар, жамоат ташкилотлари фаолиятини ўзича баҳолаши билан бир қаторда давлат ва жамоат ташкилотлари тадбирларида, жамиятда содир бўлаётган янгиланиш жараёнларида фаол иштирок этишида ёки уларга муносабатини фаол билдириб, давлат идоралари, партиялар жамоат ташкилотлари фаолиятига ижобий таъсир кўрсатишида ҳам намоён бўлади.

Шунинг баробарида сиёсий маданият — жамоат ташкилотлари, партиялар, оммавий ахборот воситалари, давлат идоралари, яъни сиёсий фаолият субъектлари ҳаракатига даҳлдор ҳодиса. У қонун чиқарувчининг (парламентнинг), қонун лойиҳаларини таклиф этувчи ташаббускорларнинг (парламент кўмиталари, хукумат, депутатлар фракцияси ёки алоҳида депутатлар, жамоат ташкилотлари, фуқаролар), ижроия органларининг (хукумат, маҳаллий ҳокимият, давлат идоралари), жамоат ташкилотлари фаолиятининг профессионаллик савиясини ҳам ўз ичига олади. Сиёсий маданияти паст, аҳоли фаол бўлмаган жамиятда ҳатто конституция, сайлов қонунлари мазмунан етуқ ва тўлиқ бўлсада, демократия у қадар ривожланмайди, формал кўринишда қолаверади. Бундай демократия давлат ва фуқаролик институтлари фаолиятига, аҳоли турмуш даражасига, ижтимоий муносабатларга кучли таъсир кўрсатмайди.

Сиёсий фаолият субъектларининг профессионаллик савиаси тушунчасига шунчаки юзаки ёндашиб бўлмайди. Ушбу тушунчанинг мазмуни, амалий натижалари эзгуликка, инсонпарварликка, ватанпарварликка, тараққиёт талабларига қанчалик мос келишига, ижтимоий масъулиятни ҳис қилишига қараб баҳоланмоғи лозим. Чунки бъязи бир партиялар, ташкилотлар, оммавий ахборот воситаларининг амалий хатти-ҳаракатлари мутаассибликка, айрмачилик ёки маҳдудликка мойил, эзгулик, инсонпарварликка, бағрикенгликка (толерантликка) зид бўлиши мумкин.

Сиёсий маданияти юксак ҳалқда, демократия ривож топган жамиятда мафкуралар хилма-хиллиги (плюрализми) миллий жипсликка таҳдид туғдирмайди. (Мафкуралар плюрализми сиёсий қарашлар плюрализмига нисбатан кенгроқ тушунча. У эътиқод ва виждан эркинлигини, бадиий ва эстетик қарашлар, ижодий изланишлар, усуслар ранг-баранглиги ва бошқаларни ҳам қамраб олади). Чунки парламентда турли фракциялар, парламент ва хукумат, ижроия ҳокимият ва мухолифат ўртасида у ёки бу масалада пайдо бўлган баҳс ва тортишувларда муросага эришилади. Бунга эришиш мумкин бўлмаган шароитда парламент тарқатиб юборилади ва янгитдан сайлов ўтказилади ёки хукумат истеъфога чиқарилиб, янгидан тузилади. Аммо иккала ҳолатда ҳам миллий жипслик, ижтимоий-сиёсий барқарорлик сақланиб қолади. Ахолисининг сиёсий маданияти паст, сиёсий фаолият субъектларининг ижтимоий масъуллиги этишмайдиган мамлакатларда формал демократия парламент ва хукумат инқизозини келтириб чиқариб, жамиятни ўзаро муросасиз томонларга бўлиб юбориши, миллий жипсликка таҳдид туғдириши ҳеч гап эмас. Чунки айрим сиёсий ёки диний ташкилотлар мафкуравий плюрализмни, эътиқод ва виждан эркинлигини онгли ёки онгравишида хотўғри талқин қилиб, экстремизм йўлига ўтиши мумкин. Буни Осиё, Африка ва Лотин Америкасининг айрим мамлакатлари тажрибаси исботлаб турибди. Шу сабабдан ҳар бир фуқаронинг, бутун жамиятнинг сиёсий маданиятини кўтаришга алоҳида эътибор бериш лозим.

Мафкуравий плюрализм, виждан эркинлиги, жамият сиёсий маданияти, маънавиятининг юксалиши демократияни ривожлантириш ва миллий жипсликни мустаҳкамлашнинг асосий омиллариdir. Мамлакат ижтимоий-сиёсий ҳаётида, ўтмишда демократик анъаналар чеклангани ёки умуман бўлмагани сабабли ахолининг сиёсий маданияти ривожланмай қолганини баҳона қилиб, мафкуравий плюрализмни, сиёсий қарашлар ва эътиқод эркинлигини чеклаш ёхуд давлатнинг ягона, ҳукмрон мафкурасини жорий қилишга интилиш мумкин эмас. Ягона мафкура ҳукмронлиги охир-оқибат тоталитаризмга, авторитар бошқарувга йўл очади, эркинлик ва демократия аста-секин унтулишига олиб боради.

Тоталитаризм ва авторитар ҳокимиётину учун инсон (халқ) шунчаки бошқарув обьекти, холос. Инсон ҳокимиёт ёки сиёсий партия олдига кўйган мақсадга эришиши, белгилаган режаларини амалга оширишида воситага айланади. У муттасил давлат назорати ва кузатуvida бўлади. Инсоният яқин ўтмишда большевизм ва фашизм, сиёсий ва диний ақидапарастлик ҳокимиёт тенасиға келган айрим давлатлар тажрибасидан аччиқ сабоқ олди.

Мутаассиб, тоталитар мафкуралар ҳали-ҳамон мавжуд. Баъзилари одамларнинг диний туйғулари билан ўйнашиб, оммага таъсир ўтказишга ҳаракат қилмоқда. Иложи топилса, сиёсий ва диний масалаларда билими паст авом кишилардан фойдаланиб, баъзи мамлакатларда ҳокимиёттага тазийқ ўтказишга, ҳатто ҳокимиётни эгаллаб олишга интилиш бўлаётгани ҳам маълум. Шу сабабдан мафкуравий бирхиллик демократиянинг маънавий-интеллектуал пойдевори, ривожлантирувчи омили бўлган мафкуравий плюрализмга муқобил бўла олмайди.

Демократия инсонга бошқарувнинг обьекти эмас, субъекти сифатида ёндашади, ҳалқни ҳокимиётнинг бирдан-бир манбаи, деб билади. Бу Ўзбекистон Конституцияси 7-моддасида ҳукукий меъёр сифатида белгилаб кўйилган. Инсонга ҳокимиётнинг субъекти деб қараш уни жамият курилишида восита эмас, мақсадга ай-

лантиради. Бу “Ислоҳотлар ислоҳот учун эмас, инсон учун!” деган шиоримизда тे-ран ва муҳтасар ифодасини топган. Фақат фикрлар ва қарашлар плюрализми, демократия ривожланган, фуқаролар ижтимоий фаоллиги ва сиёсий маданияти юксалаётган мамлакатда кучли давлатдан кучли фуқаролик жамияти сари ривожланиш юз беради.

Фуқаролик жамиятида расмий ҳокимиёт ва давлат идоралари фаолиятини нафақат муҳолиф партиялар, шунингдек, фуқароларнинг ўзлари ҳам мустақил оммавий ахборот воситалари, нодавлат нотижорат ва турли жамоат ташкилотлари орқали назорат қилиб боради. Давлат идоралари фаолияти устидан жамоатчилик назорати ўрнатилиши амалдорларнинг мансабни сунистеъмол қилиш ҳолларини камайтиради ва аҳоли норозиликлари олдини олишга, бинобарин, миллий жипслик мустаҳкамланишига хизмат қиласди.

Мамлакатимизда ислоҳотлар, жамиятни янгилаш, мамлакатни модернизация қилиш жараёнида демократияни ривожлантириш ва миллий жипсликни мустаҳкамлаш борасида талай ишлар амалга оширилди. Авваламбор, хилма-хил мулкчилик шакллари пайдо бўлди. Улар эркин ривожланиши учун ҳукукий кафолатлар яратилди. Иккинчидан, иқтисодиётда чукур таркиби ўзгаришлар қилинди, янги турдаги кўплаб ишлаб чиқариш, хизмат кўрсатиш корхоналари пайдо бўлди. Тайёр маҳсулотлар етиштириб, уларни ички ва ташки бозорга чиқариш суръати кескин ўсади. Учинчидан, бозор муносабатлари қарор топди ва мустаҳкамланиб бормоқда. Молия-кредит тизими тубдан янгиланди, бозор иқтисодиётни инфратузилмалари вужудга келди. Хуллас, иқтисодий ҳаёт тубдан ўзгарди ва жадаллашиб бормоқда. Миллий жипсликка ижобий таъсир кўрсатувчи омил — худудларнинг, корхоналарнинг, умуман, бутун жамият ҳаётининг иқтисодий интеграцияси кучайди.

Лекин бу борада ҳали қилинадиган ишлар кўп, олдимизда катта вазифалар турибди. Биринчи навбатда Республика худудлари иқтисодий тараққиёти, аҳоли даромадлари, иш билан таъминланиш да-

ражасидаги тафовутларни камайтириш, уларни имкони борича тенглаштириш талаб қилинади. Бу ҳолат нафақат вилоятларга, қолаверса, шаҳар ва қишлоқ ўртасидаги тафовутга, бир вилоят ичидаги эса иқтисодий қолоқ, саноат ривожланмаган, иш ўринлари ва экин майдонлари жуда кам чекка тоғ туманлари билан қишлоқ хўжалиги, қайта ишлаш саноати, хизмат кўрсатиш соҳаси жадал тараққий этиб бораётган ички туманлар ўртасида тафовутларга ҳам тааллуқли.

Худудларнинг иқтисодий ривожланишидаги тафовутларни бартараф этиш баробарида уларни ижтимоий-маданий жиҳатдан тенглаштиришга ҳам давлат миқёсида эътибор қаратиш зарур. Шу мақсадда Олий Мажлис вилоят ва туман марказлари мақомини белгиловчи тегишли қонунлар қабул қиласа, мақсадга мувофиқ бўлур эди. Қонунларда вилоят ва туман марказлари мақомига оид мажбурият ва хукуқлар, уларда фаолият юритиши зарур бўлган ижтимоий-маданий институт ва ташкилотлар рўйхатига ўхшаш меъёрлар белгиланса, бундай худудий марказлар ўртасидаги ижтимоий-маданий ва ободончилик борасидаги фарқлар анча камаяр эди. Хусусан, вилоят марказларида, албатта, давлатуниверситети, санъат галереяси, универсал кўргазмалар маркази, мустақил каналга эга телевидение, телефильм студияси, мусиқали драма ва кўғирчоқ театрлари қаторида ёш томошабинлар театри, нашриёт, ижтимоий-сиёсий ва адабий-бадиий журнал, соғлиқни саклаш тизимида қатор замонавий клиникалар бўлиши лозим. Бу муассасаларнинг барқарор фаолияти юритиши худудларнинг ижтимоий-маданий ривожланишига, баркамол авлодни тарбиялаб вояга етказишга янада кўпроқ имконият яратган бўлар эди. Вилоятларда етарлича ижодий шароит ва муҳит йўқлигидан ижодга мойил аксарият ёшлар пойтахтга интилади ва шу ерда қолиб кетади.

Тарих ва ўлкашунослик музейларининг, вилоят кутубхоналари ва архивларининг ҳолати, шароити, жиҳозланиши, хизмат турлари борасида ҳам вилоят марказлари бир-биридан анча фарқ қиласи. Бундай муассасалар факат юридик жиҳатдан-

гина вилоят ташкилоти мақомига эга бўлиб қолмасдан, амалда маълум минимал талабларга жавоб бера олиши бўйича ҳам мувофиқ келиши лозим.

Шунингдек, туман маркази мақомига оид талаблар ҳам ишлаб чиқилса, уларнинг ижтимоий-маданий ривожланишини тенглаштириш бир қадар осонлашар, негаки, аниқ мўлжаллар вужудга келар эди. Балки, янги чақириқ Олий Мажлис Қонунчилик палатаси “Вилоят маркази мақоми тўғрисида” ва “Туман маркази мақоми тўғрисида”ги қонунларни қабул қилишни ўйлаб кўрар.

Инфляцияни камайтириш, ҳалқ фаронвонлиги билан боғлиқ тадбирлар эътибордан четда қолмаслиги керак. Мустақилликнинг дастлабки йилларида кўплаб корхоналар тўхтаб қолгани ёки уларда ишлаб чиқариш кескин камайгани сабабли ишсизлар сони кўпайган бир шароитда ўюшмаган майдада савдо, аниқроғи, олибсолатлик одамларни банд этиш ва даромад билан таъминлаш воситаларидан бири эди. Бугун мамлакат иқтисодиёти оёққа туриб олган ва жадал суръатларда ривожланаётган шароитда ўюшмаган майдада савдо жиддий муаммога айланмоқда, чунки пулнинг банкдан ташқарида айланнишини камайтиришга, инфляцияни қаттироқ жиловлашга, савдо ва таъминот маданиятини кўтаришга, тақсимотда ижтимоий адолатни таъминлашга салбий таъсир кўрсатмоқда.

Ўюшмаган савдо яширин иқтисодиётини, ҳеч жойда ҳисобга олинмаган маҳсулотларга ва хизматларга талабни рафбатлантиради. Натижада давлатнинг солиқ ва бошқа идоралари назоратидан четдаги ярим яширин бозорда товар ва пул айланмаси давом этаверади. Давлат фазнаси зарар кўришидан ташқари, бундай фаолият жамият ахлоқига, одамлар онги ва тафаккурига салбий таъсир кўрсатаётгани фоят таассуфлидир. Бунинг оқибатида одамларда қонун ва ўрнатилган тартиботга, таълим-тарбия ва маънавий тарғибот олға сураётган ҳалоллик, меҳнатсеварлик, ватанпарварлик, миллий фурур каби ғояларга нисбатан ишонч камая боради. Баъзи ёшларда яширин иқтисодиётига

кўшилиб, тезроқ ўзининг моддий-иктисодий муаммоларини ҳал қилишга интилиш нияти пайдо бўлади. Яширин иқтисодиёт ватанпарварлик, ҳалқ, миллат манфаатлари га хизмат қилиш каби юксак идеалларнинг қадрини тушириб, миллий идентлик туйғусини ўтмаслаширади. Яширин иқтисодиётга қарши курашга жамият жипслиги, ахлоқи, юксак маънавияти учун кураш деб қарамоқ лозим.

Шу сабабдан таълим-тарбияда, маънавий-маърифий, мафкуравий тадбирларда миллий ўзликни англашга, турли даражадаги манфаатларни уйғунлашириш ва ҳар бир фуқаронинг юрт тақдирни учун масъуллиги масалаларига алоҳида ургу бериш мақсадга мувофиқдир. Айрим кишилар онгига қисман сақланиб қолган миллий нигилизм, миллий номукаммалик туйғулари, гуруҳбозлик, маҳаллийчилик, миллатчилик ва шовинизм иллатларига қарши курашишга эътибор қаратиш зарур. Бундан ташқари, глобаллашув ва ахборот технологиялари инқилоби туфайли ҳар хил мазмун ва шаклдаги, шу жумладан, салбий руҳдаги ахборотнинг ҳам ҳеч қандай тўсик ва чегара билмай тарқалишини ҳисобга олиш керак. Улар орасида миллий жипсликни заифлаштиришга, аҳоли ва ҳокимият, турли табақалар, этник гуруҳлар ўртасида бирбирига нисбатан шубҳа туғдиришга, зиддият келтириб чиқаришга қаратилган ахборотлар ҳам талайгина.

Сиёсий кўпорувчилик ва диний ақида-парастлик руҳидаги ахборотлардан ташқари, оммавий маданият ниқоби остидаги аксилмаданият ва унинг айрим жўн ва дидсиз, схематик шаклдаги, саёз ва салбий космополитик мазмундаги айрим ҳодисалари ҳам миллат жипслигига, айниқса, турли авлодга мансуб кишилар бир-бирини тушунишига, миллий маданиятнинг ўзига хослик жиҳатларига маълум даражада хавф туғдиради.

Фояга қарши фақат фоя билан, жаҳолатга қарши маърифат билан курашиш мумкинлигини, бу масалада ҳар қандай тақиқу маъмурий чоралар ожиз эканини ва уларнинг инсонпарварлик, демократия меъёрларига унчалик тўғри келмаслигини назарда тутиб, таълим-тарбияда ва маънавий-маърифий ишларда миллий истиқлол гоясини тарғиб этишга, аҳолида мафкуравий иммунитетни кучайтиришга, асл миллий ва умуминсоний қадриятларни, мумтоз маданий меросни ўзлаштиришга устуворлик бериш лозим. Миллий истиқлол гояси миллий жипсликни мустаҳкамлаш ва ривожлантиришнинг асосий илмий-интеллектуал ва ҳиссий-психологик негизи ва воситасидир.

Ўзбекистонда давлат ва жамият қурилишида амалга оширилаётган ислоҳотлар ҳам демократияни, миллий жипсликни объектив равишда мустаҳкамламоқда. Шу ўринда биргина вакиллик ҳокимияти — Олий Мажлис ислоҳ қилинишининг аҳамияти ҳақида тўхталиб ўтиш кифоя. Олий Мажлиснинг икки палатали орган сифатида қайта тузилиши, Сенатнинг асосий вазифаларидан бири этиб ҳудудлар манфаатини ифодалаш ва мувозанатга келтириш белгилангани ҳудудларнинг ҳар томонлами ўзаро иқтисодий, ижтимоий, маданий интеграциясини, пировардида, миллий жипсликни кучайтиради. Суд-хукуқ тизими ислоҳотлари, ўзини-ўзи бошқариш тизимини ривожлантириш, умуман, институционал ўзгаришларнинг барчаси ижтимоий ҳаёт тобора эркин, турмуш янада фарровон бўлиб боришига, жамият барқарор юксалишига қаратилган. Таълим, соғликни сақлаш, меҳнат, ижтимоий таъминот, маданият ва спорт каби ижтимоий соҳалардаги ислоҳотлардан мақсад ҳам инсон ва жамият юксалиши, баркамол авлодни шакллантириш орқали миллий жипслик ва демократияни ривожлантиришdir.

ЯНГИ АСР МУАММОЛАРИ

Улугбек МУҲАММАДИЕВ

# NO "DAVLAT" TASHKILOTLAR

Глобаллашув жараёнида иқтисодий омил сиёсий, ижтимоий, маънавий-маданий, кўйингки, барча соҳаларни қамраб олди. Дунё бўйлаб улкан трансформацион ўзгаришлар рўй берәётгани, инсоният тараққиёти ва у билан боғлиқ институционал ривожланишнинг доимий равишда такомиллашиб бораётгани янгидан-янги миллӣй ва халқаро институтларнинг юзага келишига, уларнинг нафакат маълум бир минтақа, балки глобал миқёсда халқаро сиёсий муносабатларга таъсир кўрсатиш имкониятига эга бўлишига замин яратмоқда.

ХХ асрнинг сўнгги ўн йиллиги ижтимоий дунёкараш ва жаҳон ҳамжамиятининг жуғрофий-сиёсий тузилишида туб ўзгаришлар даври бўлиб тарихга кирди. Ушбу давр икки жиҳати билан ажralиб туради. Бу, биринчидан, давлатлар, халқлар ўртасидаги яқинлашув жараёнлари ва ҳар томонлама ҳамкорликнинг кучайиши, яхлит сиёсий, иқтисодий ва ҳукукий маконларнинг вужудга келиши, ҳозирги замон халқаро ҳуқуқ меъёрларининг яратилиши; иккинчидан, “социалис-

тик лагер”нинг емирилиши, тоталитар тузумга асосланган давлатларнинг барҳам топиши, улар ўрнида мустақил давлатларнинг пайдо бўлишида кўзга ташланади.

Бугун дунёда демократик қадрияларни, инсон ҳуқуқларини муҳофаза этиш ва таъминлаш масаласи ҳар қажонгидан ҳам долзарб муаммо бўлиб турибди. Бунинг сабаби фан-техника тараққиёти баробарида инсоният тафаккурида ҳам эркин фуқаролик жамиятия қуриш, инсонни ҳаётнинг энг олий хилқати сифатида эъзозлаш каби либерал ғоялар тобора муҳим аҳамият касб этиб бораётганидир. Бундай эзгу мақсадлар, қадриялар мажмуи қатор халқларнинг, давлатларнинг дастуриламалига айланниб улгурди.

Бугунги кунда давлатларнинг халқаро муносабатларда ягона субъект сифатида ги устунлиги сусаймоқда.

Бунга акс тарзда дунё саҳнасида халқаро муносабатларнинг нодавлат иштирокчиси сифатида ҳукуматлараро ташкилотлар (ХТ), халқаро ноҳукумат ташкилотлар (ХНТ) ва трансмиллий корпорацияларнинг (ТМК) аҳамияти ортиб боряпти.

Улугбек МУҲАММАДИЕВ. Сиёсий фанлар номзоди.

Бу жараён, асосан, XX асрнинг иккинчи ярмидан бошланган бўлса-да, сиёсатшунослик фани уни ҳали етарли даражада тадқиқ этгани йўқ. Айниқса, сўнгги йилларда халқаро ноҳукумат ташкилотлар фаолиятининг халқаро муносабатларга таъсири кучайиб бораётгани кузатилмоқда.

Аввало, “ноҳукумат ташкилотлар” тушунчасига аниқлик киритиб олсанк. Маълумки, замонавий жамиятда ноҳукумат ва жамоат ташкилотлари фуқаролик жамиятининг асосий институтлари ҳисобланади. Чунки “нодавлат, ноҳукумат жамоат ташкилотларининг жамиятда обрў-эътибори ортиб бориши, мавқеи мустаҳкамланиши билан улар давлат ва ҳокимият тузилмалари фаолияти устидан жамоатчилик назоратининг асосий воситасига айланади” (Каримов И.А. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳ этишдир. Т., “Ўзбекистон”, 2005, 41-бет).

Нодавлат нотижорат ташкилотлари хар бир давлатда ўзига хос номланади. Фарбада бу ташкилотлар “учинчи сектор” дейиллади: давлат — биринчи, бизнес соҳаси — иккинчи, ННТ эса — учинчи сектор.

Ўзбекистон Республикасининг “Нодавлат нотижорат ташкилотлари тўғрисида”-ги қонунида (14.04.1999) бундай ташкилотларга кўйидагича таъриф берилган: “Нодавлат нотижорат ташкилоти — жисмоний ва (ёки) юридик шахслар томонидан ихтиёрийлик асосида ташкил этилган, даромад (фойда) олишни ўз фаолиятининг асосий мақсади қилиб олмаган ҳамда олинган даромадларни (фойдан) ўз қатнашчилари (аъзолари) ўртасида тақсимламайдиган ўзини ўзи бошқариш ташкилотидир” (2-модда).

Инсоният пайдо бўлибдики, жамоа бўлиб яшашга интилади, ҳаёт учун курашади. Бинобарин, фуқароларнинг биринчи “нодавлат” бирлашмалари қадим замонларда вужудга келган. Масалан, қадимги Афина ва Римда бу ташкилотлар “шахар-давлатлар фуқароларининг ҳамжамиятлари” деб номланган. Хусусан, Шарқда бундан ҳам аввалроқ турли соҳадаги касб әгалари (косиблар, кулол-

лар, темирчилар ва ҳоказолар) бир худудда уюшган, ўзаро ёрдамга асосланган ҳолда истиқомат қилган. Бу борада Форобий, Беруний ва Ибн Сино каби алломалар асарларидан етарлича маълумот олиш мумкин.

Хўш, ННТ нима учун керак? Давлатнинг ўзи барча соҳаларни назорат қиласа бўлмайдими? Биз давлатга солиқ тўлаймиз, давлат эса ижтимоий муаммоларимизни ҳал этади. Ҳамма ўз бурчини бажаради.

Бир қараганда, бу тўғри фикрга ўхшайди. Аммо ҳеч бир давлат жамиятдаги ижтимоий муаммоларни ёлғиз ўзи тўлиқ ҳал этишга қодир эмас. Чунки ижтимоий соҳа жуда кенг: таълим, фан, маданият, санъат, соглиқни сақлаш, иш билан таъминлаш ва ҳоказо. Буларнинг барига давлатнинг на маблағи ва на салоҳияти этади.

Шу ўринда, ННТ нима учун керак, деган саволга, улар давлат маблағини тежайди ва грант олиш эвазига мавжуд муаммоларни нисбатан арzon ва осон ҳал қиласди, деб жавоб бериш мумкин.

Бундан ташқари, улар жамиятда юзага келган ички (ижтимоий, иқтисодий ва сиёсий) муаммолардан ўз вақтида хабардор бўлади. Ижтимоий муаммоларни ҳал этиш борасида янги тажрибалар тўплаб, уларни кенг миқёсда татбиқ этиши мумкин.

Аммо тарихда юқоридаги фикрларга тескари мисоллар ҳам кўп. Масалан, XX асрнинг 20-30 йилларида Германиядаги бадавлат кишилар турли касаба уюшмалари ва ассоциациялар ташкил этиб, бирлаша бошлади. Бироқ бу фуқаро бирлашмалари демократия ва либерал қадриятларни шакллантириш ўрнига уни барбод қилди, яъни фуқаролик жамияти орзуси шовинистик кайфиятдаги, нацистик рухдаги foяларга коришиб кетди. Оқибати



нимадан билан тугагани барчага аён. Айниқса, бугун Европадаги баъзи жамиятларда бундай foяларни қайта тиклашга бўлаётган уринишлар, бунинг устига, уларни кўллаб-кувватловчилар ҳам топилаётгани ташвишилдири.

ХНТ эса нафақат фуқаролик жамиятининг, балки халқаро муносабатларнинг ҳам энг муҳим ва фаол иштирокчилари дандир. Улар ҳозирги кунда жаҳон сиёсатининг ва халқаро муносабатларнинг ўзига хос ажралмас қисмига айланди. Агар XIX асрда Ер юзида миллий давлатларнинг кўпайиши, дунёнинг қайтадан бўлиб олиниши, мустамлакачилик сиёсатининг кучайиши, техник тараққиёт ва бошқа жараёнлар жадаллашган бўлса, XX асрнинг охири ва XXI асрнинг бошини ҳеч иккиланмасдан “ассоциациялар инқилоби” бўлган нодавлат ташкилотларининг фаоллашув асри дейиш мумкин.

БМТ Бош Ассамблеясининг 1968 йил 23 майдаги 1296-резолюциясига мувофиқ, “хукumatлараро келишув асосида ташкил этилмаган ҳар қандай халқаро ташкилот — халқаро ноҳукумат ташкилот (ХНТ) деб аталади”.

Шунингдек, Ўзбекистон Республикасининг “Нодавлат нотижорат ташкилотлари тўғрисида”ги қонунига асосан, “Ўз уставига ва Ўзбекистон Республикасининг қонун ҳужжатларига мувофиқ, Ўзбекистон Республикаси худудида ҳамда битта ёки ундан кўпроқ чет эл давлати худудида фаолият олиб бориши мумкин бўлган халқаро ташкилот халқаро нодавлат нотижорат ташкилоти деб ҳисобланади” (14-модда).

Илк халқаро ноҳукумат ташкилотлар XIX аср бошларида Европада вујудга келган бўлиб, улар, асосан, касбий, маърифий, диний, пацифистик йўналишида эди.

Хукumatлараро ташкилотлардан (БМТ, ЕХНТ, ШХТ) фарқли ўлароқ, ХНТ худудий ташкилот эмас, яъни уларга халқаро хуқуқ субъектлари (давлатлар) аъзо бўла олмайди. Тадқиқотчилар уларни “янги актёрлар”, “трансмиллий кучлар” деган номлар билан атайди. Бугун улар замонавий халқаро муносабатларнинг барча соҳаларида фаол иштирок этмоқда.

Мутахассислар фикрича, ХНТнинг асосий белгилари сифатида қўйидагиларни санаб ўтиш мумкин: а) фойда олиш мақсади йўқлиги; б) ҳеч бўлмаса, битта давлат томонидан тан олингани ёки халқаро хукumatлараро ташкилотлар ҳузурида маслаҳатчи мақомига эга бўлиши; в) иккитадан кам бўлмаган мамлакатдан молиявий маблағ олиши; г) камида иккита мамлакат ҳудудида фаолият олиб бориши; д) таъсис ҳужжати асосида ташкил этилиши (Цыганков П.А. Теория международных отношений: Учеб. пособие. М., Гардарики, 2003, стр. 243).

Ҳозирги вақтда фуқаролик ўюшмалирининг роли ҳам тобора ортиб бормоқда. Трансмиллий фуқаролик институтлари пайдо бўлаётгани глобал миқёсдаги фуқаролик сиёсати юзага келганидан далолат беради. Бугун ННТ дунёнинг кўпгина мамлакатларида фаолият юритмоқда. Улар мақсадига кўра, демократик қадриятларни тарғиб этиши, давлат ва жамият ўртасида ўзига хос кўприк сифатида тараққиётга ва барқарорликка хизмат қилиши даркор. Бироқ, таассуфки, кейинги йилларда халқаро миқёсда фаолият юритаётгандан ноҳукумат ташкилотларнинг бошқа мақсадлари ҳам кўзга ташланмоқда. Улар “Фуқароларнинг сиёсий хуқуқларини ҳимоя қилиш” foясини ниқоб қилиб олиб, муайян давлатлар хукumatларига ахборот-тарғибот босими ўтказишгача бориб этмоқда. Масалан, Фарбнинг баъзи ХНТ ва жамғармалари кўплаб мамлакатларда сайлов жараёнида ижтимоий тадқиқотлар, овозларни параллел “санаш”, ўз хулоса ва тавсияларини тарқатиш каби шаклан демократик усусларни кўллаш орқали сайлов ўтказган давлатнинг ички сиёсатига аралашмоқда. ННТ ва “демократия экспорти” ҳақида гап кетганда, Сербия, Украина, Грузиядаги ёки Қирғизистондаги рангли инқилоблар, Яқин Шарқ, Ироқ ва Афғонистон воқеаларини эслаб ўтмасликнинг иложи йўқ. Бу мамлакатларда демократияни жорий этиш жараёнларини сунъий равиша тезлаштиришга уриниш ҳалокатли оқибатларга олиб келаётгани сир эмас.

Улар номақбул режимларни ағдариш, жумладан, фарбпаст нодавлат нотижорат ташкилотлар ёки ОАВ тузиш, Фарб ОАВ орқали “нодемократик режим” аҳолиси кўз ўнгидаги ҳукуматни мунтазам равишда обрўсизлантириш, “демократик инқилоб” амалга оширилиши режалаштирилаётган давлатда “инсон ҳуқуқлари бузилаётгани”, “матбуот эркинлигига хурож қилинаётгани” тўғрисида турли нуфузли ташкилотлар томонидан резолюциялар қабул қилинишига эришиш, муҳолиф гурухлар ва “фуқаролик жамияти” фаолларини митинглар, намойишлар ўтказишга тайёрлаш, мамлакат ичидаги эса амалдаги ҳокимият тарафдорларининг ҳар қандай ҳаракатини фалаж қилиб қўядиган психологик вазиятни вужудга келтириш сингари фаразли усусларни қўлламоқда.

Шу тариқа, “фуқаролик институтлари ва демократик жараёнларни қўллаб-куватлашга қаратилган” барча лойиҳалар муайян мамлакатнинг “долзарб ижтимоий-иқтисодий муаммоларини ҳал қилишда иштирок этиш”га йўналтирилади. Сўнгра бор имконият ташки кучларнинг асосий стратегик вазифаси — ўзига тобе бўлган ҳукуматни ҳокимият тепасига келтириш томон буриб юборилади.

Ана шундай хорижий донон тузилмалар Грузия, Украина ва Қирғизистонда муайян ғояни мафкура майдонига олиб чиқиш, маълум сиёсий кучларга нисбатан жамоатчилик фикрини шакллантиришга хизмат қилувчи кенг тармоқли, самарали аҳборот ва тарғиботни амалга ошириш механизмини яратди. Экспертларнинг қайд этишича, Қирғизистонда мамлакатдаги ННТга методик ёрдам кўрсатаётган, маҳаллий ёшлар билан ишлайдиган, уларга танқидий фикрлаш, турили сиёсий технологиялар, партия ташкил этиши усувлари, кўча тўқнашувлари тактикаси ва бошқа шу каби ҳаракатларни ўргатадиган ўттиздан ортиқ чет эл тузилмаси мавжуд.

Қирғизистон Миллий статистика қўми таси расмий маълумотларига кўра, 2008 йилда “учинчи сектор”даги маблағлар айланмаси 150 миллион долларга етиб,

уларнинг асосий қисми (80%) ҳалқаро ва хорижий манбалардан иборат бўлган.

Таҳлилчиларнинг фикрича, айни пайтда маҳаллий ва ҳалқаро ННТга 100 мингдан ортиқ Қирғизистон фуқароси жалб этилган. Ушбу давлатдаги нодавлат сектори бугун жуда сиёсийлашган, мамлакатдаги ижтимоий-сиёсий жараёнларга жиддий таъсир кўрсата оладиган АҚШнинг “Интерњьюс”, “Сорос-Қирғизистон” фонди, “Евразия” фонди, Европа давлатларининг “Инқирозларнинг олдини олиш бўйича ҳалқаро гурух” (ICG, Бельгия), “Миграция бўйича ҳалқаро ташкилот”, “Қочоқлар ишлари бўйича Дания кенгаши”, “ОАВни қўллаб-куватлаш ҳалқаро ташкилоти” (Дания) сингари тузилмалар катта кучга айланган. Шунингдек, Қирғизистоннинг Ўзбекистон билан чегарадош бўлган жанубий худудларида фаолият юритаётган баъзи чет эл нодавлат ташкилотлари Фарғона водийси аҳолисига мамлакатда амалга оширилаётган ислохотларни бузиб кўрсатиш орқали салбий таъсир ўтказмоқда.

Украинада эса 2004 йили рўй берган ўзгаришларга тайёргарлик қарийб ўн йил илгари — 1995 йилдан бошланган эди. Мазкур воқеаларда турли хил манбалар, жумладан, хорижий ННТ томонидан молиялаштирилган ноҳукумат ташкилотлари етакчи ўрин тутгани маълум. Экспертлар қайд этишича, Фарб Украинадаги демократик лойиҳа ва мустақил оммавий ахборот воситаларини молиялаштиришга 2004 йилда 34 миллион доллар маблағ ажратган. Биргина Киев кўчаларидағи “зарғалдоқ инқилоб”нинг 15 кунига, тахминан, 10 миллион доллар сарфланган.

Украинанинг “Амалий сиёсат” институти директори Б.Бабичнинг таъкидлашicha, “Мамлакатдаги ННТнинг асосий қисми чет эл фондларидан маблағ олади, шу сабабли уларнинг мамлакат сиёсатига таъсири катта. Хусусан, Украинада 2004 йили бўлиб ўтган президент сайловида муҳолифатни қўллаб-куватлаган “Парам” ташкилоти Грузиядаги сайловларда ҳам фаол иштирок этган. Ҳозирда ушбу ташкилот Украинада жуда кенг фаолият олиб бормоқда”.

Сўнгги вақтларда бъэзи ХНТ ҳатто асл мақсадини яширишга ҳам уринаётганий ўқ. “Сорос Жамғармаси — Очиқ жамият” бунга ёрқин мисол бўла олади. Жорж Сороснинг Англия валюта бозоридаги чайқовчилик фаолияти фунт стерлинг курсининг тушишига сабаб бўлган ва бу унга 1 миллиард доллар атрофида даромад келтирган.

1997 йилнинг ёзида халқаро молия бозорида “Осиё қоплонлари”: Таиланд, Малайзия, Жанубий Корея ва бошқа давлатларнинг миллий валюталари қиймати тушиб кетди. Малайзия бош вазири Маҳотхир Мұхаммад Ж.Соросни бу воқеаларнинг ташкилотчиси сифатида айблаб чиқди. У эса ўзининг чайқовчилик ҳаракати миллий валютанинг қадрсизланишига олиб келганини ва натижада бу давлатларнинг хўжалиги издан чиққанини инкор қилмади. Индонезияда ҳукумат инқизози авж олди, иқтисодиётга катта зарар етказилди. Малайзияда оммавий тартибсизликлар юзага келди, молиявий тизим барқарорлигини тиклаш учун 30 миллиард доллар сарфланди. Тайвань иқтисоди ҳам жиддий зарар кўрди ва ҳатто шу воқеалар сабаб махсус қарор қабул қилинди. Унга кўра, “Сорос жамғармаси билан ҳамкорлик қилган ҳар қандай шахс” жиноий жавобгарликка тортилиши белгилаб қўйилди.

Хозирги вақтда дунёнинг 30 мамлакатида бу институтнинг филиаллари бор, кўпгина мамлакатлarda эса мазкур ташкилотнинг асосчиси Жорж Сорос фаолияти ноконуний деб эълон қилинган. 1995 йили Россия Давлат Думасида “Сорос жамғармаси”нинг Россиядаги фаолияти масаласи муҳокама этилди. Россия махсус хизмати маълумотларига кўра, Ж.Сорос фаолияти мамлакат хавфсизлигига таҳдид солади. Чунки жамғарма грантларига сўровлар нафақат таълим ёки илмий, балки ҳарбий-саноат комплексларига тегишли муассасалардан ҳам келиб тушган экан. Бугун жамғарманинг Грузиядаги воқеаларга алоқадор экани фош бўлиб қолди — Э.Шеварнадзенинг истеъфосини уюштирган М.Саакашвили бошлиқ Миллий ҳаракатни, асосан, “Сорос жамғармаси” молиялаштириб турган.

Бу хатти-ҳаракатларнинг барчаси “рангли инқилоб” сценарийси доирасида амалга оширилади. Бундай мафкуранинг стратегияси оддий, шу билан бирга пухта-пишик ўйлангандир. Шу пайтга қадар постсовет мамлакатлари ҳудудидаги ННТ асосий қисмининг фаолияти чет эл жамғармалари грантларига асослангани сир эмас. Кўпгина ривожланган давлатларда ННТнинг бошқа давлатлардан маблағ олишига йўл қўйилмайди. Масалан, Руминияда нотижорат секторининг 45 фоиз даромадини давлат грантлари ва субсидиялари ташкил этади. Венгрия, Словакия, Польшада эса бу кўрсаткич 30-35 фоизга тенг.

Давлат ва нодавлат секторининг “ижтимоий буюртма” орқали бундай ҳамкорлик тажрибаси ННТ фаолиятини миллий манбаатдан келиб чиқиб, зарур йўналишга буриш имконини беради. Чунончи, АҚШда давлат маблағининг учдан бир қисми ижтимоий соҳага ННТ орқали йўналтирилади. Бу мамлакатдаги ННТнинг молиявий манбаси шахсий хўжалик фаолиятидан, сўнгра давлат буюртмасидан (турли ижтимоий буюртмалар) ва хусусий хайриялардан тушган маблағлардан иборатдир. Нидерландияда эса ННТ ижтимоий хизматларнинг асосий ижрочисидир. Бундай мисолларни кўплаб келтириш мумкин.

Бугун қурол кучи билан бирор давлатни бўйсундириш амримаҳол ва бу жуда қимматга тушади. Лекин таълим, маданият ва ғоявий соҳада фаолият кўрсатувчи ташкилотлар ёрдамида камроқ маблағ сарфлаб, мақсадга осонроқ эришиш мумкин. Демократик институтлар ва беғараз ёрдам кўрсатишни ниқоб қилиб олган ташкилотлар ўз давлатининг махсус идоралари ишлаб чиқсан стратегияни хорижий жамият вакиллари онгига сингдириши энг самарали воситадир. Масалан, АҚШнинг биргина CAFE (Марказий Осиёда беғараз ёрдам) ташкилоти фаолиятига назар солинса, бу марказ Марказий Осиё ва МДҲдаги ёшларга турли кутубхоналар ташкил этиш ҳамда уларнинг саводини ошириш ўйлида эътирофга молик ишларни амалга

оширгандек бўлиб кўринади. Аслида эса, нафақат замонавий таълим, балки ёшларнинг диний онгини “шакллантириш” борасида ҳам “ғамхўрлик” қилаётгани аён бўлмоқда. CAFE тадқиқот марказининг АҚШдаги қароргоҳи маълумотларига кўра, унга аъзо бўлган ёшларнинг 60 фоиздан ортикроғи диний қарашларини ўзgartириб, насронийликни қабул қилган. Табиий савол туғилади: бу ташкilot маърифий муассасами ёхуд черковми? Жавоб ҳам тайёр: “Биз ёшларга демократиянинг ажralмас бўлаги – “танлаш” имкониятини бердик, бу уларнинг хоҳишидир”. Демак, марказнинг асосий вазифаси – замонавий илм тарқатиш эмас, эътиқодни ўзgartириш билан шуғулланиш. Соғлом фикрли кишига аёнки, бу сиёсат маккорлик билан жамиятнинг ёш вакилларини аждодлари эътиқод қилиб келган анъаналардан айриш ва парокандаликни келтириб чиқаришни кўзда тутади.

Бугун кўплаб мамлакатларда чет эл НHT фаолиятини тартибга солиш борасида муайян ишлар қилинмоқда. Жумладан, Ўзбекистонда ҳам.

2008 йили Ўзбекистон Республикаси Олий Мажлиси Қонунчилик палатаси кенгашининг ва Ўзбекистон Республикаси Олий Мажлиси Сенати кенгашининг кўшма қарорига мувофиқ, Олий Мажлис хузурида НHTни ва фуқаролик жамиятнинг бошқа институтларини кўллаб-куватлаш жамоат фонди ҳамда ушбу фонд маблағларини бошқариш бўйича Парламент комиссияси тузилди. Комиссия қарорига мувофиқ, маблағ фондга субсидия, грант ва ижтимоий буюртма тарзида давлат бюджетидан ажратилади. Ҳозирги вақтда Ўзбекистонда 5 мингдан ортиқ НHT мавжуд бўлиб, улар жамият ҳаётининг иқтисодий, маданий, гуманитар, ижтимоий соҳаларида аҳолининг кенг қатламлари манбаати ифодачиси сифатида фаолият юритмоқда.

Бундай институтларнинг фаоллашуви, кўпайиб бориши, маълум маънода, улар аҳамиятини ошириди. НHT муайян давлат дастурларини амалга оширишда энг муҳим воситалардан бирига айланиб қолди.

Сўнгги вақтларда дунёдаги ижтимоий, сиёсий, иқтисодий, мафкуравий ва маданий жараёнлар муракаблаша борган сари НHTнинг аҳамияти ошиб кетмоқда. Буюртмачилар улар зиммасига ижтимоий, сиёсий ва иқтисодий дастурлар баробарида ўзига хос “нозик” вазифаларни ҳам юкламоқда.

Қизиги, улар тез орада соғлиқни сақлаш, таълим, атроф-муҳит ҳимояси, қочоқларга ва табиий оғатлардан жабрланганларга ёрдам беришдан тортиб, мамлакатлар иқтисодиёти ва сиёсати, маънавий-маданий ҳаётига дахлдор лойиҳаларни ҳам амалга ошира бошлади.

Кудратли давлатлар ва халқаро ташкилотлар ортида турган кучларнинг бошқа давлатлар сиёсатига қўпол равища аралашиш, халқаро ҳуқуқ меъёrlарини менсимаслик, ўз сиёсатига “тобе” ҳукуматларни ҳокимият тепасига келтириш учун “бегараз ёрдам” кўрсатиш дастурлари ижроси ҳам айнан НHT чекига тушган.

Фарбдан ёрдам олаётган ҳукуматлар НHT ортида турган давлатларнинг йўриғига юрса – олам гулистон, ёрдам аялмаган, юрмаса, танқиднинг уркалтаги ишга тушиб кетган. Шунинг учун аксарият ҳолларда НHT “кўнглига йўл топиш”га ҳаракат қилинади. Айни ҳол халқаро нуғузга эга НHT сони кескин ортиб кетишига сабаб бўлди. Ҳисоб-китобларга қараганда, бир давлатдан маблағ олиб, камида учта давлатда фаолият юритадиган ХNT сони ҳозирга келиб 15 мингга етиб қолган.

Бугунги кунда халқаро муносабатлар тизимида XNTдан фойдаланиш, қўйидаги сабабларга кўра, анча қулай бўлиб қолди: 1) бозор механизмларини кўллаш мумкин бўлмаган соҳаларга ёрдам кўрсатиш имконияти юқорилиги; 2) ёрдам кўрсатувчи давлатнинг сиёсий мақсадларини пинҳон тутиш; 3) ёрдамнинг, асосан, давлатга эмас, муайян дастурларга ёки аҳолининг маълум бир қатламига кўрсатилиши ва аниқ мақсаддага йўналтирилиши; 4) НHTга ҳомийлик қилаётган давлат ўз жуғрофий-сиёсий мақсадларини кўзлаш билан бирга омма онгидаги ўзига нисбатан ижобий фикр уйғота олиши ва ҳоказо.

Бундай ННТнинг халқаро муносабатлар тизимида пайдо бўлиши ва таъсири ортиши “совуқ уруш” тугашига тўғри келгани, улар нима мақсаддада дастак қилиб олингани бирмунча ойдинлашади. Ўша мақсад ташқи сиёсатда таъсир доирасини кенгайтириш, халқаро аҳамиятга молик баъзи масалаларда ўз манфаатини юқори қўйиш, давлат “кириб бориш” и қийин бўлган соҳа ва минтақаларда фаолият юритиш, муайян давлатларнинг ички ишларига ва сиёсатига ўзига хос тарзда таъсир кўрсатиши кўзлар эди.

Албатта, ХНТ фаолиятига бирёклама ёндашиб, уларни яхши ёки ёмон деяқатъий хуросага келиш тўғри бўлмайди. Чунки улар фаолиятида нафақат ижобий, қолаверса, салбий тамойиллар ҳам кўзга ташланмоқда. Бу, айниқса, уларнинг қўйидаги фаолият ва иш услубида яққол кўринади: 1) мақсадга эришишнинг энг асосий қисми бўлган давлат ва дастур борасида кенг миқёсли ахборот йиғиш ҳамда уни қайта ишлаш; турли семинарлар, конференциялар ўтказиш; кўплаб грантлар тақдим этиш, бу ишга олимлар, ёшлар ва мутахассисларни жалб қилиш; 2) тўпланган ахборотдан мақсадли фойдаланиш; 3) ахборот тарқатиш ва турли тадбирлар ёрдамида исботини топмаган маълумотларни давлат ва жамият аъзолари онгига сингдириш; 4) йўриғига юрмаган давлат ва ҳукуматга қарши жуғрофий-сиёсий ва жуғрофий-иктисодий курашларнинг энг таъсирчан воситасига айланган ахборот хуружини кучайтириш; 5) танлаб олинган давлат ва жамиятга алоқадор ўз ҳукуматлари қабул қиладиган қарорларга таъсир ўтказиш ва ҳоказо.

Одатда, бундай ҳолатда у ёки бу “кулоксиз” давлат тўғрисидаги нохолис ва уйдирма ахборот ёхуд маълумот ўз ҳукуматига тақдим қилинади. Ҳукумат эса объект давлатга қарши турли ахборот хуружларини ишга солади, лекин ўз йўриғига юрадиган давлатларнинг ҳар қандай камчилигу жиноятларини кўриб кўргаганликка олади. Боз устига, халқаро минбарлардан улар шаънига мақтовлар айтилади, “тобора демократлашиб бораётган давлат” мақомига лойик кўрилади, молиявий ёрдам кўрсатилади.

Таъкидлаб ўтилганидек, ХНТни фақат салбий хусусиятга эга дейиш ҳам уччалик тўғри эмас. Бугунги кунда улар замонавий сиёсатнинг муҳим ва ажралмас қисмига айланиб улгургани баробарида гуманитар соҳадаги кўплаб мураккаб муаммоларни ҳал этиш, инсон ҳуқуқларини ҳимоя қилиш, ривожланаётган давлатларнинг таълим, соғлиқни саклаш, ижтимоий соҳалардаги тараққиётида, шунингдек, экологик муаммоларни баратараф этишда маълум бир ижобий ишларни амалга ошираётганини ҳам холис эътироф этиш жоиз.

Ўзбекистон ҳам XX асрнинг сўнгги йилларидағи халқаро ва маҳаллий ННТ соннининг тўхтовсиз ўсиб бориш жараёнларидан четда қолмади. Истиқлолнинг дастлабки йилларида деярли барча постсовет республикаларида бўлгани каби бу ерда ҳам халқаро ва маҳаллий ННТ потраб чиқа бошлади. Бунинг ўзига яраша объектив ва субъектив сабаблари бор эди. Биринчидан, Ўзбекистонда бундай турдаги фуқаролик институтлари ташкил этилиши ва фаолият юритиши учун қулай ташкилий-ҳуқуқий муҳит яратилган эди. Иккинчидан, эндиғина мустақил тараққиётга эришган давлат учун демократик ислоҳотларни амалга оширишда фуқароларни фаоллаштириш ва кенг ижтимоий дастурларни ҳаётга татбиқ этишда фуқаролик жамияти институтларига талаб катта эди. Учинчидан, мамлакатда ислоҳотлар жараёнида учинчи секторга реал куч ва имкониятлардан бири сифатида қаралди. Тўртинчидан, Ўзбекистон Марказий Осиё минтақасининг қоқ марказида жойлашган. Дунёning етакчи куч марказлари бу худудни ўз таъсир доирасига олиш учун стратегик курашни аллақачон бошлаб юборган эди. Бешинчидан, халқаро ҳамжамият билан муносабатларни ривожлантиришда учинчи секторнинг алоҳида роли ва ўрни мавжуд.

Айни сабабларга кўра, мамлакатда кўплаб миллий ва халқаро мақомга эга бўлган ННТ ташкил топиб, фаолият юрита бошлади. Халқаро муносабатлару ички сиёсатда ўзига хос мавқе ва ўринга эга бўлган ушбу ташкилотлар мамлакат ва фуқаролик жамиятини ривожлантиришга ҳисса қўшиш

баробарида ҳомийлари мақсадларини амалга оширишга ҳам киришиб кетди.

Собиқ Югославия, Украина, Грузия ва Кирғизистондаги “ютуқ”ларидан илҳомланган “демократия ўрнатувчилар” Ўзбекистонда ҳам ўта фаоллаша бошлади. Улар дастлаб миллӣ маънавиятимизга, ҳалқимиз менталитетига ёт бўлган қарашлар, турмуш тарзи ва маданиятни тиқиширишга, аҳолида амалдаги ҳукуматга нисбатан ишончсизликни уйғотишга, уни давлат сиёсатига қарши қайрашга интилар эди.

Президент Ислом Каримов бу ҳақда “Ўзбек ҳалқи ҳеч қачон, ҳеч кимга қарам бўлмайди” рисоласида шундай деб ёзган эди: “Сир эмас, бизда фаолият кўрсатаётган ҳалқаро ташкилотлар ҳар доим ҳам олижаноб ниятларни кўзлайвермайди. Айтайлик, “XXI аср лидерлари” каби мавзуларда ўтказилаётган семинарларда улар иқтидорли ёшларни “танлашда ҳокимиятга ёрдам” беради, бироқ бунда улар, энг аввало, ўз манфаатларини кўзлашади. Сўнгра чет элга мунтазам сафарлар ўюштирилади, уларда турли симпозиум ва семинарлар давомида бу одамларнинг онгига фоят усталик билан таъсир ўтказилади. Шу тариқа ўзларини “дунё фуқаролари” деб атайдиган кишилар тоифаси тайёрланади ва уларга яқин келажакда Ер юзида умуман ҳеч қандай чегара қолмайди, деган фикр сингдирилди” (Ислом Каримов. “Ўзбек ҳалқи ҳеч қачон, ҳеч кимга қарам бўлмайди”. Т., “Ўзбекистон”, 2005, 137-138-бетлар).

Ўша НHT Ўзбекистонда ҳам “рангли инқилоб”ни амалга оширишга уриниб

кўрди. Бироқ мамлакат раҳбарияти ўз вактида кўрган оқилона ва зарур чора-тадбирлар ҳамда ҳалқ жипслиги туфайли уларнинг режаси амалга ошмади. Шунда Ўзбекистонга қарши кенг миқёсли ахборот хуружи ва бошқа чоралар қўллана бошлади. Бунинг учун олдиндан тайёрлаб қўйилган, бот-бот вақт синовидан ўтган “инсон ҳукуқларининг бузилиши”, “диний эътиқоднинг камситилиши” сингари бир қолипдаги айбловлар тайёр эди.

Улар ҳали-ҳамон Ўзбекистоннинг ривожланиш йўлини, иқтисодий, ижтимоий ва сиёсий тараққиёт борасида эришган ютуқларини, минтақада хавфсизлик ва барқарорлик ўрнатиш йўлидаги ташаббусларини жаҳон ҳамжамияти кўз ўнгидаги ноутўғри талқин этиш, обрўсизлантиришга уриниб келмоқда. Бинобарин, инсоният тараққиёти ва фаровонлигига хизмат қилиш учун тузилган баъзи бундай ташкилотлар фаолиятида сиёсий омил устуворлик қилаётir.

Хулоса қилиб шуни айтиш мумкинки, айни чоқда НHT жамиятимизнинг фаол кучларидан бирига айланмоқда. Кучли давлатдан кучли фуқаролик жамиятига ўтиш жараёнини янада жадаллаштириш учун эса, энг аввало, НHT фаолиятини аниқ мақсад (давлат ва жамият манфаатлари) сари йўналтириш ва шу йўл билан уларнинг жамоатчилик кўз ўнгидаги обрўэътиборини ошириш лозим. Мамлакатни демократик янгилаш ва модернизация қилиш мақсадида бу фаолиятни босқичма-босқич, изчил ва тизимли асосда олиб бориш тақозо этилади.

# MADANIYAT NIMA? MADANIYATSIZLIK-CHI?

Дунё буюк эврилишлар палласида. Кимдир уни ахборот асри, бошқа бирор эса компьютер даври деб атаяпти. Америкалик келажакшунос олим Э.Тоффлер таъбири билан айтганда, келажак бугунги кун устига шитоб билан бостириб келаётган бу давр қадрият, анъана, миллий маданият, дид сингари тушунчаларни, бинобарин, улар ҳақидаги тасаввурларни кескин ўзгартириб юбормоқда. Бунинг натижасида ҳеч кимга ўхшамаган ва ҳеч қайси рисолага тўғри келмайдиган, биздан ҳаёт ва абадият, макон ва замон, одоб ва ахлоқ, ёвузлик ва эзгулик, ҳалоллик ва жўмардлик ҳақидаги тасаввурларни ҳам ўзгартиришиш талаб қилаётган “виртуал авлод” шаклланмоқда.

Бугун компьютер ўйнаб суги қотаётган бола билан унга тенгдош кечаги боланинг айни тушунчаларни идрок этиши ўртасида еру осмонча фарқ бор, десак му болага бўлмайди. Бизни зикр этилаётган фарқнинг катталигидан кўра, қайси боланинг тушунча тасаввурлари голиб келиши кўпроқ ўйлантириб қўймоқда.

Фарб мамлакатларидан бирининг сайтида фарбарааст бир ҳакер “...осиёлик

ёввойилар билан қонимиз ҳеч қачон кўшилмайди, улар — биз яратган маданий маҳсулотлар, хусусан, виртуал дид ва маданиятдан, виртуал ҳаётдан йироқ ирқ”, деб ёзиб чиқди.

Яқинда бир ийғилишда, бугунги кунда компьютерни билмаслик маданиятсизликдир, деб юборди мўйлови сабза урмасданоқ амал охурига мазахўрак бўлиб олган бир йигитча. Ҳа-ҳа, “саводсизлик” эмас, айнан “маданиятсизлик” деб айтди.

Шу-шу бўлди-ю, мен таниган одамлар тасаввуримда компьютерни биладиган ва билмайдиганлар гуруҳига бўлинди-қолди. Лекин ҳарчанд уринмайин, компьютерни билмайдиганларни “маданиятсиз” деёлмадим. Эҳтимол, улар (ахборот асрида!) компьютер саводхонлигидан бебаҳрадир, аммо ҳалиги йигитча ўйламай-нетмай айтиб юборган дарражада маданиятсизмикан? Унда сизу мен билан бир ҳаводан нафас олиб яшаётган бу йигит берган баҳо ҳамда гарбллик ҳакернинг мазахомуз фикри ўртасида нима фарқ бор? Энг қизиги, икки қитъада яшаётган, лекин “компьютер

эмис катта бўлган” авлод вакилларининг гапи бир жойдан чиқяпти.

Наҳотки, “маданият” тушунчасининг сизу биз билган маъною таърифи шунчалик ўзгариб кетган бўлса?

Хўш, бугун “маданият” ва “маданиятли” деганда нимани ва кимни тушунамиз?!

Кийинишидан тортиб, юриш-туришига замонавий, уйини энг сўнгги ташкилию маший техника билан тўлдириб ташлаган одам маданиятли бўлиб қоладими? Умуман, маданиятлилик мезони нима ўзи?

\* \* \*

Ҳар бир кашфиётини истеъмолчининг ўпкон нафсини қондириш учун қўллаётган илм-фан мўъжизаларига жуда тез кўнишиб боряпмиз. Бундан йигирма йил бурун Интернет нима эканидан бехабар эдик, мобил телефон дегани етти ухлаб тушимизга ҳам кирмаганди. Энди эса уларсиз ҳайтимизни тасаввур ҳам киломаймиз. Шу — тайёрига айёр бўлиб олганмиз. Ўзимизга, Интернет дегани нима ўзи, у ниманинг эвазига ишлайди, оддий сим ёки тўлқинлар қандай қилиб бутун бир оламни кафтдек намоён қилади, мобил телефoni бизга қайси қонуниятга кўра ҳаводан сўз ва тасвир етказиб беради, деган саволларни бермаймиз. Тўғрироғи, бугун истеъмолчиларнинг 95 фоизи зикр этилган саволларга жавоб излаб кўриш тугул уларни ўз-ўзига беришга ҳам эринади. Бир сўз билан айтганда, тараққиётнинг ўзи “пул топиб, ақл топмаган” истеъмолчининг ана шу эриничоқлигию ҳакалак отган нафсини қондиришга хизмат қилади. Мақсад — пул тошиш, нафсни қондириш.

Сизу биз — истеъмолчига барибир. Фикр қилиш шарт эмас, ҳамма нарсани ишлаб топилган пул муҳайё қилиб беради.

Ҳақли савол туғилади: замонавий истеъмолчилик маданият белгиси бўла оладими? “Йўқ” деб жавоб берсангиз, унда қандай одамни маданиятли дейиш мумкин? Умуман олганда, маданиятлилик тушунчаси ялтир-юлтири нарсалар билан қоришиб кетмаяптими? Асл маданиятни, маданий дидни замонавий истеъмолчи-

лик билан “оммавий маданият” деб аталган балоқазолар тажовузидан ҳимоя қила оляпмизми? Бир вақтлар Англия-нинг Оксфорд университети қошидаги Ислом тадқиқотлар марказининг бир ходими ушбу ҳодисани “Майл

Жексон ва Мадонна дини” деб атаган эди.

Шу ўринда истеъзоли бир воқеа эсга тушади. “Борхес” тахаллуси билан Европада шов-шув бўлиб кетган аргентиналик ёзувчи ҳақидаги газета хабарларини ўқиб ўтирган кутубхона мудири ўша ерда китоб тахловчи бўлиб ишлаётган Хорхе Луисга, “Қара, сен тенги бир ёзувчи бутун Европани лол қолдирипти, сен ҳали ҳам китоб тахлаб юрибсан”, деган экан. Хорхе Луис бошлиғига ўша ёзувчи менман деб айттолмаган. Ўзининг машҳур бўлиб кетганини айтишга ийманган ёш адид билан бугунги фан-техника ютуқларига эга чиқиб, бошқаларни маданиятсизлиқда айблаётган авлод вакили ўртасидаги фарқнинг катталиги одамни даҳшатга солади.

\* \* \*

Хозир бундай авлод вакилларини ҳар қадамда учратиш мумкин. Ҳар биримиз — айтарли эътибор қиласак-да — кўчада бундай истеъмолчиларга кўп бор дуч келамиз. Бу ёшларнинг ўзига хос субмаданияти ҳам шаклланиб улгурган: қўлида бутун бошли компьютер деса бўладиган мобил телефон; кийиниши ғалати, сочи ҳам замон руҳига мос ҳурпайган; тенгдошлари билан, худди қўчқорлардай, шоҳлашиб кўришади; бошқаларга тушунарли бўлмаган жаргонда гаплашади; машинаси “Қора бумер” бўлмаса ҳам, камида “Жип”; эшитаётган қўшиғи ҳам рэпми, рокми — алламбало; ҳеч нарсадан тап тортмайди, хоҳлаган вақтида,



хоҳлаган жойида яхши кўрган қўшигини варанглатиб қўйиб кетаверади; истихолани эскилик сарқити деб билади. “Шу ҳам қўшиқ бўлдими!?” деб кўринг-чи, нақ балога қоласиз. Сизни маданиятсиздан олиб, маданиятсизга солмаса, мана, мен кафил.

Баъзан йўлда кетаётиб, йўл ҳаракати қоидасини бузгани учун тўхтатилган ўшанақа олифталарга кўзингиз тушиб қолади. Улар йўл хавфсизлиги ходими билан ҳам ўз тилида гаплашади: агар ўжарроқ ходим бўлса, дарров телефонини ишга солиб, бирор “оқаҳон”идан маддад сўрайди. Энг қизиги, ҳамма нарсанни таниш-билиш ёки пул билан ҳал қилиш мумкин, деб ҳисоблайди. Йўл ҳаракати хавфсизлиги тимсолидаги давлатга бўлган ҳурмати ҳам шунга яраша.

\* \* \*

Китоб дўконларини кўп айланаман. У ерда ўша олифталарни умуман учратмайман. Ким билади дейсиз, балки улар китобни ҳам уйига келтириб берадиган замонавий воситалардан фойдаланаётгандир? Чунки ҳозир диванда ёнбошлаб олиб, савдо-сотик қилинадиган замон. Марҳамат, Интернетни очинг-да, кўнглингизга ёққан нарсага буюртма беравенинг. Бразилиядан бўлса ҳам олиб келиб беришади. Пул бўлса — чангальда шўрва, дейдилар буни.

Лекин китобни кўриб, танлаб, ҳидлаб сотиб олиш завқига нима етсин!

Барибири шу замонавий эмаслигимга бораман-да. Фалокат босиб, яна битта-яримта олифта китоб танлаётганинни томоша қилиб турган бўлса-я? Ёввойидан олиб маданиятсизга солаётгандир...

\* \* \*

Компьютер болалари ўзини шовқину шошма-шошарлик билан кўрсатгиси келади. Илгари қадрли бўлган нарсалар бугун омонат бўлиб қоляпти. Улар бугунги прагматиклашиб бораётган дунё воқелиги билан чиқиша олмаяпти. Тўғрироғи, қадриятлар ўша воқеликка халақит берётгандага, унинг шиддатини тўсаётган-

га ўхшайди. Шу сабабли компьютер болалари уни четлаб ўтишга уриняпти. Демак, азалий қараашларимиз, дидимиз ҳам ўзгариб кетса ажаб эмас.

Шу пайтгача шаклланган маданий дид компьютер болалари “диidi” билан юзмаяз турибди. Ҳали ҳеч қачон дид ва дидсизлик, бошқача айтганда, маданият ва маданиятсизлик ўртасидаги кураш бу қадар кескин тус олмаган эди.

Сизу бизнинг тушунчамиздаги диду фаросат бугун ёки кеча пайдо бўлган эмас. Улар асрлар оша сайқалланиб келган. Маданият ҳақидаги тасаввур тушуналаримиз пойдеворини аждодлар курган, исм берган, асослаган, исботлаган. Улар бизга дидсизлик ва маданиятсизликдан ўзимизни асраш йўлларини кўрсатиб бергану дид ва маданият деган ана шундай муҳташам бинони мерос қолдирган. Биз ўша бинога эгалик қила оляпмизми? Лекин одам ўзи тан олмайтган нарсага қандай эгалик қилиши мумкин?

\* \* \*

Бир воқеа ҳеч эсимдан чиқмайди. Автобус ҳар бекатда беш-үн дақиқа тўхтаб туриб, йўловчи йигарди. Охири, сабри чидамаган бир отахон ҳайдовчининг шунча йўловчини овора қилиб юриши маданиятсизлик эканини айтди. Шунда ҳайдовчи сурбетлик билан отаси тенги кишини сенсираб, “Хоҳласанг шу, хоҳласанг тушиб кет, ана, таксига мин, мен планни бажаришим керак!” деди. Бундан отахон қаттиқ хафа бўлди: “Одобсиз экансан, ўзингдан кattани сенсирадинг-а, бошлиғингга ёзаман”. Ҳайдовчи эса “Бор, қўлингдан келганини қил, сенга ўхшаган “писар”ларни ҳар куни кўриб юрибман”, деди. Бу жанжалга бир автобус йўловчи тувоҳ бўлди. Лекин ҳеч ким юраги дов бериб, бир оғиз гапирмади. Бу ерда шунчаки икки одам эмас, қадриятларга бўлган муносабат, бошқача айтганда, одоб ва одобсизлик ўзаро тўқнаш келди. Биз эса томошабинликдан бошқасига ярамадик. Кўнгли ўксиган отахон кейинги бекатда тушиб қолди. Унинг

маданият ҳақидаги тушунчасига дарз кетди — буниси аниқ.

Одамнинг ҳар бир хатти-ҳаракатида у олган тарбия, маданият ёки маданият-сизлик зухур бўлади.

Инсонийлик маданиятнинг энг муҳташам кўринишидир. У хушумуомалалик, раҳм-шафқат, меҳр-оқибат, самимият, ҳурмат ва эътибор, камтарлик ва бағрикенглик, ҳалоллик сингари фазилатларни қамраб олади. Қайси миллатда инсонийлик тақчил бўлса, билингки, унинг маданияти ҳам бут эмас. Чунки ҳар бир миллат ушбу фазилатларни онгига сингдириб олгунича минг йиллар керак бўлади, улар мисқоллаб йифилади. Энди уларни вайрон қилишга, бой беришга ҳаққимиз бормикин? Ақлли-ю, „ҳиссиз робот”га айланиб қолмаймизми?

\* \* \*

Дунёнинг ривожланган мамлакатларидан бирига бориб келган танишим бир гап айтиб қолди: “У ерда ҳамма нарса бор.


Лекин қўшни қўшнига ёт, бегона. Ҳамма ўзи учун яшайди, бошқа бирорни жини сўймайди. У ерда одамларни эмас, зиммасидаги вазифани оғишмай бажараётган одам қиёфасидаги машиналарни кўргандай бўлдим”.

Ота-боболаримиз бизга, олим бўлиш осон, одам бўлиш қийин, деб ўргатган.

Табиатига инсонийлик ёт олимни ҳам маданиятли деб бўлмайди. Ушбу фазилат эш бўлмаган тараққиёт ҳам худди қолоқлигу ёввойилик сингари вахшийликка олиб боради. Инсонийлик мезони бўлмаса, суюнадиган кутблар йўқолади. Кутбсизлик эса тийиксизлик, қиблиасизликдир.

Бугунги ҳаёт шиддати бизни нималарга ўргатаяти, қайга бошлаб кетяпти? Инсонийлик ҳақидаги тушунчаларимиз асл ҳолича сақланиб қоялптими? Хуллас, саводдан кўпі йўқ.

Тарихий тараққиёт ва маданиятлар тўқнашуви бўйича йирик мутахассис, немис файласуфи Освальд Шпенглер савол кўпайиб, унга муносаб жавоб



топилмай қолган паллаларда маданият ҳақидаги фикрлар ва қарашларда, умуман, тараққиётда портлаш юз беради, дейди. Бу портлаш одамзодни тараққиёт сари ҳам, инқироз томон ҳам етаклаши мумкин.

XXI аср ибтидосига келиб, ботинимизни минг йиллар давомида шаклланган маданиятга асосланган “мен” эмас, қай даражада истеъмолчи эканимиз белгиламоқда. Истеъмолчилик жамиятининг асосий талаби шахс эмас, устомон — ҳеч бир идеални хушламайдиган, пора билан бўлсин, таниш-билиш билан бўлсин, фақат иш битишини кўзлайдиган прагматик бўлишдир. Айнан шу нуқтада маданиятли ва маданиятсизга ажралиб боряпмиз.

Бугун дунё, ҳаёт ва Яратган ҳақидаги тасаввур ва ҳайратимиз ҳам ўзгаряпти. Эртага эса янада кескинлашади. Энди шахсиятимизга истеъодимизга қараб эмас, устомонлигимиз, қанчалик ахборотга эгалигимизга қараб баҳо берилади. “Етарли ахборотга эга бўлмаган шахс” ҳаётдан орқада қолган ҳисобланади. Бу — компьютер болаларининг сизу бизга бўлган муносабати. Улар устомон ва ўzlari билган нарсалардан хабардор бўлмаганларни маданиятсиз деб атайди.

\* \* \*

Яратган ҳақидаги тушунча тасаввурларимиз ҳам бизнинг қай даражада маданиятли эканимиздан дарак беради. Ул Зотни ўзиники қилиб олиб, кейин Яратган билан бандаси ўртасида воситачиликни бойлик ортириш манбаига айлантираётганлар маданиятнинггина эмас, илоҳиётнинг ҳам душманидир. Тангри билан бандаси ўртасида ҳеч қандай девор, ҳеч қандай шахс йўқ. Қалбимиз Яратганинг уйидир. Қалб — вужудимиздаги Яратган жамоли акс этган кўзгу. Ул Зот билан қалбнинг бақамти келиши, таниши, бир-бирларига уйғуналашиб кетиши — энг юксак маданият. Бу гапни биз эмас, беш юз йил илгари Ҳазрат Навоий айтган.

Ҳар қандай маданият дастлаб одамнинг ичидаги яралади, кейин эса моддийлашади. Ўша фарблик ҳакеру компьютер боласию қўпол ҳайдовчининг муомаласи эрта бир кун оддий ижтимоий кўнишка айланса-чи?

Аччиқ бўлса ҳам бир ҳақиқатни тан олмай иложимиз йўқ: қайси замонда яшамайлик, ичимиизда аждодларимиз сайқаллаган “мен” бўлмаса, бўш идишдан фарқимиз қолмайди. Компьютер саводхонлиги китоб ўқищдан олдин алифбони ўрганиш шартлигидай бир гап. Асло ундан ортиқ эмас.

Тараққиётнинг қаймоғидан баҳраманд бўлиб, шиддати билан кун кечираётган, ҳаётнинг бирон лаҳзасини унинг неъматларисиз тасаввур қила олмаётган авлодни “менсизлик” билан бир қаторда шу вақтгача эришилган нарсалардан айрилиб, ўрнига бўшлиқ билан юзма-юз қолиш, азалий илдиз ва томирлардан узилиш хатари кутиб туриди.

Биз бугун инсоният тараққиётининг баланд чўққисида турибмиз. Аммо бу чўққидан йиқилиб, яна ибтидоий ҳаётга тушиб қолиш хавфи кун сайин ортиб боряпти. Бизга энг илгор тараққиёт неъматларидан баҳраманд бўлиш баробарида тўплланган барча билим ва тажрибалардан айрилиб қолиш хавф солмоқда.

Бу ерда гап ядро уруши вайронагарчилиги ёки экологик фожиалар оқибати эмас, тараққиётнинг жадаллик билан инсоннинг барча фаолият турларини, ақл-идрокини, ҳатто, интим туйгуларини ҳам ўзиники қилиб олаётгани, у тобора ўз “мен”идан айрила бораётгани ҳақида кетяпти.

Тараққиёт бизга барча қулайликларни яратиб бермоқда, дунё “улкан бир қишлоқ”га айланиб бораёттир. Унинг энг олис нуқтасида, ҳатто коинотда содир бўлаётган янгиликлар зум ўтмай бизга етиб келади.

Ҳаёт мароми шу қадар тезлашиб кетмоқдаки, энг сўнгги русумдаги компьютер ҳақида эшитиб, уни бозордан излаб топиб, уйга олиб келиб ўрнатгунимизча, эскириб қолмоқда. Мана шу тезлик акли-

\* \* \*

мизни шошириб қўйди. Шу пайтгача тўглган билимларимиз бирпастда эскириб, кераксиз бўлиб қоляпти. Биз эса ўпкамизни кўлтиклаб, тараққиёт изидан чопиб юрибмиз. Унинг ортидан абадий югуриб юришга инсоннинг қурби етармикин?

Югуриб кетаётган одам мулоҳаза қилиб ўтирамайди. Бунга вақти йўқ. Шунинг учун бўлса керак, биз фан-техника ютуқларини кўр-кўрона қабул қиляпмиз, истеъмол қиляпмиз, истифода этяпмиз. Туйғу ва кечинмаларимиз уларга мослашаётгани сайин завқу ҳайратимиз ўлиб боряпти.

Компьютер оилавий ва тарбиявий муносабатларимизга ҳам аралашиб улгурди, фарзандларимизнинг эрмагига, дардошига айланди.

Ҳаётимизни тараққиёт машиналари га бўшатиб беряпмиз. Ўзимиз билмаган ҳолда уларнинг қулига айланиб қолиш хавфи пайдо бўлмоқда. Бундан, фалончи тараққиётга қарши экан, деган хуласа келиб чиқмаслиги керак. Гап бу ерда масаланинг маънавий-фалсафий жиҳати ҳақида кетяпти.

Биз тараққиётдан воз кечолмаймиз. Лекин ҳар нарсага кўр-кўрона эргашиш барибир хатарли. Сабаби — тараққиёт ва унинг машиналари маданият шакллантирган дидимиzioni вайрон қиляпти.

Аммо том маънода уларни ўзимники деб айта оламиزمи?

Ана шу саволга жавоб топсаккина, “компьютер авлоди”га мансублик маданият белгиси бўлиш-бўлмаслигини ҳал қила оламиз.

Ўша сизу мен сотиб олган машиналар: компьютер, автомобиль, ошхона комбайнни ва ҳоказо фақат маҳсулот сифатидагина бизники. Технологияси эса ишлаб чиқарганиники. Техниканинг ишлаш принципио қандай ясалганини билмаган одам унга эгалик даъво қила оладими? Афсуски, йўқ.

Мана шу ўринда ўзини маданиятили деб даъво қилаётган компьютер болалари башарасидаги ниқоб йиртилиб кетади, шаклни мазмун деб адашаётгани аён бўлиб қолади.

Умуман, маданият нима ўзи? Маданиятсизлик-чи?

Ўша ҳайдовчи қайси маданий-маънавий йўқотишларимиз сабаб отахонга бундай муомала қилди? Отахон нимага таяниб, уни маданиятсиз деди? Улар зиддиятли вазиятни икки хил тушунади: бири ёши катталарни ҳурмат қилиш керак деб билса, иккинчиси, у ҳам менга ўҳшаган бир одам, қартайган бир йўловчи, деб ўйлади.

Замон шиддати ўша ҳайдовчининг мулоҳаза қилиб кўришига, отаси ёки бобоси тенги бир одамни ранжитганидан афсус чекишига вақт қолдирмайди. Чунки уни кўпроқ одам ташишу ундан ҳам кўпроқ пул ишлаш, кейин ўша пулига фарзанди учун компьютер ёки оиласига суюқ кристалл экранли телевизор ёхуд автомобиль сотиб олиш ташвиши қийнайди. Ишдан уйига ҳориб қайтгач, телевизор тагига ётиб олади. Кейин эса уйқу, нонушта, яна иш, яна телевизор...

\* \* \*

Биз ўзлигимиздан йироқлашган сайин маданиятсизлашиб бораверамиз.

Бу ўзлиқда Одам Атодан тортиб бугунгача бўлган аждодларимиз тажрибаси, хиссияти ва анъаналари, қалби жамланган.

Ўзлиқдан чекинган сайин ана шу қалбдан чекиниб борамиз.

Модомики, ўзимиз фойдаланаётган нарсани ўзимиз яратмас эканмиз, маданиятили бўла олмаймиз, истеъмолчилигимизча қолаверамиз. Истеъмолчи маълум маънода бировга қарам одам. Демак, биз тўлиқ мустақил эмасмиз. Қарамлик эса маданият белгиси эмас. Маданият моддийлик ва маънавиятнинг уйғунлашуви, қалб ва дид, ақл ва идрок эркинлиги, озодлигидир. Қарамлик бор жойда бу уйғунлик бўлмайди. Уйғунлик йўқ жойда эса маданият бўлмайди.

Ўзлик эса биздан ҳар бир нарсага теран идрок ва ақл билан ёндашишни, ҳеч қачон фикр қилишдан тўхтамасликни, ҳар

доим ҳар қандай мавзуда, ҳар қандай масалада фикримиз бўлишини талаб қилади. Истеъмолчи ва қарам одам эса ўша автобус йўловчилари сингари лоқайд бўлади. Лоқайдлик фикрсизликдир. Фикр ўзлини намоён қилиш бўлса, лоқайдлик бундан қочиш, кўрқишидир. Демак, фикрсизлик — лоқайдликнинг, маданиятсизликнинг бошланиши.

Фикрсизлик фақат ижтимоий плюрализмнинг эмас, маданиятнинг ҳам кушандасидир. Фикр йўқ жойда маданият пароканда бўлади, тараққиётнинг занжирли ҳалқалари узилиб кетади. Уларнинг ўрнини маданиятга зид бўлган тушунчалар, қарашлар эгаллаб олади. Энг ёмони, колмпьютерни ишлатишни ўрганиб олган одамни кўрган ва унинг маданиятсизлик ҳақидаги иддаосини эшитган омма “маданият” шу экан деган хulosага келади.

Фикр одамнинг ботиний қиёфасидир.

Фикр одамнинг ўзлигини, ўзига хослигини билдириб, мавжудлигини кўрсатиб туради. Фикр йўқ жойда жоҳиллик, лоқайдлик кўпчииди.

Фикр одамнинг бармоқ излари каби бетакрор бўлади. Биз уни муҳит ва яшаш тарзимизга мослаб ифода этамиз, ўша муҳитни янгилашни, ўзгартиришни, оммалаштиришни истаймиз. Ана шу истак отахон ҳақорат эшитаётганда лоқайд турмасликка, муносабат билдиришга ундейди. Йўқ фикрни оммалаштириб бўлмайди.

Фикр — тараққиёт мезони. У тўхтаган ва ҳамма бир хил фикрлаб қолган жойда тараққиёт ҳам тўхтайди, фақат “тараққий этаяпмиз” деган алдамчи тасаввур қолади, холос. Бу алдамчи тасаввур хукмрон жойда ҳеч ким ўзини намоён қилгиси, фикр айтгиси келмайди. Чунки фикр билан вазият ўзгаришига ишонмайди. Оқибатда лоқайдлик юзага келади ва ижтимоий тус олади. Фикрнинг тараққиёт асоси эканини ҳамма билади.

Одамзод фикр қилиб бугунги тараққиётга эришди. Яна фикрлашдан тўхтамаса, янги чўққиларни забт этаверади.

Одамзод фикр қилиб, маданият яратди, маданиятга эришди. Фикр тўхтаган жамиятда таназзул бошланади. XVII асрдан XX аср бошларигача бўлган Туркистон тарихи бизга сабоқ бўлиши керак. Бу даврда фикр тўхтаб қолгани учун ҳам на маданият, на адабиёт, на санъат ва на аниқ фанларда эсда қоларли кашфиётлар қилинди.

Фикр бўлсагина жамият янгиланади.

Европа илмий-техник тараққиётга эришидан олдин унинг фикри, санъати, фалсафаси тараққий этиб, ижтимоий фикрга туртки ва кувват берди, хилмажил “ўзликлар” орқали хилма-хил foяларга йўл очилди. Энг муҳими, Европа ана шу фикр ва foяларга йўл берди, уларни ҳаётга татбиқ этишга имконият яратди. Бугунги маънавий таназзулини ҳисобга олмаса, Европанинг энг улкан ютуғи фикр ва foялар эркинлигидир, деб айтиш мумкин.

Фикрни маърифат уйғотади, ўстиради, янгирайди.

Куюндан бостириб келаётган, онгимиз ва дидимизни саёзлаштираётган, санъат, гўзаллик, дид ҳақидаги тушунчаларимизни, шу пайтгача шаклланган ва қадриятга айланган тушунчаларни емиришга киришган оломон маданияти ва дидидан, бошқача айтганда, фикрсизлик ва дидсизликдан, яъни оломончиликдан фақат маърифат ва билимгина асрай олади.

Бугун — XXI аср ибтиdosida катта тараққиётга эришиш баробарида оломон маданияти чоҳига қулаги тусиши хатари билан юзма-юз турибмиз. Бизни бу хатардан маърифат, дид, тафаккур, ижодий кувват, ижодкорлик қутқара олади.

Истеъмолчиликда ижодкорлик йўқ. Ижодкорлик йўқ жойда яратувчилик бўлмайди. Ҳайрат ва завқ ўлса, ижод ҳам ўлади.

Бугун бизнинг китобдан, адабиётдан узоқлашаётган, кўпроқ техникалашаётган қалбимиз ижоддан ҳам узоқлашиб бораёттири.

Китоб — хоҳ Интернет нашридир, хоҳ босма китобдир — барибир китоб. Китоб ҳақидаги маълумотларни эмас, ўзини ўқиши керак.

\* \* \*

“Компьютер авлоди”га мансуб бир ёш йигитни танийман. Илм-фаннынг бугунги ютуқларидан дурустгина хабардор. Баъзан Кафка, Камю, Фромм, Шопенгауэр ва дунё тафаккурининг чўққилари бўлган бошқа файласуф ва адиблар ҳақида жўяли фикрлар айтиб қолади. Лекин улар Интернетдан олинган тайёр маълумотлар, холос. Асарларини ўқимаган, улар ҳақидаги баҳсу мулоҳазалардан бехабар. Сабабини сўрасам, уларни ўқишга вақтим ҳам, ҳафсалам ҳам йўқ, маълумотларнинг ўзи кифоя, дейди.

Бу — “компьютер авлоди”га мансуб зиёли йигитнинг гапи. Завқу ҳайрати ҳозирдан ўлиб бўлган. Уларнинг ўрнини ахборот боса олади, деб ўйлайди, эҳтиёжини шу билан қондиради. Мен бу йигитни одамга эмас, ахборот тўплангандан бисер ёки флешкартага ўхшатаман.

Ёшлар ўртасида адабий асар ўқиш ўрнини улар ҳақидаги маълумотлар билан кифояланиш тамойили эгаллаб бораётганини алоҳида таъкидлашни истар эдим. Мана бу манзарага эътибор қилинг: “Навоийми? Биламиз. Унинг фалонча асари бор. Фалон асарида фалон ғояни кўтарган, фалон муаммони ўтрага ташлаган...”

Тўғриси, ёш авлод адабиётни тест саволларига жавоб топиш учунгина ўқияпти. Асар руҳини ҳис этиш, қаҳрамонлар кечинмаларидан таъсирланиш, уларга дарддош бўлиш, қўшилиб изтироб чекиш, қувониш, фикр қилиш, бир сўз билан айтгандан, маънавий эврилиш, ҳузурланиш ортиқча бўлиб қоляпти. “Компьютер авлоди”ининг билмаган ёки хабари бўлмаган соҳаси йўқ. Лекин ҳар соҳадан бир шингил.

Асарнинг ўзини ўқишга ҳафсаласи, ҳайрати етмаган, вақти бўлмаган ўша йигит сизу биз — эски замоннинг одамлари тушунчасидаги маданиятлилик талабларига жавоб бера оладими? У ҳам ўша ҳайдовчига ўхшаб, отаси ёки бобо-

си қатори отахонни бўралатиб сўкмайди деб ким кафолат беради? Маданиятли одам қуюшқондан чиқиб кетмаслиги учун керак бўладиган чегарани отонасидан олган тарбияси баробарида ўқиган китоблари ҳам белгилаб беради. Ахборот эса ҳеч нарсани чекламайди, маълумот беради, холос. Жайдари тил билан айтганда, унда ҳеч қанака одамгарчилик мезонлари йўқ, инсонийликка ўргатмайди.

Бу — адабиётнинг, маданиятнинг, санъатнинг вазифаси. Чунки истеъоддлар бу ўткинчи дунёга мангулик ҳақида, мангу завқ ҳақида, мангу ҳайрат ҳақида хабар бериш ва қалбларимизни мангулик нурлари билан чўмилтириш учун юборилган. Адабиёт миллатиди ва маданиятини тарғиб, ташвиқ қилувчи, қадриятларини улуғловчи, уни маданиятнинг юксак чўққисига етакловчи энг улкан воситадир. “Адабиётсизлик маданиятсизликдир, дидсизликдир”, дейди немис ёзувчиси Герман Гессе.

Борхеснинг бир гапи бор: “Бир кун китоб ўқимаган одам юз йил жаҳолатда юрган одам билан баробардир”. Унинг ўзи бирор кунини ҳам мутолаасиз ўтказмаган. Умрининг охирида, кўзлари кўрмай қолганида ҳам, бошқаларга ўқиттириб, эшишиб ўтирган.

Хуллас, мақоламизнинг бошида қўйилган саволимизга қайтадиган бўлсак, унга жавоб бўла оладиган кўплаб воситаю таянчларимиз бор. Ўша таянчлар қуввату куч берсагина бизники бўлади. Завқимиз ва тафаккуримиз ичимизга кирса, ўзимизни бўлса, бизга қувват беради. Ўзлигимизга айланса, қувват беради. Ана шу қувватдан баҳраманд бўлсаккина, “Маданият нима?”, Маданиятсизлик-чи?” деган саволга аниқ, қатъий бир жавоб бера оламиз.

Ана шу қувват бўлсагина, компьютер бизни ўзига авлод қилиб ололмайди, аксинча, биз компьютерни ўзимизга “авлод” қилиб оламиз.

# МА'rifatchilik: tafaakkur va erkinlik uyg'unligi



Жан-Жак Руссо



Дени Дидро



Фридрих Шиллер



Питер Пауль Рубенс ва  
рафиқаси Изабелла Брант

Эркинлик гояси узоқ тарихий-тадрижий йўлни босиб ўтиб, XVII-XVIII асрларда янги боскичга кўтарилиди. Бу даврнинг “Даҳолар асри” деб номланиши бежиз эмас. XVII аср Декарт, Паскаль, Спиноза, Лейбниц каби файласуфларни, Кальдерон, Корнель, Расин, Мольер каби сўз санъаткорларини, Рубенс, Ван Дейк каби рассомларни, Монтеверди, Люлли каби бастакорларни дунёга келтирган бўлса, XVIII аср Вольтер, Дири, Гельвеций, Гоббс, Локк, Юм, Кант, Лессинг, Гердер сингари акл соҳиблари номи билан боғлиқ. Аввал “Тафаккур асри” деб ном олган XVII аср, сўнгра “Маърифатчилик асри” деб аталган XVIII аср фалсафаси гуманизм гояларини янада ривожлантириб юборди.

Тўгри, Реннесанс даврида вужудга келиб, инсоннинг чексиз қудрати, аклий ва руҳий улугворлигига қаттий ишонган некбин инсонпарварлик давр пўртналари, кескин зиддиятлар таъсирида айrim қирраларини йўқотди, гуманизм гоялари энди фожеий руҳ касб этди. Дунё концепциясидаги ўзгаришлар сабаби мавжуд ижтимоий-сиёсий воқеалиқда яширин эди. XVII-XVIII асрлар, том маънода, феодал муносабатлардан капиталистик муносабатларга ўтиш давридир. Ҳар қандай ўтиш даврида бўлганидек, бу вақтда ҳам Фарб оламида ҳар хил зиддият ва бухронлар авж олди — бетиним кечган диний низолар, ҳалқ қўзғолонлари, табақавий можаро, маънавиятдаги эврилишу қадриятлар нотурғунлиги, аввал Нидерландия ва Англияда, сўнг Франция-



Вольтер



Д' Аламбер



Иоганн Готфрид  
Гердер



Шарль Луи Монтескье

да рўй берган буржуа инқилоблари, дастлабки буржуа давлатларининг шаклланиши ва ҳоказо — буларнинг бари давр руҳини белгилаб берди. Шундай шароитда Ренессанс даврида қарор топган ҳурфиклилик мислсиз тўсиқларга дуч кела бошлади. Айниқса, Рим-католик черкови бу даврнинг асосий аломатларидан бўлган Реформацияга қарши беаёв жангга кирди. XVII аср бошида Римнинг Гуллар майдонида Жордано Брунони ўз домига тортган даҳшатли гулхан бутун даврни "шуъла"лантириб юборди. Бутун Европа бўйлаб ўнлаб ва юзлаб ана шундай гулханлар ёна бошлади. Улар ёрдамида ҳурфиклилик, дунёвий маданият ва илмий тараққиётни йўқ қилишга уриндилар. Даврнинг ижтимоий муҳити инсоннинг ҳаётий муаммоларини янада кескинлаштириди. Дунё қиёфаси ўзгарди — инсон "табиатнинг гултожи", "оламнинг меҳвари" рутбасини йўқотди. Энди Коинотнинг бутунлай бошқа тимсоли намоён бўлди — у чек-чегарасиз, зиддиятларга тўла ва бетиним ҳаракатда тасавур этилди. Бу Коинот ичра инсон, Б.Паскаль ибораси билан айтганда, "атом зарраси каби адашган", унинг ҳаёти эса "бир дақиқа ялт этиб кўриниб, абадий йўқолган соя"га ўхшар эди. Инсон ва Коинот ўртасидаги уйғун алоқа бузилди ва шу боис Паскаль энди инсонни "фирковчи қамиш"га ўхшатади. "Уни йўқ қилиш учун бутун Коинотни ишга солишга ҳожат йўқ: енгил шабада, бир томчи сувнинг ўзи кифоя", дейди у. Бироқ Олам маҳобати қаршисида у заиф ва нимжон кўринса-да, тафаккури билан барчасидан юқори туради. "Инсоннинг улуғлиги унинг фикрлаш қобилиятида, — деб ёзади Паскаль. — Ёлғиз тафаккургина бизни юксакка кўтаради, макон ва замон бундай имконга эга эмас, чунки улар ичра биз ҳеч нарсамиз".

Хуллас, инсоннинг Ренессанс даврида тараннум этилган нурли тимсоли XVII асрда келиб, бирмунча ҳушёр муносабат билан ўрин алмашди. Энди у мураккаб, зиддиятили, парадоксал мавжудот сифатида ҳам улуғлиги, ҳам тубанлиги билан намоён бўлди. Ижтимоий борлиқ ҳам инсон шуурида нотурғун, адолатсиз ва аянч деб идрок этила бошлади. Шу асосда ҳаёт ва олам фожеий моҳият касб этди. Инсон ва борлик, шахс ва жамият муносабатларига доир қарашлар ўзгариши билан эркинлик гоясининг мазмуни ҳам янгича талқин этилди. Ренессанс даври руҳини Данте Алигьерининг "Оёққа қалқ, шубҳадан воз кеч, инсон руҳига бўйсунмаган чўққилар йўқ дунёда!" деган даъвати ифода этган бўлса, янги замонда эса инсон руҳи имкониятларига шубҳа билан қаралди. Ларошфуко мана бундай мулоҳаза юритади: "Кўпинча инсон ўзини ўзи бошқараётгандек туюлади, аслида эса уни бошқа нарса идора қиласи, ақлан у бир мақсад сари интилса, қалби уни бошқасига етаклайди". Инсоннинг парадоксал, зиддиятли экани, бир жиҳатдан, ана шу ақл ва ҳиссиёт ўртасидаги ному-воғиғлик билан боғлиқ. Тафаккур чекланган, ҳиссиёт эса нотурғун деган қараш охир-оқибат "борлиқнинг экзистенционал ўчоқлари"ни шакллантириди. Ренессанс давридаги антропоцентризм ўзгача маъно ва мазмун касб этди. "Дунёнинг тилаги, самари", "ақл кўзин қароси — жавҳари" бўлган инсон чексиз коинотнинг кичик бир заррасига айланди. "Коинот ичра инсон нима? — дея савол қўяди Б.Паскаль ва бундай жавоб беради. — Чексизлик билан қиёслаганда йўқлик, йўқлик билан қиёслаганда борлик, ҳамма нарса ва ҳеч нарса орасидаги ўрталиқdir".



Пьер Корнель



Мольер



Готхольд Лессинг



Жан Расин



Дэвид Юм

Шундай бўлса-да, XVII-XVIII асрлар фалсафасида инсон эрки асосий масалалардан бирига айланди ва у, Г.Лейбниц таъбири билан айтганда, “заковат, эзгулик ва бахтдан иборат муқаддас бирлик” ҳамда бир томондан, қалб улуғлиги, бошқа жиҳатдан, тафаккур соғлиги билан боғлаб талқин этилди.

Масалага ойдинлик киритиш мақсадида, шу ўринда эркинлик ҳақидаги мавжуд талқинларга тұхталиб ўтсак. Уларни умумий тарзда иккига бўлиш мумкин. Даставвал эркинлик деганда, ҳар жиҳатдан озод бўлиш англанган. Бунда инсоннинг ҳар қандай қарамлиги, тобелиги салбий ҳол деб қабул қилган. Ҳақли савол туғилади: инсоннинг эркин бўлиши нималардан озод бўлишни тақозо этади? Инсон ҳаёт фаолиятида, аввало, табиий жараёнлардан ўзини ихота этиши, мустақил ҳаракат қилиши мумкин. Шу тариқа эркинлик табиат қонунлари билан алоқадор заруратга қарама-қарши қўйилади. Шундай экан, табиатга бўйсунмаслики инсоннинг ўз қарорларида заруратга тобе эмаслиги сифатида ҳам талқин этиш мумкин. Антик даврдаёқ инсон қисматини зарурат (тақдирни азал) белгилашига эътибор қаратилган эди. Бунда эркин қарор ва зарурат ўртасидаги зиддият фожеий ҳолатни юзага келтирса-да, инсон улуғлигининг бир белгиси сифатида талқин этилган. Шу ўринда Софокл трагедиясидаги қисматга қарама-қарши борган Эдипни эслаш кифоя. Отасининг қотили, онасининг эри, фарзандларининг акаси бўлиш қисмати пешонасига битилган Эдип асарда юксак ақл ва ахлоқ соҳиби сифатида тасвирланган. У ҳақиқат аянчли бўлиши мумкинлигини ҳис этса-да, барибир тақдир жумбогини ечиш истагидан воз кечмайди. Софокл, инсон ўзи учун мустақил танлаган йўл унинг қисматига ижобий таъсири этади, деган ғояни илгари суради. Буни у Эдип ҳақидаги трилогиянинг сўнгги қисми — “Эдип Колонда” трагедиясида тасвирлаб берган. Тақдирни ўзи хоҳлаган йўлга буришга интилган ва бу билан маъбудлар иродасига қарши чиқкан Эдип илоҳлар мағфирати баробарида энг олий мукофот — ўлимидан сўнг ҳам одамларга хизмат қилиш баҳтига мусассар бўлади.

Инсон макони бўлмиш оламни табиат билан бирга жамият ҳам ташкил этади. Инсон мутлақ эркинлик истагида жамиятга нисбатан ҳам эркин бўлишга интилади. Софоклнинг “Антигона” траге-

диясида айни шу ҳолатнинг бадиий ифодасини кўриш мумкин. Антигона акасини ватан хоини деб эълон қилган ҳукмдор Креонт ҳукмига қарши чиқиб, дафн этилиши қатъий тақиқланган жигарбандини барча расм-руsumларни адо этиб ерга кўяди. Софоклнинг ғояси аён — инсон қандай бўлмасин, ўз бурчини бажармоғи лозим. Асарда бурч туйғуси кишининг мустақил қарори, шахсий тутуми маҳсул сифатида талқин этилади.

Юқорида тилга олинган ҳолатларда, аксарият файласуфлар тилга олган, “эрк ғоясини негатив тушуниш” ифодасини кўриш мумкин. Хўш, “негатив эрк” дегани нима? Бу хусусда рус олимаси Т.Торубарова бундай ёзади: “Эрк таърифлари орасида қўйидаги нуқтаи назар кўзга яққол ташланади: эрк инсоннинг ҳар томонлама озод бўлишини англатади. Эркнинг бундай тушунилиши замирида инсоннинг ҳар қандай тобелигини негатив идрок этиш ётади” (Торубарова Т. Идея человеческой свободы в классическом немецком идеализме. Серия “Мыслители”, вып. 12. СПб., Санкт-Петербургское философское общество, 2002, стр. 120).

Кези келганда, шуни ҳам айтиш лозимки, бугунги кунда баъзилар мазкур қарашни мутлақ эркинлик, яъни кўнгил тусанган ҳар қандай ишга изн берилиши, деб ўта жўн тушунмоқда. Бунинг айрим белгилари фарбона демократияда, масалан, бир жинсли никоҳнинг қонуллаштирилиши ёки жиной ташкилотлар тузилишига рухсат берилишида ўз ифодасини топмоқда).

Масала нотўри англанмаслиги учун таъкидлаш лозимки, “негатив эрк” ғояси



Декарт

инсон ва табиат, шахс ва жамият ўртасидаги боғланишни инкор этмайди. Инсон борлиқ ичра яшар экан, табиат ва жамият билан муайян муносабатга киришади. Муносабатга киришиш эса, табиийки, муросаи мадорани тақозо этади. Шу тариқа мутлақ эрк ижтимоий бурч, шахсий тутум, маънавият, ахлоқ-одоб мезонлари билан уйғунлаштирилди.

Хўш, инсон қай тарзда оламдан ўзини холи этиши мумкин?

Тобеликни енгиш йўли ўзини дунёдан хоме этишдир. Бунинг турли усууллари ўйлаб топилган. Чунончи, Сукрот масала ечимини ўзликни англашда кўрди ва таълимотига “Ўзингни ўзинг англа!” деган шиорни асос қилиб олди. Стоячилар эса эҳтиросни жиловлай олган “вазмин” ақл эгасигина ҳаётнинг барча фам-ташвишларидан фориг бўлиб, баҳтиёр бўла олишини таъкидлайди. Кадимги дунёning бошқа файласуфлари Зенон ва Хрисипп фикрича, ақлий машгулот ва зеҳний амаллар инсонга ҳаёт ва ўлим, шұҳрат ва шарафсизлик, бойлик ва камбағаллик, соглик ва касалликка бефарқ бўлиш имконини беради.


XVII-XVIII асрлар фалсафасида инсон эрки масаласи негатив эмас, позитив хал этилди, мазкур қадрият табиат ва жамият билан алоқадорликда олиниб, шундан келиб чиқадиган зарурат ва мажбурият билан боғлиқ ҳолда талқин этишга йўналтирилди. Бу борада Г.Лейбниц шундай дейди: “Материянинг, унда яралмиш беҳисоб жонзотлар дунёси мужассам бўлмаган бирон-бир зарраси йўқ, бошқаларга таъсир ўтказмаган ва уларнинг таъсирини ҳис этмаган бирон-бир номукаммал яралган индивидуал субстанция йўқ” (Лейбниц Г. Два отрывка о свободе. Мир философии. М., “Политическая литература”, 1991, стр. 181). Б.Спиноза эса “Эркинлик — англанган зарурат”, деган фикрни илгари суради. Г.Лейбниц эркка “Тафаккур асли” руҳини мужассам этган қуидаги таърифини беради: “Ақлни эзгуликка йўналтириш имкон қадар эркин бўлиш шартидир”. Т.Гоббс ҳам жамиятнинг қатъий тартиботи доирасида инсон эркини рӯёбга чиқариш масаласига эътибор қаратади. “Фуқароларнинг эрки ҳокимият билан тузилган шартномада тилга

олинмаган ишларни қилиш эркидан иборатдир”, дея уқтиради у.

Янги замондин фалсафасида ҳам иродада эркинлиги масаласи кескин баҳсларга сабаб бўлди. Мазкур баҳслар замонида илм-

фан ютуқлари билан черков ақидалари ўртасидаги номувофиқлик ётар эди. Илмий ва техник тафаккурнинг гуркираб ривожланиши ҳамда фаннинг дин таъсиридан чиқиши бу даврда черковнинг ўз мавқеи йўлида фаоллашувига туртки берди. Замондошлари Декартнинг “Фикрлаяпманни, демак мавжудман” деган тезисга асосланган назариясини илм-фан чўққиси сифатида қабул қилди. Бу нуқтаи назарга кўра, инсон ҳакам, тафаккур эса фикр мезони бўлмоғи лозим эди. Р.Декарт ва унинг Ўтра асрлар ақидапарастлигига қарши курашдаги ҳамфирни П.Гассенди (1592-1655) черков таълимотини остин-устун қилиб юборди. Шу билан бир вақтда черковда ички низолар ҳам авж олди. Руҳ эркинлиги ҳақидаги янгича қарашлар католик черковига мухолифатда бўлган ва янсенизм номини олган диний ҳаракатнинг foявий кураши ўзагини ташкил этди. Янсенизм таълимотининг эркинликка оид қарашлари қатъий расм-руссумларга суюнган католик черковига ҳам, ҳар қандай ҳурфиксмийлик кушандаси бўлган иезуитларга ҳам маъкул эмас эди. Янсенизмнинг улар билан foявий кураши XVII-XVIII асрлар маънавий ҳаётига жиддий таъсир ўтказди.

Дунёвий фалсафада эса эркинлик foяси янги замонда ижтимоий-сиёсий амалиёт нуқтаи назаридан талқин этила бошлиди. Шу асосда эркинликни негатив тушуниш позитив талқин билан ўрин алмашди. Хўш, бу икки ёндашувнинг фарқи нимада? Юқорида кўрганимиздек, негатив эркинлик ҳар қандай мажбурашни инкор этади ва, аслини олганда, табиат ва жамият қонунларидан холи бўлишни



Паскаль



Лейбниц

ши учун ўз йўлини танлай олиш қобилиятини англатади. Хусусан, Т.Гоббс “Эркин инсон бўлиш деганда нима тушунилади?” деган савонни ўртага қўйиб, унга бундай жавоб беради: “Эркин инсон истаган ишини қилади ва ҳеч нарса бунга тўсиқ бўлолмайди. Зоро, у жисмоний ва ақлий салоҳиятига кўра, ҳар қандай ишни амалга оширишга қодир” (Гоббс Т. Левиафан. Мир философии. М., “Политическая литература”, 1991, стр. 176). Файласуф эркинлик чегарасини айнан табиат ва жамият қонунлари билан боғлайди: “Эркинлик бу фаолиятга — монелик қиладиган турли тўсиқлар мавжуд бўлмаслигидир, зоро, улар табиатда ва субъектнинг ички фаолиятдаги сифатларида йўқдир” (Уша манба, 179-бет).

Г.Лейбниц фикрича, “Эркинлик мажбурлаш билан чиқиша олмайди, зарурат эса бундан мустаснодир” (Лейбниц Г. Два отрывка о свободе. Мир философии. М., “Политическая литература”, 1991, стр. 180). Вольтер эса бундай ёзади: “Ўз иродасини намоён этиш, бунга интилиш эркин бўлиш демакдир” (Вольтер. Метафизический трактат. Философические сочинения. М., 1988, стр. 180).

Диққатга сазовор жиҳати шундаки, “Тафаккур асли”да инсон эркинлиги унинг ақл-заковатига боғлиқ экани таъкидланди. Ж.Локк эркинлик ақл ва иродани тақозо қилишини айтади. Инсоннинг истахохишлиари мўл, уларни факат тафаккур тизгинлаши, тўғри йўлга солиши мумкин. Шундай экан, “У ёки бу ҳаётни ақлан қабул қилиш ё инкор этишга қодир бўлсанкина, эркиндирмиз” (Д.Локк. Сочинения в трёх томах. Т. 1, М., 1985, стр. 286).

назарда туради. Бундан фарқли ўла-роқ, позитив талқиндаги эркинлик, XVII-XVIII аср файласуфлари таърифи-ча, инсоннинг бирон - бир хатти-харакатни адо этишда эркин бўли-

Б.Спиноза, эркинлик гоясини давлат ва жамият ҳаёти билан боғлаб, уни комил инсоннинг ақлан мустақиллиги бош мезони сифатида талқин этди. “Агар тафаккур устидан ҳукм юритиш тилни тийиб қўйишдек осон бўлганида, — дейди файласуф, — ҳар бир шоҳ хотиржам ҳукмдорлик қиласверар эди. Зоро, одамлар ҳокимларнинг таомилига мослашиб яшар ва улар қарорига биноангина ҳақиқат ёки ёлғон, яхши ёки ёмон, адолат ёки адолатсизлик ҳақида ҳукм чиқарар эди. Аммо ақл-заковат буткул ўзганинг ихтиёрида бўлиши мумкин эмас”.

Г.Спиноза фикрича, ақлга тажовуз қилган ҳокимият (идора усули) зўравон ҳисобланади. Ҳар бир кишига нима ҳақиқату нима ёлғон эканини белгилаб бермоқчи бўлган ҳар қандай ҳокимият фуқаролариға нисбатан адолатсизлик қиласди ва уларни ҳуқуқидан маҳрум этади. Инсон табиатан ўз фикрига хўжайнадир, шу сабаб ҳеч ким фикрлаш ва ҳукм қилиш эркидан воз кечолмайди. Шу аснода мулоҳаза юритган Спиноза қўйидаги хуласага келади: “Ҳар бир шахсга ўзини жалб этган нарса-ҳодиса ҳақида сўзлаш ва уни ўрганиш эркини инкор қиласиган ҳокимият зўравонга айланади ва, аксинча, ҳар бир кишига бу эркинликни берадиган ҳокимият мўтадил бўлади” (Б.Спиноза. Богословско-политический трактат. Человек: мыслители прошлого и настоящего о его жизни, смерти и бессмертии. Древний мир — эпоха Просвещения. М., “Политическая литература”, 1991, стр. 294-295). Хўш, давлатнинг пировард мақсади қандай бўлмоғи керак? “Пировард мақсад ҳукмронлик қилиш ва одамларни ўзгалар иродасига бўйсундириб, кўркувда тутиб туриш эмас, аксинча, ҳар бир одам мумкин қадар хавф-хатарсиз яшashi учун уни кўркувдан халос этишдир... Демак, давлатнинг мақсади, аслини олганда, эркинликдир”.

Албатта, “Тафаккур асли” алломалари ақл муайян чегарага эга эканини тан олади, инсонга хос худбинлик, манманлик ва бошқа иллатлар жаҳолатга элтишини ҳам эътироф этади. Боз устига, инсонни тафаккургина эмас, ҳиссиятлар ҳам бошқаради. Туйғулар мажбурлаш хусусияти-

га эга бўлгани, одамни жазава ёки вахимага солиши ва ўзини-ўзи назорат қилиш имконидан маҳрум этиши билан хам ҳавфлидир. Аммо, шундай бўлса-да, XVII-XVIII асрнинг аксарият мутафаккирлари ақл-заковатнинг куч-қудратига, унинг ҳис-тўйгуларни тизгинлаб, “руҳнинг энг кичик қисми”га (Спиноза) айлантиришига ишонч билан қараган. Инсон бунинг учун эса мукаммал даражада билим хосил қилиши лозим, деб ҳисоблаган маърифатчилар. Хусусан, немис файласуфи Г.Лейбниц (1646-1716) илк асарларидан бири — “Донишмандлик ҳақида” рисоласида чинакам оқиллик “барча илмларнинг принципларини мукаммал билиш ва уларни қўллаш санъати”дан иборат эканини айтади. “Принциплар зарурат туғилганда хulosha чиқариш учун лозим бўлган жами фундаментал ҳақиқатлардир, — деб ёзади у. — Мен бундай деганда, феълатворни назорат қилиш борасида рух учун йўл-йўриқ вазифасини ўтайдиган барча ҳақиқатларни тушунаман” (Лейбниц Г. О мудrosti. Человек: мыслители прошлого и настоящего о его жизни, смерти и бессмертии. М., 1991, стр. 297).

XVII-XVIII асрлар Европа ижтимоий-сиёсий ҳаётида жиддий ўзгаришлар даври бўлди. Замон руҳи, айниқса, тафаккур ва эътиқод мавзуидаги баҳсларда яқол кўзга ташланади. Бу мунозаралар ўша даврнинг асосий мафкуравий кураш майдонини ташкил этади, зеро, тараққиётнинг етакчи омили бўлган илм-фан консерватив кучлар, айниқса, диний ақидалар ҳимоясига кўзгалган черков қаршилигига учради. Спиноза “Илоҳий-сиёсий рисола”сида бу баҳсларни аниқ тасвирлаб берган. (Шуни ҳам қайд этиш керакки, черков бу асарни қоралаб, ўтда ёқкан).

“Мени ҳайратга солган нарса, — деб ёзади Спиноза, — насроний динига, яъни меҳр-муҳаббат, тинчлик-осойишталик, сабр-тоқат ва ишонч-ихлос динига эътиқод кўйган одамлар ўта адолатсиз тарзда баҳс-мунозара қиласи ва ҳар лахза бир-бирига беаёв нафратини сочади... Одамларни, улар насронийми, мусулмонми, яхудими ёки мажусийми, бундан қатъи назар, фақат ташки қиёфаси ва либоси, у ёки бу ибодатхонага бориши,

у ёки бу ақидага амал қилиши ва, одатда, у ёки бу пайғамбар лафзи билан қасам ичишига қараб ажратиш мумкин. Ҳаётий қоидалар эса барчада бир хил” (Спиноза Б.

Избранные

произведения в двух томах. М., “Госполитиздат”, 1957, Т. 2. стр. 11).


Хўш, нега одамларнинг ҳаётий қоидалари бир хил бўлгани ҳолда ўзаро низолардан боши чиқмайди? Спиноза фикрича, бунинг сабаби — “дин черковга хизмат қилишни фазилатга, руҳонийларга эҳтиром кўрсатишни мажбуриятга айлантиргани. Черковда бу “мажбурият” суистеъмол қилина бошлиши билан ҳар хил нобакорларда руҳонийлик рутбасига кучли mail пайдо бўлади, илоҳий эътиқодни ёйишга иштиёқ ўрнини энди олчоқлик ва шуҳратпарастлик эгаллайди, ибодатхона эса черков пешволари қолиб, маддоҳлар саси янграйдиган томошагоҳга айланади. Қолаверса, бу маддоҳларнинг биронтаси ҳам ҳалқа таълим беришни хоҳламайди, аммо... кимdir ўзгачароқ фикр юритса, уни ҳалойиқ олдида ошкора сазойи қилишга, ўзлари эса нукул файриоддий нарсалардан лоф уришга интилади”.

Бундай муҳит, мутафаккирлар фикрича, ҳақиқатни ёйишга тўсқинлик қиласи ва, умуман, оммани ҳақиқатни англашдан маҳрум этади. Шунинг учун маърифатчилар диний ақидаларга нисбатан “табиий ҳолат” концепциясини илгари сурди. Табиий ҳолат, Ж.Локк берган таърифга кўра, “одамларнинг табиат қонунлари доирасида ҳаётий зарур деб билган хатти-ҳаракат ҳамда мулкни истифода қилиш эркинлигидир”.

Тафаккур ва эътиқоднинг бундай янгила талқини маърифатчиларда диний ақидапарастликка танқидий муносабатни шакллантирди. Тафаккур эркинлиги — инсон



Спиноза



Ж. Локк

дан четда турган бирор мутафаккирни топиш қийин. Шу боис ҳам инсон эрки масаласи улар қарашларида сиёсий эркинлик масаласи билан уйғунлашиб кетген. Динга муносабат ҳам соф эътиқодий масаладан сиёсий масалага айланган. Бу ҳол айрим файласуфлар тақдирида ҳам из қолдирган. Масалан, Спиноза “номаргуб” қарашлари сабаб дин арбоблари таъкибига учраган. Синагога 1656 йили уни муртад деб эълон қилган. Кейинчалик Спиноза “Илоҳий-сиёсий рисола” асарида тафаккур эркинлигини ҳимоя қилиб “Хокимият виждонли одамларни ўзгача фикрларни ва мугомбирлик қилмагани учун жиноятчикидек бадарга этишдан ҳам баттарроқ ёвузылк ўйлаб топиши мумкинми?” дега нидо қилган эди. Шотланд файласуфи Д.Юм (1711-1776) давлатчилик шаклланиши ҳақида Фикр юритар экан, бу тузилма кишиларнинг түгма майли ва умумий манфаатлари замирида юзага келганини айтади. Конституцион давлатчилик тизимида партиялар ўрни ва ролини таҳлил этиб, уларни, шаклланиш тамойилларига кўра, уч турга ажратади. Бир турдаги партиялар айнан диний принциплар асосида шаклланади ва файласуфлар фикрича, улар шафқатсизлик бобида чекчегара билмайди. Дин, бу даврга келиб чиндан-да, сиёсий кураш қоролига айланна бошлади. Т.Смоллетт (1721-1771) “Мен черковни диний эмас, сиёсий идора деб биламан” деб ёзган эди.

Янги замон мутафаккирлари, айниқса, инглиз маърифатчилари дикқат марказида эркин жамиятни мақсад қилган инсонпарвар тузумни фалсафий асос-

учун энг зарур неъмат, деб ҳисобланди. “Диний масалалар борасида эркин фикр юритиш барча одамларнинг бурчидир”, дега бонгурди Э. Коллинз (1676-1729).

Бу даврда сиёсий қараш-

лаш, унинг сиёсат ва иқтисодда юз кўрсата бошлаган куртакларини мустаҳкамлаш вазифаси турар эди. Шунинг учун улар тафаккурга таянган давлатда диннинг ўрнини белгилашда ҳам ақл-идрок, илм-маърифатни асосий мезон қилиб олган эди. Хусусан, Т.Гоббс ва ижтимоий-сиёсий қарашлари унинг таъсирида шаклланган файласуф Г.Стабб (1632-1676) ўз асарларида маърифатчиликнинг ўша давр протестантизми билан алоқасини кўрсатишга интилади. Бу икки йўналиш мафкурасини американлик олим Ж.Жейкоб ўзига хос “фуқаролик дини” тушунчаси билан таърифлайди (*Каранг: Просветительское движение в Англии. Под ред. Н.М.Мещеряковой. М., Изд. МГУ, 1991, стр. 26-28*). Унинг фикрича, “фуқаролик дини”-нинг мақсади динни файритабиий унсурлардан холи этиш ва илоҳий тамойилларни табиат қонунлари билан мувофиқлаштиришдан иборатдир. Бошқа американлик олим Ж.Поккок эса бу феноменга нисбатан “рационал дин” иборасини кўллайди ва у “диний жазава” ўрнини эгаллаганини таъкидлайди.

Дикқатга сазовор яна бир жиҳати шуки, иирик инглиз маърифатчиларидан бири — Ж.Локкнинг асосий асарлари — “Диний эркинлик тўғрисида мактуб”, “Инсон ақли устида тажриба”, “Давлат бошқаруви тўғрисида икки рисола” 1688 йилги “шонли инқилоб” чогида ёзилган ва кейинги илии нашр этилган.

Инсон эрки ва, умуман, эркин фуқаролик жамиятияга доир маърифатчилар қараши дин ва эътиқод масалалари билан чамбарчас боғлиқлигини кўплаб тадқиқотчилар эътироф этган. Шуни алоҳида таъкидлаш лозимки, маърифатчилар танқидга, хусусан, дин танқидига эскиликни рад қилувчи ҳамда вайрон этувчи, янгиликни тасдиқловчи ва қарор топтирувчи восита деб қараган. Аксарият маърифатчилар диний эътиқодни инкор этмагани ҳолда, унинг “соғлом ақл”, “пойдор тафаккур”га таяниши лозимлигини таъкидлаган. Хусусан, инглиз физиги И.Ньютон ҳеч қачон илм-фан ва эътиқодни бирбирига қарама-қарши қўймаган ҳамда асарларини динни мастахкамлаш воситаси деб билган.

Гарчи динга муносабати турлича, гоҳо эса бир-бирига зид бўлса-да, аксарият маърифатчилар давлат учун дин зарурлигини эътироф этган. Давлат тизимида черковнинг ўрни ҳақидаги баҳслар охир-оқибат черковни давлатдан ажратиш фоясига олиб келди. Хусусан, инглиз маърифатчиси А.Шефтсбери 1709 йили бу баҳсларга ўз хати билан муносабат билдиради, дунёвий ҳамда диний ҳокимият ваколатларини ажратиш фикрини илгари суради. Мутафаккир руҳонийларнинг, улар қайси динга мансуб эканидан қатъи назар, давлатда алоҳида имтиёзга даъво қилишини асоссиз деб ҳисоблади. Бу “Англияниң эркин конституцияси шароитида ҳатто хиёнат, мунофиқлик ва бузғунчиликдир”, деб уқтиради у.


Маърифатчилар шахс, жамият, давлат муносабатларини тадқиқ этар экан, ижтимоий, сиёсий, ахлоқий, ҳуқуқий масалаларда эркинликнинг энг мақбул йўлларини қидирди. Бунда улар дунёқарашининг негизини рационализм ташкил этди. Маърифатчилик мағкураси учун ақл устуворлигини эътироф этиш қонуний ҳол эди. Ж.Локк фалсафий таълимотини инсон тафаккурига айтилган мадҳия дейиш мумкин. Ақл “барча одамлар учун умумий бўлган мезондир”, дейди у ва ортидан қуидагича мулоҳаза юритади: “Тафаккурнинг аён ҳақиқатга зидма-зид келган вахийини қабул қилиб бўлмайди”, “Ақл барча масалаларда чинакам ҳакамдир”. Ж.Локкнинг издоши Ж.Толанд “Осмонда ҳам, Ерда ҳам нимаики мавжуд бўлса, улар тафаккур қонунларига мувофиқ жойлашган”, “Ақл — ҳақиқий ва бирламчи қонун, ҳётнинг нури ва қўёшидир”, дейди. Инг-

лиз ёзувчиси Д.Дефо фикрича, “Ақл қонунлар мезони ва тамал тошидир”. Драматург ва сиёsatчи Р.Шеридан эса парламентдаги чиқишлиарида “ақлга таянган эркинликнинг гўзаллиги ва жозибадорлиги”ни қайта-қайта таъкидлайди.

Хуллас, XVII-XVIII аср маърифатчилари тафаккурнинг куч-кудратига ишонч билан қараган ва шу боис ҳам фалсафий концепцияларида ақл-заковат етакчи омил ҳисобланган.

Ҳар қандай инсон оламни билишга иштиёқ тувиши зарур. Маърифатчиларнинг ақл ва унинг имкониятлари ҳақидағи қарашлари ижтимоий-сиёсий воқеликка кўчирилса, қуидаги хулоса келиб чиқади: “Демократия” истилоҳи кўплаб талқинларга эга. Демократик тизимларни ҳам бир қолипга солиб бўлмайди. Аммо демократия халқнинг, фуқароларнинг ўз ҳаётини барпо этишда фаол бўлмоғини талаб қиласди. Билимсизлик ва бунинг оқибати бўлган ўз кучига ишончсизлик одамни ижтимоий фалаж ҳолга солиши мумкин. Бинобарин, демократия илм-фан билан узвий боғлиқликда ривожланади ва, аксинча, илм-фансиз демократик тартиботни ўрнатиш мумкин эмас.

Фарб маърифатчиларининг фикр эркинлиги ва илм-фаннынг инсон ҳамда жамият ҳаётидаги ролига доир қарашлари, шу қарашлар асосида илгари сурилган давлат ва жамият қурилишининг ижтимоий-сиёсий принциплари инсоният тўплаган маънавий-маърифий бойликтнинг мухим ва ажralmas қисмидир. Улар меросига қайта-қайта мурожаат этиш ва ҳар гал зарур сабоқ чиқариш эркин, адолатли, инсон-парвар жамиятни барпо этишда бебаҳо таянчdir.



## FALSAFA FANMI?

Дунёнинг олтидан бир қисми устидан хукмронлик ўнатган қизил империянинг парчаланиб кетишида сиёсий-иктисодий сабаблар қатори мафкуравий омил ҳам муҳим роль ўйнагани шубҳасиз.

Коммунистик фоя билан озиқланган, шўро ҳокимияти манфаатларига мослаштирилган ижтимоий фанлар тизими ҳам ўша тузум билан бирга инқирозга учради. Ушбу фанларни миллий мустақиллик шароитида ўқув режаларида аввалги шакл ва мазмунда сақлаб қолиш мумкин эмас эди. Мамлакатимизда бу масала тезда ҳал этилди: “КПСС тарихи” фани ўрнига “Ўзбекистон тарихи”, марксча сиёсий иктиносидарни “Иктисиёт асослари”, “Илмий коммунизм” ўрнига “Сиёсатшунослик”, “Демократик жамият куриш назарияси ва амалиёти”, “Илмий атеизм” ўрнига “Диншунослик” фанлари ўқув режаларига киритилди. Албатта, “тезда ҳал этилди” деганда, асосан, шакл масаласи назарда тутилмоқда. Мазмунни ислоҳ қилиш муайян

вақт талаб этиши равшан. Шундай бўлди ҳам. Бу ҳолга Президент Ислом Каримов 1997 йилда таълим соҳасидаги ислохотларга бағишлиланган нутқида “Биз эски, шўролар замонидан қолган таълимтарбия тизимига хос мафкуравий қарашлардан ва сарқитлардан ҳали-бери кутулганимиз йўқ”, дея баҳо берган эди.

Ушбу масала бир қанча ижтимоий фанлар жамланмасидаги ўқув предметлари бўйича ўтган давр мобайнида, мукаммал даражада бўлмаса-да, ҳарқалай, ечимини топди.

Аммо бундай холосани ижтимоий фанлар тизимининг муҳим таркибий қисми бўлган фалсафага нисбатан ҳам ўринли дейиш қийин. Мустақилликка эришилгач, аввал ўқитилган фалсафадан “марксча-ленинча” сифат олиб ташланди, албатта. Лекин дастур ва дарслерлар муаллифлари олдида “Бундан бўён қандай фалсафа ўқитилиши лозим?”, “Диалектик материализмдан бутунлай воз кечиш керакми ё

уни ўқитаверган маъқулми?” деган саволлар кўндаланг бўлди. Файласуфлар фалсафа мустақиллик шароитида қандай концепцияларга асосланиши керак, деган муаммони ҳал қилиши лозим эди.

Баъзи устоз файласуфлар фикрича, мазкур саволлар ҳамон очиқлигича турибди. Масалан, диалектик материализм ҳануз бирмунча тараашланган ҳолда олий ўкув юртларининг фалсафа курсларидан ўрин олиб келмоқда.

Ушбу мақола юқоридаги мураккаб саволларга жавоб бе-риш даъвосидан йироқ, албатта. Мақсад муаммога эътибор қаратиш, уни ечиш замон талаби эканини яна бир карра таъкидлаш ва шу баҳонада, умуман, фалсафанинг фанлар тизимида тутган ўрнига, уни бошқа фанлардан фарқловчи ўзига хосликларга доир айрим мулоҳазаларни баён этишдир. Зоро, фалсафанинг фанга муносабатини аниқламай туриб, яна ҳам аниқ қилиб айтганда, фалсафа фанми, деган саволга жавоб бермасдан туриб, мазкур ўкув предметининг мақсад ва мазмунинини белгилаш қийин.

Кўйилган саволга жавобан яна шундай савол туғилиши мумкин: “Фалсафанинг ўзига хосликларини муаммо сифатида қўйиш шартми?” Чунки қадим замонлардан эътиборан бу мавзуда турли фикрлар билдирилган, бутун бошли китоблар ёзилган. Лекин илм-фаннинг жадал тараққиёти боис бу борадаги нуқтаи назарлар мунтазам янгиланиб тургани ҳам яхши маълум. Қадимги юон олимлари учун фалсафа фан билан деярли айниятлаштирилган (математика, мусиқа, грамматикагина айрим ҳолларда ажратилган, холос.) Бунда фалсафа физика (борлиқ тўғрисида хиссий идрок этишга асосланган мушоҳадалар) ва метафизика (борлиқ тўғрисида хиссиятга асосланмаган мушоҳадалар) қисмларига бўлинган.

Ўрта асрлардан то мумтоз немис фалсафасигача бўлган даврда табиий фанлар юксак тараққиётга эришиб, уларнинг ўрганиш объектлари конкретлашган ва “барча фанлар — фалсафанинг қисмлари” деган тезис ўз кучини йўқотган. Шунинг учун бу даврда фалсафага “фанларни умумлаштирувчи фан”, “энг умумий тушунча ва қонунлар ҳақидаги фан”, “фанлар асосини ташкил этувчи фан”, бир сўз билан айтганда, “суперфган” деган қараш хукм сургани. Марксча-ленинча фалсафа ҳам ана шундай нуқтаи назарга даъво қиласи.

XIX асрнинг ўрталаридан бошлаб, Фарб файласуфлари орасида фалсафанинг “суперфган”лик хусусияти ҳақиқатга мос эмас, деган ёндашув тарафдорлари пайдо бўлди. Улар “Фалсафанинг ўрганиш обьекти нима? Фалсафа фанлар тизимида қандай ўрин эгаллайди?”, ҳатто “Фалсафа фанми ё фан эмасми?” деган саволларни кун тартибига кўйди. Собиқ шўро файласуфлари эса XX асрнинг 80-йилларига келибгина бу бахсга қўшилди. Чунки бу вақтгача фалсафа фанми, деган савол ўз-ўзидан илмий коммунизм фанми, деган саволни келтириб чиқаргани учун ҳам хатарли эди.

Холбуки, “Фалсафа фанми, фан эмасми?” деган саволни асоссиз деб бўлмайди. Бинобарин, бу масалани ой-



Инсон қаршисидаги энг катта жумбоқ — ўзини ўзи англаш. Унинг тафаккури маҳсули — фалсафада ҳам ана шундай. Ўзини ўзи англаш жараёни мудом савол қўйиш ва жавоб излаш йўли билан кечади.

Фалсафани фан деб бўладими? Ундан қандай наф бор? Шу қабилдаги “қалтис” саволларни қўйишу ҳақоний жавоб топиш эса фитратида чин олимлик нишонаси бўлган, илм заҳматларидан хузур топадиган кишиларгагина насиб этади.

Ўзбекистон Миллий университети фалсафа факультетининг магистранти Хуршид Йўлдошев умрини енгил-елли ҳою ҳавасларга сарфлаб юрган баъзи тенгдошларидан фарқли ўлароқ, ана шундай чигал жумбоқлар ечими билан бандлиги бизни хурсанд қилди. Бир вақтлар устоз Озод Шарафиддинов ўзини саволларга кўмид юборган зийракина болакай — Хуршидни алқаб дуо қилгани беиз кетмаганга ўхшайди...

**Тахририят**

динлаштирмасдан туриб, фалсафа ўқув фани ва унинг ўқитиш муаммолари хусусида фикр юритиш бесамар бўлади. Бугун математикадан тортиб сиёсатшуносликкача, астрономиядан тортиб психологиягача барча фан соҳаларининг ўрганиш обьекти тайин, жамият ҳаётидаги ўрни ҳам аниқ белгиланган. Аммо бу жиҳатдан фалсафа ҳамон муаллақ ҳолда турибди. Хўш, фалсафанинг ўрганиш обьекти нима? Унинг жамията нима кераги бор? Афсуски, бундай саволларнинг аниқ ва лўнда жавоби йўқ. Бинобарин, фалсафанинг тадқиқот соҳаси сифатида ҳам, ўқув предмети сифатида ҳам ижтимоий ҳаётдаги ўрни ва истиқболи айни шу саволларга боғлиқ экан шубҳасиз. Фалсафа ўзининг инсоният учун, жамият учун аҳамиятини кўрсатиб бера олмаса, аста-секин четга сурилади.

Асрлар давомида фалсафий тафаккур обьекти бўлиб келган предмет ва ҳодисалар бугун фаннинг муайян бир соҳасига мансуб ва улар томонидан тадқиқ қилинмоқда, фалсафадагига нисбатан қатъйроқ услугуб ва воситалар ёрдамида ўрганилмоқда. Қатъйроқ деганда, хулосалар обьективлигини текшириб кўриш имкони қайдаражада экани назарда тутилмоқда.

Мисол тариқасида “онг” категориясини олайлик. Ҳозир онг билан боғлиқ бўлган жараёнлар нейрофизиологиянинг ўрганиш обьектига айланган. Нейрофизиологияда кўлланадиган тадқиқот усуллари, гарчи физикадагичалик қатъий ва аниқ хулосалар чиқариш даражасида бўлмасада, ҳарқалай, фалсафий мулоҳазаларга қараганда анча аниқ, мухими, муайян хулосага олиб келган сабаб-оқибат қонуниятларини тақрорлаш, тажрибада текшириб, синаб кўриш имкони мавжуд.

Шундай экан, фалсафага обьект сифатида нима қолади?

Фалсафа, қайси шаклда бўлмасин, яшаб, ижтимоий онгдаги ўрнини сақлаб қолишини истаса, предмети баробарида моҳиятини, функциясини ҳам аниқлаб олиши керак. Чунки ҳозир фалсафий адабиётда, фалсафа фан эмас, фалсафа фанга нисбатан санъатга, адабиётга яқинроқ туради, ҳатто, фалсафа динга ўхшаш ўзига хос эътиқоддир, деган қарашлар кенг тарқалган. Бундай қарашларда радикализм кайфияти бор, албатта, лекин улар бежиз эмас.

Агар фалсафага фан белгилари билан бир қаторда, санъат ва эътиқод сифатлари ҳам хос бўлса, унинг фан, санъат ва динга муносабати қандай, деган саволга ҳам жавоб топиш зарур бўлади.

Кўйида фалсафанинг фан билан муносабатини имкон доирасида таҳлил қилишга уриниб кўрамиз.

\* \* \*

Фалсафа фанми, деган саволга, бизнингча, йўқ, фан эмас, деб жавоб берилса, тўғри бўлади. Агар фан бўлса, у ўзига хос тадқиқот обьектларига эга бўлиши керак эмасми? Балки бундай обьектларни санаб бериш ҳам мумкиндири. Лекин фан мавқеига эга бўлиш учун бу етарли эмас.

Масаланинг иккинчи, ҳал қилувчи жиҳати шундаки, ўша обьектларга доир хуносалар умумқабул қилинадиган илмий ҳақиқат хусусиятига эга бўлиши лозим. “Умумқабул қилинадиган ҳақиқат” деганда ҳам муайян даврда кўпчилик мутахассислар тан оладиган, ҳам вақт ўтиши билан жузъий тузатишлар билан бўлса-да, ўзининг илмий ҳақиқатлигини сақлаб қоладиган хулосалар назарда тутилмоқда. Хўш, фалсафада шундай хулосалар борми?

“Умумқабул қилинувчи” илмий таълимотларнинг учинчи жиҳати ҳам бор. Фан соҳаларининг тадқиқот обьектлари вақт ўтса-да, деярли ўзгармайди. Фақат уларнинг мазмуни кенгайиши, бойиши, теранлашиши ёки усуслари ўзгариши мумкин. Масалан, қадимги Юнонистонда астрономия осмон жисмларини ўрганган, ҳозир ҳам унинг обьекти ўзгаргани йўқ. Лекин бу фаннинг салкам уч минг йиллик тарихи мобайнида тадқиқот воситалари жуда такомиллашиб кетди. Бир вақтлар Ой билан Қуёш сайёralар қаторига киритилган бўлса, эндилиқда “Хаббл” телескопи ёруғлилук нури миллионлаб йилда босиб ўтадиган масоғадаги обьектларни ўрганишга имкон бермоқда.

Бу математика, физика, биология, тарихга нисбатан ҳам, ҳатто фалсафага жуда яқин турадиган, у билан чатишиб кетган, аммо мустақил фан мавқеига эга мантиқ, адабиётшунослик, санъатшуносликка ҳам дахлдор. Фалсафа тарихи астрономия тарихидан ҳам қадимийроқдир, бироқ унинг тадқиқот усуслари такомиллашдими? Ҳозирги фалсафий тадқиқотлар, усулига кўра,

Платон ва Аристотель мушоҳадаларидан нимаси билан фарқланади? XX асрнинг таъникли файласуфларидан бири Карл Поппер бер бу борада шундай дейди: “Тўхтовиз юксалиб-ривожланишида илмий тафакурнинг эмпирик ва рационал табииати муҳимдир. Агар фан бундай ўсишдан тўхтаса, фанлик хусусиятини йўқотади” (Поппер К. *Предположения и опровержения: рост научного знания. Москва, 2004, стр.359).*

Хуллас, фалсафа фан эмас, деган Фикрни рад этадиган далилларга нисбатан уни тасдиқловчилари кўп.

Биринчидан, фалсафанинг бирорта ҳам категориясини фан соҳаларидағи каби эмпирик йўл билан тадқиқ килиб бўлмайди. Мисол тариқасида “фалсафанинг хос тадқиқот обьекти” деб қараладиган “борлиқ”, “материя” ва унинг муқобили бўлмиш “онг” категорияларини олайлик. Уларни ўрганишнинг қандай эмпирик йўллари бор? Бу категориялар тўғрисидаги фалсафий мулоҳазалар қанчалик илмий ҳақиқат эканини қандай текшириб кўриш мумкин? Материя бор, дея даъво қиуловчи материалист, материя йўқ, факат туйгулар бор, дейдиган субъектив идеалист қандай қилиб Фикрни эмпирик йўл билан асослаб, умумэътироф этилувчи ҳақиқат эканини исботлаб бера олади?

Фалсафанинг муайян тушунчаси томонидан ишора қилинувчи обьект эмпирик кузатувга олинса, у ўша заҳоти тайин бир фан соҳасининг предметидан иборат бўлиб қолади ва, муҳими, фалсафий категория хусусиятини йўқотади. Масалан, материя категорияси мос предмет олиниб, эмпирик йўл билан унинг шакли, салмоғи, хажми, хоссалари аникланди дейлил. Бу ҳолда ана шу обьект фалсафий тушунча мақомини йўқотиб, физика категориясига айланаб қолади ва шунинг учун материя эмас, моддий жисм, дейилади.

Ё бўлмаса, “ҳақиқат” тушунчасини олайлик. Агар у тайин фан соҳасига доир хуло-сага нисбатан қўллансанса, эмпирик йўл билан текшириб кўриш мумкин — бу фандаги “ҳақиқат” тушунчасининг бош мезонидир. Аммо ҳақиқат фақат эмпирик фактлардан келиб чиқади, деган фалсафий тезисни эмпирик йўл билан тасдиқлаб бўлмайди.

Фалсафий тушунча ва хуносаларни эмпирик тадқиқ қилиш имконсиздир. Чунки фалсафий тушунчалар борлиқнинг ин-

сон онгидаги тўғридан-тўғри акси эмас. Маълумки, конкрет тушунчалар воқеликдаги конкрет обьектларнинг онгдаги аксиидир. Бу жиҳатдан онгимиздаги тушунчалар уларни келтириб чиқарган обьектларга нисбатан *репрезентатив* (тасаввур) хусусиятига эга. Фалсафадаги тушунчалар эса борлиқ билан бевосита боғланмаган, балки репрезентативларнинг репрезентативидан иборат бўлади.

Бу ўринда “камалак” тимсолига мурожаат этиш мумкин. Маълумки, камалак кўёш нурининг сув зарраларида аксланишидан ҳосил бўлади. Кўёш нурини борлиқ унсурни деб олсак, у кўзимизга тўғридан-тўғри тушганда, биз учун репрезентатив бўлади. Худди шу кўёш нури фаворгадаги сув зарраларида акс этиб, кўзимизга тушса, биз энди спектрларга ажраган ҳолда, яъни репрезентативнинг репрезентативини кўрамиз.

Шунинг учун фалсафий тушунчаларни *метарепрезентатив* деб характерлаш тўғри бўлади. Бу фалсафа тушунчаларининг бошқа фанлар предметидан фарқини бўрттириб ифода этишга имкон беради. (Фалсафадан ташқари математик тушунчалар ҳам худди шу хусусиятга эгалигини таъкидлаш лозим. Аммо математик тушунчалар бошқа хусусияти — ўта аниқлиги ва умумқабул қилинганлиги билан фалсафий тушунчалардан фарқ қиласди.)

Метарепрезентатив тушунчалар инсон онгидаги индивидуал таҳкира натижасида эмас, балки тарихий-тадрижий жараён, асосан, файласуфлардан файласуфларга мерос тариқасида ўтиш орқали шаклланади ва мазмуни ҳар доим баҳсталаб, обьективлик даражаси ноаница ва бир қадар чалкашлигича қолади. Бир жойда бизга кўринган камалак бошқа жойда ўзга одамга умуман кўринмаслиги, кўринса ҳам, хира ёки турли эгрилиқда кўриниши мумкин.

Шуни таъкидлаш лозимки, фалсафий тушунчаларнинг моҳиятини юқоридаги каби тушуниш мумтоз инглиз фалсафасида Дэвид Юм ишлаб чиқсан ёндашувга бориб тақалади (*David Hume. An Enquiry Concerning Human Understanding. Indianapolis: Hackett Publishing Company, Inc. 1977, p.25-37.*)

Иккинчидан, фалсафий хуносалар лабораторияларда ўтказиладиган тадқиқот натижалари ёки илмий кузатувлар асо-

сида эмас, балки соф рационал тафаккур натижасида туғилган ва туғилади. Албатта, фанда ҳам, фалсафада ҳам мантиқий мушоҳадалар мухим ўрин тутади. Бирорқ мантиқ қонунлари фанда қайси хукмларгаю фалсафада қайсиларига кўлланади — ер билан осмонча фарқ бор. Фанда тадқиқотчининг хоҳиш-иродасига боғлиқ бўлмаган илмий фактлар биринчи ўринда туради ва мантиқий таҳлил ўша фактларга асосланади. Фалсафада эса мантиқ файласуф онгидаги метарепрезентатив тушунча ва тасдиқларга нисбатан кўлланади.

Фалсафанинг бу қиррасини янада бўрттириб тушунтириш учун унинг категорияларига нисбатан “спекулятив мулоҳаза” деган ибора ҳам ишлатилади. Бу файласуф бирор тушунчага ўзи истаган маъно юклайди ва ўз билганича мулоҳаза юритади, деганидир. Баъзан файласуфлар хуносаларини бошқа файласуфларга ўзи тушунган даража ва мазмунда ифодалаб беришга ҳам охизлик қиласди. Бир гурух файласуфлар бу ҳақиқатни мардларча тан олиб, ортиқча иддаога берилмайди. Аммо бошқалари мулоҳазаларига “илмнамолик тўни”ни кийдириш мақсадида турли усулларни кўллади ва буни “фалсафий илмий тадқикот” деб эълон қиласди. Ушбу мақола ҳам шундай даъводан холи эмас.

Учинчидан, фалсафа фан соҳалари каби бизга янги билим бермайди. Бу ерда “билим” дейилганда воқеиликдаги аниқ бир А предметнинг Б хусусиятга эгалигини тасдиқловчи мантиқий хукм назарда тутиляпти, фалсафада объектив аниқ бир нарсага ишора қиласдиган тушунча мавжуд эмас. Масалан, файласуф, материя кўламга эга, дер экан, объектив реалликка хос хусусиятни эмас, балки ўз онгидаги субъектив “материя” тушунчаси хусусиятини баён қиласди. Фалсафий хукмлар, И.Кант таърифига кўра, “аналитик априори” табиатидир (*Immanuel Kant. Critique of Pure Reason. Palgrave Macmillan, 2003, p.52*).

Лекин худди шу ўринда фалсафанинг фан учун аҳамиятли қирраси билан тўқнашамиз: қайси фан соҳаси бўлмасин, фалсафа мавжуд билимларни тартибга келтириш, чуқурроқ англашга хизмат қила олади. Образли қилиб айтганда, фалсафа “таом пиширмайди, аммо қандай қилинса, таом яхшироқ ҳазм бўлиши, дастурхон қандай тузалса, иштаҳа яхшироқ

очилиши” хусусида тавсия бера олади, яъни фалсафа билимлар ҳосил қилишда катализаторлик вазифасини бажаради.

Шу жиҳатдан, фалсафа моддий олам, ижтимоий борлиқ ёки алоҳида олинган инсон тўғрисидаги мавжуд билимлар билан иш кўрар экан, у ўзининг онтологик, эпистемологик функцияларини бажара бошлайди. Дейлик, онтология борлиқнинг қайси-дир хусусиятларини кашф қилмайди, балки борлиқ тўғрисидаги мавжуд кашфиётларни қайта ишлайди, уларни тизимга солади, чигаллик ва зиддиятларини топиб “ташхис” кўяди. Шунингдек, фалсафа илмий кашфиётлар ахлоқ, сиёsat каби контекстларда қандай намоён бўлиши ва уларнинг аксиологик оқибатларини таҳлил қиласди. Фалсафанинг ушбу хусусиятини Б. Рассел куйидагича таърифлайди: “Фалсафани фандан ажратиб турувчи туб хусусият танқиддир. У фанда ва кундалик ҳаётда амал қиласдиган тамойилларни танқидий текширади, уларда учраши мумкин бўлган номувофиқликларни излайди, танқидий текширув на-тижасида буларни инкор этиш учун бирор асос топилмаса, қабул қиласди. Фалсафий категориялар фильтр сингари ўша номувофиқликларни ўзида тутиб қолишига интилади” (*Bertrand Russell. Problems of Philosophy. XIV-боб. <http://www.ditext.com/russell/rus14.html>*).

Шу маънода фалсафага фан соҳаси мақомини бериш мунозарали. Унга ижтимоий онгнинг алоҳида мақомга эга соҳаси сифатида қараш мақсадга мувофиқроқ. Шундагина у бирорта ҳам фан соҳасига тааллуқли бўлмаган, тўғрироғи, ҳеч бир фан ўрганмайдиган, таъбир жоиз бўлса, “чиқинди тушунчалар” билан иш кўрувчи фандир, деган кинояли қарашлардан холос бўлади.

Фалсафа ана шу жиҳати билан тафаккурнинг ўзига хос услуби, фаолият шаклидир. Унинг фан фалсафаси, тарих фалсафаси, ахлоқ фалсафаси, санъат фалсафаси каби тармоқларга бўлениши ҳам шундан. Агар фалсафага фан тармоғи деб қаралса, бизнингча, файримантиқий йўл тутилган бўлади. Чунки фан фалсафасининг таърифларидан бири шундай: “Хозирги замон фан фалсафаси предмети ҳақиқий фаннинг моҳияти, тузилиши, услубиёти ва ривожланиш қонуниятларидир” (Лебедев С.А. *Предмет и структура современ-*

ной философии науки. “Вестник Московского университета”, сер. “Философия”, 2009, №1, стр.3). Келтирилган таърифда муаллиф “реальная наука” избрасини қўллагани диккатга молик.

Шу нуқтаи назардан, фан фалсафасининг фанга нисбати адабиётшуносликнинг адабиётга, санъатшуносликнинг санъатга нисбатига ўхшашибди. Ва, аксинча, адабиётшуносликка, аникрофи, унинг таркибий қисми — адабиёт назариясига моҳияттан адабиёт фалсафаси, деган қарашлар бор. (Қолаверса, “Адабиётда фоя бўлиши шартми?”, “Адабиёт жамиятга таъсир кўрсата оладими?” “Адабиёт ўладими?” каби саволларда фанга хос хусусиятлар йўқ ҳисоби, улар, асосан, фалсафага мансуб. Бундай баҳс объектлари моҳияттан метарепрезентатив категориялар бўлгани учун, баҳс аносида ҳар ким ўз қарашини баён этади-ю, баҳс тугагач, шу қарашида қолаверади.)

“Фан фалсафаси — фан танқидчилиги” деган формула, бир томондан, фалсафанинг (ҳеч бўлмаганда шу бир соҳасининг) табиатини ойдинлаштириб беради, яъни, фан эмаслигини яқъол кўрсатади. Иккинчи томондан, унинг ижтимоий фойдалилигини ҳам муайян даражада исботлайди. Ахир, шоир ва ёзувчилар адабий танқиддан наф кўради-ку!

Танқид ўз обьектини, чунончи, адабий танқид адабиётни, театр танқидчилиги театр фаолиятига, сиёсатшунослик сиёсатни четдан боқиб таҳлил қиласди, хулосалар чиқаради ва тавсиялар беради. Шу сингари фан фалсафаси ҳам фанга яхлит бир ҳодиса сифатида четдан қараб, танқид ва таҳлил этади. Худди ана шу сифати билан у фан учун фойдалидир.

Айни вақтда худди ана шу хусусияти сабабли фалсафа мутахассисларини тарбиялаш бошқа фан мутахассисларини етиширишга нисбатан бир неча баробар мураккаб. Биргина фан фалсафаси билан шуғуллана олиш учун ҳам фалсафанинг ўзидан, ҳам барча фанлардан хабардор бўлишга тўғри келади. Файласуф, айтайли, бир неча фаннинг тарихи ёки асосларини ўрганиш билан кифояланмай, бу гунги кундаги ривожланиш даражаси ҳақида етарлича маълумот олиши, шу ҳақда мутаносиб (адекват) тасаввурга эга бўлиши керак. Бу ўринда профессионал файласуф билан фалсафага мойил фан

вакилларининг ўзаро ҳамкорлиги самара лироқ бўлиши мумкин.

Шу ўринда яна бир тимсолга мурожаат этасак. Ўрмончи ўзига тегишли ўрмонни яҳши билади, отда ёки пиёда айланиб, ҳамма пучмоқларини ўрганади. Шунга қарамай, у ўрмоннинг самолётдан туриб олинган суратини кўриб ҳайратланиши шубҳасиз.

Ушбу ташбехни фалсафага нисбатан ҳам кўллаш мумкин. Чунончи, файласуф ўз “фан”ига нисбатан ҳам четдан боқиб, танқидий нуқтаи назардан қарай олади, хусусан, фалсафа фанми ё фан эмасми, дея баҳсга киришиши мумкин. Муҳими, фалсафа ўзи яшаётган жамият, ўзи мансуб ҳалқ, миллат, дин, ҳатто бутун тамаддун тўғрисида ҳам танқидий фикр юрита олади, фалсафий таҳлил воситасида фойдали, ҳатто амалий хулосалар чиқариб, наф келтиришга қодир бўлади. Бироқ бу ҳол ҳам унинг “фан соҳаси” мақомига давво қилиши учун кифоя эмас.

Баён этилган мулоҳазалардан шундай хулоса чиқариш мумкин: олий ўқув юртларининг фан факультетларида фалсафа тарихи ёки фалсафий таълимотларни эмас, асосан, фан фалсафасини ўқитиш мақсадга мувофиқдир. Фан мутахассислари учун бу фойдали эканидан ташқари, фалсафа ўзидан наф борлигини ҳам исботлаб беришига имкон яратилади. Ҳозирги тамойилдаги фалсафа курси эса бўлғуси математик, физик ва, ҳатто тарихчига кўп нарса бермайди, аксинча, фалсафанинг обрўисини туширади. Ҳозир ана шу факультетларда ўқийдиган талабалар билан суҳбатлашганда, фалсафа ҳам фанми, деган истеҳзоли гапларни кўп эшитамиз. Шундай ҳолатда фалсафа ўқув фани ўз олдига қўйиладиган бош мақсад — талабаларнинг дунёқарашини шакллантириш вазифасини бажара оладими?

Юқоридаги каби мулоҳаза бошқа ихтиносликларга нисбатан ҳам билдирилиши мумкин. Демак, ушбу ихтиносликларда ҳам фалсафа ўқув предметини уларнинг ҳар бирига мослаб ўқитиш мақсадга мувофиқдир. Агар ўқув дастурларига умумий фалсафа ва фалсафа тарихидан боблар киритиш лозим бўлса, улар курснинг охирида, фалсафанинг қизиқарли, айникиса, фойдали экани тингловчиларга очиб берилганидан сўнггина ўтилиши лозим.

*Muhabbatdan bosqqa  
shafqatlar — zulm...*

**АФСОНА**


(Туркум)

\* \* \*


Ёмон масхарабоз бўлиб чиқди севги,  
У аввал куттириди сизни интизор;  
Ғазаллар тўйғитди, шеърлар ёздириди,  
Қўшиқлар куилатди жоннисор.

Шундай согинтириди... нима десам экан,  
Гўёки — мен вужуд, гўёки — Сиз жон.  
Гўёки — мен зулмат, гўё Сиз — зиё,  
Гўёки — мен шароб, гўёки — Сиз жом.

Ва етаклаб борди мени қошингизга,  
Шивирланди қуттулуг “меникисан” сўзи...  
...Бекинмачоқ шундан кейин бошланди,  
Қайга гумдон бўлди, билмайман, ўзи...



Кўзёшлар бир биллур... томади эриб...  
Қаламим ногаҳон қолади тилдан.  
Киприкларинг бир-бир санчила бериб,  
Гуллаб юборади тиканлар дилда.



Енгил табассуминг минг битта қуёши,  
Ҳар бир тиканингда, воажаб, гул — минг.  
Яна қайта қалқар кўзларимга ёш,  
Куласан... байрамга айланар зулминг.

Минг томирга берар қутлуғ азоб тоб,  
Мұхаббатдан бошқа шафқатлар — зулм.  
Мұхаббат бор әкан, зулумот — офтоб,  
Мұхаббат шүк әкан, ҳаётлар — ўлим.

Мұхаббат бўлмаса, кулгулар — кўзёш,  
Ҳаёт инкор бўлар, бўлар умр рад.  
Мұхаббат бўлмаса, ҳар зумуррад — тош,  
Мұхаббат бор әкан, ҳар тош — зумуррад.

Тоқати тоқ бўлар сени дил таниб,  
Сўнгги оғриқ билан санчади кўкрак.  
Талпинишлар тугар. Қаттиқ силтаниб,  
Ҳамма томирларни узади юрак.

Озодлик бошлинар, бошлинади эрк  
Ботиний бир пардоз билан улугвор.  
Мұхаббатдан бошқа ҳамма эшик берк,  
Мұхаббатдан бошқа ҳамма осмон тор.

\* \* \*

Айвонимга уя қурди қалдирғоч,  
Кузда учиб кетиб қолди, севгилим.  
Ва — қайтди. Тагин дер: “Эшигинги оч!..”  
Довдираб, жавдираб мўлтирас димим.

Юрагим — қалдиргоч. Сенга елади  
Чека-чека азоб, дард, ҳажрларни.  
Юрагинга түхфа қылғым келади  
Бўғзимда аланга — валифажрларни.

\* \* \*

Бир силкинса, замин тушар ларзага,  
Сир сақлар маъданлар, булқонларини.  
Бошидан иргитиб ташлай олмайди  
Дил қонларини.

Ёшлар оқиб тушар оппоқ юзидан,  
Қабрридан ёқади махфий бир оҳлар.  
Қани эди, энди биргина кўрсам,  
Кимни бунча қаттиқ севади тоглар?!

\* \* \*

Қачон сен додимга етасан,  
Бир учқун бахш этиб кўзингдан?  
Бораман. Ўзингдан кетасан.  
Ўзингни топмайман ўзингдан.  
Мўъжизалар бари сенсиз — жўн,  
Уволлар бўлади фарёд ҳам, оҳ ҳам.  
Кел, биргина нафас ерга қўн,  
Маъбудам, фариштам, илоҳам.  
Назарга мени бир дам ил сен,  
Бўлмай турсин олам бир нафас қафас.  
Бир нафас осмонни ер қыл сен,  
Ерни осмон этгил бир нафас!

\* \* \*

Севгимизни қиласкан тасдиқ,  
Ҳикматини этажакмиз фоиш.  
Икки бошга ошиқ бир ёстиқ,  
Бир ёстиқка ошиқ икки бош.

Бир ёстикқа бош қүйдик, бу дард  
Үнүттирап ҳижрон озорин.  
Нафасини шайға ютар  
Қанча-қанча қушлар бозори.

Бу дақиқа, бу лаҳза, бу дам  
Келажаклар келар бунёда...  
Ёстиқ узра тебранған гулдан  
Мукаммалроқ баҳт йўқ дунёда.

\* \* \*

Құтлуг бир ҳайбатда термулар Чимён,  
Тоғдек бардош бордир тоғда. У — собир.  
Тош бу шаҳринг ичра ёнингда ғарип  
Мен ошиқ, мен телба, мусофири.

Чинорлар табриклар васлимиз билан,  
Шұбуллаб құтлайды сой тошиб, ана.  
Облоқ маъволарда юрибмиз маъсум,  
Икки мусичадек... осмон — бошпана.

Ҳижронолди ғами тинимсиз ўртар,  
Ўзига тинсиз тиг санчар ҳар дами.  
(Собуқ дукуллайды чиқиб кетгудек,  
Юрагим кўксимда ижарадами?)

Кўчаларнинг эса бизни англашга  
Сира рағбати йўқ, сира йўқ раъни.  
Бу ҳам етмагандек, йўловчилар гоҳ  
Ўтади раҳибдек ўқрайиб.

Уларнинг шафқатсиз қараашларидан  
Икки дилга харсанг-харсанг тош қулар.  
Сен уларни кечир. Улар севмаган.  
Бўлсинлар, илоҳо, ошиқ улар.



# *Maysalar ohidan tanidim seni...*

## ДАШТ

Дашт. Биёбон. Сўнгги саратон,  
Гулханларинг сўнг дафъа ёқиб,  
Кўз олдимда солланиб чунон,  
Магрур қиздек турасан боқиб.

Ҳадигингми, шарқнинг шамоли,  
Кузатарсан, беизн, бесўз?  
Хайрлашув чоғидек гамли,  
Ҳар не менга туюлар азиз.

Уфқ сендан бошлиланган, эй, чўл!  
Адирларинг кечардим яланг.  
Чақиради олис, нурли йўл,  
Олис сукут... бошокранг даланг.

Қандай гўзал эди... Қирларинг  
Қияликлар... ва иссиқ меҳринг.  
Томиримда оқар шивиринг,  
Тортар эди ҳаяжон, сехринг.

Чўпон қизнинг ҳасратларида  
Юрагингни берганмидинг ё?  
Довул бўлсанг, дарбандоларида  
Қум зарранга айланар дунё!

Одам бўлай дебдим, бу ҳаёт  
Шоир қилди — базмларга ўч.  
Чорлайвердинг согинганинг пайт,  
Унутдилар, унутмадинг ҳең.

Орзуларим қаноти — улкан,  
Осмон эмас, гамларни қучди.  
Ҳақ — ягона. Сен ҳақ экансан,  
Руҳим яйдоқ бағрингга учди.

Сен мангусан. Замонсоз замон,  
Ўз сўзимда турдим ловуллаб.  
Сенда битта қолганди имкон,  
Битта ийл бор кутар ҳувиллаб.

У мен учун яралган каъба,  
Асрларнинг эврилар тоши.  
У мен учун тавбадир, тавба,  
Кезар гумроҳларнинг кўзёши.

Тўзонларинг кўзимга кириб,  
Багрим эрур бу лоларанг қир.  
Фаҳам сенда шон-шуҳрат мағлуб,  
Тақдиримиз, манзилимиз бир!

Даим. Биёбон. Сўнгги саратон...

### КЕМА

Туш кўрдим: ғамбода бир дунёи дун...  
Ғашлик босаёттир билмадим, нега?  
Кўзимга бостириб келаверар тун,  
Шовиллаган денгиз ва оппоқ кема.

Шамолдек ҳайқирап руҳим ҳам нотинч,  
Минг бир таҳлика бор ҳар сўрогимда.  
Қайга шошайтман, билолмадим ҳеч,  
Денгизлар гарқ бўлар кўз қарогимда.

Юракка бош ураг телба тўлқинлар,  
Юлдузлар кўзимга тўкилар беҳол.  
Уфқлар ортида кўмилган қуёш,  
Осмонда булуатлар сузар bemажол.



Үртада үзүкади узоқ сукунат,  
Қип-қизил күйлакда ёниб бораман.  
Худойим, жонимдан ортиқ асрагин,  
Уни ҳаётимдан күпроқ севаман...

Сен эса қирғоқда боқасан бедил,  
Ҳижрон довуллари эсади бот-бот.  
Ортимда қолади ортга қайтмас йўл,  
Бир қадам олдинда эса аросат.

Шамоллар бир зумда кўтарар тўфон,  
Оҳу нолаларим кўкка етади.  
Ёнимда туриб ҳам сезмай қоласан,  
Мени оқ кемалар олиб кетади!

\* \* \*

Бунча кеч юкиндим, бунча кеч топдим,  
Майсалар оҳидан танидим сени!  
Шунча ишл гафлатда кечган бу умрим  
Балки кечирилмас қиёмат куни.

Мўмин мусичалар, муслима гуллар  
Покдан-пок номингга сигингани дам,  
Мен осий бир ёрнинг ҳажрида ёниб  
Унумиб қўйибман борлигинги ҳам.

Қанча соя келиб кетди ҳаётга,  
Топмадим юзингдек бирор юз — ёргуз.  
Бу ёзган шеърларнинг авадиятга  
Битта хазончалик дахли борми, йўқ?

\* \* \*

Қумдек совурсалар заминдан туриб,  
Обозим отаман — кўкни қучадир.  
Йўлларим тугаса, қуёшга юриб,  
Қўлларим чопсалар, руҳим учадир.

Бошимга дор келса, қирқтадир жоним,  
Зулматга кўмсалар, нурга тўламан,  
Рангпар уфқларни ёритар қоним,  
Тошдек қулатсалар, қўргон бўламан.

## МЕНИНГ ОЛОВЛАРИМ

Кўзимга тўкилиб келар хиёбон,  
Хайрлашмоқ оғир сўнгги йўлакда.  
Ғамларга кўмилиб кетасан шу он,  
Мен эса қоламан ҳазон кўйлакда.

Юрагимга ботган нигоҳинг аро  
Кўксимга тўқилар синиқ илинжлар.  
Яна дийдорингга етгунимча то  
Сочимда оқарив кетар согинчлар.

Ҳавасим кўкарап остононг қучиб,  
Бекатлар ям-яшил армонга тўлар.  
Ўзимни унумтиб, ўзимдан кечиб,  
Сенинг кўзларингда яшагим келар.

Исмингни ёзаман тонгда қуёшга,  
Тунда тўлғонаман гуллардек беҳуши.  
Менинг оловларим сўнмаган ёшда,  
Сенинг кўзларинг — туши,  
киприкларинг — туши...


Тутқин қуши сингари бандиликда дил,  
Хаёлларинг бунча осмонлар қадар?  
Юраман, қаршиимда — ёлғизоёқ йўл,  
Ҳазон ёмғирига чўмилган шаҳар...

\* \* \*

Шунча иил ким учун яшадим, ахир,  
Жонимни асрарим нимага узоқ?  
Чархи йўқ фалакдай айланиб тақдир,  
Бахиш этар кўзёшу бир ҳовуҷ тупроқ.

Ўлим ҳам яшашининг давомидек гап,  
Ғамларингда бунча куйдирдинг бежон.  
Дўстни дўст, ёрни ёр дедим... ҳаммадан  
Фақат сенга яқин эдим, Художон.

Дунёда нима бор ўзингдан абад,  
Омонатлар ўтар жондан бирма-бир.  
Аянчили туюлар хаслигим фақат,  
Тупроқлигим оғир ботар негадир...



## Ясунари КАВАБАТА

Бир куни Кёконинг миясига иккинчи қаватда түшакка михланиб ётган эрига қўлойнада томорқани қўрсатиш фикри келиб қолди. Шу билан бемор ҳаёти ўзгариб қоладигандай эди. Лекин ўртада бошқа ишлар бўлиб кетди.

Қанақа ойна эди ўзи у? Бу ойна Кёко эрининг уйига сеп қилиб олиб келган пардоз столи тортмасида турар эди. Пардоз столи ҳам, қўлойнанинг гардиши ҳам тутдан ясалган эди. У янги келин бўлиб тушган чоғлар баъзан ойнани қўлига олиб, орқа сочи кандай турмакланганини қўришлари, кимоносининг енги сирғалиб, билаги тирсагигача очилиб қолганида уятдан кизариб кетганинни бот-бот эслар эди. Худди ўша қўлойна...

Кёко чўмилиб чиқиб, пардоз столи ёнига ўтирганида эри: “Уқувинг йўқ экан, кел, яхшиси, ўзим ушлаб турақолай”, деб келинчакнинг қўлидан ойнани олар ва хотини пардоз столи ойнасида орка сочини яхшироқ қўриши учун қўлойнани турли томондан тутар ва бундан ўзи ҳам завқланар эди. Бечора келинчак эса эрининг орқаваротдан тикилиб турганидан баттар ўнгайсизланарди.

Ўша гапларга кўп бўлгани йўқ, ҳатто тутли гардиш хали тоб еб улгурмади, аммо шу ўртада уруш бошланди, одамлар бошқа жойларга қўчирилди; эри оғир дардга чалиниб қолди. Кёко унга томорқаларини қўрсатмоқчи бўлганида ойна аллақачон хира тортган, гардишни-ку айтмаса ҳам бўлади — чан-

гу ёфупа сингиб, чирк босиб кетган эди. Лекин нима қипти? Томорқа ундан бил-бинойи қўриняпти-ку! Шуши эри ойнани қўлидан қўймайдиган, бош учига қўйиб ётадиган бўлди. Бекорчиликданми ёки bemorlariga хос инжиқлиқданми, ишқилиб, гардишнинг кирини тозалаб, ойнани ярақлатиб қўйди. Кейинчалик эри уни кух-кухлаб, ҳафсала билан артаётганини кўриб, ёғоч гардишнинг майдага тирқишиларида сил таёқчалари қолиб кетиши мумкин-ку, деган шубҳа ораларди Кёконинг қўнглига... Кёко ҳар куни эрининг сочига камелия мойини суртиб тараар, у эса сочини кафти билан силаб-силаб, яна гардишни тозалашга уннар, гардиш жонивор ҳам локлангандай ялтиллаб кетар, пардоз столи эса ҳамон хира тортиб турар эди.

Кёко бошқа турмуш қилганида столни ўзи билан сеп қилиб олиб кетди.

Бироқ у қўйлойнасини эрининг жасадига қўшиб ёқиб юборди. Бу ҳақда кейинги эрига лом-мим демади. Энди пардоз столида гардишига Камакура ўйма нақшию лок билан зеб берилган янги қўйлойна турар эди.

Кёко эрининг жасади тобутга бармоқлари кўксидаги бир-бирига чалишибирилиб ётқизилгани учун — таомилга қўра шундай эди — қўлига ойнани ушлатолмай маййитнинг қўксига қўшишга мажбур бўлди.

Сўнг ойнани у ердан олиб қорнига қўяр экан:


— Кўкрагингиз тинмай оғригани оғриган эди, тағин шугина ойнанинг ҳам оғирлиги тушиб юрмасин, — деб шивирлади.

Ойна эр-хотиннинг бир-бирига меҳрини товлагани учун ҳам, раҳматлининг юрагига яқин бўлсин, деб кўксига қўйган эди. Яна эримнинг қариндошлари уни қўриб қолмасин, деб устига оппок хризантема ташлаб қўйди. Олов ойнани эритиб юборди. У эгилиб, қалин, кийшик қувурга менгзаб қолди, тутундан сарфайиб кетди.

— Анави нима, ойнами? — деди қариндошлардан бири хайрон бўлиб.

Кёко пардоз филофидаги яна бир тандзаки (*Тандзаку — танка жанридаги шеър ёзишига мўлжалланган чўзинчоқ қоғоз*) шаклидаги жажжи дурёя ойнани ҳам қўшиб, мархумнинг қўксига қўйган эди. У бир пайтлар бу ойнакни тўй саёҳатига олиб кетаман деб қўнглига тугиб қўйган, лекин уруш орзуларини чиппакка чиқарган эди. Эри тириклигига ўша ойнанинг ҳеч кераги бўлмаган.

Янги эри уни саёҳатга олиб чиқди. Пардоз фило-



**Ясунари Кавабата** (1899-1972) жаҳон адабиётида “Минг қанотли турна”, “Қорли ўлка”, “Кўхна пойтахт”, “Тоғноласи” сингари бетакрор романлари, туркум ҳикояларию қиссалари билан ўчмас из қолдирган ва япон ёзувчилари орасида биринчи бўлиб Нобель мукофотига сазовор бўлган адабидир.

Унинг асарларида япон маданияти анъана-налари йўсимида “айтмай туриб айтиш”, “коса тагида нимкоса”, мавзулар ранг-баранглиги, бетакрор образлар ва оҳанглар уйғунлиги ёрдамида ўкувчнинг тасаввури, ҳиссиёти ва ботиний онгига фаол таъсир ўтказиш сингари модернизм услуби, инжа психологиям ва нафис лиризм ўзаро қоришиб кетган.

Кавабата ўтган асрнинг 20-йилларида Японияда вужудга келган неосенсуализм оқимининг асосчилиридан бири сифатида ҳам эътироф этилади.

фи титиғи чиқиб, ҳатто мөгорлаб кетганидан Кёко янгисини сотиб олди. Албатта, бунисининг ҳам ойнаси бор эди.

Сафарнинг биринчи куни эри уни маҳкам қучиб, қулоғига:

— Худди қиз болага ўхшайсан. Боёқиши! — деб шивирлади.

Унинг гап оҳангода истехゾ эмас, туйкус бир қувонч бор эди. Эҳтимол, Кёконинг олдин эр кўрмаган қиздек иболи экани унинг кўнглини кўтариб юборгандир. Лекин бу гап Кёкога оғир ботди. У бирдан ҳўнграб йиғлаб юборди-да, кунишиб олди. Эри ўзича буни ибога йўйди.

Кёко кимга раҳми келиб йиғлаётир — ўзигами ёки олдинги эригами — ўзи ҳам тушунмас эди. Гўё бирини иккинчисидан ажратиб бўлмасди. У бирдан ҳозирги эрини ранжитиб кўйганини, унга хушмуомала бўлиши кераклигини фаҳмлаб, эркаланиб сўз қотди:

— Ростдан-а? Ҳали шуни ҳам биламан денг? — Лекин у ножӯя гап айтиб кўйганини сезди-да, шолғомдай қизариб кетди. Бундан эрининг баттар завқи келди.

— Бола-чақанг йўқ эди, шекилли, — деди у ва яна нохос хотинининг ярасига туз сепиб кўйди.

Кёко олдинги эриникидан бошқача эркак кучига рўпара бўлди-ю, ичини ит тирнай бошлади: у бола овунадиган қўғирчоққа ўхшаб қолган эди.

— Ўзиям болага ўхшаган бир нимам бор эди, — дея эътиroz билдириди Кёко, кейин бирдан жимиб қолди.

У бедаво дардга чалинган олдинги эрини ўлимидан сўнг ҳам бола деб ўйлар, гўё уни ҳомиладек ичида катта қилаётган эди.

“Нега эримнинг ўлиб қолишини билатуриб ҳам соғлигини ўйлаб, у билан қовушишдан ўзимни олиб қочиб юрдим?” деган хаёл ўтди Кёконинг кўнглидан.

— Морини фақат поезд ойнасидан кўрганман, — деди эри Кёкони қучар экан. — Сен туғилиб ўсган, атрофи чакалакзор шаҳар жуда чиройли бўлса керак-а? Бекорга Мори (*Mori* — чакалак дегани) деб аталмагандир. У ерда неча ёшинггача яшагансан?

— Коллежни тутатгунча. Ҳарбий мажбуриятни Сандзёдаги ҳарбий заводда ўтадим.

— Бундан чиқди, Сандзё яқинида туғилган экансан-да? Ўзим ҳам ўйладим-а, Этиго вилоятилик шу қиз бунча сулув бўлмаса деб. “Сандзёлик парилар” деб бекорга айтилмас экан-да?...

— Мен чиройли эмасман, — деди Кёко қўлини кўксига босиб.

— Қўлинг ҳам, оёғинг ҳам бежирим. Офатижонсан-да...

— Үндай деманг! — Кёко қўли халақит бераёттанини сезиб, кўксидан олди.

— Фарзандинг бўлганида ҳам сенга уйланар эдим, — шивирлади эр аёлнинг қулоғига. — Уни ўз боламдай яхши кўрардим. Ўша бола қиз бўлганида қанийди?

Кёко, ўғли борлиги учун шунақа деяпти, яхши кўришини билдириб кўймоқчи-ю, лекин эпини қиломади, деб ўйлади. У Кёкони ўн кунлик тўй саёҳатига олиб чиқди, мақсади эса ўғли билан кўришишини кейинроққа суриш эди.

Эрининг ажабтоворгина чарм сафар филофи бўлиб, Кёконики унинг олдида бир пулга арзимас эди. Филоф охори тўкилиброқ қолганига қарамай, катта, пишиққина эди. Эри тез-тез сафар қилиб турса-да, безътибор бўлмагани учунми, ишқилиб, филоф бошқа кўҳна, аммо асл моллардай, жилвасини йўқотмаган эди. Кёконинг эсига бирор марта ишлатилмаган бўлса ҳам морорлаб кетган олдинги пардоз филофи тушди. Ўша филофидаги эрига бериб турган жажжи ойнакни, ўлимидан сўнг у билан бирга нариги дунёга кузатган эди. Кўлойнанинг устига қўйиб тобутга жойлаган жажжи ойнаги... улар оловда эриб, бир-бирига қўшилиб кетди; тобутга иккита ойна қўйилганини, фалати ҳолда тош қотиб қолган шиша бўлганини ҳеч ким фахмлмагани ҳам йўқ. Кёко буни бирровга айтмади.

Назарида, кўш ойнада акс этган сон минг дунёлар баднафс оловда ёниб битган, бу йўқотиш билан эрининг жасади қуиб, бир ҳовуч қулга айлангани ўртасида ҳеч қандай тафовут қолмаган эди. Кёко томорқани кўрсатиш учун қўлойнасини берди, эри эса шу-шу ундан ажрамайдиган бўлди. Лекин кўп ўтмай у ойнани қўлида узоқ тутиб тура олмайдиган бўлиб қолди, бундай пайтларда Кёко хар сафар унинг қўлларини, елкасини уқалар эди. Шунда у эрига яна битта жажжи, енгилгина ойнагини берди. Ойнада одамлар кўчани кесиб ўтар, болалар боғда ўйнади.

Жимитдек ойнада жамулжам бўлган улкан ва ранг-баранг дунёни кўриб, Кёконинг ўзи ҳам ҳайрон қолди. Ойна, бор-йўғи, пардоз-андоз анжоми, қўлойна эса бошқа ойнада энсани қўриш учунгина керак. Аммо бемор у билан одаму оламни қайтадан кашф қилди. Кёко ҳам эрининг бош томонига ўтириб олиб, ойнага қараб-қараб қўяр, у билан кўзгудаги нарсалар ҳақида гаплашар эди. Ҳадемай у ҳам ойнада акс этган дунёни ҳақиқий дунёдан фарқлай олмай қолди. Булар гўё бир-бирига боғлиқ бўлмаган икки алоҳида дунё эди, ойнадан кўринаётган дунё Кёкога аслидан беҳроқ туюла бошлади.

— Осмон ойнада кумушдай товланяпти, — дейди эри, кейин деразадан ташқарига қараб, — деразадан эса кулранг кўринар экан, — деб қўшиб қўяди.

Ойнадаги осмон юракни сиқмас, ростакамига товланар эди.

— Балки уни яхшилаб артганингиз учун шундай туюлаётгандир?

Шунда эри деразадан осмонга қарап учун бошини озгина бурди.

— Тўғри, энди у хира — кулранг. Одамнинг, ит ёки чумчукнинг кўзи ҳам осмонни бир хил кўёармикан? Осмон ранги асли қанақа экан-а, ким айта олади?

— Осмоннинг ойна кўзи кўраётган ранги-чи? — Кёко “Осмон ошикмаъшуқларнинг кўзига қандай кўринаётган экан”, демокчи эди. Дараҳтларнинг ойнадаги акси яшилроқ, лилия эса аслидан ҳам оқроқ кўринар эди.

— Мана бу — ўнг бошмалдоғинг изи. — Эри ойнанинг четини кўрсатди. Негадир Кёконинг юраги шув этиб кетди. У шоша-пиша ойнани куҳлаб арта бошлади.

— Кўявер. Томорқани биринчи марта кўрсатганингда ҳам ойнада бармоминг изи қолган эди.

- Пайқамабман ҳам...
- Сен парвойингта келтирганинг ҳам йўқ, лекин мен бошмалдофинг билан қўрсаткич бармоғинг изини таниб қолдим.

Оғир хасталикка чалиниб, тўшакка михланиб қолган беморгина хотининг бармоқ изларини эслаб қолса керак.

Улар турмуш қургандан кейин эри соғ юрмади ҳисоб. Ҳатто урушга ҳам бормади.

Үйларига ўт кетгандан сўнг Кёконинг танишлариникида бир хонани ижара-га олиб туришди. Эри у пайтларда ишга қатнаб юрар эди. У Кёко билан турмуш қургач, ўз уйидаги бир ойча, ижара уйда эса икки ойча соғ юрди, холос.

Уруш тугай деб қолганда уни ҳам армияга олишиди. Икки-уч кун бир аэродромда ерковлик қилиб, ийқилиб қолгач, уйга қайтаришди. У келган куни уруш ҳам тугади. Эри тўшакдан тура олмай қолди, Кёко уни ота-онаси кўчирилган қишлоққа олиб кетди, чунки бор-будини эриникига қўшиб, аввалдан ўша ёққа жўнатиб юборган эди.

Тоғда чоғроқ бир уйни ижарага олишиб, эри шу ерда даволана бошлиди. Ўша уйда улар билан бирга яна бир кўчирилган оила ҳам турар эди. Уруш тугаши билан бу оила Токиога қайтди. Кёкога боғдан кичик томорқа — учга уч кэнлик (*бир кэн 1,81 метрга менг*) шудгорланган ер мерос қолган эди.

Қишлоқда сабзавотни дехқонлардан сотиб олиш ҳам мумкин эди, бироқ мерос қолган томорқани ташлаб қўйиш мавриди бўлмагани учун Кёко ҳар куни ер чопар, гуркираб ўсаётган экиндан кўз қувнар эди. У эрининг каравоти ёнида ўтиришдан безор бўлгани учун эмас, тикиш билан тўқиши юрагани сиқиб юборгани учун ҳам томорқага ёпишиб олди. Бу эрининг эрта бир кун тузалиб кетишига умид уйғотар, азбаройи яхши қўргани учун анча-мунча вақтини унга бағишилар, китоблар ўқиб берар эди. Беморга қараб чарчаганиданми, бирваракайига ҳамма нарсасидан айрилиб қолаётгандай бўлар, хаёлларини чалғитмоқчи бўлиб ишга зўр берар эди.

Сентябрнинг ўрталарида тоққа кўчиб келишди. Бу ерни ёз жазирамасидан жон сақлаётган шаҳарликлар тарқ этгач, эрта кузнинг совук ёмғирлари ёға бошлиди. Аммо бир кун кун ботай деганда қушларнинг чуғур-чуғури атрофни тутди-ю, бирдан ҳаво очилиб кетди. Кёко офтоб нурларига чўмилаётган томорқасига чиқиб, ям-яшил экинларига тикилди. Сўнгра бошини адл кўтариб, олис тоф чўққилари узра олланиб сузиб ўтаётган булутларни кўриб завқланди, шунга андармон бўлиб, иккинчи қаватда ётган эрининг чақиргани эшитмабди. Бир пайт қулоғига кирди-ю, қўлининг тупроғини ҳам қоқмасдан тепага қараб югурди.

- Томоқ йиртиб бакирсам ҳам эшитмайсан-а?
- Кечирасиз, хаёл билан бўлиб қолибман.
- Йиғишир томорқангни! Сени чақираман деб ўлиб қолишим ҳам хеч гап эмас. Гўрга эди нима ишлар қилиб юрганингни билсан.
- Томорқада эдим. Чиқма десангиз, майли, чиқмай қўя қоламан.
- Эри хотиржам тортди.
- Читтак сайраганини эшитдингми? — У Кёкони шуни сўраш учун ча-

кирган эди. Уларнинг сухбатига чакалакдан келаётган сайроқ ҳам кўшилди. Шом қоронғиси чакалакни яна-да баҳайбат кўрсатар эди. Шу-шу Кёко чит-так қанақа сайрашини эслаб қолди.

— Кўнғироқча сотиб олсақ, нима дейсиз? Жингирласа бўлди, чопиб келавераман. Ҳозирча бош учингизга бирор нима қўйиб қўяман, керак бўлиб қолсан, деразадан отарсиз.

— Нима, энди идиш-товоқни отайми? Ол-а!

Эри, томорқада ишлама, деб тихирлик қилмади. Кёко қўлойнадан унга томорқасини кўрсатишни ўйлаб топгунича орадан аччиқ ичақдай чўзилиб қаҳратон қиши ўтиб, ортидан кўклам келди.

Оддий бир ойна бемор эрининг кўнглига бу дилбар ва ям-яшил олам завқини олиб кирганида боёқиши аёлнинг қанчалар қувонганини бир кўрсангиз эди! У энди Кёко экин баргларидан зааркунанда ҳашаротларни териб олиб ташлаётганини ҳам кўрар, табиийки, қанақа ҳашарот эканини фарқлай олмас, хотини эса уларни эрига кўрсатиш учун иккинчи қаватга кўтариб чиқишидан чарчамас эди. У Кёконинг ер чопишини кузатиб ётадиган бўлди...

— Ойнаданчувалчангни кўрдим, — деди у бир куни Кёкога. Кечга яқин офтоб гарбга оғланда Кёко юзига нур тушаётганини сезиб, бошини кўтарар ва эри тепадан ойнани ўзига тўғрилаётганини кўрар эди.

Эри Кёкога талабалик давридан қолган арzonгаров матодан ўзига шим тикиб олишни буюрди. У хотинининг хол-хол гулли кўк шимда томорқани чопиқ қилаётганини кўриб, ҳузур қилар эди.

Кёко эри ойнадан қараб ётганини билар, лекин иш билан овора бўлиб, бу эсидан кўтариilar эди. У, шунчалик ўзгарибман-а, энди келин бўлиб тушган кезларим билагим очилиб қолса ҳам уялиб кетар эдим, деб эслади-ю, юрагида аллақандай илиқлик пайдо бўлди.

\* \* \*

Кёко Япония урушда ютқазаётган чоғлар деярли пардоз қилмай қўйди. Кейинчалик касал эрини ўйлаб, на юзига упа, на лабига бўёқ суртди. Иккинчи марта турмуш қургаидан сўнггина ўзига эътибор беришга вакту хафсала топди. У лаббўёқ билан упа юзини ўзгартириб юбораётганини, бир зумда хурилиқога айланиб қолаётганини сезар, янги эрининг илк марта ёлиз қолишиганида ўзига мафтун бўлиб, завқ-шавққа тўлиб гапиргани чин дилдан ишона бошлаган эди.

Энди Кёко чўмилиб чиққандан сўнг ўзини ойнага солишдан, гўзаллигидан уялмайдиган бўлди. Аммо раҳматли эри ойнадаги гўзалликни бошқача илғашга ўргатган эди уни ва бу унга бир умрлик сабоқ бўлиб қолди. Энди у ойна бутунлай бошқа олам эканига ишонади.

Лекин у бир ўзига, бир аксига қараб, кулранг осмон билан ойнада кумушдай товланган осмон ўртасидагичалик фарқ йўқлигини сезар эди. Эҳтимол, бу хол ўртадаги масофага эмас, тўшакка михланиб қолганидан юраги зада бўлиб кетган эрининг кайфиятига ҳам боғлиқ бўлгандир. Ойнадан томоша қилганида томорқада ер чопаётган хотини кўзига қанчалар сулув кўрин-

ган экан?! Эри бу туйғуни ўзи билан нариги дунёга олиб кетди. Кёко у тирик пайтида бу хақда ўйлаб кўрмаган экан.

Ўзининг бемор эри ойнадан кўрган акси, ундан кўринган күён карамнинг кўм-кўк гули, оппоқ лилия, дала четида ўйнаған болакайлар, олис қорли тоғлар ортидан чиқиб келаётган күёш... Кёко буларнинг барини хотирасида тиклашдан ҳам кўра бир замонлар ўзи билан эригагина мансуб бўлган ўзга дунёни соғинган эди. У ҳозирги эрини аягани учун ҳам жону жаҳонини кийдириб ташқарига отилиши муқаррар бўлган хиссиятга йўл бермаслик илинжида олдинги эрини бу хаётга дахли бўлмаган, мавҳум бир нарсадай эслашга тиришар эди.

Кёко май тонгларининг бирида радиодан қушлар сайроғини эшитиб қолди. Эшиттириш эри қазо қилган жойга яқинроқдаги бир тоғдан тайёрланган экан. У эрини ишга кузатди-да, пардоз столидан қўлайнани олди ва ундан кўм-кўк осмонни томоша қила бошлади. Кейин ўзининг ойнадан боқиб турган юзига тикилди. Шунда хаёлига ғалати бир фикр келди: одам ўз юзини фақат ойнадагина қўриши мумкин. Шундан сўнг у ҳар куни юзини томоша қиласидиган, унга қўл теккизиб кўрадиган, ўша аксни юзим деб ўйлайдиган бўлди. Нега Тангри таоло одамни ўз юзини кўра олмайдиган қилиб яратган экан-а?

“Балки одам юзини кўра олганда гангби, эси оғиб қолармиди?” деб сўрарди у ўзидан ўзи.

Йўқ, табиат одамзодни азалдан юзини кўра олмайдиган қилиб яратган. Ниначи билан бешиктерватар қўрар эҳтимол.

Ё юз одамга бошқалар кўриши учун керакмикан? Яхши кўриб қолиши учун бир баҳона каби...

У қўлайнани четга қўйди-да, дафъатан тутдан ясалган пардоз столининг безаги қўлайнасининг Камакура ўйма нақшига мос тушмаслигини пайқаб қолди. Олдинги қўлайнаси эрининг жасади билан бирга кўйиб кулга айлангандан сўнг пардоз столи бева бўлиб қолгандай эди. Кёко эрига қўлайнаси билан бирга яна битта жажжи ойнак бергани нафақат хайрли кечди, балки мусибат ҳам келтирди. Чунки эри ҳар куни уларда ўз аксини қўрар, касаллик тобора зўрайиб бораётганию яқинлашиб келаётган ўлим шарпасини пайқар эди. Мабодо ойна ёрдамида руҳий қотиллик содир этиш мумкин бўлса, буни Кёко қилмадими? У ойна бало-қазонинг уяси эканини анча олдин сезгани учун олиб қўймоқчи бўлганида эри қўнмаган эди.

— Энди кўриш кувончини ҳам тортиб олмоқчимисан мендан? — деган эди у ўшанда. — Кўзим очиқлигига кўрганларимдан хузур қилиб яшамоқчиман!

Эри ойнадаги хаётни деб ўзини курбон қилди. У ёмғирдан хосил бўлган кўлмақдаги ойнинг ойнага тушган аксига қараб завқланар эди. Ҳалиям ўша ой акси — фақат аксмикан? — унинг хаёлидан кетмайди.

— Бирорвни яхши кўриш учун ҳам одам соғлом бўлиши керак, — дейди янги эри. Гарчи Кёко хижолатомуз бош иргаса-да, юрагининг аллақаерида-дир бу гапга қўшилгиси келмайди. Аввалига у, нега касал эрим билан бирга ётишдан қочиб юрдим, деб ўзидан ўпка-гина қилди, аммо вақт ўтиши билан бу хаёллари қайгули муҳаббат ҳакидаги хотирага айланди, кейинроқ эса шу

хотира ҳам юрагини соғинч билан лиммо-лим тўлдириб турганини англач, койинмайдиган бўлди.

Бу эри-чи? Аёл қўнглини жуда жўн тушунмаяштими?

— Нега шундай яхши одам бўлатуриб, хотинингиз билан ажрашиб кетгансиз? — деб сўради Кёко бир куни ундан. У лом-мим демади. Кёко марҳум эрининг укаси ҳоли жонига қўймагач, бу одамга тегишга рози бўлган эди. Турмуш куришларидан олдин тўрт ойча учрашиб юришди. Янги эри ундан ўн беш ёш катта эди.

Кёко ҳомиладор эканини сезиб қолиб, қўркиб кетди. “Қўрқяпман, қўрқиб кетяпман”, дер эди у эрининг пинжига тикилиб. Тинмай қўнгли айнийверганидан эси оғиб қолар даражага етди. У ховлига ялангоёқ югуриб чикиб, қаррафай игнабаргини чайнар, ўгай ўғлини мактабга жўнатаётуб, адашиб унинг сум-касига иккаласига ҳам гуруч солинган нонушта кутиларини тиқар, баъзан пардоз столи тортмасига худди у шаффофланиб қолгандай тикилар ва гўё унда турган ўйма нақшли Камакура қўлойнасини қўрар эди. Кёко кечалари ўйғониб кетиб, қўрпачага ўтириб олар, ухлаб ётган эридан кўз узолмай узоқ тикилиб ўтираверар эди. Инсон умрининг фонийлигини ўйлаб ваҳимага тушар, худди эрини бўғиб ўлдирмоқчидай, тунги кимоноси белбогини еча бошлар эди. Айни ёз чилласи бўлгани учун ҳаво кечалари ҳам иссиқ ва дим бўлишига қарамай, уни совуқ тер босар, яъни варажга тутар эди.

— Кёко, ҳадемай она бўласан, — сўз қотарди эри уни ўзига келтириш учун елкаларидан тутиб силкитганча.

Врач уни касалхонага ётқизишни маслаҳат берди. Кёко йўқ деб оёқ тираб туриб олса-да, пировардида рози бўлишдан ўзга чораси қолмади.

— Бўпти, касалхонага ётаман. Фақат бир-икки кунга ота-онамнинг олдиға бориб келишимга рухсат берсангиз, — деб илтимос қилди у.

Эри уни ота-онасиникига олиб бориб қўйди.

Эртаси куни у олдинги эри билан яшаган тоғдаги уйга бориш учун йўлга чиқди. Сентябрнинг боши эди — ўшанда бу ерга улар ўн кунча кеч келишган эди. Поездда яна қўнгли айниб куса бошлади, боши айланди. У манзилига ета олмай қолишдан қўрқар эди. Йўқ, амал-тақал қилиб, манзилга етиб олди, станцияда поезддан тушиб, тоза ҳаводан тўйиб нафас олгач, анча енгил тортди. Худди шайтон вассасаси аригандай ўзига келди, тўхтаб, атрофдаги тоғларга фалати разм солди. Осмон билан бўйлашиб турган қўм-қўқ тоғ тизмалари аниқ-тиник қўринар эди. Атрофидаги ҳаёт уни яна оғушига ола бошлади. Қўзларидан куйилаётган қайноқ ёшни арта-арта олдинги уйи томон юрди. Худди ўша кезлардагидай шафақ олдидা қорайиб қўринаётган чакалакдан қушлар чуфури таралмоқда эди.

Ўша уйда энди бошқа бирор яшар, иккинчи қаватнинг деразасига оқ тўрпарда тутилган эди. Кёко уйнинг яқинига боришга юраги бетламай, бир-пас жим тикилиб турди-да, қўққисдан ўзи ҳам ҳайратланганча шивирлади:

— Бола сизга ўхшаб қолса, нима қиласмиш?

Кўнгли жойига тушиб, станцияга қайтиб кетди.

## ФАХРИЁР таржимаси



# **ESKİ MAKTAB**

Араблар Марказий Осиёни босиб олгач (VIII аср), халифа масжидлар қошида мактаб очиш ҳақида фатво беради. Масжид имоми ўғил болаларни жамлаб ўқита бошлайди. Ана шу вақтдан то XX асрнинг 20-йиллариға қадар мадрасани хатм қилған ва бола таълим-тарбиясига қизикқан зиёлилар масжидларда, ўз уйларида, маҳаллалардагы маҳсус биноларда мактаб очган. Улар мактабдор деб аталган. “Мактаб” сўзи арабча “катаба” — ёзмоқ фельидан ясалган бўлиб, “ёзишга ўргатадиган жой” демакдир.

Эрон ва Марказий Осиё мамлакатларининг бошқа давлатлар билан маданий ва мањнавий, савдо-сотик, ижтимоий-сиёсий алоқалари ривожланиши натижасида дабирлар, мирзолар гурухини тарбиялаб етиштиришга эҳтиёж кучайган. Дабирлар тарбиялаб етиштириладиган маскан — дабиристон, яъни мактаб дейилган. Дабирлар давлат бошликлари, сиёсий арбоблар ва дин пешволари ўртасидаги

ёзишмаларни амалга оширган. Улар шунинг учун пухта билим эгалламоги, сўзнинг нозик мањноларини теран ҳис этмоғи, ёзма нутқи ҳам равон ва ифодали бўлмоғи керак эди. Унсурулмаолий Кайковус “Кобуснома” асарида дабирлик касбига маҳсус боб ажратгани бежиз эмас: “Эй фарзанд, агар дабир ва котиб бўлсанг, ёзма нутқни яхши эгаллагил, хатни яхши битгил ва кўп ёзмоқни одат қилғил, токи моҳир бўлгайсан... Ҳар бир номани ёзсанг, ширин истиорали ва қисқа ёзгил. Дабир идрок соҳиби бўлиши, котиблик сирларини билиши, рамзли сўзларни англаши лозим” (Кайковус. *Кобуснома. Т., “Ўқитувчи”, 2006, 157-бет*).

Кейинчалик дабиристон (дабистон ҳам дейилади) мактабларга бирлашиб кетади. Мактаб ўқитувчиси жамиятдаги энг хурматга муносаб кишилардан хисобланиб, исмига илмли, олим мањносини англатувчи “мулло” сўзи кўшиб айтилган. Мактаб ўкувчиши ҳам юриш-туриши, сұхбат одоби, хуш

муомалалиги билан бошқа болалардан ажралиб турган. Шу бois ота-она жон-жон деб фарзандини мактабга берган.

Анъанавий мактабларда маълум бир расмий дастур бўлмаган, араб ҳарфлари ўргатиб бўлингач, Куръон сураларини ўқитиш ва ёд олдиришга эътибор қаратилган. Мактабда маҳсус касб-хунар ўргатилмаган. Болалар руҳиятига мос келадиган даролик ва ўқув кўлланмалари ҳам, услубий кўрсатмалар ҳам бўлмаган, ҳар бир муаллим ўз билганича, савияси даражасида, анъанага асосан, дарс берган. Шунга қарамай, ҳамма вақт улар орасида вазифасига танқидий ёндашадиган, асрлар давомида ислоҳ этилмай келаётган ва дунё тамаддунидан анча ортда қолган мактаб соҳасини тубдан қайта қуриш зарурлигини тушуниб етган, дунё кўрган илгор педагоглар, касбининг билимдонлари ҳам бўлган.

Шарқда давлат арбоблари ҳамда мутафаккирлар таълим-тарбия масканлари, хусусан, мактабларга доимо эътибор қаратиб келган. Шу нуқтаи назардан, XIX асрнинг биринчи ярмида фаолият кўрсатган донишманд мураббий Вожид Али Мужмалийнинг “Матлаъ ул-улум ва мажмъа ул-фунун” (“Илмлар боши ва фанлар йигини”, 1267 йил ҳижрий – 1851 йил милодий) асари алоҳида аҳамиятга эга. Бу асарда таълим-тарбия соҳасидаги қарашлар (ислом мамлакатлари мисолида) умумлаштирилган, шу билан бирга, ўқитувчи-муаллим қандай фазилатларга эга бўлмоғи лозимлиги хусусида мавжуд анъаналарга таянган ҳолда фикр юритилган.

“Билгилки, муаллимлик – ўқитувчилик касби ўқувчи ва толиби илмларга дастур ҳамда таълим қоидалари – услубият асосида таълим беришдан иборат бўлиб, энг шарафли касблардандир”, дейилади мазкур асарда.

Мазкур асарда ўқитувчи ва ўқувчи олдига қўйилган талаблар ҳозирги педагогик жараён билан деярли ҳамоҳанг. Унда, масалан, ўқитувчи эгалламоғи шарт бўлган фазилатлар, ўқитиш усуллари қўйидагилардир:

— ўқитувчи билимдон, истеъододли, гўзал хулқли, олижаноб фазилатларга эга, таълим-тарбия қоидаларидан яхши хабардор бўлмоғи керак;

— у ўқувчиларни қўрқувга соладиган даражада қўпол, шу билан бирга, ҳаддан ташқари мулойим ҳам бўлмаслиги даркор. Акс ҳолда болалар тарбиясига салбий тъясир кўрсатади, обрўсига путур етади;

— ўқитувчи-муаллим ҳар бир дарсни ўқувчи зеҳнига мос ҳолда баён қилиши; ўқитувчи ўтилган дарсни талабалар яхши тушуниб олгандан кейингина янги дарсни баён этишга киришиши; ўқитувчи ўқувчилар дарсларни қай даражада ўзлаштирганини билиш учун ҳар куни имтиҳон (ҳар куни сўраш, назорат қилиш кўзда тутиляпти — **У.Д.**) ўтказиши; яхши ўзлаштирган ўқувчига “оффарин”, “таҳсин” эълон қилиб, уни рағбатлантириши, дарс тайёрламаган дангаса ўқувчиларга танбех бериши, уялтириши керак, токи улар ҳам илфор ўқувчиларга тенглашиб олсин, яхши ўзлаштиришга ҳаракат қилсин;

— шеърий асарлар, маънавий ва лафзий санъатларнинг оҳанг-куюи, маъносиҳи талабалар ўзлаштира оладиган тарзда, тегиши мисолларни тушунтириш орқали баён этмоқ;

— илм ўрганишга чанқоқ бўлган қобилиятли, иқтидорли ўқувчиларга эътибор қаратмоқ;

— ўқитувчи таълим-тарбиядан асосий мақсад ўқувчиларга илм бериш ва ёмон иллатлардан халос этиш эканини мудом назарда тутмоғи лозим.

Шунингдек, Вожид Али ўқувчи-талабаларнинг вазифалари, бурчлари нималардан иборат эканини ҳам алоҳида қайд этади:

— ўқувчи-талаба муаллим-устоз ҳузурига келганда одоб билан саломлашиб, ўз ўрнида ўтириши, китоб мутолааси билан машғул бўлиши керак. Бу жараёнда у ўқишиндан бошқа нарсани ўйламаслиги лозим;

— ўқувчи мутолаа қилаётган асарни пухта ўргансин, ўзлаштирсан;

— ўқитувчи бирор масалани сўраганда, ўқувчи дарҳол унинг олдига келиб, одоб билан ўтирсан ва устози ўргатган тарзда жавоб берсин, агар тушунмаган бўлса, одоб билан сўраб, аниқлаб олсин, ўқитувчи тушунтираётган вақтда уларни хотирасига пухта жойлаштирсан;

— ўқувчи ўқитувчи сўраган масалаюзасидан жавоб бериб, тушунмаганларини аниқлаб олгач, яна ўрнига келиб ўтир-

син ва мутолаага машғул бўлсин, такрортақрор ўқиб, мавзуни мукаммал ўзлаштиригин. Агар ўқувчи айтилганларга амал қиласа, тез орада мақсадига эришади.

Темурийлар салтанатининг парокандаликка юз тутиши жаҳоний олимларни тарбиялаб етиширган таълим-тарбия тизимида салбий таъсир кўрсатди. Давлат бошқарув тизими билан баробар мактаб ва мадрасалар фаолияти мутаассиблар кўлига ўтди. XVI асрдан бошлаб Европа кўлини сарбаланд қилган дунёвий фанлар мактаб ва мадрасалар дастуридан олиб ташланди, фақат диний ва гуманитар фанларгина ўқитиладиган бўлди. Бу эса муллакатни қолоқлика маҳкум этди, халқ дунё цивилизациясидан четда қолди.

Марказий Осиё чор Русияси мустамлакасига айлангач, генерал-губернаторлик маъмурияти К. Кауфманнинг буйруғига биноан, маҳаллий мактабларнинг иқтисодий, маънавий шароитига аралашмади, бундан кўзланган мақсад — маҳаллий мактабларни тугатиш эди. Лекин эски мактаблар фаолияти тўхтамади, аксинча, улар сони орта борди. Бу мактабларни иқтисодий жиҳатдан халқнинг ўзи таъминлади. Чор Русияси руслаштириш сиёсатининг Туркистондаги ийрик назариётчи ва амалиётчisi Н. Остроумов губернатор фон Кауфманнинг бу соҳадаги сиёсатини ёқлаб, бундай деб ёзган эди: “Генерал К. Кауфманнинг ерли аҳоли руҳоний ва таълимий ҳаётига аралашмаслик нуқтани назарини кўллаб-куватлаш керак. Шунда ерли аҳоли файрируслар учун очилган рус-тузем мактабларимизда болаларини рус болалар билан бирга ўқитишга мажбур бўлади” (Остроумов Н. К. Истории народного образования в Туркестанском крае. Т., 1899, стр.48).

Губернаторликнинг Туркистон ўлкасида маориф соҳасида кўллаган бундай сиёсати ҳақида америкалик жадидшунос доктор Адип Холид қўйидагиларни ёзади: “Мустамлака маъмурияти мусулмонларнинг ислом қонунлари, буйруқ ва тақиқларига амал қилишини ман этмади, эски мактаб ва мадрасалар фаолиятига тусик бўлмади, аксинча, эътибордан четда қолдирди. Улар ҳукумат эътиборидан четда қолдирилгани ва давлат кўмагидан маҳрум

этилгани, вақф мулкларининг мустамлакачилир кўлига ўтгани боис ҳукумат назаридан ҳам маҳрум этилди. Ҳукумат маҳаллий аҳолини рус-тузем мактабларига жалб этиш ҳаракатида бўлди. Чунки бу мактабларда маҳаллий болалар билан рус ўқувчилик бир ерда таълим олар, натижада, чоризмга тобе маҳаллий қатламни шакллантириш мумкин бўлар эди. Шу сабабдан генерал-губернатор фон Кауфман Туркистонда ташкил этилган таълим-тарбия тизимининг бош мақсади, диний эътиқоди қандай бўлишидан қатъи назар, Россия учун фойдали фуқароларни тарбиялаш эканини таъкидлайди” (*Edib Halid. Usuli jaded akimi jadidciliqin kokleri. // Ydi iklim, 2003, Aralik*).

1880 — 1890-йилларга келиб, ўлкада капиталистик муносабатлар қарор топа ва миллий буржуазия вужудга кела бошлаши билан миллий зиёлилар ўртасида эски таълим-тарбия тизимида нисбатан таңқидий қараш кескин кучайди. Бу ҳол губернаторлик маъмурларини қаттиқ ташвишга солди. Эски мактабларни назорат остида сақлаш, ўлкага кириб келаётган янгиликлардан “муҳофаза” қилиш мақсадида Туркистон ўкув ишлари бошқармаси (бу бошқарма 1875 йили Туркистон генерал-губернаторлиги таркибида тузилган — **У.Д.**) қошида маҳаллий мактаб ва мадрасалар бўйича назорат комиссияси ташкил этилиб, уни бошқариш В. Наливкинга топширилди. Бу комиссия 1898 йилдан область ва уездлар маъмурияти ихтиёрига ўтказилди. В. Наливкин 1901 йили Тошкент шаҳридаги эски мактаблар аҳволи ҳақида қўйидагиларни ёзади: “Эски мактаблар деярли маҳсус курилган биноларда жойлашмаган. Уларнинг аксариятида машгулот масжид ва масжид айвонида ёки ҳуқрасида ўтказилади. Чунончи, Тошкентнинг эски шаҳар қисмидаги 142 та мактабдан 109 таси масжидларда, 27 таси домлалар уйида, 5 таси мозорлар ҳузурида ва қориҳоналарда бўлиб, фақат битта мактаб маҳсус курилган бинога эга” (ЎзРМДА, 47-фонд, 601-дело, 153-бет).

Мусулмон оламида аълам, муҳтасиб, раис каби лавозимлар бўлгани маълум. Бу мансабдорлар бозорлардаги нарх-нарони текшириш билан бирга одамларнинг

хулқатвори, мактаб ва мадраса ёшидаги ўсмирларнинг ахлоқини ҳам назорат қилиб турган. Айниқса, муҳтасиб ва раислар болаларини мактабга бермаган отоналарни қаттиқ жазолаган, вақти-вақти билан масжидларда ҳамда уйда ташкил қилинган мактабларга бориб, муаллимлар фаолиятини, уларнинг билим савиясини текшириб турган. Губернаторликнинг бундай лавозимларни бекор қилиши, табиийки, миллий таълим-тарбия тизимига салбий таъсир кўрсатган.

Мактаб ва мадрасаларни асрлар давомида иқтисодий жиҳатдан таъминлаб келган асосий манба вақф мулклари бўлган. Вақф — мулқдорлар, дин ва давлат арబлари диний ва хайрли ишларга ажратган мулк бўлиб, унга ер-сув, тегирмон, карvonсарой, дўкон, ҳаммом каби даромад келтирувчи кўчмас мулклар кирган. Мустамлакачилик тартибиغا кўра, вақф мулклари давлат тасарруфига ўтгач, мактаб ва мадрасалар иқтисодий таъминот манбаидан маҳрум бўлган. Вақф мулкидан келадиган даромадга ҳам губернаторлик маъмурлари эгалик қила бошлаган. Маҳаллий мактаб ва мадрасаларда фақат диний илмларгина ўқитилар, аниқ фанларни ўрганишни истаганлар улардан элементар маълумот берувчи рус-тузем мактабларида ўқишига тўғри келар эди. Натижада, миллий таълим-тарбия тизими деярли йўққа чиқди. Табиийки, бу ҳол узоқни кўра оладиган ўзбек зиёлиларининг норозилингига сабаб бўлди.

Маҳаллий анъанавий мактаблар санитария ва гигиенанинг оддий талабларига ҳам жавоб бермасди. Ўқувчилар бўйра ёки похол устига тўшалган шолча ёки кигизда ўтириб дарс ўқир эди. Хонанинг уч томонига таҳтадан ясалган узун-узун “эшак” (скамейка) қўйилган бўлиб, унинг устида ўқиш ва ёзиш учун керакли жихозлар, китоблар турарди. Ўкув босқичларига караб, бир томонда “тахтахонлар”, бир томонда “абжадхонлар”, бир томонда “ҳафтияхонлар”, тўрдаги кўрпачада эса домла ўтирган. Болаларни мактабга неча ёшдан ва қачон қабул қилиш, ўқиш муддати, дарс соатлари қатъий белгилаб қўйилмаган, умуман, дарс жадвали бўлмаган, ўқувчилар ёшига, ўқиш даражасига қараб гурух-

ларга (синфларга) бўлинмаган, бу ҳол таълим-тарбия савиясини пасайтирган. Фақат ёд олдириш ва жисмоний жазо қўллаш усули бўлган, холос. “Эти — сизники, сугаи — бизники” деган ҳалқ иборасининг пайдо бўлиши ҳам эски мактаблар фаолияти билан боғлик.

Эски мактабда дарс қўёш чиқиши билан бошланар, пешинда ўқувчилар уйидан олиб келган егуликларни тамадди қилас, мактабга яқинроқ яшовчи болалар эса уйларига бориб овқатланиб келар, бир оз дам олгач, ўқиш яна давом эттирилар эди. Ўқитувчилар болаларга ҳеч қандай ҳаракатли, дидактик ўйинлар машқ қилдирмас эди. Аксарият мактабларда жисмоний, эстетик тарбия масалаларига деярли эътибор берилмаган, эрталабдан то ўқиш тугагунча болалар бир жойда қадалиб ўтириб, берилган вазифани бошини тебратиб ўқиш ёки тақрорлаш билан банд бўлган. Бола руҳиятини яхши биладиган домлалар ҳар бир ярим-икки соатда танаффус эълон қилган, вазифани яхши бажариб келган ўқувчи “офарин”, “баракалло” деб рағбатлантирилган, дангасаларга эса танбеҳ берилган. Одатда, жума куни ўқиш бўлмаган, пайшанба куни одоб-ахлоқ дарси ўtkazilgan. Бу дарс “Шароит ул-иймон” китоби асосида олиб борилган.

Эски мактабларнинг асосий вазифаси ўқувчилар онгига мусулмон ахлоқини сингдириш, шу билан бирга, баъзи ўқувчиларни таълимнинг иккинчи — олий босқичи бўлган мадрасага тайёрлаш эди. Мактабни битирганилик ҳақида ҳеч қандай хужжат берилмаган. Бу мактаблар давр талабига деярли мос келмаса-да, озми-кўпми, ўқувчилар хотирасини кучайтиришга, ёдлаш қобилиятини, оғзаки нутқ маданиятини ривожлантиришга хизмат қилган.

**Кизлар мактаби.** Масжид ва хонақоллар қошида очилган мактабларда фақат ўғил болалар ўқитилган. Кизлар эса замонанинг ўқимишли аёллари ўз уйидаги мактабларда таълим олган. Ўлканинг турли худудларида аёл муаллима “отинойи”, “отинбиби”, “бибиотин”, “бибихалифа” деб аталган. Кизлар мактаби ўғил болалар мактабига нисбатан кам бўлган ва уларни, асосан, мактабдорларнинг, имомларнинг хотинлари бошқарган. К.Бендриков “Тур-

кистонда халқ маорифи тарихидан очерк-лар” асарида ёзишича, “Ишқий мактубларга берилиб кетмасин деб, қизлар макта-бида ёзув ўргатилмаган” (Бендриков К.Е. *Очерки истории народного образования в Туркестане*. Москва, 1960, стр. 46). Таби-ийки, бу ҳақиқатдан йирок бир гап. Үтмишда қизларга ёзув ўргатилмаган бўлса, под-шоҳ ва хонлар саройига мансуб Гулбадан-бегим, Зебуннисобегим, Нодирабегим каби сўз санъаткорлари, XIX асрнинг ўзида Увайсий, Маҳзуна, Дилшоди Барно, Муаззамхон, Муаттархон, Анбар отин, Қамарнисо, Нозимахоним каби машҳур шо-ирапар қаердан етишиб чиқкан!?

Зуллисонайн шоира Дилшоди Барно (1800-1905) яrim асрдан ортиқ муалли-малик қилиб, қизларга хат-савод ўргатган, табъи назм қизларга шеърият илмидан сабоқ берган: “Ҳамдам ва ҳамсухбатларим зеҳни соҳиби назм ёш шоиралар бўлиб, 51 йил мактабдорлик қилдим. Мактабда аъло ва ўрта ўқувчилардан доимо 20-30 қиз таълим олар эди. 891 нафар қизни саводли қилиб чиқардим. Булардан яқин тўртдан бир қисми табъи назми бор оқила қизлар эди... Анбарой саккиздан ўн тўрут ўшгача адаб таълимига машғул бўлди. Бу қизча саккиз яшарлигига қарамай, ҳаз-рат Навоий ғазалиётини ўрганишга беҳад қизиқарди. Умидим борки, қизча катта шоира бўлғуси” (Қодирова М. Дилшод (ҳаёти ва ижоди). Т., 1971, 62-бет).

Маънавиятимиз тарихидан бундай ми-сollарни яна кўп келтириш мумкин.

**Қориҳона.** Ўқиш-ёзиш малакасини ҳосил қилгач, ёдлаш қобилияти кучли хушовоз ўғил болалар ўн ёшдан бошлаб қориҳоналарда ўқишни давом эттирган. Бу ерда, асосан, Куръони каримни ёдлаш ва қироат билан ўқишга эътибор қаратилган. Ўқиш 3-4 йил давом этган. Қориҳонада ўттиз пора Каломуллоҳни ёд олган мурат-таб қорилар — ҳофизлар тарбиялаб етиштирилган. Аксарият қориҳоналарда узокдан келган талабалар ётиб ўқиши учун хужралар бўлган. Куръон тиловатида овоз, таж-вид (қироат усуслари), тартилга (чиroyли ва тартибли ўқиш) аҳамият берилган. Шунинг учун ҳам қориҳоналарда қироати кучли бўлган хушовоз қорилар — ҳофизлар дарс берган. Талабалар дастлаб хотира

зеҳнига қараб гуруҳларга ажратилган — баъзи болалар бир кунда бир варак, бош-қалари бир сахифа ёки ярим сахифа ёдлаши мумкин бўлган. Хотирани ривожлантириш учун кун сайн вазифа ошириб борилган. Қориҳоналарда “Аддарсу ҳарфун, аттакрору алфун”, яъни “Бир марта дарс олсанг, минг марта тақрорла”, деган қоидага амал қилинган. Катта тажрибага эга домлалар ёд олинган ҳар сахифани, оят ёки сурани 250-300 марта тақрорлашга мажбур қилган. Шунинг учун қориҳона талабалари жумадан ташқари ҳар куни эрталабдан кечгача ёд олиш билан машғул бўлган. Қори домлалар вақти-вақти билан қироат қоидалари — тажвиддан дарс берган, ёдлаш учун неча марта тақрорлаш лозимлигини ҳам уқтириб борган. Талабалар қориҳонани хатм қилгач, қоидага биноан, хатми нашас, яъни ўзига хос имтиҳон ўтказилган. Бунда шу шаҳар ёки ҳудуднинг номдор қори — ҳофизлари, домлалари иштирок этган ва талабанинг Каломуллоҳни қай даражада батартиб ёд олгани ва қироатини баҳолаган. Хушовоз ва қироати ниҳоятда чиройли бўлган талабага қории курро (қорилар қориси) унвони берилиган. Шундан кейингина имтиҳон ҳайъати ёш қорига фотиҳа берган ва у халқ, дин йўлида хизмат қилишга киришган ёки мадрасада ўқиши давом эттирган.

**Далойилхона** — “далиллар” маъносини билдириган маҳсус ўкув муассасаси бўлиб, унга ибтидоий мактабни тутатган, мадрасада таълим олган ёки таълим олаётган, Куръони каримни ўқиш ва тушунишда бирмунча муваффақиятга эришган ёшлар эътиборли дин пешволарининг маҳсус тавсияси билан қабул қилинган. Далойилхонага ўқишга кириш учун талаба маънан ва жисман, ҳатто кийимлари ҳам пок бўлиши, бирорнинг ҳақидан ҳазар қилиши, Куръон ўқиш қоидалари, талафузи — тажвидни мукаммал билиши талаб этилган. Бундан ташқари, тасбех, дуо маъноларини тушуниши, қаерда қайси бири ўқилиши зарурлигини мумкин қадар билиши лозим эди. Шу сабабли далойилхоналар нисбатан кам бўлган. Бу таълим муассасасида XV аср мусулмон оламида катта эътибор қозонган ақидашунос олим Муҳаммад ибн Сулеймон Жузулий-

нинг Мұхаммад пайғамбар ва унинг саҳбалари, авлиёлар ҳәёти ҳақида ҳикоя қилувчи ривоятлар, мадҳиялар тўплами “Далойил ул-хайрот” ўқитилган (Мазкур асарни Мұхаммад Ризо Оғахий ўзбек тилига таржима қилган, аммо у Туркистонда тарқалган эмас — **У.Д.**). Араб тилида ёзилган бу асарни қобилиятили, хотираси кучли ўқувчи-талабалар 3-4 ойда ёд олган, баъзан ёдлаш бир йилга ҳам чўзилган. Асар етти қисмдан иборат бўлиб, ҳар бир қисм ҳафтанинг маълум бир кунида ўқишига мўлжалланган. Далойилхонани битирганлар бирмунча обрў-эътиборга эга бўлган, ислом дини тарғиботи билан шуғулланган, воизлик қилган.

**Ўқиш ва ёзишга ўргатиш усуллари.** Илк бор мактабга келган болага энг аввали ҳарф (ёзув) танитилади, ўқиш ўргатилади. Бу унинг келгусидаги илму маърифатига йўл очади. Бола она қучогидан чиқиб, оламнинг жиддият эшигига оёқ босганида узоги билан 6-7 ёшларда бўлади. Шундай экан, ўқитувчи биринчи навбатда болага қизиқ-қизиқ ҳикоялар айтиб, жиддиятни, оз бўлса-да, юмшатиши, унда мактабга муҳаббат уйғотиши керак бўлади. Болаларни ўқишига ўргатишнинг машҳур уч усули бор: усули таҳажжи (усули ҳижо), усули маддия, усули савтия. Эски маҳаллий мактабларда ўқишига ўргатишнинг усули таҳажжи — усули ҳижо методи кўлланган. Энг қадимги, шу билан бирга, энг қийин бу усулдан Оврупода XVIII аср охирида бутунлай воз кечилган, Туркистон эски мактабларида эса XX асрнинг 20-йилларигача айнан шу усулда сабоқ берилган. Усули ҳижода алифбо ўрганиш уч босқичда олиб борилган. Биринчи босқичда алифбо тартиби бўйича ҳарфлар номи ўргатилган. Ўқитувчи ҳарфни кўрсатиб, унинг номини айтади, ўқувчилар ўқитувчи ортидан тақорорлайди, кейин иккинчи, учинчи ва ҳоказо. Шундан сўнг ўқитувчи узунлиги 30 сантиметр, эни 15 сантиметрли силлиқ таҳтанинг бир томонига 28 та араб ва 4 та форс тилига мансуб бўлган 32 та ҳарфнинг алоҳида ёзилиш шаклини алифбо тартибида ёзиб чиқади ва ўқувчи “алиф, бе, те, се, жим, хе...” деб ҳарфлар номини ёд ола бошлиди. Алифбо ўқишидаги бу босқич “таҳ-

тахонлик” дейилади. Бу жараён 5-6 ой давом этса-да, ўқувчи таҳтачадан ҳарф ифодалаган бирор товушни топиб бера олмайди. “Таҳтахонлик” даврида ўқувчиларга “Ҳафтияқ”дан кичик-кичик суралар ёдлатиб борилади, яъни ўқитувчи сурани ёддан ўқииди, болалар ўқитувчидан кейин баравар тақорорлайди.

Иккинчи босқич — ҳижо (бўғин) ҳосил қилиш бўлиб, бунда ўқувчилар бир оз қийналади. Аввал бир ҳижони ташкил этган ҳарфлар номи айтилиб, сўнг шу ҳарфлардан ясалган ҳижо ўқилади. Ушбу босқичда зер, забар, пеш, сокин, ташдид, ҳамза каби ҳаракатлар ҳам ўргатилади.

Учинчи босқичда сўзларни ўқишига киришилади. Аввал сўзнинг биринчи ҳижонини ташкил этган ҳарфлар номи, кейин ҳижонинг ўқилиши айтилади. Шу тарзда иккинчи, учинчи ва бошқа ҳижолар ўқилаади. Аммо аввалги ҳижолар эсдан чиқмаслиги учун ҳар бир янги ҳижони ўқишидан олдин улар тақорорлаб борилади. Табиийки, бу ўта қийин усул. Бу босқичда ҳарфлар (алиф, бе, те, се, коф) ва ҳатто ҳаракатлар номи асос қилиб олинади, аммо муҳими — сўзни ҳосил қилувчи товушлар тушунтирилмайди, натижада ўқувчи фақат ўқитувчининг сўзини тақорорлаб (ҳарф ифодаловчи товушларни тушунмаган ҳолда), кўп вақтни зое кетказади.

Ўқувчилар аксарият ҳолларда “Ҳафтияқ” сураларини ўқиётганида ҳарфларни кўшиб, мустақил сўз ҳосил қилиб ўқимайди, ўқитувчидан эшитганини шунчаки тақорорлайди. Шунинг учун мактабда дурустгина ўқиган ўқувчи ҳам бирор янги китоб кўлига тушиб қолса, ўқий олмаган. Бўғинларни кўшиб, сўз ҳосил қилиш эски мактабларда абжад билан боғлаб ўргатилган. Абжад араб алифбоси тартиbidаги 28 ҳарфни ўз ичига олган. Ҳар бир ҳарф маълум сонни билдирувчи шартли сўз билан аталган: абжад, ҳавваз, хутти, каламан, саъуфас, қарашат, саҳҳаз, зазағ. Масалан, “абжад” сўзининг ҳосил қилиншини муаллим шундай ўргатган: алифга забар кўйиб, бо қўшилса аб; жимга забар кўйиб долга қўшилса, жад; аб ва жад кўшилишидан “абжад” ҳосил бўлади.

Абжаддан кейин “Ҳафтияқ” ўқитилган. Бунда Куръон сураларидағи сўзларни

тўғри талаффуз қилиш, баъзи ёдлаш қобилияти кучли, овози ширали бўлган ўқувчилар қироат билан таъсирили ўқишга ўргатилган. Маълумки, ёш болада хотира, ёдлаш қобилияти кучли бўлади. Шунинг учун “Ҳафтияқ”ни хижжалаб ўқищдан кўра, қироат билан ўқийдиган домла ёки қорилардан эшишиб ёдлаш анча осон. Кўп муаллимлар “Ҳафтияқ”даги баъзи сураларни Куръонни ўқиш давомида ўргатган, аслида, “Ҳафтияқ” Куръоннинг еттидан бир қисми демакдир. Умуман, “Куръон”дан суралар ёд олиш ўқув жараёнининг ҳамма босқичларида фаол давом этган.

“Ҳафтияқ” ва Куръондан кейин “Чор китоб” ўқитилган. “Чор китоб”да ислом дини руқнлари ёритилган бўлиб, форстожик ва ўзбек тилида, назм ва насрда аксар Имом ал-Бухорий, Аҳмад Яссавий, Фаридиддин Атторнинг суфиёна асарлари асосида тузилган. Үнда диний ақидалар қисқа-қисқа савол-жавоб тарзида берилиган ва ўқувчилар жавобларни ёд олган. Бу китоб ўқитилишидан асосий мақсад мусулмончилик қонун-қоидаларини (тахорат олиш, намоз ўқиш, рўза тутиш, закот бериш ва шариатнинг бошқа фарзларини) пухта эгалаш ва унга амал қилишга ўргатиш эди. Аммо “Чор китоб”ни ўқиш ва ўрганиш жараёни доим жуда қийин кечган. Куръон хати — насх хатига бирмунча ошно бўлган болалар энди бирдан настълиқ хатига дуч келади (Настълиқ хатини “насх” ҳамда “таълиқ” хатининг бирикишиндан буюк хаттот Мир Али Табризий XV аср

бошларида ихтиро қилган. Бу ҳақда Исҳоқхон Ибрат қўйидагиларни ёзди: “Эроннинг Табриз деган балодада Хўжа Ми р Али Табризий чикарғанлар. Насх ила таълиқдин мураккаб учун настълиқ исм қўйғанлар. Бу хат Арабистонда жорий эмас. Ҳиндистон ва Бухоро, Туркестон, Фарғона, Кошгар аҳли ислом ораларида жорийдур. Бунга сабаб бу мулкларга Эрон подшоҳларини(нг) ихтилоти бўлуб, Бухоро, бўлакларни олиб, ул вактларда жорий қилинган экан” (*Исҳоқхон Ибрат. Жамеъул-хутут. Наманган, 1912, 74-бет*). Бу ёзувда кўп ҳолларда ҳаракатлар (зер, забар, пеш, суқун, ҳамза, ташдид ва бошқалар) қўйилмайди, шу билан бирга, ёзилиши ҳам анча бошқача. Бунинг устига, китобнинг асосий қисми форс тилида битилган. Шунинг учун ҳам ўқувчилар ҳатто 15-20 байтни ўқиш ва ёд олишга ойлаб вақт сарфлаган. “Чор китоб”ни ўқишида болаларнинг форс тилини, улар учун нисбатан янги бўлган “настълиқ” хатини билиш-бilmаслиги муаллимни қизиқтирамаган. Ўқувчилар асаддаги байтларни ўқитувчидан кейин, баъзан баравар баланд овозда такрорлайверган. Натижада байтлар ўқишини билмайдиганларга ҳам ёд бўлиб кетган.

“Чор китоб”ни хатми кутуб қилгандан кейин ўқувчи ибтидоий мактабнинг сўнгги босқичига — форсий ва туркий адабиётнинг буюк намояндалари Аҳмад Яссавий, Хўжа Ҳофиз, Навоий, Бедил, Фузулий, Пошшоҳўжа, Сўфи Оллоёр, Машраб асарларини ўқишга ўтган. Ушбу босқичда бо-



лалар нафис санъат — сўз санъатининг сирли оламига қадам қўяди, кўп мурғак қалблар шеъриятга бир умр ошно бўлиб қолади. Улар Навоий ва Ҳофиз ғазалларининг, Бедил рубоийларининг фалсафий моҳиятини, Машраб ва Сўфи Оллоёр шеъриятидаги ишқи зоҳирий ва ишқи ботиний масалаларини тушуниб етмаса-да, шеъриятдаги нафосатни, мусиқийликни қалбан ҳис қиласди.

Куръони карим бадииятнинг гўзал наунасидир. Бу муқаддас китобнинг суралари, оятлари оҳангি, уларда сажъ санъатидан кенг фойдаланилган ўкувчи шуурини, қалбини ром этган. Мусулмон Шарқи адабиётида шеъриятнинг сарбаланд мартабаси шундан бўлса ажаб эмас. Ибтидоий мактабларда бошланган шеърият дарслари мадрасаларда навоийхонлик, фузулийхонлик, бедилхонлик тарзидаги мукаммаллашиб борган. Мусулмон шарқида шеърият мактаб орқали оммалашган, халқнинг оғзаки ҳамда ёзма нутқини гўзалластирган.

Аммо шуниси ҳам ҳақиқатки, эски маҳаллий мактаблар давр талабидан жуда ортда қолиб кетган, у ерда олинган билим бола ҳаётида деярли аскотмас эди. Чунки моҳиятни англамай, қуруқ ёдлаш асосида олинган билим мактабни тугатгач, тезда хотирадан кўтарилар, ҳатто ўқишиш ҳам эсдан чиқиб кетар эди. Ўқувчи матнни онгли, равон, ифодали ўқигандагина унинг моҳиятига чуқуроқ кириб боради ва билим кўнникмаларини ҳосил қиласди. Бундан ташқари, болалар билимини мустаҳкамлаб бориши учун она тилида ўқув адабиётлари йўқ, бўлса ҳам жуда кам эди. Оврупо мамлакатлари илм-фан ва техниканинг юқори босқичларига кўтарилайтган бир вақтда анъанавий мусулмон мактабларида болалар аниқ фанлар ҳақида тасаввурга ҳам эга эмас эди.

Одатда, эски мактабларда ўқишига янги келган бола 3-4 йил давомида ўқиётганлар билан бир вақтда, бир хонада ўқитилаверар эди. Кўпинча муваллим катта ёшдаги ўқувчиларга дарс беришни маъқул кўрар, янги келган мурғак болани нисбатан яхшироқ ўзлаشتирган ўқувчи — халфага топшириб қўяр эди. Бу ҳам болаларнинг мак-

табга қизиқиши, туғма қобилияти сўнишига сабаб бўлар эди. Болаларнинг оғзаки ва ёзма нутқини ўстириш, луғат бойлигини йил сайн ошириб бориш, фикрлаш доирасини кенгайтиришдек замонавий педагогиканинг муҳим масалаларига бутунлай эътибор берилмас эди.

Эски мактабдорлар мактабдан ташқари ишлар билан деярли шуғулланмаган, улардан бундай тарбиявий ишлар талаб ҳам қилинмаган. Чунки эски мактабларга давлат эътибор бермаган, маблағ билан таъминламаган. Лекин шунга қарамай, болаларнинг мактабдан ташқари таълими-тарбиявий ишларига аҳамият қаратадиган истеъдодли муаллим-педагоглар ҳам бўлган. Улар болаларни табиат қўйнига олиб чиқсан, кўпроқ Наврўз кунлари, гул байрамлари муносабати билан ўқувчилар муаллим раҳбарлигида бир кунлик озиқовқат ва ош масаллигини олиб, табиатнинг гўзал гўшаларига борган. Муваллим болаларга қизиқарли ҳикоялар айтиб берган, шеърлар ўқиган. Бундай тадбирларда факат дам олибгина қолмай, ўқувчиларга сайл ёки саёҳатдан олган таассуротини қисқача оғзаки ва ёзма баён қилиш вазифаси ҳам топширилган. Саводхонлиги мукаммалроқ бўлган юқори босқич ўқувчилари қизиқарли иншо ёки гўзал шеър ёзишига эришган. Бундай тадбирлар ўқувчиларни ватансеварлик, миллатпарварлик, гўзалликка муҳаббат руҳида тарбиялашда муҳим аҳамият касб этган. Педагогиканинг ана шундай муҳим методларини кейинроқ Абдулла Авлоний, Сиддикӣ-Ажзий, Абдуқодир Шакурий ва Ҳамза фаолиятида кузатиш мумкин.

Хулоса қилиб айтиш керакки, анъанавий маҳаллий мактаблар қарийб тўрт аср давомида жаҳон тамаддунидан узилиб қолди, таълим-тарбия тизими парокандаликка юз тутди. Бу ҳолни ислом дини қонунларини, Куръони мажид ва Ҳадиси шариф аҳкомларини бузуб талқин қилувчи мутаассиб пешволар, бунинг устига, кейинроқ мустамлака шароити баттар чукурлаشتirdi. Шунга қарамай, мактаб ислохоти, ўқитиш тизимини замон талабларига мослаштириш масаласи доимо улуғ мутафаккир ва педагогларимиз дикқат-эътиборида бўлган.

## ТАҚДИРДАГИ ТАДБИРЛАР

Шариф ЮСУПОВ



Миллатимиз тарихида не-не ҳавас қилса арзигуллик, оқила аёллар бўлган. Кўқон хонлигининг сўнгги ҳукмфармоси Худоёрхоннинг асли ислами Масъуда бўлган,

Оғача ойим номи билан иштиҳор топган, гўзаллиқда, ақл-идроқда, эрга садоқат ва фарзандларга меҳрмуҳаббатда тенгсиз хотини шундай шарафли аёллар сирасига киради. Масъуда ойим Ўш атрофида турғун бўлиб яшаб қолган Ибодуллаҳўжа исмли мулланинг қизи эди. Оилада ва эски мактабда яҳши тарбия кўрган, хуштабиат ва хушсурат бу қиздан хабар топган Худоёрхон ўз ҳукмронлигининг иккинчи даврида катта тўй-томошалар билан унга уйланади. 16-17 ёшлардаги Масъуда ойим хонга бир неча кундош устига хотин бўлади. Шунга қарамай, ўта тадбиркорлиги ва сабр-бардоши билан тез орада хон ва унинг онаси — Хоким ойим дея аталган Жарқин ойимнинг эътиборини қозонади ва саройда қайнонасидан кейинги нуфузли аёлга айланиб, Оғача ойим деган эъзозли номга сазовор бўлади.

Лекин орадан кўп ўтмай, 1863 йил ёзида Худоёрхон Алимқули бошчилигидаги катта қўшиндан енгилиб, таҳтдан айрилади. Кўқон хонлари авлодидан бўлмагани

учун таҳтни эгаллашга ботинолмаган Алимқули Маллахоннинг ўғли 12 яшар Султон Сайийдхонни оқ наматга ўтқазиб, хон дея эълон қилишга эришади. Табиийки, Алимқули бир неча йил мобайнида тож-тахтга ўзи бош бўлиш ниятини ҳам кўзлаган эди.

Бу вақтда қўшини билан Кўқонда бўлган амир Музаффар Худоёрхонни Бухорога олиб кетади. Хон билан бирга Бухорога жўнаганлар орасида Оғача ойим ҳам бор эди. Хон амирлик ҳудудларида (гоҳ Самарқанд, гоҳ Жиззахда) яшашга мажбур бўлган алам-изтиробли икки йил мобайнида Оғача ойимнинг ички дунёси айниқса яққол намоён бўлади.

Абдулла Қодирий Худоёрхон ҳукмронлигининг ўн йилдан кўпроқ давом этган учинчи даврида Оғача ойимнинг баҳт қуёши порлаб, саройда ва хон наздида мавқеи тобора мустаҳкамлана борганини “Мехробдан чаён” романининг “Оғача ойим” деб аталувчи бобида худди ўша иккى йил ичидағи унинг фаолияти билан боғлагани бежис эмас эди. Романда биз қўйидагиларни ўқиймиз: “Худоёр таҳтни ташлаб, Бухорога кетишкан мажбур бўлгандан кейин кўп хотинлари унга вафосизлик билан эр қилиб кетканлари ҳолда (асарда хоннинг Кўқондаги Саримозор даҳасидан бўлган “Хўқандлик ойим” лақабли хотини шундай йўл тутгани ҳақида гап боради. — Ш.Ю.), шу Оғача ойим эрининг хорлиқ ва муҳтоҷлик кунларида шерик бўлиб юрган ва шу вафодорлиғи жиҳатидан хоннинг эътимодини қозонган эди. Иккинчидан, Оғача ойим Худоёрнинг ҳарам хотинлари ичida ақллик, тадбиркорлик ва шу сояди ҳарамнинг барча хонимлари ва юзлаб каннлизлари бунинг идорасига топширилған эдилар... Кундошлар орасидағи жанжаллар Оғачанинг истилоҳиға келиб тўхтар, ҳарамдан ҳар кимса бунинг сўзига қулоқ солишга мажбур, ҳатто хоннинг ўзи ҳам хотинлари орасидағи англашилмовчиликларни Оғачанинг ислоҳиға ҳавола қилғу чи эди... Баъзан Оғача ойим мамлакат ишларига ҳам оралашиб олар, гоҳо ўз фикрига хонни ҳам унатиб қўяр эди”.

OG'ACHA OYIM

Хон Огача ойимнинг давлат ишларига аралашувини ман этмай, баъзан унинг таклифларини қабул қилганига мисол тариқасида роман муаллифи Мирзо Анварнинг бош муншийликка тайинланиши хоннинг илмий вазири Мулла Муҳаммад Ниёз домла ва Огача ойимдан илтимос қилингани ва унинг бевосита аралашуви билан амалга ошганини баён этади.

Огача ойимнинг хон томонидан алоҳида эъзозланишига сабаб бўлган яна бир муҳим жиҳат бор. Бу ўринда хоннинг энг севикили фарзанди Ўрмонбек билан боғлик воқеаларга муфассалроқ тўхталиб ўтиш зарурати туғилади. Гап шундаки, хон амир Музаффар қўшинлари ёрдами билан 1865 йил ёзида Кўқон таҳтини қайта эгаллагач, тез орада, Огача ойим ҳамда Дорбоз подшоҳзодаси лақаби билан аталган хотини фарзанд кўради. Дастлаб ҳомиладан бўшангандан Огача ойимнинг фарзанди қиз эди, у бир ҳафтача яшаб, нобуд бўлади. Дорбоз подшоҳзодасининг ўғли тирик қолади-ю, лекин боланинг чилласи чиқар-чиқмас биланоқ она қаттиқ дардга чалиниб, вафот этади. Хон таҳтини қайта эгаллагани замон дунёга келган Ўрмонбек исмли бу фарзандини хосиятлик қўриб, унга алоҳида меҳр билан қараган, ҳатто вақти келганда уни валиаҳдликка лозим билиб, ўзидан кейин салтанат таҳтини унга топширишни ҳам кўнглига туғиб кўйган эди. Бироқ эндиғина чилласи чиққан Ўрмонбекнинг онадан етим қолиши хонни қайғуга солади ва севикили фарзандини ўша вақтларда эмизикли бўлган хотини Подшо бону ойим кўкрак сути билан боқиб, катта қилишини режалаштиради. Аммо Подшо бону ойим чакалоқнинг касал бўлиб ёки бундан ҳам ёмони, ўлиб-нетиб қолиши мумкинлиги, бу эса хоннинг ғазабини қўзғашини ўйлаб саросимага тушади. Хон таклифига ўзининг кўкрак сути камлигини баҳона қилиб, янгигина ҳомиладан бўшангандан Огача ойим чақалоқقا она бўла олади дея хонни унатади. Шу тариқа Огача ойим Ўрмонбекнинг оқ сут бериб боқувчи онасига айланади. Йинсоф-тавфиқли, меҳрли Огача ойим Ўрмонбекни туққан фарзандидек қўриб, бутун ҳаётини унинг тарбиясига бағишилайди. Огача ойим бу савоб ишнинг ажрини тезда кўради ва орадан тўрт йил чамаси ўтиб, 1869 йили Оллоҳ унга кўчкордек ўғил ато этади. Бу ўғилга Фансуруллоҳбек дея

исм қўйилиб, ака-ука икковлари Огача ойим тарбиясида камолга етади.

1875 йили Худоёрхон таҳтдан четлатиб, Тошкентга фон Кауфман ҳузурига најот истаб келган ва бу ердан дастлаб Туркистон шаҳрига, сўнгра Оренбург сургунига жўнатилган вақтда ўғиллари Ўрмонбек ва Фансуруллоҳбек, шунингдек, севикили хотини Огача ойим ҳам бу билан бирга эди. Туркистон генерал-губернатори фон Кауфман “Петербургга бориб, императорга учрашасиз, сизни таҳтга тиклаш масаласи пойтаҳтда ҳал бўлади”, дея алдам-қалдам ваъдлар билан Петербургга боришга кўндиради. Узоқ сафарга йўл олиш олдидан Худоёрхон кўнглида аллақандай ғашлик пайдо бўлади ва Огача ойим, Ўрмонбек ва Фансуруллоҳбекни Тошкентда қолдириб кетмоқ фикрига келади. Бироқ бу шаҳарда хон оиласини қолдириш учун бирор ишончли кишини тополмайди. Шундан сўнг қўлидаги маблағнинг катта бир қисмини Олимжонбой деган одамга, яна бир қисмини фон Кауфман маслаҳати билан Россия банкининг Тошкент бўлимига, ўзи учун алоҳида қимматли бўлган учта китобни — буларнинг бири Шарафуддин Али Яздий “Зафарнома”сингининг жаҳонда ягона мукаммал нусхаси бўлиб, уни Муҳиддинхўжа қозига, Алишер Навоий ва Мирзо Абдулқодир Бедил девонларини эса қариндоши, шу шаҳарда истиқомат қилиб турган Мир Орифга қолдириб, Туркистон шаҳри томон йўл олади, Огача ойим, Ўрмонбек ва Фансуруллоҳбек ҳам хон билан бирга жўнайдилар.

Юқорида айтилган уч китоб ҳақидаги қизиқарли бир воқеани муҳтарам журналхонга маълум қилиш жоиз деб ўйлаймиз. Худоёрхон Оренбургда узоқ вақт хонабанд ҳолда тутиб турлишига ишонч ҳосил қилганидан кейин зудлик билан Тошкентга маҳсус одам юбориб, Мир Ориф қўлида колган Навоий ва Бедил китобларини олдириб кетади. Ўзбекистон Республикаси Марказий Давлат архивида бу воқеа қайд этилган ҳужжатларга дуч келдик (1-жамғарма, 36-қайд, 1091-иш, 40-саҳифа). Машҳур “Зафарнома”га келсак, асарнинг дунёда ягона мукаммал нусхаси бўлган бу китобга Кўқон хонлиги кутубхонасининг мухри босилган бўлиб, у 1940 йилда Ўзбекистон Фанлар академиясининг Шарқшунослик институтига Муҳиддинхўжа қозининг амакиваччаси томонидан топширилган ва ҳозир ҳам шу инс-

титут мулки сифатида сакланниб келмоқда. Асарнинг шўро даврида чоп этилган факсимилесига ҳам, мустақиллик даврида кирилл алифбосида ўқувчилар қўлига бориб етган мукаммал нашрига ҳам Худоёрхон Тошкентда Муҳиддинхўжа қозига қолдириб кетган ўша энг ишончли маңба асос бўлган.

Худоёрхондан мерос — “Зафарнома” асарига Муҳиддинхўжа қозининг ҳамма ҳавас қилгулик ихлос-эътиқоди ҳақида ҳам архивларда қизиқарли маълумотлар сакланниб қолган. Бу китобни хон 1875 йил август ойининг биринчи ярмида Тошкентда бир неча кун яшаган вақтида қолдириб кетгани маълум. “Зафарнома”ни Муҳиддинхўжа чорак аср давомида еру кўкка ишонмай асраб юрган кезларда, яъни 1900 йилда Парижда Жаҳон кўргазмаси очилиши муносабати билан унга шу кўргазма ташкилотчиларидан маҳсус мактуб келиб, “Зафарнома”ни экспонат сифатида ҳаммага кўз-кўз қилиш истаги маълум қилинади. Муҳиддинхўжа қози бу таклифга рози бўлади ва китоб жаҳон кўргазмасининг энг мўътабар экспонатлари қаторидан жой олади. Шу орада қозининг бошига кетма-кет кулфат тушади. Унинг ҳамюртларидан бири, Себзор даҳасининг қозиси Муҳиддинхўжага пора сифатида катта маблағ берганини айтиб, тухмат қиласди. Қозини шаҳар қозилари йигинига чакириб, даъво қилинган маблағни тўлаш ёки уни олмагани аниқ бўлса, Куръони карим билан қасам ичиш талаб қилинади. Қозининг гуноҳсизлигини исботлаш учун йигинига келган йигирма чоғли ҳалол-ростгўй одамлар фикрини эшлишини ҳам хоҳламаган йигин катталари ва Тошкент шаҳар ҳокими Муҳиддинхўжага: “ё маблағ даъвогарга қайтиради, ё қасам ичилади, вассалом”, деб оёқтираб туриб олади. Қози учун маблағни тўплаб, тухматчи даъвогардан кутулишдан бўлак йўл қолмайди. Чунки шариатга кўра, Куръони карим билан қасам ичиш энг ёмон иш ҳисобланар, бундай қилган киши қасамхўр сифатида ҳалқ назаридан қолар, бир умр руҳий азоб чекиб, оламдан ўтар эди.

Муҳиддинхўжа қозида эса даъво қилинган пулни тўлаш учун етадиган маблағ бўлмаган. Худди шу фожиали кунларда Париж кўргазмасидан Муҳиддинхўжага бир хаబар келади. Хабарга кўра “Зафарнома”ни катта пулга сотиш таклиф қилинган эди. Қози бу таклифни қабул этгудек бўлса, ўша кунларда унга даъво қилинган маблағни тўлаб,

хотиржам бўлиши мумкин эди. Бироқ ҳалқи маънавиятини ҳамма нарсадан устун кўрган Муҳиддинхўжа қози ғоят танг ахволда эканига қарамай, таклифни рад этади ва “Зафарнома” ўзига қайтарилишига эришади. Шундан сўнг қози ўйлай-ўйлай, ота-боболаридан қолган якка-ягона бойлиги бўлмиш ҳозирги Тошкент лимонарийси ўрнидаги кўркам ва катта бояни ҳарбий ташкилотга гаровга кўйиб, ер банкидан қарз олади ва шу маблағ ҳисобига тухмат-даъводан кутулади. Лекин орадан иккى йил вакт ўтиб ҳам Муҳиддинхўжа гаровга кўйилган бобини қайтариб ололмай оламдан ўтади.

Энди Оғача ойим ва фарзандларига қайтайлик. Худоёрхон фон Кауфман гапига ишониб, Оренбург томон йўл олиш асносида Туркистонга бориб, Хўжа Аҳмад Яссавий мақбарасини зиёрат қилиш ниятида бўлади ва шаҳарда, Исҳоқхон Ибрат “Тарихи Фарғона” асарида ёзишича, Муса Али мингбоши исмли қадрдон дўстининг ҳовлисида беш кун яшаб, зиёратдан сўнг хотини ва икки фарзандини шу ҳовлида қолдириб, борса-кељмас йўлга тушади. Ўша кунларда Туркистон ҳокими томонидан генерал-губернаторга юборилган маълумотномада Худоёрхон бу ерда хотинлари Оғача ойим, Умринисо, Шодмонбону ва Суманбар, ўғиллари Ўрмонбек ва Фансуруллоҳбек, жияни Акрамхон тўра, Оғача ойимнинг иниси Раҳматуллаҳўжа ва бошқалар билан биргаликда яшаб тургани қайд этилади.

“Туркистон вилоятининг газети” ва “Туркестанские ведомости”да ўша кунларда бе-рилган хон билан Оренбургга жўнаган кишилар рўйхатида Акрамхон тўра номи учрамайди. Аммо 1876 йилнинг 26 майида генерал-губернатор номига ёзган илтимосномасида Акрамхон тўра Туркистон шахрига Худоёрхон билан бирга келганини, хон билан Оренбургга бориб, маълум муддат яшаб, кейин унинг хоҳишига кўра, яна Туркистонга қайтганини айтгач, “Бу ерда хон оиласи хузурида яшаяпман. Худоёрхондан жўнашимга ижозат бўлмагунча Туркистонда хон фарзанди Ўрмонбек хузурида бўламан”, деб ёзади (ЎзР Марказий Давлат архиви, 1-жамғарма, 34-қайд, 384-иш, 1-саҳифа).

Чамаси, Акрамхон тўра Оғача ойим ва фарзандлари билан 1879 йили Тошкентга қайтиб, яна тўрт йилча хон оиласига ҳомийлик қилган. Шундан сўнг Афғонистон амири Абдураҳмонхоннинг таклифига кўра, Кобул-

га жўнайди. Бу хусусда машхур ўзбек маърифатпарвари Абдулла Авлоний “Афғон саёҳати” китобида маълумот берган. 1919 йили Афғонистон подшоҳи Омонуллаҳон ҳузурида бўлгани ҳақида гапира турив, Авлоний бундай ёзади: “Биздан кейин Фарғонадан келган уч киши-да бор эди, сұхбат онлар ила бўлди. (Уларнинг) бошликлари Худоёрхоннинг набираси эди. Булар ила бирга келмиш 36 йилдан бери Кобулни ватан эдан, Худоёрхон уруғидан Акрамхон тўра ҳамда Акрамхоннинг кичик биродари-да бор эди”. Акрамхон тўра ҳақида кейинчалик аниқланган маълумотларга қараганда, у Афғонистонни инглиз мустамлакачиларидан кутқариш учун курашда энг йирик раҳнамога айланган ва мамлакатда алоҳида обрў ва мавкега эга бўлган. Шуни айтиш кифояки, Акрамхон тўранинг мамлакат ҳаётидаги бебаҳо хизматлари Афғонистон амирлари, айниқса, Омонуллаҳон томонидан кўп марта юксак тақдирланган, ҳатто машхур “Боғи Бобур” унга ҳадия қилинган. Акрамхон тўранинг хешларидан бўлган Насруллаҳон тўра исмли мўтабар зот бир неча йил аввал бизга ноёб сурат тақдим этган эди. 1910 йиллар ўрталарида олинган бу суратда Афғонистоннинг ўша вактдаги амири Ҳабибуллаҳон, валиаҳд шахзода Омонуллаҳон ва йигирма чоғли сарой аъёнлари муҳрланган. Унда Худоёрхоннинг опаси Ойжон ойим билан Кўқонлик машхур эшон Собитхон тўра никоҳидан туғилган Акрамхон тўра қоқ марказда, амир Ҳабибуллаҳон ундан қўйироқ ўринди, Омонуллаҳон эса Акрамхон тўранинг орқасида турибди. Шу суратнинг ўзи Огача ойимнинг қайниси афғон юр-

тида қандай мавкега эга бўлганини аниқ-равшан намоён этади.

Огача ойим худди шу яқин қариндошининг кўмаги ва фидойилиги туфайли Ўрмонбек ва Фансуруллоҳбекнинг тарбиясида ижобий натижаларга эришган, улар ўз даврининг асл фарзандлари бўлиб етишмоғи учун қўлидан келган ҳамма ишни қўлган. Уларнинг дастлаб мактаб ва қориҳонада, сўнгра мадрасада пухта таълим олишларига бош-қош бўлган. 1879 йил Тошкентга кўчиб келиб, қайноғалари Муҳаммад Аминбек ва Сайд Умарбек ёрдамида Шайхонтахур даҳасининг Занжирилик маҳалласида Олимхўжа исмли кишининг ҳовлисини сотиб олган Огача ойим 14 ёшда бўлган Ўрмонбекнинг ҳам шаҳарнинг энг нуфузли олий ўқув юртларидан бўлмиш Эшонқули доддоҳ мадрасасида муваффақият билан ўқишини давом эттиришига эришади. Бу мадрасанинг шоншуҳрати узок-узоқларга ҳам кенг ёйилган, унда энг зўр мударрислардан бўлган улкан маърифатпарвар Шарифхўжа қози таълим берар эди. Зокиржон Фурқатдек азamat шоир, Михаил Андреевдек машхур шарқшунос олим шу ўқув юртидан етишиб чиққани кўпчиликка маълум. Бўлажак фидойи жадид ва забардаст шоир Фансуруллоҳбек ҳам шу мадраса дарсхоналарида камол топиб, бир умрлик дўсти Зокиржон Фурқат билан ҳам илми аруз, адабиёт ва санъат ҳақида қизғин сұхбатлар курган эдики, уларнинг ўзаро муносабатлари хусусида кейинроқ гап боради.



Худоёрхоннинг авлодлари

Огача ойим фарзандлари билан Тошкентга кўчиб келгандан кейин хоннинг ашаддий душмани Жўрабек додҳоҳ ҳамда Огача ойим орасида катта машмашалар бўлади. Жўрабек Бухоро амири Насрулло вафот этгач, унинг ўғли амир Музаффар томонидан Китоб вилоятига бек этиб тайинланган эди. Бу ёш бек Оллоҳ ато этган фазилатлари: шердек бақувватлиги, ўткир мерғанлиги, ҳарбий салоҳияти, ўта мураккаб вазиятларда ҳам тўғри ечим топа билиши ва бошқа хислатлари билан ҳамюртларини, ҳатто чет эллик кўпни кўрган кишиларни ҳам ҳайратга солган йирик шахс эди. Китоб шаҳрида у билан учрашган инглиз сайёҳи Скайлер Жўрабекнинг тенгсиз мерғанлигидан, оддий пилта милтиқ билан мўъжизалар кўрсата олишидан ҳайратга тушган ва у ҳақда алоҳида фахр билан ёзган эди. Машҳур швед сайёҳи Свен Гедин “Осиё юраги” номли монографиясида (Санкт-Петербург, 1895 йил) Жўрабекни “Марказий Осиёнинг янги тарихида катта роль ўйнаган сиймо”, дея улуғлаган. Амир Музаффар чоризм босқинига бардош беролмай, фон Кауфман кўшинидан кетма-кет зарбага учраган XIX аср 60-йилларининг иккинчи ярмидан Хўжанд, Жиззах, ҳатто Самарқанд босиб олинишидан fazabaga келган Жўрабек қариндоши Шахрисабз беги Бобобек ҳамда амирнинг валиаҳди Абдумалик тўра билан бирлашиб, Музаффархонни чор босқинчиларига қарши қатъият билан курашишга даъват этади. Амир бунга кўнмай, таслимчилик йўлини давом эттиради, пировард натижада Бухоро амирлиги чор Россиясининг вассалига айланади. Чор босқинчиларидан ўз бекликлари худудини қаттиқ ҳимоя килган Жўрабек ва Бобобекни қувватлаш ўрнига амир Музаффар Туркистон губернаторидан ёрдам сўрайди, Китоб ва Шахрисабз вилоятлари босиб олинишига сабабчи бўлади.

Оқибатда Жўрабек билан Бобобекнинг Кўқон ҳукмдори Худоёрхон ҳузурига маддад сўраб келишдан бўлак чораси қолмайди. Бутун тақдири фон Кауфманга боғлиқ бўлган Худоёрхон умрида қилмаган ножӯя ишга қўл уради, Жўрабек билан Бобобекни кишанбанд қилиб, Туркистон генерал-губернатори ихтиёрига топширади.

1870 йил кузида рўй берган бу воқеадан сўнг ҳар иккала бек алдам-қалдам ва му-

ғомбирлик йўли билан мустамлака маъмуряти хизматига ўтишга мажбур этилади. Шу тарика Жўрабек ва Бобобек умрлари охиригача генерал-губернаторлиқда расмий хизмат лавозимида колади. 1876 йилнинг февраль ойида Россия императори Александр иккинчи фармонига кўра, Кўқон хонлиги тугатилиб, унинг ҳудуди Фарғона вилояти номи билан Туркистон генерал-губернаторлиги таркибига киритилади. Шундан кейин тез орада, фон Кауфманнинг 1976 йил 1 майдаги 4-сонли буйруғи билан, Жўрабек подполковник унвонида отлиқ армия хизматига, Бобобек эса майор унвонида милиция хизматига ўтказилади.

Огача ойим билан ўзаро можароларга қадар Жўрабекнинг ҳарбий унвони янада кўтарилиб, полковник даражасига етган эди. Шундай бир вазиятда Жўрабек додҳоҳ Худоёрхондан аламзадалиги учунми ёки ҳусну малоҳатда, ақл-идроқда, иймон-инсофда тенгсиз бўлган Огача ойимни чинакамига севиб қолганиданми, унга уйла-ниш қасдига тушади. Бу ишда Жўрабек тўғри йўл билан мақсадига эриша олмагач, ўша даврдаги нуфузли мавқеини суиистельмол қилишгача боради. Огача ойим эса қанчалик мафтункор ва мулойим бўлса, шунчалик тутган ерини кесадиган, одам боласига бўй бермайдиган аёл эди. Жўрабекнинг қийин-қистов ва дўй-пўислари сўнгги нуқтага етгач, Огача ойим у билан юзма-юз келиб: “Додҳоҳ, Сизга бир гап айтайми? Мен хоннинг хотиниман, саллот менинг тенгим эмас”, деган тифдан ҳам ўткир жавобни беради. Табиатан мард, ҳақиқат олдида бош эгиб ўрганган Жўрабек ўзида бу чидаб бўлмас таънага дош бериш учун жасорат топади, шундан кейин Огача ойимга уйланишини хаёлидан чиқаради. Жўрабек Огача ойимга қойил қолган бўлса-да, аммо ундан бутунлай йироклашиб кетишни ҳам истамас эди. Шундай кунларнинг бирида Жўрабекда Огача ойимнинг мадраса талабаси бўлган сұхсурдек ўғли Фансуруллоҳбекка қизи Тўра сучуни бериб, у билан қуда-қариндош бўлиш фикри тугилади. Огача ойим бунга монелик қилмайди. Фансуруллоҳбек ва Тўра сучук никоҳидан Хисравбек исмли бир ўғил ва Ҳумоюнхон ҳамда Соҳибаҳон исмли икки қиз туғилган. Хисравбек ўтган асрнинг 20-йиллари бошида вафот этган, қизлар 30-40 йилларгача яшаган.

Фансуруллоҳбек Эшонқули додҳоҳ мадрасасида таҳсил кўриб юрган ўспириинлик йилларида илми арузга ниҳоятда қизикади ва Зокиржон Фурқат шу мадрасада таҳсил кўра бошлаган 1890 йилда у 21 яшар йигит бўлиб, дурустгина шоир эди. Ўз ҳамشاҳри бўлган улкан шоир билан Тошкентда танишган шаҳзода унинг этагини маҳкам тутади ва шеърий машқларини кўрсатиб, ундан кўб ва хўб маслаҳатлар олади. Бир томондан, Фансуруллоҳбекнинг ҳовлиси Эшонқули додҳоҳ мадрасасининг рӯйбарӯсида бўлгани, иккичи томондан, шаҳзоданинг қайнотаси Жўрабек додҳоҳ шоирнинг қадрдан дўсти экани туфайли толиби илм бўлмиш бу икки шеър шайдоси деярли ҳар куни учрашиб, дилрабо сухбатлар қурган. Ўша йилларда Фурқат томонидан яратилиб, унинг Тошкентлик қадрдонаи Ҳожи Аъзам иштироқида Фансуруллоҳбекка ҳадя этилган “Бегим” радифли газал бу кўркам дўстлик маҳсулни сифатида дунёга келган.

Ғазалда Фурқат Фансуруллоҳбекнинг баҳт-саодатли, сурурга тўла ҳәтига ҷархи хийласоз ногоҳ ҳуруж қилиб, афсуну макр билан уни маҳв этганига эътибор қаратгач, ниҳоят чоризм босқини хонлик ҳудудларига нималар олиб келгани ҳақида зўр аламизтироб билан ёзди. Ғазалдаги:

Охируламр ҳукумат гулшани бўлди ҳазон,  
Келди зоғу қолди булбуллар навосидин,  
бегим.

Бу байтни ўқирканмиз, гулшанларни ҳазон қилиб, булбулларни наводан маҳрум этган, улар ўрнига шум зоғларни келтириб қўндириган чоризм сиёсатининг манфур табиати яққол намоён бўлади. Ғазал битилган даврда бундай фикрларни баён этиш ниҳоятда ҳавфли бўлиб, муаллиф бошига катта фалокатлар келтириши мүқаррар эди. Лекин Фурқат содик дўстига бағишлиланган асарига бу фикрларни дадил киритиш учун ўзида катта жасорат топган. Фурқатнинг бу газали мақтани ўқиган киши ҳайрат мақомига тушмай иложи йўқ:

Сояи Тангри насиб этгай сани  
бошингга ҳам,  
Зойил ўлмас бобақо давлат ҳумосидин,  
бегим.

Бу байтни ўқигандага Фурқат валий ўтганники, вақти келиб, юртимиз мустақилликка

эришажаги ва унинг давлат гербидаги мисллиз баҳт-саодат тимсоли бўлмиш хумо қуши кўзларни кувнатиб туришини башорат қила олган бўлса, деган ўйга борасан киши. Зотан, Фансуруллоҳбекнинг ўзи ҳам замонлар келиб, Кўқон хонлигигина эмас, балки бутун Туронзамин бўлишини орзу қилган. У ўтган аср бошларида ўлқадаги жадидчилик ҳаракатининг раҳнамоси Мунавварқори Абдурашидхон ўғли билан бир сафда туриб, миллатнинг кўзини очиш, уни мустақиллик учун курашга бошлаш мақсадида кенг кўламли фаолиятини бошлаб юборади. Фансуруллоҳбекнинг жадидчилик фаолияти, асосан, илжадид матбуотини вужудга келтиришда намоён бўлади. Зиё Саиднинг “Ўзбек вақтли матбуоти тарихига оид материаллар” номли китобида (1927 йил) жадидларнинг дастлабки газетаси бўлмиш “Хуршид” ҳақида фикр юритилар экан, “Ношири ва муҳаррири Мунаввар қори ибн Абдурашидхон. Фансуруллоҳбек газетанинг энг атоқли ва яқин ёзишувчиси” (муаллифи) деба таъкидланган эди.

“Хуршид”нинг 2-сони Фансуруллоҳбекнинг “Сабаби тулуғи “Хуршид” сарлавҳали дастурий мақоласи билан бошлангани ҳам Зиё Саиднинг юкоридаги фикри ҳаққоний эканидан далолат беради. Газетанинг шунданд кейинги барча сонларида ҳам Фансуруллоҳбек фаол иштирок этиб тургани маълум. Фансуруллоҳбек “Хуршид” газетаси билангина чекланмай, ўша даврдаги бошқа нашрларда, жумладан, “Осиё” газетаси саҳифаларида хилма-хил материалы билан фаол қатнашган.

XIX аср охири — XX аср бошларида тартиб берилган қўлёзма ва тошбосма баёзларда, шунингдек, мустақиллик даврида чоп этилган Пўлатхон Қайомийнинг уч жилдлик китоби ва бошқа манбаларда Фансуруллоҳбек Хисрав меросидан қизиқарли намуналар учрайди. Шундай намуналардан бири марҳум манбашунос олим Фузайл Исломов кутубхонасида сақланаётган Фузулий девонига шоирнинг ўз дастхати билан битилган, Навоийнинг “Била” радифли газалига боғланган тахмисидир. Шу муҳаммаснинг ўзиёқ Фансуруллоҳбек арузвависликда юксак чўққиларни эгаллай олган забардаст шоир эканидан далолат беради.

Фансуруллоҳбек Хисравнинг назм соҳасидаги юксак салоҳиятига ўша даврнинг энг азamat шоирлари қойил қолган. Масалан,

Зокиржон Фурқат Тошкентда “Бегим” радифли ажойиб газалини бағишилаган бүдисти номини мусоғири юртларда ҳам алоҳида соғинч билан қалби түрида олиб юрган. У 1891 йил кузида Истанбулдан Тошкентга йўллаган ва ҳозирда “Сабога хитоб” деб аталаётган шеърий мактубида йигирма икки мисрадан иборат алоҳида эҳтиросли жузъини айнан Фансуруллоҳбекка бағишилагани улкан шоир дўсти қалбидаги инсон қанчалар учмас из қолдирганидан далолат беради. Афсуски, шўролар даврида чоп этилган бу шеърий мактуб нусхаларидан бирор тасида ҳам ундаги Фансуруллоҳбек Ҳисравга бағишиланган ўша муҳим қисм учрамайди. Бундан шўролар тузуми Фансуруллоҳбекка фоят ёмон муносабатда бўлгани пировардида қандай фожеий оқибатларни келтириб чиқаргани борасида сал кейинроқ фикр юритамиз.

Фурқатгина эмас, ўз замонида ҳамқалам дўстлари “тоҷ-уш шуаро” дебе фоят юксак эъзозлаган Муҳиддин Муҳий ҳам Фансуруллоҳбекнинг шоирлик истеъодига тан бериб, у билан бир умр дўст бўлиб қолган эди. Муҳий Фансуруллоҳбек томонидан ўзига бағишиланган эҳтиросли қасидани кўлэзма баёзига киритар экан, дўсти ҳақида келгуси авлод учун ёдгорлик бўлиб қоладиган, мазмундор кириш сўзини ҳам илова қиласи.

“Ушбу қасида жаноби шаҳзода Муҳаммад Фансуруллоҳбеки Ҳисрав, фарзанди аржуманди Сайид Ҳудоёрхони марҳумки, мазкур хонзоданинг фазлу камолоти юкори дараҷа ва табыи назми ҳам зиёда баланд дараҷадаки, шул вақтдаги даъвии шеър айлаб юрган муддайи каззобу нобоп шоиртарошлардин юз дараҷа баланд ва шул Фансуруллоҳбекни тахаллуси Ҳисравдур.

Кўп йиллардан бўён шеъргўйликфа шавқу рағбатлари бор. Чунончи, фақир Муҳийга ҳамавақт ҳат ёзиб, айтган газаллари ва қилғон мухаммасларини Тошканддин Хўқанд шаҳрига, яъни манго юбориб турадурлар.

Фақирга камоли муҳаббат ва ошнолигидин ушбу “Муҳий” деган қасидани ёзиб юборган. Ошноларнинг илтимоси учун бу баёзга ёзилди: дониш ва фасоҳати шундан маълум бўлади. Муҳий”, дейилган эди кириш сўзида.

Фансуруллоҳбек, аввало, сўнгги Кўкон хонининг фарзанди экани, ундан ҳам кўра, жадидчилик ҳаракатининг раҳнамоларидан бўлгани сабаб Туркистон генерал-губернаторлиги амалдорлари ҳам, шўролар дав-

ри сиёсатдонлари ҳам уни кўргани кўзи йўқ эди. 1899 йили у акаси Сайид Умарбек ҳамда Насридинхоннинг Бурхониддинбек ва Амирсайдибек исмли ўғиллари билан биргаликда “дворянин” унвонига тавсия этилар экан, Тошкент уезди бошлиғи Туркистон генерал-губернатори Духовскийга чақув маълумоти бериб: “Йигилган маълумотларга кўра, собиқ Кўкон хонининг ўғли Фансуруллоҳбек рус ҳукуматига ҳеч қандай хизмат кўрсатмаган” деб ёзган эди (ЎЭРМДА, 17-жамгарма, 1-қайд, 1751-иш, 5-саҳифа орқа томони). Шундан кейин Насридинхоннинг ўғиллари билан Сайид Умарбекка юқорида айтилган унвон берилиб, хон авлодларидан биргина Фансуруллоҳбек ўша вақтларда нуфузли бўлган бу унвонга нолойиқ деб топилади.

Фансуруллоҳбекнинг шўролар давридаги қисмати ниҳоятда фожиали бўлди. 1929 йили у ўша даврнинг машҳур жадидлари билан биргаликда шўро тузумининг ашаддий душмани сифатида ГПУ томонидан қамоқقا олинади ва кўз кўрмаган, кулоқ эшифтмаган қўйнокларга солиниб, 1931 йил Тошкент турмаси камераларидан бирида жон таслим этади. Ўтдан ҳам, сувдан ҳам тоймайдиган Соҳибахон исмли шаддод қизининг саъй-ҳаракати билан унинг жасади турмадан олиб чиқилиб, қайнотаси Қорасувдаги боғи яқинида бино қилган “Жўрабек қабристони”га дафн этилади.

Бутун умр эл-юрт дарди билан яшаган, истиқлол фидойиси Фансуруллоҳбек ҳаёти шу тариқа якун топди.

Оғача ойим Ўрмонбекни ўзининг яккаю ягона фарзанди Фансуруллоҳбекдан ҳам ортиқ кўрса кўрардиди, зинҳор кам кўрмасди. Зукко адаб Абдулла Қодирий “Мехробдан чаён”да Оғача ойим ва Ўрмонбекни ўз боласидек тарбия қилиб келар ва шу сабабдан ҳам хонининг назарида унинг қадри жуда юқори кўтарилиган эди”, деб ёзар экан, олти ёшлар чамасидаги Ўрмонбекни у қандай меҳрибонлик, айни вақтда қаттиқўллик билан тарбиялаганини кўрсатиш учун жойнамоз устида ўтирган Оғача ойим билан ўғли муносабатларидағи самимийликни боланинг беданага қилган “золимлиги” эпизодида ўта жонли тарзда тасвирлайди. Абдулла Қодирий қалами билан битилган мўъжазгина саҳнага назар соглан

ўқувчи Огача ойимнинг бу вақтда икки ёшли ўз фарзанди Фансуруллоҳбек ҳам бўлганини, қалби дарё бу окила ва гўзал аёл ундан ҳам кўра Ўрмонбек тарбиясига кўпроқ эътибор берганини кўриб, унга қоили қолмай иложи йўқ.

Фарзандининг илм-маърифатли, ахлоқ-одобли инсон бўлиб етишувига алоҳида эътибор қаратган Огача ойим Тошкентга кўчиб келиши биланоқ бу вақтда ўн тўрт ёшда бўлган, Туркистон шаҳрида эски мактаб ва қориҳонада дурустгина таълим олган Ўрмонбекни ўлка марказининг машҳур ўқув юртларидан бири — Шайхонтаҳурдаги Эшонкули доддоҳ мадрасасига беради. Тўрт йил мобайнинда мадрасанинг энг яхши толиби илмларидан саналиб келган бу истеъдодли шаҳзода илгарироқ, Туркистонда сил касалига чалинган эди. Мазкур касаллик вақт ўтиши билан зўрайиб, Ўрмонбек тўшакка ётиб қолади ва 1883 йилнинг 18 декабрига ўтар кечаси ўн тўқиз ёшида вафот этади.

Ўрмонбекнинг вафоти Огача ойим ҳаётидаги жуда катта фожиа эди. Огача ойим ва шаҳзоданинг узоқ-яқиндаги барча қадрдонлари бу изтиробли дамларда хон оиласига ҳамдард бўлади. Ҳатто Ўрмонбек вафоти ва Огача ойимнинг қайгули кунлари ҳақида шеърий марсиялар ҳам дунёга келади. Бу марсияларнинг биттаси ўша вақтларда Россия пойтахтининг энг нуфузли нашрларидан бўлмиш «Императорлик Россия Археология жамияти шарқ бўлими қайдлари»нинг 1889 йилги тўртични жилдиди ўзбекча асл нусхада ва русча сўзмасўз таржимаси билан бирга чоп этилади. «Ўрмонбек ҳақида марсия-қўшик» деб номланган бу асарга сўзбоши ёзган «Туркистон вилоятининг газети» муҳаррири Н. Остроумов А.Н.В.деган шахс бу манзумани нашр эттириш ниятида унга топширганини айтади. Шунингдек, у асарни қўлга киритгач, тошкентлик мусулмонлардан, жумладан, Ўрмонбекнинг акаси Муҳаммад Аминбекдан у ҳақда қизиқарли маълумотлар олгани хусусида сўзлаб, буларнинг катта бир қисмини ўқувчиларга етказишни лозим топади. Маълумотлар, асосан, Огача ойим Ўрмонбекни кўкрак сути билан бокиши учун қай тариқа олгани, Худоёрхон бу ўғлини валииҳад қилмоқчи бўлгани, Огача ойим икки фарзанди билан Туркистон шахрида қай тариқа умргузаронлик қилгани, оиланинг Тошкентга кўчиб келиши тафси-

лотларига тааллуқлидир. “Қайдлар”даги ўзбекча тўла матни чоп этилган 40 мисрадан иборат марсия-қўшикда Огача ойим ва Ўрмонбек ҳаётига оид фоят муҳим жиҳатлар акс этган. Асар аруз илмида суюги қотган, касби шоирлик бўлган муаллифнинг эмас, балки соддагина ҳаваскор қаламининг маҳсулу икани сезилиб туради.

Марсия-қўшик матни Огача ойим ва дилбанди ҳаётидаги воқеалар ҳақида янги-янги маълумотларни беради. Ундан Огача ойим ва фарзандлари яшаган Занжирлик маҳалласидаги ҳовли иллари Олимхўжа исмли кишига тегишли бўлганини, Шавкаткули ҳамда Нигор, Зумрад деган хизматкорлар Ўрмонбек юмушида бўлганини, унинг қабри устида Ортиқори дуо-такбир тушириб ўтирганини, бундан ташқари, Ўрмонбек вафот этиши биланоқ унинг мурдаси совимай мол-мулки ҳукумат одамлари томонидан муҳрлаб кўйилганини билиб оламиз.

Марсия-қўшикни бу оиланинг барча икирчиликларидан хабардор бўлган киши, эҳтимолки, Огача ойимнинг ўзи ҳам биттан бўлиши мумкин. Ундаги кам учрайдиган батафсиллик шундай фикрга келишини тақозо этади.

Барча айтилганлардан хулоса чиқарадиган бўлсак, Огача ойим ҳусн ва ақл-идрокда, иймон-эътиқодда тенгсиз, фарзандларига ҳам, ён-веридагиларга ҳам нихоятда меҳрибон, фидойи аёл бўлган.

Ўз ҳукмфармолигининг иккинчи даврида Огача ойимга уйланган Худоёрхоннинг бошига бир неча ойдан кейиноқ қора кунлар тушиб, Бухоро амирлигининг гоҳ Самарқанд, гоҳ Жizzах шаҳарларида икки йил яшашга мажбур бўлганида унинг вафоли ёри сифатида барча хўрлик ва машаққатларга чидаган бу ажойиб аёл хон қайтадан Кўқон мулки таҳтида ўн йил муҳим ўтириб, нашъу намоли ҳаёт кечирган даврида эридан ёр сифатида вафо кўрмаганига, хон кетма-кет уйланаверишига қарамай, аёллик фурурини баланд тутади, эрига зарда қилишни, ундан ўч олишни ҳаёлига ҳам келтирмайди. Огача ойим фавқулодда вафодорлиги билан хожаси бўлмиш хоннинг ва бутун сарой аҳлининг хурмат-эътиборини қозониб, Амир Темур саройида Бибихоним қандай мавқега эга бўлган бўлса, Худоёрхон саройида у ҳам шундай энг нуфузли малика бўлиб қолади. Зотан, сабр таги — сара олтин, дейилгани бежиз эмас.

Абдулла ШЕР

# XALQNI ANGLASANG — HAQNI ANGLAYSAN



Жалолиддин Румий ким — шоирми, мутасавифими ёки файласуф? Бир қарашда ўта жүн ва ҳатто, ножоиз савол бу. Лекин масалага жиiddийрөк ёндашилса, бирбирига зид жиҳат-

лар ҳам кўзга ташланади: шубҳасизки, “Маънавий маснавий”ни ёзган одам — шоир, бироқ у шеъриятни гүё назар-писанд қилмагандек; мавлавия тариқатига асос соглан одам — мутасавиф-шайх, бироқ у нега мусиқани улуғлайди ва уни зикрнинг ёрдамчи унсури деб ҳисоблайди? Файласуфларни лаънатлаган одамни фалсафага даҳлдор деб бўлармикан? Бироқ унинг фалсафий фикр ёхуд фалсафий умумлашмаларни ўз ичига олмаган бирорта асари йўқ! Демак, масалага ойдинлик киритиш мақсадида бу жиҳатларни алоҳида-алоҳида кўриб чиқишига тўғри келади.

Биринчидан, салкам 27 минг байтлик “Маънавий маснавий” ҳамда 30 минг байтлик “Девони Шамс”ни яратган Жалолиддин Румийнинг, зикр этилганидек, шеъриятни жиiddий қабул қилмагани нимани англатади? “Ичиндаги ичиндадир” — да у бундай деб ёзади: “Бу дунёда биз

амал талаблари бўлган мардни хоҳлаймиз. Аммо амал муштариисини тополмадик, бироқ сўз муштарииси мавжуд бўлганидан биз ҳам сўз билан машгулмиз” (Жалолиддин Румий. Ичиндаги ичиндадир. Т., “Янги аср авлоди”, 2003, 75-бет).

Маълум бўладики, Румий учун шеърият — ундан-да юксакроқ маънени халққа етказишининг бир воситаси, яъни илоҳий маънени халққа англатишининг қулай йўлини у шеъриятда, сўзда деб билади. Зоро, амал шу қадар юксак ва кам намоён бўлувчи ҳодисаки, инсон амалга даъват этиш билан унинг ўрнини тўлдиришга ҳаракат қиласи. Сўз Оллоҳнинг каломи, демак, инсон Унга тақлидан сўзни воситага айлантириши табиий бир ҳол. “Амал инсондаги маънодир”, бироқ зоҳирдаги хатти-ҳаракат ҳақиқий амал эмас, амалнинг асли сўзга бориб тақалади. “Чунки ҳар бир нарсанинг асли — сўз... Сўз амал дараҳтининг мевасидир. Чунки у амалдан туғилади. Улуғ Тангри оламни сўз билан яратди ва “Бўл!” дейиши билан Олам ҳам бўлақолди” (ўша манба, 76-бет). Шундай қилиб, сўз — ўзи амал бўлмагани ҳолда, инсон қалбида амални барқарор этувчи маънавий ҳодиса, илоҳий неъмат сифатида бекиёс аҳамиятга эга. Бироқ Жалолиддин Румийнинг илоҳий салоҳияти, истеъоди шу қадар буюкки, у шеърга сифмайди. Уни бошқа воситалар ор-

қали намоён қилишнинг эса иложи йўқ. Шу боис шеър унинг жонига теккан, лекин на чора! Румийнинг шеърият билан “чиқишмаслиги” сабаби ҳам шунда. Бу — Румий шеърни ёмон кўрган дегани эмас, аксинча, дунёдаги энг буюк шоирлардан бири эканига далил, холос.

Иккинчидан, маълумки, Румий — улуғ мутасаввиф, яъни тасаввуфий тафаккурнинг буюк намояндаси. Тасаввуф ёки тариқат шаръий-фиқихий аҳкомларнинг моҳиятини очиб берувчи, уни инсон сувратига эмас, сийратига, бошқача айтганда, зоҳирний хатти-ҳаракатларига эмас, ботиний амалига айлантирадиган йўлдир. У буйруқ ва қўрқувни ичдан рад этади ҳамда қалбда муҳаббат ва умид уйғотади. Инсон — Худонинг ердаги халифаси, тасаввуфга кўра, Ундан кўрқиб эмас, Уни севиб, борлигини Унга бағишилаб яшамоқ лозим. Муҳаббат эса барча ҳиссиятлардан юксаклиги, инсонни оташда кўйдириб, ўзлигини, яъни сувратни таслим этиб, сийратни намоён қиласидиган маънавий ҳодиса сифатида қолган барча ҳиссиятларни ягона мақсадга йўналтирувчи нур экани билан ажralиб туради. Нур рангларни яратгани каби мусиқа ҳам қалбда кўз билан кўриб бўлмайдиган гўзал рангларни кашф этади. Ана шу ранглар тажассумини биз муҳаббат деймиз. Инсон қалби муҳаббат туфайли зулматдан фориғ бўлади ва ёруғлик сари юз тутади. Энг олий ёруғлик эса Яратгандир. Мусиқа инсон ҳисларини ана шу Мутлақ Ёруғликка интилиш йўлида тарбиялай билиш қудратига эга. Зеро, одам танасига икки бора мусиқа — сур чалиниши билан жон киради. Аввал у яратилганди, кейин эса маҳшар куни қайта тирилганда. Шундай қилиб, Жалолиддин Румий самоъ пайтида мусиқани кўллар экан, инсон ҳиссиятларини моҳиятга, ақли жузъийни ақли куллийга қараб йўналтириш учун, одамзод қалбини эритиш, инсонни илоҳий сархушликка эриштириш учун мусиқадан сўзсиз сўз сифатида фойдаланади. Бу эса мавлавия зикрини — самоъни юксак погонага олиб чиқишига, вужуднинг “ўлиб”, рухнинг тирилишига, зоҳирнинг йўқолиб, ботиннинг қоим бўлишига ёрдам беради. Айни чоқда мазкур мусиқий самоъ Мавлавий ҳазратлари тасаввуф оламига киритган ижобий янгилиқdir.

Учинчидан, Румий файласуфми? Агар шундай бўлса, нега унинг фалсафага муносабати салбий эди? Гап шундаки, Румий даврида ва ундан илгарироқ ҳам файласуф деганда Оллоҳга эмас, бир неча, баязан ўнлаб маъбудларга сифинган ҳамда олам атомлар воситасида ўз-ўзидан яралган деган foяни илгари сурган қадими юонон мутафаккирлари тушунилган. Бироқ бундай тушуниш юзаки экани кейинчалик маълум бўлган. Чунончи, Азизиддин Насафий “Зубдат ул-ҳақойик” (“Ҳақиқатлар қаймоги”) асарида файласуфларни куфрда айбламайди. Бу шунчаки куруқ гап эмас эди. Масалан, биргина Арастуни олиб кўрайлик. У “Метафизика” асарида тавҳиднинг асосий назарий қоидаларини айтиб ўтади. Арасту Худо вужудга келиш жараёнини бошдан кечирмаган мутлақ Ягона Борлиқ экани, Уни хеч қандай куч ҳаракатга келтирмаслиги, барча нарсаларни Унинг ўзи ҳаракатга келтириши, У марказ ва барча мавжудот Унга қараб интилиши; У олий шакл ва барча шакллар унданлиги; У олий Тафаккур, Тафаккур ҳақидаги Тафаккур, Ягона олий Ақл экани ҳақида яратган таълимоти мусулмон Шарқи фалсафий тафаккурига мислсиз таъсир кўрсатди. Киндий, Форобий, Ибн Сино, Ибн Рушд сингари жаҳонни ҳайратга солган машшоиййун (перипатетик) файласуфлар оламни ва одамни фалсафий ўрганишда тавҳидга, Оллоҳнинг Яратувчилик қудратига шак келтирган эмас. Шу боис Форобий ва Ибн Сино каби мутафаккирларнинг баязи мутасаввифлар, айниқса, Имом Фаззолий томонидан салкам кофирга чиқариб қўйилиши ўша даврдаги ҳукмрон қарашлар оқибати, ҳақиқатдан анча йироқ танқид эканини эътироф этмоқ лозим.

Жалолиддин Румийнинг фалсафа ва файласуфларга муносабати ҳам давр тақозосидир. У ҳам ўзини файласуф деб аташларини хоҳламаган. Аслида у жаҳоннинг буюк файласуфларидан, исломий



фалсафани яратган улуг мутафаккирлардандир. Шу боис Румий шеърий меросининг таржимони ва тадқиқотчиси, инглиз шарқшуноси Р.Николсоннинг “Румий шоир ва мистик, у файласуф ҳам, мутафаккир ҳам эмас”, деган фикрига кўшилиб бўлмайди (*Қаранг: Руми. Поэма о скрытом смысле. М., “Наука”, 1986, стр.227*). Вахоланки, ундан бир аср аввал буюк олмон файласуфи Ҳегел уч жилдлик “Фалсафий фанлар қомуси” асарининг сўнгги жилдида бундай деб ёзган: “Агар, чунончи, қоим мақом Жалолиддин Румийда қалбнинг Якка ягона билан бирлашви биринчи ўринга чиқарилар ва муҳаббат сифатида талқин этилар экан, мазкур руҳий бирлик чекланганлик ва одатийликдан юксалганники, табиий ва руҳий жиҳатнинг устунлигини намоён қиласди...” (*Гегель В.Ф. Энциклопедия философских наук. М., “Мысль”, 1977, стр.400*). Шундан сўнг Ҳегел Румийнинг Рюккерт таржимасидаги шеърларидан парчалар келтиради. Демак, унинг фикрича, Румий шеъриятидаги асосий foя — фалсафий тушунча мақомини олган муҳаббатдир. У Румий тасаввуф (дин) фалсафасининг доимо Фарбда чалкаштириб келинадиган пантеизмдан, хусусан, спинозачиликдан фарқи борлигини илғай олган. Дарҳақиат, пантеистлар, жумладан, Спиноза ҳам Худо — табиат, Табиат — Худо деб талқин этса ва Яратган яратилганлар ичига сингиб кетган деган фояни илгари сурса, Румий аксини айтган. “Чунки У кўк ва коинотнинг ташқарисида бўлмаганидек, ичида ҳам эмасдир, — деб ёзади Мавлоно. — Яъни кўк ва коинот Уни эгаллаган бўлмай, У буларни қамрагандир” (*Ичиндаги ичиндадир. 179-бет*).

Бу фикрларнинг амалий исботини мавлавия тариқати зикрида ҳам кўриш мумкин. Ҳозирги кунда маълум маънода театрлаштирилган бўлишига қарамай, бу зикри самоъ Жалолиддин Румий фалсафасининг бош гоясини ифодалайди. Зикрхонага тўққиз, ўн бир ёки ўн уч нафар дарвеш ва улар кетидан шайх киради. Дарвешлар бирбиридан маълум масофада ташлаб қўйилган пўстакка ўлтириб, узоқ вақт сукутга чўмади. Жимликни шайх бузади, аввал фотиҳа ўқиласди, сўнг Шамсиддин Табризий ҳақида қайгули нола — най охангидан грайди. Бунга ҳофизнинг дарвешлик ҳаётини мадҳ этувчи fazali жўр бўлади,

дарвешлар ўрнидан туриб, қўшиқ оҳангидан остида Жалолиддин Румий номи битилган лавҳ-тахтага таъзим бажо келтириб, хонани айланана бошлайди. Мусиқа кучая боради, танбур жўр бўлади, дарвешлар мовий ёпинчиқларини ечиб, конус шаклидаги оқ қўйлакда қолади. Улар бирма-бир шайх этагига юкиниб, сўнг қўлларини ёзиб, айланана бошлайди, оқ қўйлаклар шишиб, улкан кўнғироқ шаклини олади; ҳар бир дарвеш катта ёки кичик доирада айланади — ҳаракатлар қатъий қоида асосида давом этади ва мусиқага мос равища тезлашиб боради. Ниҳоят, танбур сўнгги зарбда кескин жаранглайди ва дарвешлар яна пўстакка ўлтиради. Яна қўшиқ янграйди:

Кўнгил ҳайрон ўлибдур ишқ алиндин,  
ишқ алиндин...  
Жигар бирён ўлибдур ишқ алиндин,  
ишқ алиндин.

Кўшиқ оҳанглари остида яна зикр бошланади. (*Қаранг: Бертельс Е.Э. История литературы и культуры Ирана. М., “Наука”, 1988, стр.513-516*).

Бу зикри самоъни оддий эътиқодий манзара, исломий ибодатнинг бир тури деб, эътиборсиз кузатган одам унда яхлитлик кўрмайди. Лекин унга муайян билим ва оқилона нигоҳ билан ёндашган одам албатта яхлит оламни илғаб олади: ўртадаги шайх — Оллоҳга бўлган муҳаббат рамзи, атрофдаги дарвешлар эса — ўша муҳаббат ўқи теграсида айланадиган сайдералар. Инсон ҳам, ташки дунё ҳам бир бутун олам, уларни Худога бўлган муҳаббат ҳаракатга келтиради. Бу зикр ҳам эътиқодий-фалсафий, ҳам бадиий-эстетик яхлитликка, теранлийка эга.

Жалолиддин Румий ўз фалсафасида инсон руҳининг диалектик тадрижини кўрсатиб берар экан, “Ичиндаги ичиндадир” асарида нарсаларнинг зидди хусусида бот-бот тўхталиб ўтган. Бинобарин, унинг фалсафий қарашлари зиддиятларнинг диалектик мунносабатига асосланади. “Ахир “ашё” қиймати зидди билан аён бўлади. Зидди бўлмаган нарсани таъриф этмоқлик имконсиздир”, дейди Мавлоно (*Ичиндаги ичиндадир. 80-бет*). Факат улуг Тангринингни зидди йўқ. Чунки Унинг ўзи барча зиддларнинг яратувчисидир.

Мутафаккирнинг ахлоқий қарашлари асосида ҳам ана шундай диалектик муно-сабат ётади. Одам мутлақ ёмон бўлмайди, бир инсон иккинчисига ёмон кўз билан қарамаслиги, яъни бир-бираидан атай ёмонлик қидирмаслиги лозим. “Кеча — кундузнинг ҳам зидди, ҳам ёрдамчиси хисобланади. Чунки кеча доимий бўлсайди, ҳеч қандай иш майдонга келмасди. Ҳар замонда кундуз бўлиши ҳам ўз навбатида инсон аъзоларини ишдан чиқаради... Йўқса, кўрсатгин-чи, дунёда қай бир нарса нуқул ёмондирки, унда яхшилик бўлмасин ва қайси нарса фақат яхшидирки, унда ёмонлик бўлмасин?.. Бу — имконсиз. Чунки яхшилик ёмонликдан айро эмас” (ўша манба, 180-181 бетлар).

Румий қадимги файласуфлар изидан бориб, эзгулик учун курашни инсон ўзи-дан бошлиши керак, ана шундагина сўзинг амалга айланади ва у албатта жамият томонидан баҳоланади, дейди. Зотан, “...олам бир тоқقا ўхшайди. Яхши ёки ёмон сўзингни акси ўзингга, факат ўзингга қайтади...” (ўша манба, 134-бет).

Алломанинг фикрича, инсон токи жамиятда яшар экан, у инсонга, ҳалқа хизмат қилмоғи керак. Ҳалқ хизматида бўлмаган одам Ҳаққа хизмат қилдим деб айтольмайди. У шундай деб ёзади: “Ҳалқ билан қизиқмаган, аксинча, ундан нолиган, унинг учун жон кўйдирмаган инсон — инсон эмас. У Ҳақни англаб, ҳис этса ҳам, у тушуниб, идрок этган Ҳақ — Ҳақ эмас. Инсон ишламоқдан, ғайрат кўрсатмоқдан қочмаган, Оллоҳ улуғлиги атрофида тинимсиз, ҳузурсиз айланган кишидир” (ўша манба, 41-бет). Румий илгари сурган ҳақпарварлик ғояси нақшбандия тариқатидаги ҳақпарварликка жуда яқин: ҳалқпарвар бўлмай туриб, ҳақпарвар бўлиш мумкин эмас, бу дунёдаги эзгу аъмолларгина инсонни Ҳаққа яқинлаштиради, ўзгаларга яхшилик исташ орқалигина банданинг ўзи ҳам юксала боради. “Зоҳирий машгуллик ботиний машгулликка моне бўлолмайди” (ўша манба, 159-бет). Аксинча, ботиний машгулликнинг воқе бўлиши йўлида хизмат қилади, зинадаги босқич вазифасини ўтайди; зоҳирий машгуллик қанчалик эзгуликлар билан йўғрилган бўлса, ботиний машгуллик шунчалик мукаммаллашиб боради.

Фарб фалсафаси намояндалари Румийни буюк файласуф сифатида эътироф этадими-йўқми, бундан қатъи назар, аксар фалсафий йўналишларда унинг тарьсири яқъол сезилади. Чунончи, унинг эзгулик ва ёвузликнинг ўзаро таъсири борасидаги фикрлари улуғ рус файласуфи Н.Бердяев ахлоқ фалсафасида, инсоннинг ўзгарувчанлиги ҳақидаги таълимоти К.Ясперс ва Ж.-П.Сартр қарашларида кўзга ташланади. Чунончи, буюк олмон экзистенциал файласуфи Карл Ясперс: “Инсон... ҳамма ҳодисаларда бир хил бўлолмайди; у — йўлдир” (Ясперс К. Смысл и назначение историии. М., “Политиздат”, 1991, стр.378), дер экан, бу фикр Мавлавий қарашларининг замонавий талқини эканини илгаб олиш қийин эмас.

Румий фалсафасининг чўққиси — унинг инсон мазҳабчиликдан юксак туриши лозимлигини таъкидлагани, замонавий фалсафий тил билан айтганда, толерантлик (бағрикенглиқ) ғоясини илгари сурганидир. Зоро, инсон мазҳаб ва динлар учун эмас, аксинча, улар инсон учун яратилган. Унинг қўйидаги сўzlари ҳозирги кунда ҳам, худди ўша даврдагидек, ўзини исслом ёки насронийлик динининг қаҳрамони қилиб кўрсатишга уринувчи баъзи калтабин ақидапараст (фундаменталист), экстремист кимсаларга Қуръони карим талабини эслатувчи гулдираксифат овоздек янграб туради: “Сиз қандай қилиб динни бир қиласиз? Бу фақат қиёматда бир бўлади. Бу ер дунёдир ва шунинг учун ҳам дин бир бўлиши мумкин эмас. Чунки бу ерда уларнинг турли-туман истаги ва тилаги бордир. Дин дунёда бирлашолмайди, фақат қиёматда бир бўлади. Қиёматда уларнинг ҳаммаси бирлашади, бир кулоқ, бир тил ҳолига келади” (Ичиндаги ичиндадир, 34-бет). Зоро, Қуръони каримда Оллоҳ шундай марҳамат қиласди: “Ҳар бир (уммат) учун (алоҳида) шариат ва йўл (тарьин) қилиб қўйдик. Агар Оллоҳ хоҳласа эди, сизларни бир уммат (бир хил шариатда) қилиб қўйган бўлур эди. Лекин ўзи берган нарсада (шариатлар) сизларни синаш учун (шундай қилмади). Бас, хайрли, савобли ишларда бир-бирингиздан ўзишга ошиқингиз!” (5, 48.) (Қуръони карим. Абдулазиз Мансур таржимаси. Т., “Ислом университети”, 2001, 11-бет)

МО'Г'УЛЛАР ИЧИДАГI

QORAQALPOQLAR  
KIMLAR EDI?

Тарих — му-  
қаддас илм. У  
халқларнинг ўтми-  
шини билиш, кела-  
жагини англаш, ҳар бир миллатнинг жа-  
ҳон тараққиётидаги ўрнини аниқлашга  
имкон берадиган бебаҳо манбадир.

2008 йили Москвадаги “Эксмо” наш-  
риётида инглиз тарихчиси Жон Мэннинг  
“Чингизхон” деб номланган китоби чоп  
этилди. Унда ҳозирги кунда Чингизхон  
макбарасини саклаб, ундаги ибодатларни  
бошқараётган қорақалпок (“чёрные  
шапки”) қавми ҳақида алоҳида фикр юри-  
тилади. Бизга “қорақалпок” деб номлан-  
ган Хитой юртидаги бу қавм аслида ким  
эканини билиш жуда қизиқ. Тарихий ман-  
баларда айтилишича, Чингизхоннинг ме-  
росхўри Ўқтой Мӯгулистон тоғларида маҳ-  
фий дағн этилган жаҳонгир қабрини ёт  
кўзларга кўрсатиб бўлмаслигини хисобга  
олиб, унга тегишли бўлган нарсаларни  
абадий сақлаш борасида кўчманчиларга  
хос макбул ечим топган ва саккизта оқ ўтов  
қуришни буюрган. Ўтовларни кўриқлаш  
учун бир неча оиласа шароит яратган. Улар-  
ни ҳарбий хизматдан озод қилган. Хон са-  
доғи, эгар-жабдуғи, кийимлари, хўқизнинг  
думи ва бошқа нарсалар йигилиб, улар  
қаршисида ибодат маросимлари ўtkазиш

ва улар адо  
этилишини  
назорат қилиш  
тартиби ишлаб чи-  
қилган. Шундай қилинса, Чингизхон ўз  
халқига асрлар давомида мададкор бўла-  
ди, деб тушунтирилган. “Ҳақиқатан ҳам,  
Чингизхон тўққиз юз йил давомида ўз  
халқидан мададини дариф тутмаяпти”, деб  
ёзади муаллиф (Жон Мэн. Чингисхан.  
Москва, “Эксмо”, 2008, стр. 332).

Энг қизиги, муаллифнинг таъкидлаши-  
ча, Чингизхон буюмларини қорақалпоқлар  
деб аталган қавм кўриқлаб, сифиниш расм-  
русумлари қандай бажарилишини ҳам кўп  
йиллар давомида бошқаларга ўргатиб ке-  
лар экан.

“Эдепнор хора” ёхуд “Хукмдорнинг кўра-  
си” деб номланган мавзолейнинг саккиз  
ўтовида нималар борлиги тўғрисида Жон  
Мэн бундай деб ёзади : “Уларнинг  
биттаси Чингиз ва биринчи хотини Бўрте-  
ники хисобланиб, унда меҳроб вазифаси-  
ни бажарувчи қора стол, кимматбаҳо тош-  
лар, тўкинлик рамзи бўлган буғдой уруғи,  
бутун Мӯгулистонни кўрсатиб турадиган  
ойна, ҳар хил тасмалар, ўн уч қисмдан ибо-  
рат камон ўқининг ёғочи бўлган”.

Унинг ўн уч қисмдан иборат бўлиши  
сабаби шундаки, Чингиз ўз сулоласининг

ўн учинчи авлоди эди. Қолаверса, у ўн уч ёшида қаҳрамон сифатида тилга тушган.

Иккинчи ўтов иккинчи хотинники саналган.

Учинчи ўтов муқаддас оқ отга ва унинг олтин охурига атаб тикилган.

Тўртични ўтов Чингизхоннинг ўлимига сабабчи бўлган сўнгги "суюклиси" Гурбельчинга бағишлиланган.

Бешинчи ўтова Чингизхон жанг олдидан тўқсон тўққиз бия сутини қуядиган сандал дараҳтидан тайёrlанган идиш жойлашган.

Олтинчи, еттинчи, саккизинчи ўтвларга унинг ўқ-ёйи, эгар-жабдуғи, олтин, кумуш буюмлари, дуру жавоҳирлари қўйилган.

Чингизхон вафотидан сўнг қорақалпоклар ўзларини Оқ ўтвни ҳимоя қилувчи беш юз оила вакили деб ҳисоблаган.

Ана шу қавм аъзоси Суриху "Чингизхон мақбараси ва уни асрорчи қавм" рисоласи муаллифи Риҳу Су исмли олимга бундай дея ҳикоя қилган: "Чингизхон у дунёга кетишга ҳозирлик кўраётганда бизнинг бобомиз Борчу унинг бошида туриб, зорзор йиглаб "Улуғ хон ўлса, менинг авлодим холи не кечади?" деганида, Чингизхон "Менинг вафотимдан сўнг сенинг авлодинг мен билан яшайди", дея ваъда берган. Шундан сўнг Чингизхоннинг мангу хобгоҳини асраш Борчуга юклатилган. Чингизхон бу дунёни тарқ этганидан бўён биз — Борчу авлодлари, мақбарани ҳимоялаш, унга аталган хайр-эҳсонларни қабул қилиш билан машғул бўлдик. Бу воқеа асрлар оша давом этмоқда. Мен Борчу оиласининг ўттиз тўққизинчи авлодиман".

Жон Мэн шу ҳақда ёзатуриб, қорақалпоклар чиндан ҳам ҳозиргача, қандай вазият бўлмасин, солиқдан, ҳарбий хизматдан озод қилиниб, мўғул ерларидан пул йиғишига рухсат олган, деб қайд этади. "Чингизхон қазо этгандан сўнг унга хизмат қилиш жаҳонгирнинг энг яқин одамлари — машҳур саркардалар Борчу ва Муқалий зиммасига юклатилган, Борчу авлоди мақбарани ва унда адо этиладиган расм-руссумларни, Муқалий авлоди эса ҳарбий түгларни асрашга жавоб берган. Чингизхонга тааллуқли тантанали маросимлар юзасидан улар ўртасидаги меҳнат тақсимоти қатъий тартиб асосида бўлган" (Ўша китоб, 327-бет).

Белгиланган қоидага кўра, мақбарага ва ундаги маросимларга хитойликлар ёки бош-

қа чет элликлар киритилмаган. Тартибни сақлаш учун қорақалпоклар ҳатто жон беришга ҳам тайёр турган. Жон Мэн қорақалпокларнинг Чингизхонга бўлган чексиз садоқати ҳақида бундай деб ёзади: "1661 йили Манҷурия императори Шунь Цзуй ўлганда мўғуллар (қорақалпоклар — **Ж.Б.**) мотам тутиш ҳақидаги расмий бўйруқни адо этишдан бош тортгани учун Баджан шаҳрига чақирилган. Шунда қорақалпоқ вакиллари юртоғалари қўйидагиларни баён қилган: "Қорақалпокларга умр бўйи факат бир хон — Чингизхонга мотам тутиш буюрилган. Агар биз икки мотамда бўлсак, унда худонинг соҳибкаромат ўғли Чингизхонга хурматсизлик қилган бўламиз. Биз Чингизхондан бошқа бирор марҳум император ҳақига бош эггандан кўра, ўлганимиз яҳши". Манҷурия раҳбарлари уларни тушунган, мўғулларга урфодатлари бўйича яшаш ҳуқуқи берилган, бунга ҳукumatнинг аралашмаслиги таъминланган. Бу ҳуқуқ кейинги уч юз йил мобайнида узлуксиз адо этиб келинмоқда".

Чингизхон мақбараси жангни жадаллар сабабли бир қанча жойларга кўчирилган. Энг охири у Олтой кенгликларидағи Ўрда шаҳрининг шарқий чегарасига, Коракумга мансуб тупроғи серунум, ҳавоси ёқимли гўшага, Чингизхоннинг ўз ўрдасига яқин бир ерга жойлаштирилган. Қорақалпокларнинг Чингизхоннинг жасадини олиб келаётган аравалар шу жойда тўхтаган эди, деган ривояти сабаб мақбара ўша ерда бутунлай қолиб кетган. Бу ер Эдеен Хора, яъни Ҳукмдорнинг кўраси деб аталаған.

1967 йили Хитойда Мао Цзэдун раҳбарлигига бошланган маданий инқилоб мақбарани ҳам вайрон қилди. Бироқ у кейинчалик қайта тикланди.

Энди, мўғуллар билан бирга яшаб, Чингизхонга мудом садоқатда бўлган бу қорақалпоклар кимлар эди, деган саволга тўхтасак. Зикр этилган китобда бу қавм аслида мўғул ҳам, хитой ҳам эмаслиги айтилган. Лекин улар аслида кимлар экани жавобсиз қолаверган. Бунинг сабаби Чингизхон ҳақидаги масала сиёсатга алоқадорлиги билан изоҳланадими ёки Жон Мэннинг ақлий салоҳияти биланми — аниқ бир нарса дейиш кийин. Бизнингча, бу сиёсат билан боғлиқ бўлса керак. Нега деганда, мўғуллар ва хитойлар орасида юксак мавқега эга бўлган бу ҳукмдорнинг бошқа бир миллатга, дейлик, туркий халқларга ман-

сублиги хусусида гапириш, албатта, шовшув келтириб чиқариши мумкин.

Китобдаги “ордос”, яъни “ўрда”, “Эдемен хора” — “Хоннинг қўраси” деган туркий сўзлар ҳам бу ҳақда чуқур ўйлаб кўришни тақозо этади.

Асарда келтирилган киши исмларига диққат қиласлик: Чингизнинг ота-боболари — Қобул, Ембақай, Есугай, ўзининг исми — Темучин, онасининг исми — Қулан, хотини — Бўрта, укаси — Кўясар, фарзандлари — Йўлчи, Чигатой, Үқтой, Тўли, неваралари — Хибилий, Тимур, Камол, яқинлари — Муқалий, Субутой, Шорқон, Ейсуга, Саған, Фазан, Жебе (туркийча “садокнинг ўқи” дегани), Торғул (туркийча “бургут” дегани). Шуннингдек, “хон”, “гурхон”, “кўк”, “китоб” каби сўзлар, Буюк Ясса деган ном, ер, сув номлари, масалан, сахронинг шарқий томонидаги “Олачанг”, “Орол” деган атамалар туркий сўзлар ҳисобланади.

Демак, Жон Мэн китобида бу сўзларни келтиришга мажбур бўлгани у тилга олган қорақалпоқлар туркий қавм эканини кўрсатади. Лекин бу қорақалпоқлар қайси туркий қавмга мансублиги ҳақида хозирча аниқ бир Фикр айтиш қийин. Муҳими, бу қорақалпоқлар — туркийлар бўлиб, бизнинг қондошларимиз эканидир.

Чингизхоннинг ўзи туркий қиёт уруғидан экани ҳаммага маълум. Демак, Чингизхон атрофидагиларнинг ҳам қиёт-борджигинлар билан қондошлик ришталари бўлган.

Тарихчилар маълумотига кўра, Чингизхон атрофидаги саркарда ва лашкарбoshiларнинг деярли ҳаммаси туркийлар эди. Масалан, Жеба, Субутой қиёт уруғидан, Муқалий эса қиётнинг жалоир тийрасидан бўлган. У холда, Борчу ким эди?

Юқорида зикр этилган мўғул қорақалпоқлари, ўзларини Борчунинг ўттиз тўқизинчи авлодимиз, деб таништирган. Жон Мэн таъкидлаганидек, Борчу Чингизхонга ўғирлаб кетилган йилқиларини қайтариб олишида ёрдам берган. Улар шундан бошлиб умрбод дўст бўлиб қолган. Тарихчи Рашидуддиннинг далолат беришича, у “арулат” деган уруғдан бўлиб, Чингизхоннинг ўн учинчи бобоси Хайдунинг кичик ўғлидан тарқаган.

Чингизхоннинг ўн учинчи отасидан бошлиб бўлинган уруғлар эса борджигиннинг сүяклари деб аталиб, улар катта экзогам оиласа асос соглан. Бу уруғ ичидаги

никоҳ ман қилинган. Бордҷигин “кўк бўри” деган маънони англатган. Баъзан бу уруғ вакилларини “бўри тегин”, яъни “бўри мирзо” деб ҳам атаганлар.

Ушбу маълумотларга асосланиб, Борчу ҳақида шундай хуласага келишимиз мумкин? Биринчидан, унинг ҳақиқий исми Борчу эмас, Бориши бўлиши эҳтимолга яқин. Чунки Бўриши, Бўрте деган номлар бизда Бўри, Бўрибой, Бўрчитоғ шаклида ишлатилган.

Демак, Чингизхон мақбарасидаги қорақалпоқлар деб аталган қавм, Чингизхон улуси орасидан саралаб олинган беш юз оила ўша қиёт-борджигинлардан бўлиши мумкин.

Нима учун улар қорақалпоқ деб аталиб кетган? Жон Мэн саёҳат чоғида мақбарада кўргани, яъни ҳайкалнинг иккинчи томонида қора камзул, қора қалпок кийган келбатли йигитлар ҳамда уларга бош бўлган Булоқ исмли йигитнинг қатъияти, улар боболарининг қорақалпоқлар деб аталгани мантиққа тўғри келишини исботлайди. Албатта, уларнинг тили, руҳияти бутунлай ўзгариб кетган. Улар тимсолида ҳозирги қорақалпоқларни кўришга уриниш ноўрин бўлур эди. Лекин мўғул ёки хитой тилида бу қавм қандай аталган — қорақалпоқми ёки қора бўрикми, деган саволга жавоб тополсак, кўп нарса ўз-ўзидан аёнлашар эди. Чунки қадимда Буюк Хитой деворининг бери томонида милоддан аввалги 240-185 йилларда яшаган қирқ тўрт турк қавми ичидаги “фуфоло”, яъни “бўрикли” деган қавм ҳам яшаган. Уларнинг подшоси Афусжило қанглилар билан бириқиб, катта давлат тузган. Агар бу атама ана шу “бўрикли” сўзига мувофиқ келса, унда бўриклилар шу қорақалпоқлар билан алокадор, деб қараш мумкин бўлади. Унда боболаримиз изини ундан ҳам қадим замонлардан излашга тўғри келади.

Жон Мэннинг ёзишича, Чингизхон ўлганидан кейин унинг мол-дунёсига қарайдиган беш юз оила ажратиб олинган, улар ҳеч нарсадан камчилик кўрмай яшаган. Табиики, бундай имкониятга эга қавм гуркираб кўпаяди, кўпсонли ҳалқа айланади. Демак, йиллар давомида ўша 500 та оиласдан ажралиб чиқканлар ҳам бўлган. Китобда ҳам мақбара кўчирилганда, қорақалпоқлардан фақат бир қисми кўч билан сафар қилгани айтилган. Демак, ўша бўлиниб кетганлар асосий қорақалпоқларнинг чин боболари бўлса, не ажаб?

Маъруф ОТАХОНЗОДА



## “Xeshligim bor qon bilan unga...”

Жаҳон адабиёти тарихига Тусий нисбаси билан кирган Абулқосим Фирдавсий (934-1030) форс-тожик тилида шеър битгани шоирлар ичида тенгсиз бўлгани аён. Шу билан бирга у ўз замонасининг етук қомусий олимни ҳам ҳисобланганки, унга ҳаким деган ном билан улуғлаб мурожаат этишган. Абулқосим Фирдавсийда шу икки истеъодд бир-бирига бу қадар уйғун қўшилиб кетмаганида унинг қаламидан “Шоҳнома”дек асар барпо бўлиши даргумон эди, албатта. Чунки 60 минг байтни ўз ичига олган ва юздан ортиқ достондан ташкил топган бу асар факат ҳажм нуқтai назаридан эмас, балки мавзу кўлами, фоя миқёси жиҳатидан ҳам жаҳон адабиётида энг йирик эпик дурдона ҳисобланади.

Маълумки, Абулқосим Фирдавсий ҳаётининг 60 йилдан зиёдроги Сомонийлар давлати даврида кечди. Бу сулола Эрон ва Туронни марказлашган йирик давлат туғи ос-

тида бирлаштиришга мусассар бўлган эди. Сомонийлар сиёсий манфаатларидан келиб чиқиб, бу икки халқда ўзини ўзи англаш туйғусини кучайтиришга ҳаракат қиласи ва Эрону Туроннинг шон-шарафга бурканган тарихига доир жуда бой маълумотлар йиғилишида ҳомийлик кўрсатади. Улар дастлаб бу маълумотларни назм йўли билан таълиф этишини Абу Мансур Даққиыйга (977 йили вафот этган) топширган эди. Лекин бу шоир асарнинг 1000 байтини ёзиб тутагаттан бир вақтда фожиали равишда ўлим топади. Абулқосим Фирдавсий Бухоро амири Нуҳ ибн Мансур Сомоний илтимосига кўра, “Шоҳнома”ни келган жойидан давом этиради. 30 йилдан зиёдроқ ижодий меҳнат махсуси сифатида яралган бу асар 4 сулолага мансуб 50 та подшоҳлик тарихининг бадиий тажассумидир.

Абулқосим Фирдавсий исломгача бўлган даврдаги Эрон ва Турон халқла-



рининг том маънодаги бадиий қомусини яратар экан, Каёнийлар сулоласи ҳукмронлик қилган давр ҳаётини, айниқса, зўр илҳом билан тасвирлайди. Ўз номини коҳинлар табакаси “кави”дан (маъноси: шоир — коҳин) олган бу сулола милоддан аввалги биринчи минг ийлиллик бошларида Ўрта Осиё ва Хурисонда катта салтанат тузганига ҳали-ҳануз тарихий ҳақиқат деб қараш билан бирга хаёлий афсона деб қараш ҳам учраб туради. Эрон ва Турон халқларининг маънавий шаклланишида катта ҳодиса бўлган зардуштийлик дини ва унинг муқаддас китоби — Авестонинг вужудга келиши шу сулола ҳукм сурған даврлар билан чамбарчас боғлиқдир. Сомонийлар дастлаб зардуштийлик таълимоти душмани бўлгани, кейинчалик эса унинг ҳомийисига айлангани “Шоҳнома” мазмунига сингдириб юборилган.

Абулқосим Фирдавсий марказлашган ийрик давлат қуриш гоясини илгари сурар экан, бунинг асосий шарти сифатида Эрон ва Турон халқлари ўртасидаги дўстлик, тотувлик, ҳамкорликни эътироф этади. Мутафаккир шоир фикрича, бу икки халқ аслида бир азим дараҳтнинг икки чайир шохидир. Чунки Авесто гувоҳлик берганидек, улар дастлаб ўзини ягона ном билан “аиря — ария”, яъни “ориёнасаб” деб атаган. Орийларнинг бир гурухи Ҳиндистонга, бошқа гурухи эса Фарбий Осиёга кўчиб, дунё тамаддунига нақадар катта ҳисса қўшгани тарихдан аён. Аввалига “кўчманчи”, “келгинди”, “бегона”, “бошқа ерлик” деган маъноларни билдирган бу истилоҳ кейинчалик “хўжайн”, “аслзода” деган маъноларни англата бошлаганиую “аиря — ария” сўзи кўплаб тарихий шахслар, қабила уруғлари ва, ҳатто, осмон жисмлари номланишида учраши ҳам орийларнинг юксак нуғузига бир далолат, албатта. Ушбу

фикр тасдиғи учун, аввало, “Шоҳнома”-да зикр этилган сак — скиф қабиласи пешволари Ариантас, Ариаремес, Ариарамнес, аҳмонийлар сулоласига мансуб шоҳлардан бири, машҳур Доро Биринчининг аждоди Арийарамна, қолаверса, қадимги юонон муаррихи Арриан номини тилга олиб ўтиш зарур. Абулқосим Фирдавсий модлар қабиласида ариазанту деган қавм мавжуд бўлгани ҳақида ҳам йўл-йўлакай маълумот бериб ўтади. Қолаверса, коинотга олтин зарралари каби сочилиб, ёғду таратиб турган юлдузлар орасида Орион деб аталувчи туркум ҳам мавжуд. Хуллас, “аийра” — “арийа”дан ҳосил бўлган, “айранам хшасрам”, яъни орийлар ери бора-бора “Эронзамин” шаклида ишлатила бошлаган.

Нафакат тарихий манбалар, балки афсона ва ривоятларда ҳам “Эрон” истилоҳи аксарият “Турон” атамаси билан ёнмаён келади. Бунинг сабаби эса, юқорида айтилганидек, улар аввалбошда ягона қавм — орийлардан ажralиб чиқиб, яқин қўни-қўшни бўлиб ҳаёт кечиргани ва бирининг тақдирни бошқасининг қисматига пайваста бўлиб кетгани билан белгиланади, албатта.

“Шоҳнома”да “тур” сўзи кўпинча қабила бошлиғи, мамлакат подшоҳи маъносини ифода этади. Хусусан, Абулқосим Фирдавсий бир ўринда мана бундай ёзади.

*Агар Турро дил нагаштӣ дижам,  
Зи гетӣ ба Эраж накардӣ ситам.*

Мазмуни: Агар Турнинг кўнглида алам бўлмаса эди, Эражга асло ситам қилмаган бўлур эди.

“Тур”ни шахс номи сифатида талқин қилиш бошқа форсигўй шоирларда ҳам учрайди. Чунончи, Ҳофиз Шерозий (1325-1389)“Соқийнома” асарида:

*Ҳамон марҳал авфт ин биёбони дур,  
Ки гумшуд дар ўлашкари Салму Тур, —*

деб ёзади.

Мазмуни: Бир замонлар бу олис биёбонда Салм билан Тур лашкари адашиб кетган эди.

Тарихий манбаларда “тур” сўзи бундан ташқари саркарда, паҳлавон, баҳодир каби маъноларда ҳам тилга олинадики, “Шоҳнома”да Афросиёб сипоҳларига қарата паҳлавонлар деб мурожаат этиши бејиз эмасдек туйилади. Шундай қилиб, “тур” негизига жой оти ясовчи “он” кўшимчасини қўшиш йўли билан Тур замини — Турон ясалган.

Шу жиҳатдан, Туроннинг “паҳлавонлар мамлакати” деган маъноси ҳақиқатга яқиндек кўринади. Чунки Турон атамаси пайдо бўлиши Каёнийлар сулоласи ҳукм сурган тарихий паллага тўғри келади. Маълумки, Каёнийлар давлати Юнон-Бақтрия давлати ўрнида барпо бўлган ва янги салтанат билан бирга унинг янги давлат тили ҳам қарор топган. Собиқ империя даврида ҳукм сурган юон тили ўрнига келган бу янги лисон паҳлавий тили эди. Авестонинг “Зенд” сингари мўътабар китоблари ёзилган паҳлавий тили ана шу туронликлар, паҳлавонлар тили ҳисобланган. Бинобарин, паҳлавий тили жуда катта жуғрофий худудга ёйилган бўлиб, Хоразм, Чоч, Фаргона, Истравшан, Суғд, Термиз, Барлос, Кушон (Косон) ҳалқи ана шу тилда гаплашар эди. Туронликлар тилининг Каёнийлар давлатида тутган бундай юқори мавқеи туронликларнинг давлат қурилишида тутган ана шундай мавқеидан нишона эмасми, ахир?! Абулқосим Фирдавсийнинг шоҳлар ҳақидаги бу муҳташам асарида

худди шу тарихий ҳақиқат ўзининг бадиий ифодасини топган.

Буюк достоннавис ўзи яшаган даврда Эрон ва Турон олам миқёсида катта нуфуз ва мартабага эга эканини таъкидлаб, уларнинг бир-бири билан муносабати жами курра арз ҳалқлари тақдирида акс садо беришини уқтиради. Шон-шарағфа бурканган Каёнийлар давридан, бир құдратли қавм — арийалардан ибтидо олган бу икки улус ўзаро тинч-тотув, иноқ-иттифоқ яшаса, бундан бутун Ер юзи шодхуррам бўлиши, файзу баракага чулғаниши ҳақида айтади. Аксинча, улар бир-бiriiga қарши тиф кўтарса, бундан жумла жаҳон ғам-ғуссага ботади, ранжу аламга чўмади:

Аз Эрону Турон барояд хурӯш,  
Чаҳоне зи хуни манн ояд ба жўш —

дея назмга солади худди шу фикрни мутафаккир шоир.

Дарҳақиқат, Эрон мамлакати, форс элига мансуб бўлган бу улуғ зотнинг Турон диёрига, турк элига қарата “Хешлигим бор қон билан унга” (“Маро низ хешист, бо у ба хун”) деб айтган сўзлари нафақат бу икки ҳалқ томири бир тупроққа чуқур ботганини қайта-қайта эслатиб туради, балки уларни кўп асрлик шаклланиш даврида синовдан ўтган ҳамжихатлик ва ҳамкорлик анъаналарига содиқ қолишга даъват ҳам этиб туради.



## МАЬНО ВА МОХИЯТ



Шомирза ТУРДИМОВ

SHAJARA  
SABOG'

### Бошлама — калит

Катта йўл четидаги кўрсаткич-белгилар йўловчининг манзилига адашмай етиб боришига ёрдам беради.

Достон бошламалари ҳам — кўрсаткич. Улар тингловчини асар воқелиги, воқеалирига олиб киради. Достондаги қисқа, лўнда бошлама сюжет учун пойдевор, айни пайтда асар замирига сингган маънолар қатламини очувчи ўзига хос калитdir. Бу калит сизу бизни неча-неча авлодлар кўнгил тубида пишиб, тиниб, сараланиб сайқалланган сўз, образ, мотив — тимсоллар мулкига элтади. Киши калитни топиб, тимсоллар мулки қопқасини очса, Хизр хазинасига этишади.

Киёс тушунтиришга хизмат қилганидек, бутунни қисмларга ажратиш, яхлитлаш ҳам англашни осонлаштиради.

Академик тадқиқот усуулларига таяниб, бошламани умумлаштириб, ундаги ахборотларга моҳиятидан келиб чиқиб исм берамиз. Ислам ҳам — аслида калит. Исмларнинг улуғи жамики сирлар хазинасига сирдош айлади.

Бошламага тафсилотлар сиғмайди.

Тимсол, белги қанчалик содда шаклга кирса, маъно шунчалик теранлашади.

Аслида муқаддимада айтилиши керак бўлган бир неча тафсилотлар достон давомида бошламадан ситилиб чиқиб, ўрни-ўрни билан қайд этиб борилади.

а) “Алпомиш энадан туғилган вақтда Шоҳимардон пири берган эди, Шоҳимардон пири этагига солган эди, отини Ҳакимбек қўйиб, ўнг эйнига беш панжа урган эди, Шоҳимардон пирнинг тарбият қилганидан ўтга солса, куймас эди, қилич солса, ўтмас эди, милтиқ отган билан ўқи ботмас эди” (Алпомиш. Тошкент, “Шарқ”, 1998, 225-бет) сифати. Бу ўринда бахши “сувга тушса, чўкмас эди” сифатини унуглан. Қилич ва милтиқ моҳиятан бир мазмунга эга. Чунки олов (қўёш) — кўкнинг, қилич, милтиқ — ернинг, сув — ерости оламининг белгиси. Чинакам алпнинг жисми ва руҳи ана шу уч олам билан пайванд бўлади. Уни ана шу уч олам эранлари ўз паноҳида асрайди.

Фольклоршунос олим Шомирза Турдимов ўзбек миллий қаҳрамонлик достонлари гултожи — “Алпомиш” ҳақида “Эпос ва этнос” деб номланган китоб ёзди. Аввалига, мазкур достонга атаб кўтублар битилган бўлса, бунга зарурат бормиди, деган истиҳолага ҳам бордик. Лекин кўлёзма билан танишиб чиққач, ўзбек фольклоршунослигига структурал тахлил тажрибаси кириб келаётганидан кувондик. Тадқиқотнинг янгилиги ҳам шунда бўлса ажабмас.

Муаллиф муқаддимада асар мазмуни хусусида мана бундай деб ёзди: “Алпомиш” достонида куйланган образларнинг ҳаёт йўлига синчиклаб қаралса, воқеалар қатидаги ботиний маъно, тимсоллар қайта жонланади. Достоннинг барча даврлар, авлодлар ўй-кечинмаларига ҳамоҳанг келувчи туб моҳияти ойдинлашади”.

Эътиборингизга китобнинг “Шажара сабоги” боби ҳавола қилинмоқда.



### “Алпомиш” бошламаси таркиби (1-жадвал)

№	Ахборот исми	Белги	Белгилар изоҳи
1	Шажара	◐	Шажара дарахти
2	Бойбўри ва Бойсарининг фарзандсизлиги	○	Харакатсизлик (суст, инерт) ҳолат
3	Бийларнинг камситилиши	●	Таъсир бўлди, ҳаракат бошланди.
4	Яратгандан фарзанд сўралиши	△	Кўкка муножот (кулоллар “интилевчан белги” дейишади). Ушбу белги кўзаларнинг ўрта — ер қисмида юқорига қаратиб чизилади.)
5	Фарзанд туҳфа этилиши	▽	Кўқдан иноят (ушбу белги кўзанинг юқори қисмида бўлади. Яратганинг кўқдан марҳамати сифатида қаралади.)
6	Тўй	❖	Ер муножоти ва кўк инояти бирлашди.
7	Ҳомила	○○	Уруғ пайдо бўлди.
8	Оталарнинг ирим қилиб овга кетиши	≡	Уруғ камолига ғамхўрлик йўли
9	Фарзандларнинг дунёга келиши	⊕	Уруғ унди.
10	Тўй	❖	Унган уруғ кўк ва ер ардоғида
11	Ҳомий эраннинг болаларга от қўйиб, тақдирини белгилаб кетиши	⊖	Уруғ ўз ҳаракатини бошлади.
12	Болаларнинг хат-савод чиқариб мустақил бўлиши	✚	Уруғнинг мустақил ҳаракати
13	Ҳакимбекнинг Алпинбий ёйини отиб, алп аталиши	✚	Уруғ аждодлар умидининг учкунига айланди
14	Закот масаласи ўртага чиқиб, aka-ука ўртасида қарама-қаршилик юзага келиши	◐	Уруғ ҳаракати суст этносни безовта қилди. Талотўп бошланди. (Достоннинг асосий воқеалари шу нуқтадан ривожланади.)

## Наклдан...

“Таваккул аҳлининг вақтлари бор. Агар ўша вақтда ўтга ташласалар ҳам ёнмас, қилич билан чопсалар ҳам ўлмас” (Фариддин Аттор. Тазкират ул-авлиё. Т., Ўзбекистон Миллий Энциклопедияси давлат илмий нашриёти, 1997).

Кўк, ер, сув олами қувватига пайванд Алпомиш қувватининг ҳам шундай кучи, қудрати мавжуд эди. Халқ шундай талқин этган. Ишонган. Ишонтирган.

б) “Култой айтди: Алпомишнинг белгиси шул эди, ўнг эгнида Шоҳимардан пирнинг беш панжаси доғи бор эди, чап эгнида ўзимнинг беш панжам белгиси бор эди” (Алпомиш, 332-бет).

Алпнинг ушбу танланганлик нишонаси ҳам бошламага тегиши.

## Исллар изи

Исмдан исмлар изи бўйлаб борамиз.

Бошлама маълумотлари вақт мезонлари билан баҳоланса, қизиқ ҳолат кузатилиди ва баҳши-шоирларнинг эпик тасаввур сарҳадлари ҳадсиз эканига яна бир бор гувоҳ бўламиз.

### I. Узок, яқин ўтган замонга алоқадор маълумотлар

Достон шундай бошланади: “Бурунги ўтган замонда, ўн олти уруғ Кўнгирот элида Довонбий деган ўтди. Довонбийдан Алпинбий деган ўғил фарзанд пайдо бўлди. Алпинбийдан таги икки ўғил пайдо бўлди: каттаконининг отини Бойбўри қўйди, кичкинасининг отини Бойсари қўйди. Бойбўри билан Бойсари — иккови катта бўлди. Бойсари бой эди, Бойбўри эса шой (шоҳ) эди, бул иккови ҳам фарзандсиз бўлди” (Алпомиш, 14-бет).

Шажарада санаб ўтилаётган исмлар: 1) Довонбий; 2) Алпинбий; 3) Бойбўри / Бойсари. Саноқда аждодлар исмигина айтилмоқда. Уларнинг ҳаёти қандай ўтди — тилга олинмаган. Фақат Бойбўри ва Бойсари фарзандсиз эди, деб эслатилади.

Шажарадаги саноқ шунчаки келмаяпти.

Айтмай айтилган сўз, фикрнинг куч-кудрати, сеҳру жодуси бор. Шажарадаги исмлар ҳам кўнжида асрәётган шундай чуқур маъно, сеҳр кучидан холи эмас.

## Накл

“Усмон халифа бўлиши билан минбарга чиқди ва халқ: “Ажабо, у не дер экан?” деб кутди. Бироқ Усмон индамади. Акали бир сўз ҳам айтмади, фақат бокди ва халқда шундай бир ҳол пайдо қилди, ташқари чиқишига уларда мадор қолмади. Шу вақтгача қилинган юзлаб зикр, ваъз ва хутбалардан халқда бундай ҳол ҳосил бўлмаган эди. Ҳамда улар бундай ҳол соясида ўzlари учун фойда ва сирларни ҳеч қачон бунчалик кўп кашф этмаганди. Йиғин сўнгига қадар Усмон гапирмади. Фақат минбардан инмоқчи бўлганидагина: “Сиз учун фаол иймон маҳмадона иймондан хайрлидир” (Хадис), деб буюрди...” (Жалолиддин Румий. Ичиндаги ичиндадир. Т., “Янги аср авлоди”, 2003, 113-бет).

Шажарадаги исмлар эпоснинг ўтган замонидан сизу бизга сукут билан боқиб турибди. Тингловчи кашф этиши керак бўлган сир эса уларнинг саноғи, тартиби, исмлар сифатида яширин.

Ушбу саноқ, тартиб биринчи галда даврийликка тобелиги ва уни содда кўринишда акс эттираётгани билан эътиборли. Даврийлик қонуни барча жойда: макон, замон, воқелик — табиату жамият, тану руҳ камолида бирдек амал қиласи. Ушбу ўзанда заррадан улкан коинотгача бирдек оқади.

Ҳар қандай даврийликнинг дастлабки кичик ҳалқаси учлиқда ёпилиб, ечилади. Учлик бир якуний бўғинни ташкил этади.

Довонбий — Алпинбий — Бойбўри/Бойсари учлигига бир кичик ҳалқа — бўғин ёпилиб, ҳаракат тўхталади (тўхтамайди). Бўғин ичидаги маълум тин олиш пайти етади. (Бу шажарада Бойбўри/Бойсари фарзандсиз эди, деб ифодаланмоқда). Гўёки бир одамнинг умри каби. Туғилди, ўсади, якун топди дейилганидек, бир бўғин ҳаёти ҳам маълум якуний шакл олади. Лекин бу, ҳаёт тўхтади, дегани эмас. Кичик бўғин — катта даврий ўлчамлар учун босқич, нарвондаги пиллапоя, бинодаги қаватдек бир гап. Айни тўхталиш, тин олишдан кейинги ҳаракат навбатдаги бўғин (учлик) ва бўғиму катта ҳалқаларга олиб ўтиши билан аҳамиятли. У этносни таназзулга туширадими ёки тараққиётга кўтарадими

— бу алоҳида масала. Мұхими, ушбу жаёнда ҳар бир бўғин (бўғинни ташкил этувчи авлодлар бирлиги), бўғим (бўғинлар бирлиги), ҳалқа (бўғимлар бирлиги) аъмволи — миссиясининг алоҳида қийматга әгалигида.

Бўғиндаги тўхталишнинг ҳаракатга келиши — юксалиши, қулашми — қайси йўналишда бўлмасин, янги ҳалқанинг пайдо бўлиши учун албатта таъсир керак. Навбатдаги ҳалқанинг янги сифат босқичига ўтиши (қайси ҳолатда бўлмасин), янги мухит пайдо бўлишига таъсир (ички ва сиртқи) заруратдир. Эпосда бу ҳолат бийларнинг фарзандсизлиги (ички) ва шу сабаб ҳақоратланиши (ташқи) таъсир кўринишида бадиий ифодаланган. Довонбий даврида йигинган (куч тўплай бошлаган), Алпинбийга келиб нисбатан қад ростлаган этнос қуввати Бойбўри/Бойсари вақтида сокинлашган — инерт ҳолатда пишиб, иккига ажралган. Айни ҳолат шажаранинг бўғиндаги воқелиги хисобланади. Шажарарадаги саноқ бизга, аввало, шу ҳақда маълумот бермоқда. Ажралган ургунинг қайта бирлашиши эса — истак, зинҳор бутун воқелик эмас. Орзулар ушалса, навбатдаги бунёдкор бўғин қувватигина бўғимнинг (шажарарадаги учлик бўғин ва туғилажак бўғин бирликда) якунланишини таъминлай олади. Натижада бунёдкор бўғин бутун бўғимга бунёдкорлик мақомини беради. Булар — яқин ўтган замонга алоқадор гаплар, истак-режалар. Ўтган замон борлиқнинг бир уни — давоми, узвий ҳаракатдаги ҳалқалари ҳам мавжуд.

## **II. Даврийликнинг достондаги “хозирги замон” билан боғлиқ ўринлари**

Эпосдаги “хозирги замон” — баҳшининг хос замони. Баҳши учун биз қўниккан уч замон олам чегаралари мавжуд эмас. У достон куйлар экан, эпос замонида нафас олади, яшайди. Тингловчини ҳам шу замон, маконга олиб ўтади.

Достондаги хозирги замон барча замонларда бугун бўлиб қолаверади.

Эпик хозирги замонда бўғимнинг дастлабки бўғинини якунлаб, янгисини бошловчи Бойбўри билан Бойсари фарзандсизлиги боис камситилади. Ака-уканинг

кўнгли қабарид, ҳаракатга тушади. Ер ишига кўк ва ер ости олами аралашади. Тилаб олинган фарзандлар туғилади. Давомчи авлод фаолият бошлайди.

Болалар улғайди. Ҳакимбек алплигини билдириб Алпомиш аталди. Ўртага закот масаласи чиқди. У томони — келажак: тингланади, англанади.

## **III. Даврийликнинг келажак замони**

Закот масаласи билан бошланган воқеалар ушбу замонда давом этади. Бу — “Алпомиш” аталган достон.

## **IV. Даврларни туташтирувчи узлук-сиз вактга алоқадор тимсол, образлар**

Хомий эран — Шоҳимардан пир; унинг эпик қаҳрамон ёнидаги вакиллари — Қултой, Қалдириғоч, фоз каби ҳамкорлари; алплика мезон саналмиш Алпинбийга нисбат берилувчи парли ёй.

### **Даврийликнинг бўғин, бўғим ва яхлит ҳалқалари**

Ақл нарса ва ҳодисаларни зидлаб тушунишни хуш кўради: яхши — ёмон, эзгу — ёвуз, оқ — қора, иссик — совуқ, ёз — қишиш ва ҳоказо.

Аслида воқелик бу каби жўн таснифларга сифмайди. Даврийликнинг ўлчов мезонлари соддадан мураккаблашиб боради, кейин яна содда кўринишига қайтади. Ҳайратланарлиси шундаки, эпос бадиий тимсолларда бу мураккаб жараённи ўзига хос талқин этади. Талқинда адашмайди.

Тимсоллар, рамзлар — кўнгил тубининг, у сув ичиб турган куллий ақлнинг меваси. Жузъий ақл бу иқлим меваси тотини тувиши мумкин, аммо ҳамма вакт ҳам қора сўзга эвириб изоҳлаши мушкул. Яна шартлилиқдан шартлилиқка келинади. Ҳодиса, ҳолат нисбий талқинини олади. Борлиқ “шартлилик” ортида тураверади. Шажара ва бошламадаги даврийлик тасвирини шартли чизмаларда ифодалаб, тушунтиришга ҳаракат қиласиз.

Шажарада: Довонбий → Алпинбий → Бойбўри/Бойсари учлиги қайд қилинмоқда. Бойбўри / Бойсари → Алпомиш + Барчин → Ёдгор учлиги ҳаёти достонда бадиий акс этмоқда.

Шажарадаги Алпинбий — биринчи бўйиннинг ўзаги, чунки у Алп. Достондаги бўйин ўзагини эса Алпомиш + Барчин бирлиги ташкил этади. Алпомиш нафақат алп, балки алпликка муҳр деб сифатланган. Алплар кўп, алпликка муҳр мақомида келувчи — битта. Қолаверса, Алпомишнинг ёнида алп аёл — Барчин бор. Алпинбий эса ёлиз. Унинг Алпомиш бўла олмаслиги, кўп алплардан бири (тўқсон қалмок алплари сингари) қаторида саналишига, достон бошламасининг шажара қисмидаигина эсланишига, аввало, Барчиндек қўшқаноти йўқлиги ҳам сабаб.

Алпомиш ва Алпинбий — моҳиятан бир иқлиминг одамлари, Алпомишнинг Алпинбий ёйини отиб, алп аталиши бу ҳолни исботлайди. Фақат мақомлари бўлак. Алпомишнинг “алпликка муҳр” сифати бенихоя улуф.

Алпинбийнинг ёйи қаердан келди? Достон очиқ айтмайди. Бу ўринда ҳам “сукут”ли изоҳ бор, кашф этилиши зарур бўлган сир яширин.

Савонни бу тарзда қўйиш жўн мантиқ қамровида тўғри. Айни пайтда ноўрин. Зийрак ақл жавобни достондан уқиб билади. Чунки достон Алпинбий эмас, Алпомиш ҳақида. Достонда ўн олти уруғ қўнғиротнинг бобоси Кўнғирот кўйланмайди. Кўнғиротга тегишли маълумотлар тарихда, афсона, наклларда қайд этилса-да, унга бағишлиб достон тўқилмаган. Достонда Кўнғирот — уруғ, деб айтилган.

Алпинбий ва қўнғиротлар достондан сиртда қолмаган. Алпинбийга тегишли ёй замон мезонига кўра, узлуксиз вақтга тобе. Ёй авлодларни жамлайди. У барча

авлодларга бирдек бобомерос. Лекин ҳамма ҳам унга эга чиқиб, ўзлигини на-моён эта олмайди. Масаланинг моҳияти шу нуқтада жамланган. Фақат чинакам алп мақомига эга қаҳрамонгина ёйга эгалик қилади. Алплардан чинакам алпнинг фарқи мана шу ўринда оидинлашади.

Достон ана шу ЭГА тақдирини бадиий тимсолларда авлоддан авлодга ўтказади.

Достон моҳиятига сингдирилган универсал код — тимсолларни бу кунга ҳам, Киши ва Тиши (Одам Ато ва Момо Ҳаво) даврига ҳам, келажакка ҳам бемалол татбиқ этиш мумкин. Уларнинг асоси, исботи у даврларда, бу замонда, келажакда ҳам топилади. Шундай бўлмаганида, достоннинг бизга кераги йўқ эди, вақт кетказиб тинглаб, ўқиб, ўрганиб ўтиришга арзимасди.

Довонбийда йиғилиб, Алпинбийда на-моён бўлган этнос қуввати Бойбўри/Бойсарида икки қутбга ажralиб, Алпомиш ва Барчинда қайта қад ростлаб, камолга етди. Шажарадаги икки бўйиндан иборат бўғимда Бойбўри/Бойсари боғловчи — кўпприк авлод вазифасини ўтайди. Уларнинг биринчи бўйин сўнгги, иккинчи бўйин бошида тақрор келиши бежиз эмас. Аслида бунинг хоҳиш-истагимизга дахли ҳам йўқ. Достонда айнан шундай айтилмоқда. Аввало, шажарада саналмоқда, сўнгра достонда бадиий тасвир олмоқда.

Бойбўри/Бойсарининг бунёдкор бўғиндаги (еттилик) миссияси ҳам шунда намоён.

Достондаги бўғимнинг шартли чизмаси қуйидагича кўриниш олади:



Достонда беш авлод номма-ном келтирилган бўлса-да, авлодлар узлуксизлиги Довонбийгача ва Ёдгордан кейинги X (номаълум) авлодга ўрин ажратишини талаб этади. Ана шунда еттилик бўғим мукаммал кўринишга эга бўлади (бу хусусда қўйироқда изоҳ берилади — **Ш.Т.**).

Эзотерик адабиётларда киши тақдирин ўзидан аввалги икки аждодга боғлиқ, айни чоқда унинг аъмоли ўзидан кейинги икки авлод тақдирига таъсир этади, дейилган. “Алпомиш” асосида яхлитланган бир бўғим (еттилик) ўзагидаги авлодлар саноғида бу фикр ўз бадиий тасдигини кўрсатмоқда.

## Етти авлод

Ҳамма ўз отининг пойгода ўзишини истайди. Ҳеч ким коса давронни қўлидан қўйгиси келмайди.

Қочган ҳам, қувган ҳам худо, дейди. Киши қанча тадбир қилмасин, тақдирни Тангри белгилайди. Лекин эпос бўғин (учликлар) бўғимда (еттилик) бунёдкор авлодларгина чинакам алп пайдо бўлиши учун ўз аъмоли, интилиши, кураши билан хизмат қилишини айтмоқда.

Ул туғмас хотин бўлмас, турорин айт,  
Мол топмас йигит бўлмас, курорин айт, —

дейди баҳши-шоир.

Давлат қуши қўнар. Масаланинг моҳияти уни ушлаб, тарбият қилишда.

Коса даврон айланниб келар. Ҳаёт мазмунни уни тўлатиб, қувватини бунёдкорлик ўзанларига буришда.

“Алломиш” — ҳалқнинг асрий тажрибалардан келиб чиқсан хulosалари — билимлари қаймоги. Достонда бу фикр бадиий ифодаланган, тимсоллар тилида баён этилган.

Хотирлаш — оқар сув.

Сув ўзан тубидаги тошни қанчалар силлиқлаб сайқалласа, хотира ҳам тарихий факт, ҳаёт тажрибаларини шундай жилолаб, қўнгил тубига жойлади. Воқеаларни жамлайди. Образлар, сюжет типлари пайдо бўлади. Тайёр бадиий қолиллар шаклланиб, тимсолий талқинлар туғилади.

Замонлар ўтиб, бу силлик “тош”нинг бир замонлар қирралари бўлгани буткул эсдан чиқади. Тимсоллар ҳам кўрар кўзга жўн-мазмунсиз туюлиши мумкин.

## Накл

“Бир воиз бир гуруҳ кишини исломга даъват қилиб, кўп ваъз ўқииди. Аммо улар ҳеч нарса таъсир қилмагандай серрайиб ўтираверди. Буни кўрган воизнинг жаҳли кўзиб: “Наҳотки, бир туюнинг оёқ излари ҳозир шу ердан ўтиб кетганига, тезаги унинг борлигига далолат қилса-ю, шундай мукаммал, буюк бир коинот унинг Яратгувчиши борлигига далил бўлолмаса?!” деди.

Тимсолнинг қирралари кўп.

Кашф этувчининг қуввати уни қайта тирилтиради.

Достондаги тимсолларга бутун эпоснинг мазмун-моҳиятидан, бадиий мантиғидан, қолаверса, унга сингиб кетган ҳалқ дунёқараши, тасаввурлар оламидан келиб чиқиб ёндашилса, сирларини очади. Тимсол калавасининг учи топилади, чигаллар ёзилади.

“Алломиш” достонидаги шажаранинг бўғин, бўғимлари замиридаги мазмун ҳам СИРГа айланган. Уни хижжалаб, босқичма-босқич қараб чиқилмаса, “калава ипи”чувалашшиб кетади.

Бойсун-Қўнғиротнинг Довоңбий — Алпинбий — Бойбўри/Бойсари — Алломиш + Барчин — Ёдгордан иборат беш авлод номининг шажарада жойлашув тартибида дикқат қилинса, алплик авлодлар аро навбат ўтиб келаётгани эътиборни тортади. Шажарадаги беш авлод ичидан фақат Алпинбий ва Алломиш — алп.

Савол туғилади: нега?

Саволлар тугунни топади, ечишга ундейди.

1. Нега алплик авлодлар бўғинида кетма-кет жойлашмай, бир авлод ўтиб келмоқда?

2. Ушбу тартиб мантиқан давом эттирилса, Довоңбийгача ва Ёдгордан кейин ҳам алп туриши керак, деган хulosага келиш мумкинми? Бу жўн мантиқ ҳақ бўлса, нега достонда акс этмаган?

3. Шажарада фақат беш авлод номининг туриши тасодифми ёки маълум бир қонуният ҳосиласими?

“Олманинг остида олма ётади”, дейди мақол.

Фольклорда бадиий кодга айланган ҳолатлар биринчи галда ҳалқнинг дунёқарашилар, тасаввурлар оламига таянади. Ҳалқнинг кўнглига, эътиқодига бегона нимаики бор, кўпикдай юзага қалқиб, йўқолади.

Оят: “Кўпиклар кетур, одамларга керакли нарсалар Ер юзида қолур” (Раъд сураси).

“Алломиш”даги шажара ҳам ҳалқнинг насл-насад, авлодлар бўғин ва бўғимлари тартиби билан боғлиқ тасаввур, эътиқодлар тизимидан узоққа кетган эмас.

Ўзбек, етти отани билиш шарт, дейди. Бир замонлар “етти отани билмаган кўл” деб англанган. Бу аждодга тегишли тасаввурлар. Гап авлод ҳақида кетса, ҳалқда

“киши беш авлодини кўра олади” деган тушунча мавжуд. Етти авлод саноғининг эл орасида ўз атама — исмлари бор: 1 — ота, 2 — фарзанд, 3 — невара, 4 — чевара, 5 — эвара, 6 — дувара, 7 — кабира, сўнг бегона (Кўпчилик 7-авлодни бегона санайди). Фақатгина Кўқон атрофида “кабира” дейилишидан Муҳаммадали Кўшмоқов хабар берди. Тошкент шаҳрида чевара ва эвара ўрин алмашиб келади. Хоразм худудида атамаларнинг туркий вариантлари сақланганини кузатамиз: 1) ака, 2) бола, 3) оқтик, 4) човлик, 5) ёвлик, 6)...7) ётлиқ. Бу-

хоронинг баъзи туманларида Кабира (кабара) кўлланади. Айни пайтда “кабаранг — бегонанг” дейилади. Яна айтим бор: “Санга бори болангга тегади, болангга бўлмаса, набирангга, абирангга, чеварангга, деварангга, ҳеч бўлмаса, бегонангга тегади” (бу савобу гуноҳга нисбатан). Айтубучи: Дилором Ҳамроева). Ушбу саноқ аввалгисига “ота”, сўнгтига “кабира” қўшилиб, етти бўғим ҳосил қилинмоқда. Ушбу насл-насаб тизимиға “Алпомиш”да келган беш авлод исмини қўйиб чиқилса, вази-ята янада аниқлик киради (2-жадвал).

## 2-жадвал

T/р	Авлодлар атамаси	“Алпомиш” шажарасидаги номлар	Изоҳ
1	ота	Х авлод	бошловчи
2	фарзанд	Довонбий	алп эмас (суст)
3	невара	Алпинбий	алп (фаол)
4	чевара	Бойбўри/Бойсари	алп эмас (суст)
5	эвара	Алпомиш+Барчин	алплик мухри+ алп аёл (фаол)
6	дувара	Ёдгор	алп эмас (суст)
7	кабира	Х авлод	якунловчи
8	бегона	—	янги бўғин

Ушбу жадвалда бошловчига (ота) дос-тондаги Довонбийдан аввал X (номаълум) авлод вакилини қўйиб, Довонбийни иккинчи (фарзанд) бўғин сифатида олишимизнинг асосли сабаблари бор.

Ер юзидаги ҳар бир инсон алал-оқибат Киши ва Тиши (Одам Ато ва Момо Ҳаво) шажарасига уланади. Одам насли курраи заминда яшар экан, бу тириклик занжири давом этади. Айни ҳолат Довонбийгача бошловчи, Ёдгордан сўнг давомчи борлигини англатиб туради. Қолаверса, достон нафақат бир оила, балки бутун халқ — этнос ҳаётининг тимсоллардаги ифодаси. Бу ўринда узилиш бўлиши мумкин эмас.

Синчиклаб таҳлил этилса, шажараада акс этган ботиний мазмун биз ўйлагандан ҳам теранрок.

Томчида уммон хоссалари мужассам бўлганидек, қисм бутун моҳиятини, яшаш тарзи қонуниятларини кўрсатади.

Жадвал тартиби, изоҳи ва бўғинларда (учлиқ) келган авлодлар номидаги сифатларга дикқат қилинса, қўйидагилар англашилади.

Биринчи бўғин: Довонбий — ёлғиз, алп эмас, суст. Алпинбий — ёлғиз, лекин алп, фаол. Бойбўри/Бойсари — алп эмас, суст, аммо жуфт.

Биринчи бўғинда икки ёлғиз ва бир жуфтлик (1+1) — 2; икки суст ва бир фаол

(1+1) — 1); икки алп эмас ва бир алп (1+1) — 1) ҳолати бор.

Иккинчи бўғин: Бойбўри/Бойсари — алп эмас, суст, жуфт. Алномиш + Барчин — алп, фаол, жуфт. Ёдгор — алп эмас, суст, ёлғиз.

Иккинчи бўғинда икки жуфтлик ва бир ёлғиз (2+2) — 1 икки суст ва бир фаол (1+1) — 1, икки алп эмас ва бир алп (1+1) — 1 кўриниши мавжуд.

Бўғинлардаги натижа солишириб чиқилса, улар ўртасидаги фарқ ёлғиз ва жуфтликлар орасида намоён бўлади.

Яъни, дастлабки бўғин: (1+1) — 2.

Кейинги бўғин: (2+2) — 1.

Туб асосда ҳамиша ёлғиз (бирлик) сабаб, сабабчидир.

Жуфтлик (иккилик) пировард натижа хисобланади.

Эпос сабаб оқибатидан ҳикоя қиласди. Бойбўри/Бойсари, Алномиш/Барчин жуфтлиги (иккилиги) — Довонбий, Алгинбийнинг (бирлиги, ёлғизлиги) хосиласидир. Эпоснинг жуфтлик ҳаётини бадиий акс этириши шундан.

Бўғимлардаги авлодлар (этнос) кувватининг суст, фаоллик нисбати қуйидагича: суст — фаол — суст. Нега?

Суст авлод вакили (Довонбий) фаол алпни берди (Алгинбий). Алгинбийдан эса суст, аммо жуфтлик (иккилик) — Бойбўри/Бойсари вужудга келди. Улар бир кутбли бўлгани боис ажралди. Айни пайтда ҳар бир кутб ўзаро тортишувчи фаол алп жуфтлигини (иккилик) пайдо қилди. Ушбу тортишувчи фаол кутблар — Алномиш ва Барчин яхлитлигидан этнос қуввати қайта бирлашди. Бу қувват этнос камолига сарфланди. Улардан кейинги авлод — Ёдгорга бориб қувват янга сустлашди.

Этноснинг эпосдаги суст авлод вакилари Довонбий, Бойбўри/Бойсари, Ёдгорлар ўзаро муқояса этилса, Бойбўри/Бойсари авлоди жуфтлиги афзал бўлиб чиқади. Лекин жуфтликнинг айби бир кутблигида (худди мусбат — мусбат, манфий — манфий кутблардек). Табиатда бир кутбли қувватлар ўзаро келишмайди. Бойбўри ва Бойсарининг манфаатлари, интилишлари, “бир қозонда қайнамади”. Шу сабаб этнос иккига ажралди.

Фаол авлодлар — Алгинбий ва Алномиш + Барчин ўртасида ҳам кескин фарқ

бор. Алгинбийнинг ёлғизлиги унинг салтанати — давлатининг толеи, тақдиридағи кемтиклиқдан нишона. Алгинбий даврида мамлакат фуқаролари — этнос алпга муносиб эмас эди. Улар алпни қўллабкувватлаш даражасида фаоллаша олмади. Ёлғиз алпнинг фаоллиги суст омманни жонлантиролмади. Алномиш, аксинча, Барчин, Култой, Қоражон, Бойчибарга суюнди. Асосий куч — Алномиш ва Барчин бирлигига уларнинг кутблари қовуша олганида.

Алгинбий даврида ҳалқ моддий жиҳатдан тўқис яшаган бўлса-да, маънавий жабҳада оқсан кучли эди. Оқибатда қадриятлар оёқ ости бўлди. Бойбўри, Бойсарига бўлиниш арафасида турган жамият мерос қолди. Бойбўри ва Бойсарининг фарзандсизлиги (сиёсий уқувизлиги), ҳақоратланиши (қонунларнинг бузилиши) ана шу таназзул иситмасидан даррак эди.

Бийлар Яратгандан фарзанд тилади (чора-тадбир излаш, жамиятни янгилашга интилиш). Уларнинг суст авлодлар орасида афзаллиги — жуфтликдаги (иккиликдаги) ана шу интилишларида, алп авлодни пайдо қилганида. Лекин сустлиги миссиясини факат фарзандларни дунёга келтириш билан чегаралаб олганида. Аниқроги, бу авлод мансуб этноснинг қуввати шу даражагагина етди.

Бойбўри/Бойсари авлоди Алномиш + Барчин авлодига “жуфт” экани билан яқин. Алп эмаслиги, сустликлари билан эса қарама-карши кутбда туради.

Алномиш даврида моддийлик ва маънавият йўли босқичма-босқич пишиб етилди, уйғунлашди. Этнос қийинчиликларда тобланиб, охир-оқибат камолот манзилига чиқди.

Жисмоний куч нисбатан эрта ҳосил беради, моддий неъматлар ҳам (Алномиш алпликнинг жисмоний қуввати орқали амалга ошиши лозим бўлган юмуш, шартларни ортиқча тўсик, қийинчиликларсиз бажарди ва мақсадига эришди. Бу достоннинг биринчи қисмида акс этган). Лекин маънавиятнинг, руҳий камолотнинг йўли оғир. Бу достоннинг иккинчи қисмида ўта тимсолий — Алномишнинг зин-донбанд бўлиши, Ултонтоz даври орқали тасвиrlанган.

Эпос яхлит олинса, бўғинлар эмас, бир бутун бўғимни қамрайди. Биз бўғимни англаш учун аввал бўғинлар тартибини қараб чиқдик. Навбат — бўғимга.

Достондаги шажарани саноқларда қайта ифодалаб қарайлик.

Шажарада саналган бўғин: Довонбий (I) — Алпинбий (II) — Бойбўри/Бойсари (III).

Эпосда фаолият кўрсатган бўғин: Бойбўри/Бойсари (I) — Алпомиш + Барчин (II) — Ёдгор (III).

Келтирилган бўғинларни яхлит бўғим тизимиға соламиз: Довонбий(I) — Алпинбий(II) — Бойбўри/Бойсари (III) Алпомиш+Барчин (IV) — Ёдгор (V).

Арифметик ҳисобда бир бўғин учлигига иккинчи бўғин (учлик) қўшилса, олтилик натижа чиқади. Лекин бу ўринда беш авлод турибди. Сабаб нимада?

Эпосда Бойбўри ва Бойсари, юкорида қайд этиб ўтилганидай, биринчи бўғин якунловчиси ва иккинчи бўғин бошловчиси сифатида талқин этилган.

Ўз-ўзидан икки бўғин яхлит бир бўғим тизимиға тушганда, улар бир авлод вакили сифатида ўрин эгаллади. Натижада олтилик бешлик ҳолига келади. Бу эса халқнинг “беш авлод” тушунчасига айнан ўйғун.

Маълум бўладики, бир бўғин — уч авлодни; авлод-аждодлар ўзаги — беш авлодни; бир бўғим насл-насаб — етти авлод тизимини ташкил этмоқда.

Бўғим ичida дастлабки бўғин суст: (1+1) — 2, иккинчи бўғин фаол: (2+2) — 1. Жуфтлик устувор — жуфт турган фаол бўғин бутун бўғимни фаоллаштириб, юкори даражага олиб чиқмоқда.

Достонда бир бўғим ҳаёти бор. Бўғин ва авлодлар ҳолати ойдин. Унда алплик, фаол ва сустлик, жуфт-тоқлик аниқ. Бу белги, сифатлар тартибида (алплик ва суст-фаоллик) бир авлод ўтиб келиши ҳам маълум. Ана шу ички қонуният (бўғимдаги суст — фаол — суст формуласи) бўғимлар тартибида ҳам амал қилиши мумкинми? Ушбу савол, алплик бир авлод оша узлуксиз давом этадими, деб кўйилган масалага ҳам аниқлик киритади.

Саволлар жавоби юкорида тадқиқ этилган учлик бўғин, беш авлод таркиби бўйсунган қонуният ичida турибди.


Авлод, бўғин ва бўғимлардаги алмашинув тартиби (алплик ва алп эмаслик, фаоллик ва сустлик) жамики тириклик, бутун борлиқнинг яшаш тарзи: кун-тун, ёз-қиши, иссиқ-совуқ, юракнинг уриб тин олиши, одам хромосомаларининг бир гал доминанта, бир гал пассив ҳолатда алмашинуви каби умумий қонуниятларга бўйсунади. Зоро, авлодлар алмашинуви ҳам борлиқдаги тирик жараённинг ажралмас бир қисми ва шу борлиқ қонуниятлари ўзанида вое. Тартиб хусусийдан умумийга, умумийдан хусусийга келади. Фаол ва суст даврнинг ҳар бир индивид ҳаёти давомида ҳам алмашиниб туришини достон Алпомиш тақдири мисолида аниқ кўрсатган. Барчиндан мактуб келганида, Алпомиш ҳаракатсиз ўтиради. Култойнинг дўй-пўписасидан чўчиб, изига қайтади. Қалдирғоч сабаб йўлга тушади. Бу давр Алпомиш ҳаётининг суст бўғини эди.

Барчин учун кураш бошланди. Алпомиш фаол ҳолатга ўтди. Алпомиш иккинчи бор Кашалга бориб, яна суст даврга кирди — зинданга тушди. Орадан етти йил ўтиб, ютига қайтгач, қуввати яна фаол кучга айланди. Қизиги шундаки, қаҳрамон суст ҳолатдалик вақти унинг рақиблари фаол бўлади ва, аксинча, қаҳрамоннинг фаоллашуви улар қувватини кесади. Айни жараённи Барчин мисолида ҳам кузатиш мумкин.

Умумийликнинг дастлабки бўғини (уч авлод) ва беш авлод тартиби бўғим (еттилик) тизимида ҳам ўз ҳукмини ўтказади. Бўғин ичидаги суст-фаол-сустлик қонунияти бўғим (еттилик) тизимиға ҳам тегишли, яъни фаол еттиликнинг (бўғим) аввали ва сўнгги суст бўғимлар занжира тураси: суст бўғим (еттилик) — фаол бўғим (еттилик) — суст бўғим (еттилик).

Алпомиш — айнан фаол бўғим вакили. Ушбу қонуниядта алпликнинг узлуксиз келмаслиги маълум бўлмоқда.

Етти авлод — бир бўғимнинг фаол ҳолати навбатдаги етти бўғим суст ҳолат билан алмашинуви — иккилик бирикувуда ягона бир халқани ташкил этади. Ушбу ҳаракатни шартли равища куйидаги доирада акс эттириш мумкин (чизмага қаралсан):



Доирада акс этган ҳолат аниқ кўрсашиб турибдики, шажарадаги бошловчи (ота) иккинчи бўғимнинг якунловчиси бўлиб келмоқда. Еттиликдаги ота ўрнига Довонбийни кўймаганимиз шу жихатдан ҳам ўзини оқлайди. Эпосда беш авлоднинг номма-ном саналиши ҳам ушбу қонуниятга асосланади. Достонда бошловчи (ота) ва якунловчи (кабира — бегона) тилга олинмаган бўлса-да, унда бир бўғим — еттилик шажара ҳёти асос сифатида қаралганини мантиқан илғаш қийин эмас. Аксинча, бу кўриниш шажарага аниқ бир хусусий ҳолат эмас, универсал формула шаклини беради.

Бўғимлар тизимининг яхлит бир ҳалқаси юқорида қўйилган саволларга ҳам аниқлик киритади, бўғимлар аро авлодлар ўрни, мавқеини теранроқ англашимизга имкон яратади.

1. Ҳар бир бўғим бошловчиси айни пайтда иккинчи бўғимнинг якунловчиси

ҳисобланади. Бу ўринда ҳам бўғимни ташкил этувчи бўғин учликларда кўрилган вазият такрорланади. Жўн тушунтирилса, саноқдаги олти ( $3+3=6$ ) беш сонга келганидек, етти + етти = ўн тўрт эмас, ўн иккига айланади.

2. Ҳалқадаги икки бўғимнинг бири суст, иккинчиси фаол.

3. Ҳар бир бўғим асосини бешлик авлод ташкил этади (яъни 2, 3, 4, 5, 6 шартли рақамдаги авлодлар). Ушбу авлодларнинг тақдири, аъмоли, қилган ишлари, орзу-интилишлари ҳар бир бўғим якунловчиси ва бошловчиси тақдирини белгилайди. Ўз навбатида бошловчи (ташувчи) тақдири келаётган бўғим тақдирида ҳал қилувчи роль ўйнайди. Шу билан биргага, табиатнинг туғилиш, ўсиш, улфайиш, камол топиш ва қартайиб, қайта куч йиғиш палласига ўтиши ва йиғилган қувватни бунёдкорлик йўлида сарфлаш даври қонуниятлари ҳалқани ўз ўзани-

да ҳаракатлантиради. Бу ўринда қартайган бўғим захираси навбатдаги бўғим тақдирида мухим аҳамиятга эга. Халқимиз тарихидаги Ануштегин асос соглан Хоразмшохлар сулоласи ва бу шажаранинг сўнгги — еттинчи вакили Жалолиддин Мангуберди тақдири айни ҳолатга ёрқин мисол бўла олади. Хоразмшохлар сулоласи: Ануштегин (1) — Отсиз (2) — Эр Арслон (3) — Маҳмуд сultonон (4) — Текеш (5) — Алоуддин Муҳаммад (6) — Жалолиддин (7).

Жалолиддин қанчалик истеъододли саркарда бўлмасин, Хоразмшохлар давлатини сақлаб қола олмади. Янада аниқроқ айтилса, фаол даврини яшаб ўтаётган бўғимнинг сўнгги суст ҳолатига кираётган авлодлар бўғимининг бошловчиши бўлиш унинг чекига тушди. Аслида, Ануштегин сулоласи — бўғимининг гуноҳлари савобидан ортиқ келиб, Жалолиддинга Чингизхон устидан ғолиб чиқишга имкон бермади. Энг асосийси, Жалолиддин сўнгги вакили бўлган сулола — бўғим сарф этган куч-кувватини қайта йиғиши учун “дам” олишга маҳкум эди. Бу вазият эса бўғимлар алмашинуви табиий равишда авлодларнинг куч йиғиши ва кучини сарфлаши (моддий, жисмоний, маънавий) ҳисобига тўғри келишини кўрсатмоқда (кучни ким қандай сарфлаши алоҳида масала).

## Накл

Бобом айтарди, аввал замонларда одамлар кўп хурсанд, қоринлари тўқ, тўкинлик бўлса, ўтириб йиглар экан: “Эй худо, бу хурсандчилик, тўкинлик, тўқликнинг ҳафачилик, очлик, йўқилигига хор этма”.

Табиат ва жамият даврийлигига уйғунлик бор. Этноснинг ҳам куну туни, ёзу қиши, юқорилаши, қуий тушиши, жўш-қинлиги, тин олиши бор. Этнос “тўқ”лигига “оч”лигини ёддан чиқармаслиги, қувватга энганда шукронасини унутмаслиги шарт.

Авлод, бўғин, бешлик, бўғимларнинг маънавияти, имон-эътиқоди этнос тақдирида бosh омил ҳисобланади.

4. Ҳар бир бўғимнинг, суст ёки фаоллигидан қатъи назар, яашаш тарзида ҳам ички, “фаол ва сустлик” қонунияти амал

қилади. Халқадаги фаол бўғимнинг ичидаги фаоллик учинчи ва бешинчи авлод чекига тушмокда. Бўғимнинг 2-, 4-, 6-шартли рақамли авлодлари эса суст. Халқанинг суст томонида эса вазият аксинча. Мантиқ куч йигаётган бўғимдаги 9-, 11-авлодлар суст, 8-, 10-, 12-авлодлар фаол бўлишини талаб этади.

Халқадаги 1- ва 7-авлодлар бир пайтнинг ўзида ҳам бошловчи, ҳам якунловчи вазифасини бажаради.

Аслида бошловчи ва якунловчилар бўғимдаги фаоллик ва сустликнинг “хамиртуруши” ҳисобланади. Лекин уларни тўлиқ фаол ёки суст деб бўлмайди, чунки достон мезонлари билан ёндашилса, чинакам алплик талабларига жавоб беради олмайди. Ҳатто еттинчи авлод бўлган Жалолиддин каби истеъододли саркарда ҳам салтанатни тутиб қола олмади, ўз сулоласини тузиш имконини топмади. Биринчи ва еттинчи авлод вакиллари салтанат тузилишига ва нурашига тақдирдош шахслардир. Улар фаолиятини умумий тарзда суст-фаол ва фаол-суст шаклда ифодалаш мумкин. Бу ўринда фаол бўғин бошловчиши — “суст-фаол”, сусткаш бўғим бошловчиши эса “фаол-суст” мақомига эга. Чунки улар бир пайтнинг ўзида бир бўғим якунловчиси ҳамдир. Ким қайси бўғимни якунласа, ўша сифатда фаолият бошлаб, навбатдаги бўғимга хос сифатда ҳаётини якунлайди. Жалолиддин фаол-суст эди ва унинг тақдири, ҳаёт йўли “фаол-суст” авлод учун типик мисолдир. Алпомиш бўғимини бошлаб берган “ота” эса “суст-фаол” шахс эди.

5. Бўғимда фаоллик ва сустликнинг ҳам энг аниқ намоён бўлган нұқталари бор. Бу ҳалқанинг фаол қисмида 5-авлод, суст томонида эса 11-авлод турибди.

Алпомиш — айнан фаолликнинг бешинчи авлод вакили.

6. Фаоллик ва сусткашликнинг белгихусусиятлари бир пайтнинг ўзида барча босқичдаги авлод, бўғин, бўғимга бирдек хосдир. “Алпомиш”даги Бойбўри ва Бойсари образлари ҳалқа, бўғим, бўғин ва авлодлардаги сустликнинг, Алпомиш ва Барчин образлари эса улардаги фаолликнинг бадиий тимсолидир. Шу билан бирга, Бойсун-Қўнгирот этноси ва қалмоқ этносининг суст ва фаоллик даврларида ҳам айни тимсолий ифода акс этган.

## Далил

“Дарахтлар қишида япроқ ёзиб, мева бермаса, уларни меҳнат қилмаяпти, дема. Улар ҳамма вақт ишлайдилар. Бироқ қишигиши, ёз эса сарфлаш пайтидир. Ҳамма харжланганни кўради, тўпланганни эмас. Чунончи, бир одам зиёфат бериб, сарфхаражат қилса, қолганлар буни кўради. Лекин шу зиёфат учун оз-оздан йиққанини ҳеч ким пайқамаган. Асос бўлган нарса тўплангандир (кирим). Сарфланган (чиқим) тўплангандан майдонга келади...” (*Мавлоно Жалолиддин Румий. Ичиндаги ичиндадир*).

Этноснинг фаоллашуви ҳам — чиқим, сустлик даври эса — кирим. Бу ўринда “яхши, ёмон” деган ҳукмларга ўрин йўқ.

Тун — зулумот, зулмат ҳудуди эмас. Тун — тин олиш, куч йигиш имконияти. Енгилеш, таназзул, бу — фожия эмас, чунки у қайта қувватга киришга шароит яратади. Ҳар иккисида ҳам сабоқ бор. Эпос — этноснинг ана шундай сабоги.

Алномиши ва Барчин этнос қувватини сарфлади. Шу сабаб ёдгор алп эмас — суст авлод.

Ёдгор факат ёдгор бўлиб қолса, этнос қайта қувват йиға олмай, йўқ бўлиб кетиши ҳам мумкин.

Эпоснинг вазифаси, эпоснинг мақсади ҳам ана шу шонли тарихини — хотираини, эл ёдини авлодларга эслатиш, уларни ҳушёр торттиришdir.

Эпос ижодкори — суст авлод. Фаол авлод фаолият кўрсатади. Суст авлод уни хотирлаб, янги бўғин, бўғимлар кўнглида қайта уйғотади.

Ёдгорлар ёдгорлик қўйишиади.

Еттилик бўғимлар ҳалқасида бир сустлик, бир фаоллик узлусиз давом этади, деб ҳукм чиқариш хато. Бу тарзда ўйлайдиган бўлсак, ҳаётни оддий арифметик амаллар қолипига солиб қўямиз. Кейинги босқичларда эпос бизга берган “суст-фаол-суст” формуласи янада мураккаб кўринишлар олади. Ҳар бир этнос пешо-

насига берилган Амир Темур, Искандар, Чингизхон каби тарихий шахсларнинг бир неча юз йилликлар ўтиб, тарих саҳнасида чиқиши фикримиз далилидир. Алномиши эса ана шундай буюк саркардаларнинг тимсолий образи, бадиий талқинидир.

## Бошлама сабоги

“Алномиши” достони бошламаси ва ундаги шажарарага сингдирилган тимсоллар талқини ҳалқнинг кўнгил туви — жузъий ақл қобигини ёриб, куллий ақлга бўйлашишини англатмоқда. Табиат, жамият, инсон руҳияти иқлимларига бирдек амал қилувчи азал-абад, коинот миқёсидаги қонуниятлар мағзини чақиб, уни ўта содда, қўйма шаклда умуминсониятга хос тафаккур призмасидан ўтказиб, универсал тимсолларда ифодалаб беради.

Бошламадаги ўн тўрт мотивни бир-бир санаб, уларнинг қаршисига эзотерик белги-тимсолларни кўйиб чиқишимиздан кўзланган бир мақсад ҳам эпос асосидаги билимнинг умуминсоний космик билимларга чамбарчас боғлик эканини таъкидлаш, уларни эпос мукаммал, бадиий сўзда ифодалаб, авлоддан-авлодга етказиб бераётганини кўрсантишдан иборатdir.

Достон кўйланган, тингланган, эндиликда ўқилмоқда, талқин этилмоқда. Эҳтимол, барча куйловчи, тингловчи, ўкувчи бу тимсоллар маъно-мазмунини бирдек идрорк этиб, англаб етмас. Лекин уларнинг барчаси бу билимлар кўнглига бегона эмаслигини аниқ сезади.

Авлодлар шажарасидаги бўғин, бўғим, ҳалқаларнинг спирал ҳаракатидаги фаоллик, сустлик, даврийлик ва унинг айланиш қонунияти аслида ҳар бир киши, оиласдан бошлаб авлод, уруғ, қабила, қавм, миллат ва этносга қадар бирдек амал қилади.

Этнос йиғинади, даврлар ўтади, алномишилар туғилади.

Оққан дарё оқмасдан қолмайди.

Эпос бошламаси шундай сабоқ беради.

ЖАВОНДАГИ ЖАВОХИР

# SHARQQA YUZLANISH

Jabbor ESHONQUL mutolaa qiladi

## ҲОМЕР ВА “АЛПОМИШ”

Альберт Л о р д . Сказитель.  
Москва, “Восточная литература”, 1994.

“Бу китоб Ҳомер ва ...кенг маънода барча бахшилар ҳақида”, деб ёзади Альберт Лорд асар сўзбошисида.

Ўтган асрнинг иккинчи ярмига келиб оғзаки ижодга бўлган ҳавас сўниб бораётган бир паллада, бунинг устига, дунёни ўз бухронига тортишга шайланётган глобаллашув жараёнининг ўчоби бўлган Америкада тилшунос олимнинг бундай холосага келиши анчайин таажхубланарли ҳол эди.

Китобнинг номидан кўриниб турибдики, у Farb маданиятига деярли “бегона”. Шунинг учун ҳам Lordnинг бу фикрларини гарбликлар, биринчи навбатда америкаликлар ҳазм қилиши осон кечмади. Турли-туман такризлару танқидларда олимни аямай “савалашди”. Бироқ, орадан унча кўп вақт ўтмай Альберт Lordnинг қарашлари айни ҳақиқат экани маълум бўлди.

“Илиада” ва “Одиссея” достонларининг халқ оғзаки ижоди намунаси экани ҳақидағи фикр аслида Lordnинг устози Милмэн Пэррига тегишли эди. У ўтган асрнинг эллигиничи йилларида шундай тахминни ўртага ташлаган, бироқ асос топа олмагани учун эътиборсиз қолиб кетганди.

Альберт Лорд эса кўп йиллар ана шу тахмин устида бош қотирди. Юgosлавияга қилган бир сафари чоғида маҳаллий бахшиларга дуч келгач, жумбоклари “калит”ини топди. Олий маълумотга эга бўлмаган, мусиқий таълимдан бехабар бир кишининг минглаб сатрларни ёд билиши, дўмбира жўрлигида уни юксак мақомларда куйлаши ростдан-да ҳайратланарли эди. Боз устига, бахши бир достонни яна такрор ижро этганда олдингисига айнан ўҳшамасди. Матндаги ана шу ўзгарувчанлик Lordnинг эътиборини тортади.

Шу тахлит у Юgoslavияга қайта сафар қилиб, бошқа бахшилардан ҳам достонлар ёзиб олади, эпик ижодга қизиқиб қолади. Шу қизиқиши оқибати ўлароқ, “Бахши” деган китобга асос бўладиган материал ийғади.

Олим сафардан қайтгач, магнит тасмасига ёзib олган бахшилар ижросини ҳамкасларига эшилтиради. Улар аллақандай “маданиятсиз”, “колоқ” ижрочи билан юон, умуман, Европа адабиёти асосчиси бўлган Хомер ўртасида қандай ўхшашлик борлигини тушунолмайди.

Ўхшашлик эса матнда, яъни асарнинг юзага келишига сабаб бўлган омилларда эди. Альберт Лорд фикрича, Хомер достонлари ёзма адабиёт эмас, оғзаки ижод қонуниятлари асосида юзага келган. Шунинг учун у китобининг биринчи бўлимига “Назария” деб ном берди. Ушбу бўлимда оғзаки ижодга хос бўлган хусусиятлар, унинг ёзма адабиётдан фарқли жиҳатлари ҳакида сўз юритилади.

Маълумки, ёзма ва оғзаки адабиётнинг ўз қонуниятлари мавжуд. Оғзаки эпик ижод қонунияти унинг эпик формулага асосланганидир. Бу ижоднинг оғзакилигини, анъанавийлигини таъминлайди. Эпик формула эпоснинг суюги, курилмасидир. Бахши ўз “иморат”-ини яратиш, яъни достон куйлаш учун, ана шу тайёр қолилларга асосланади. Бироқ бу дегани у нимани ёдлаган бўлса, шуни тайёр ҳолида ижро этади, дегани эмас. Аксинча, бахши эпик формулага суюнган ҳолда, унга ўзига хос ижодий ёндашади.

“Эпик ижод ижро учун яратилмайди, балки айнан ижро этилаётган пайтда яратилади, — дейди Лорд. —...Формула ижодкорнинг ижро пайтидаги ҳолати билан боғлиқ. Эпик формула фақат эпик ижрода мавжуд ва фақат ижродагина унинг туб моҳијатига етиш мумкин” (45-бет).

Анъанага содиқлик, вариантилик ва мусиқа ўйғунлиги эпик ижодга хос хусусиятдир. Анъанага содиқлик бизга тушунарли, оғзаки ижод, яъни устоз-шогирдлик қоидаларига риоя этиш. Ҳар қандай ижро устозлардан оғзаки ўзлаштирилади, оғзаки ижро этилади ва шу таҳлитда мерос қолдирилади. Шунинг учун бахшидан, биринчи наవбатда, саводхонлик эмас, туғма қобилият, истеъдод талаб этилади. Ўн минглаб сатрларни ёддан билган бахшига эпик хотираси, қуввайи ҳофизасига қараб баҳо берилади.

Вариантлилик оғзаки ижодда кенг маънога эгадир. Ёзма адабиётда ҳам бирор асарнинг иккинчи бир вариантти, нусхаси бўлиши мумкин. Бироқ ҳалқ оғзаки ижодида у бутунлай бошқача маъно касб этади. Бир достоннинг юзлаб варианtlари бўлиши табиий ҳол.


Лордни ҳайратга соглан жиҳат ҳам мана шу эпик формула, вариантлилик, эпик билим ва хотира эди. Эпик ижод сирини кашф қилган олим Хомер асарлари таҳлилига киришади. Китобнинг иккинчи бўлими “Назариянинг амалийётга татбиқ этилиши” деб номланиб, “Илиада”, “Одиссея” достонлари тадқиқ этилади ва “Хомер ёзма адабиёт вакили эмас, балки эпик анъаналар давомчиси, бахшидир” деган қатый хуласага келинади.

Дарҳақиқат, Хомер достонларидаги эпик формула, эпик қолип, оҳанг, мусиқийлик Лорд, қараашларини тасдиқлайди.

Юон ва европалик ҳалкларнинг мифологик тасаввурларини тадқиқ этиш орқали у “Илиада” ва “Одиссея” достони юонларга Шарқдан бориб қолганини дадиллик билан таъкидлайди. Унинг назарида, ўз даврида юонларнинг Шарққа юзланиши табиий эди. Зоро, ўша даврларда Шарқ жаҳон маданиятининг маркази эди” (176-177 бетлар).

Бизнинг “Алномиш” қаҳрамонлик эпосимиз билан “Одиссея” достони ўртасида ўхшашлик мавжудлигини кўпгина олимлар тасдиқлайди. Улардан баязилари буни юонларнинг бизга таъсири деса, бошқалари шунчаки тасодиф эканини айтади. Альберт Лорд китоби эса бунинг аксини уқтиради.

Хомер аслида ким? У, бизга шу вақтгача уқтириб келинганидек, шоир бўлганми ёхуд бахши? Нима учун бизда юксак қуввайи ҳофизага эга бўлган бахшиларни шоир деб атасади? Бу саволларга жавобни Альберт Лорд китобидан топиш мумкин. Бу китоб бизни тақрор ва тақрор ўйлашга, фикрлашга мажбур қиласди. Кўнглигизнинг туб-тубида яна бир савол бўй чўзади: Лорд эпик анъана сўниб бораётган Европадаги бир мамлакатга бориб, шунча кашфиёт қилибди, эпик анъана ватани бўлган бизнинг юртларга келганда-чи?



## ШОПЕНХАУЭР ЎГИТЛАРИ



**Артур Шопенгауэр. Мир как воля и представление.**  
Минск, "Попурри", 1998.

Унинг номи Европа файласуфлари орасида алоҳида мавқега эга. Кўпчилик файласуфлар унинг замонида оптимист бўлган бир пайтда, у моҳиятни пессимизмдан топган; фалсафий трактатлари худди Ҳегель ёхуд Кантнига ўҳшаб ашаддий илмий эмас, бироқ илмий-лиқдан узоқлашиб ҳам кетмаган. Бошқа олимлар асарларида кўпроқ ўзидан олдин ўтган ҳамкаслари қарашларига суюнган бўлса, у адабиёт ва санъат асарларига суюнган, ўз асарлари билан санъаткорлар орасида ҳам, файласуфлар орасида ҳам бирдек шуҳрат топган дошишманд эди.

Даставвал у Тик, Новалис ва Гофман таъсирида бўлади. Кейинчалик эса Фридрих Шлегель туфайли унда ҳинд, умуман, Шарқ фалсафасига ҳавас ўйғонади ва бу унинг қарашларини тубдан ўзгартириб юборади.

Хўш, нега ўз даври ўкувчилари Шопенхауэрни қабул қила олмади, деган савол туғилади. Биринчидан, бу файласуф яшаган давр руҳияти билан боғлиқ. Негаки, ўша давр руҳияти Шопенхауэр дунёкарашини ўзига сингдиролмади, янайм тўғрироғи, ҳали бунинг вақти етмаган эди: бу француз инқилобидан кейин Европада бошланган, 1848-49 йилларга келиб барча мамлакатларни қамраб олган ижтимоий тартибсизликлар, Кант ва Ҳегель қарашлари хукмронлик қилаётган бир давр эди. Иккинчи томондан, унинг асарлари ўзидан олдинги файласуфлар қарашларидан буткул фарқ қиласидиган жиҳатларга эга эди. Дейлик, Ҳегелда олий руҳга ишонч устунлик қилган бўлса, Шопенхауэрда эса, аксинча, романтика ва мистикага мойиллик мавжуд эди. У кўп ҳолларда Кантни инкор қилса-да, аслида Кантдан "усиб чиққан" эди.

Ироди, ахлоқ ва эркинлик Шопенхауэр фалсафасининг моҳиятини ташкил этади. Инсон иродали бўлиши учун ахлоқли, ахлоқли бўлиши учун эса эркин бўлмоғи лозим. Билишнинг субъекти бўлган шахсга олам моҳиятини англаш учун қудрат ато этилган, бу эркинлик деб аталган қудратдир. Олам моҳияти ҳар бир инсонга ўз ҳиссиятлари каби тушунарли бўлиши шарт, деб ҳисоблайди у.

Шопенхауэр тизими Кантнинг ўзгартирилган ва ривожлантирилган тизимиdir. У "Кант фалсафасининг танқиди" асарида ўзининг Кант қарашлари билан ўҳшаш ва фарқли жиҳатларини ёритиб беради. Фихте ва Ҳегелдан фарқли ўлароқ, Шопенхауэр Кантга бошқача ёндашади. Ҳегель ва Фихте Кантнинг "нарса ўзидадир" деган қарашини танқид қилган бўлса, Шопенхауэр унга ироди тушунчасини кўшиб ривожлантиради. У "Фақат мен мавжудман, зеро, олам менинг тасаввуримдир. Тасаввуримда нимаики жонланса, у менинг иродам туфайлидир", дейди.

Олам моҳияти инсон ботинидадир. Шунинг учун оламни буткул англаш мушкул. Зеро, инсон ботини қанчалик ўрганилмасин, у барибири жумбоклигича қолаверади. Шунинг учун оламни англаш инсонни англашдан бошланади. Инсон англанмас экан, олам ҳакидаги тасаввурлар мукаммал бўлолмайди. Шопенхауэр фалсафа қонуниятларини кўпроқ инсон тафаккури ва ҳиссиётларига боғлаб ўрганиш зарурлигини таъкидлайди.

Шопенхауэр фалсафасининг моҳияти унинг Шарққа юз буриши, ҳар қандай фалсафанинг илдизи Шарқда деб билишидир. У буддизмга чексиз меҳр қўяди ва Шарқни донишмандлик бешиги, ўз фалсафаси асоси деб ҳисоблайди.

Тараққиётнинг ҳам, таназзулнинг ҳам ўз қонуниятлари мавжуд. Улар табиат, инсон иродаси ва руҳияти билан ўйғунликда кечади. Инсон иродаси кучли ва синов-изтиробларда тобланган бўлса, у ўзи ва борлиқ ўртасидаги ўйғунликни осонгина топа олади. Кичик олам — инсон, асли катта оламнинг бир бўллаги эканини ҳис этади, машаққатларни енгib, олий мақсад — катта олам сари интилади.

Артур Шопенхауэр фалсафий қарашлари Рихард Вагнер, Эдуард Гардман каби Европа файласуфларининг ижодига таъсир кўрсатди. Айниқса, Фридрих Нитше Артур Шопенхауэрга юксак баҳо бериб, “Шопенхауэр ўгитлари” деган очерк ёзади. Нафакат файласуфлар, балки ёзувчи ва санъаткорлар ҳам асарларида Шопенхауэрга суяна бошлайди. Унинг фалсафий рисолалари ватанидагина эмас, Шарку Farbda бирдек довруқ қозонади.

Биз янги асрга, янги минг ийилликка қадам қўйдик. Инсоният тарихида яна бир янги сахифа очилди. Бу сахифага нималар ёзилиши, авлодларга нималар мерос қолиши ҳам мамизига, инсониятнинг “Шарқ” ва “Фарб” деган тушунчаларга бундан кейин қандай муносабатда бўлишига боғлиқ. Зоро, инсоният тарихи яхлит тарихдан иборат. Уни бўлакларга бўлиб ўрганиб бўлмайди. Маданият ва санъат ҳам инсонни тоифаларга ажратмайди. Ўзгалар маданияти, дини ва қарашларини эъзозлай олган кишигини ўз анъаналарининг ҳам қадрига етади. Артур Шопенхауэр асарлари бизга ана шундай сабоқ беради.

## БИЗ БИЛГАН ВА БИЛМАГАН ГАСПИРАЛИ

**Исмоил Гаспирали. Танланган асарлар. I, II, III жиллар.  
Истанбул, “Ўтекен”, 2003 – 2008.**

Исмоил Гаспиралининг номи бугун кўпчиликка яхши маълум. Устоз Begali Қосимов таъкидлаганидек, “бундан юз ийиллар муқаддам у туркий халқлар орасида энг машҳур ном бўлган”. Уни “Кашқардан Лондонгача, Санкт-Петрербургдан Бомбейгача” жуда яхши билгандар ва ҳурмат қилганлар.

Исмоил Гаспиралига оид кўп изланишлар мавжуд. Бу изланишларда у, аввало, жадидларнинг устози, туркий халқлар маданий ҳаётида улкан инқилоб қилган буюк маърифатпарвар инсон сифатида тилга олинади. Ҳақиқатан ҳам Гаспиралининг Шарқ халқлари тарихида тутган ўрни бекиёс, унинг ноширлик, маърифатпарварлик фаолияти эса жуда серқиррадир.

Исмоил Гаспиралининг уч жилдлик танланган асарлари чоп этилиши бу фикрларни яна бир карра исботлайди. Китобнинг биринчи жилдига адабининг роман ва ҳикоялари, иккинчи жилдига публицистик асарлари, учинчи жилдига адабий-танқидий мақолалари ва саёҳатномалари жамланган.

Гаспирали номи қанчалик машҳур бўлмасин, унинг тил ва адабиёт борасидаги изланишлари, айниқса, ёзувчилик фаолияти ҳали етарли дараражада ўрганилмаган. Ваҳоланки, у роман, қисса ва ҳикоялар, адабиётшуносликка оид кўплаб мақолалар муаллифи ҳамdir.

“Дорул-роҳат мусулмонлари”, — деб ёзади Begali Қосимов “Миллий уйғониш” китобида, — Русиядаги туркий халқлар адабиётининг янги даврдаги йирик намунаси эди. Шу сабаб унинг таъсiri Волгабўйи ва Туркистон халқлари янги адабиётининг шаклланишида муҳим роль ўйнади. Бу гап ўзбек адабиётига ҳам тегишилдидир” (201-бет).

Адабининг “Фарангистон мактублари”, “Дорул-роҳат мусулмонлари”, “Судан мактублари”, “Хотинлар ўлкаси”, “А.М.Франсавий тасодиф: Гулбобо зиёрати”, “Арслон қиз”, “Кунтуғмуш”, “Аҳмадбей Тошкентли”, “Иван ва Сулаймон”, “Балойи Ислом” ва бошқа асарлари турли жанрларда ёзилган бўлиб, уларнинг ҳаммаси, асосан, маърифий характерда экани билан ажralиб туради. Зоро, бу барча жадид адабиёти вакиллари ижодига хос бўлган бош хусусиятдир.

Исмоил Гаспиралининг кўпгина насррий асарларида юмористик рух, фантастика бўртиб туради. Бу, бир томондан, Гаспирали яхши билган француз ва рус адабиётининг таъсiri бўлса, бошқа томондан, давр талаби, миллий насррга “янгича қараш”ни олиб кириш истаги меваси



ҳамдир. У ҳеч бир ҳикоясида замонасозлик қилиб ўтирумайди. Ўзи кўрган, билган воқеаларни чиройли, “Кунтуғмуш” романида ёзганидек, “садда, ўкувчининг фашини келтирмайдиган” бир услубда ҳикоя қиласди.

Гаспиралининг насрый асарлари номланиши ҳам бизни кўп нарсалардан воқиф этади. Улар, асосан, мактуб харakterida. Бунга сабаб ёзувчи мазкур асарларнинг аксариётини қисмими сафарда юрган чоғида ёзган ва улар пешма-пеш “Таржумон” газетасида ҳамда айрим қисмлари китоб ҳолиди чоп этилиб борган. “Танланган асарлар”—ни бизга тақдим этувчилар буни назардан қочирмаган. Ҳар бир асарнинг газета ва китоб вариантиларини киёслаб, мукаммалгрони тақдим этишга ҳаракат қилган.

Хулоса қилиб айтганда, Исмоил Гаспиралининг публицистик, насрый ва адабий-танқидий асарлари бир-бирини тўлдирувчи яхлит, улкан бир меросдир. Бу мерос биз билган Исмоил Гаспиралининг номаълум жиҳатларини кашф этишимизга ёрдам беради.

## МАКОНДО ИЗТИРОБЛАРИ



**Габриэль Гарсия М а р к е с . Сто лет одиночества. Москва, “Прогресс”, 1979.**

Маълумки, жаҳон адабиётида умуминсоният баҳти оила баҳтидан иборат экани ёҳуд, аксинча, оила баҳтсизлиги жамиятнинг, умуминсониятнинг баҳтсизлигидан далолат бериши, умуман, оиладаги турмуш, маънавият ва кураш ҳақидаги асарлар — “хонадон роман”лари кўплаб ёзилган.

Маркес романида ҳам танҳоликка — заволга юз тутган бир оиласиning тақдирни орқали инсоният тарихининг сўнгги юз йиллигига хос фожиалар очиб ташланади. Асарда бутун оиласи инқирозга маҳкум этган танҳолик — маънан қашшоқ бўлиб қолган цивилизация одамининг пешонасига лаънат тамғаси бўлиб босилган машъум қисматдир. Танҳолик бу — факат одамнинг атрофдаги оламдан узилиб қолиши эмас, бу — унинг ўз-ўзига бегоналашуви. Азалий анъана ва удумларнинг, ота ва бола, қариндош-уруг, оға-инилик муносабатларининг ҳамда илоҳий ақидаларнинг емирилиши оқибатида пайдо бўлган оммавий танҳолик, оммавий лоқайдилдиқдир.

Буэндиаларнинг олти авлоди ҳақида ҳикоя қилинган бу асар ҳайрат, меҳру шафқат, эзгулик, илтифот туйғусидан маҳрум бўлган, адсоват, фазаб ва жоҳиллик билан кишланланган оламнинг ва худбинлашган одамзоднинг юз йиллик қисмати ҳақидадир. Шунинг учун ҳам Маркес ўз романини “Турмуш поэмаси” деб атайди.

Аввалига Макондо аҳли бир оиласиning фарзандлариdek меҳнат ортидан кун кўриб яшайди. Бу моддий манфаатдорликкина бўлиб қолмай, маънавий таянч ҳам эди. Шунинг учун улар ўлим, ўғрилик ва ёлғизлик нималигини билмайди.

Бу ерга ҳар хил одамлар келиб ўрнаша бошлайди, оқибатда аста-секин Макондо қиёфаси ўзгара боради ва маънавиятга ҳам дарз кетади.

Фуқаролар уруши, банан компаниясининг тажовузи, кўп йиллик ёмғир, даҳшатли кургоқчилик — ҳаммаси Макондони фалокат комига гирифтор этади.

Макондога сўнгги зарбани табиат беради. Лотин Америкаси адабиётида “яшил дўзах” мавзуи бир неча бор ишланган бўлса-да, бироқ Маркес асарида бу оғат фазовий кўламни эгаллайди — вақтдан, хотирадан ва бир-биридан айро одамлар ёмғир тўғони остида қолади.

Асардаги Буэндиалар авлодининг тарихи Мелькиадеснинг Макондога келиши билан бошланади. Тадқиқотчилар бу образни ҳозирги замон адабиётининг энг мукаммал образи деб баҳолайди, уни Инжилдаги Мельхисдеканинг (исмлари ўхшаш) прототипи сифатида талқин қиласди. Бизнингча ҳам шундай: Мелькиадес инсонни йўқлика етаклаётган цивилизация тимсолидир. Чунки роман фожиаларининг калити Мелькиадесда. Асар сўнгига у қайта тирилиб келиб, Буэндиалар авлодининг тарихи ҳикоя қилинган кўллөзмани, яъни “Ёлғизликнинг юз йили” романини кичик Буэндиага топширади.

Мелькиадес кириб келиши билан макондоликлар ялқовлик, хаёлпаратслик, уйкусизлик, хотирасизлик касалига йўлиқади, худога бўлган ишонч-эътиқоди аста-секин сўна бошлайди, маънавий инқирозга юз тутади...

Инсон ўз маънавиятида ва атрофида рўй берадиган фожиалар учун жавобгар, чунки уларнинг илдизи ахлоқидадир. Инсон ахлоқан бузук бўлса, у илоҳдан ҳам, ўзидан ҳам бегоналашади, маънан тубанлашади, бу эса мудҳиш кўргуликлар олиб келади. Г.Г.Маркес ҳам дикқат-эътиборини улкан фожиалар қаршисида турган инсон ахлоқига қаратади.

“Ёлғизликнинг юз йили” романининг дастлабки бобларида атрофдаги муҳит разолатга юз тутса-да, оиласа ҳали ахлоқнинг мавжудлиги, ишонч, эътиқоднинг событилиги туфайли ҳам муқаррар бўлган фалокат куюни доримай туради; меҳр ва муруват, ишонч, эътиқод устунлари кулаб тушгач ҳалокат уларни домига тортади.

Мамлакатни ларзага соглан фуқаролар уруши ҳамда маънавий тубанликлар Аурелиано Буэндианинг кўксидаги инсоний тўйғуларни йўқотади, оиласи, юрти, қолаверса, Ремидиос хотираси билан боғлаб турган барча ивларни узади. Энди у энг якин кишиларининг қонини тўкишдан ҳам тоймайдиган шафқатсиз диктаторга айланади. Аурелиано Буэндия жаҳон адабиётидаги Йозеф К. ва Сизиф билан бир қатордаги, яъни адашган, ҳаётнинг маънисизлиги, инсон умри беъмани саробдан иборатлигини кўрсатувчи образдир.

“Аурелиано таажжуб ёки кўркувдан эмас, айни шу лаҳзада Мелькиадес кўлёзмалари сирига калит топганидан қотиб қолди. Кўлёзмалар эпиграфи яқол кўз олдига келди: “Авлодининг биринчи вакилини дарахта боғлаб кўйишади, сўнгисини эса чумолилар еб битиради”. Шундан сўнг эса “...бўрон бу фарид шаҳарни Ер юзидан супуриб ташлайди, номини одамлар хотирасидан ўчиради, баён этилмиш воқеалар эса бошқа такрорланмайди, танҳоликнинг юз йилига маҳкум этилган одамлар авлоди Ер юзида қайтиб пайдо бўлмайди”.

Бугунги Лотин Америка адабиётида мифологик асарларнинг юзага келишида Шарқ мифологик мактабларининг таъсири бевосита сезилади. Бу асарларни ўқир эканмиз, “Европа адабиётида кезиб юрган Шарқ руҳи” дунё адабиётига кўчганининг гувоҳи бўламиз.

“Орадан кўй йиллар ўтгач, қатлга ҳукм этилган Аурелиано Буэндия девор остида туриб, ўзини отишларини кутаркан, отаси фаройиб муз бўлагини кўрсатгани олиб борган ўша олис оқшомни эслайди”. Роман мана шу сатрлар билан бошланади. Шу сатрларданоқ унда шарқона руҳ устуворлигини англаб оламиз. Чунончи, Шарқ эртакларида бош қаҳрамон ҳаёти хавф остида экани айтилиб, кетма-кет келтирилган ҳикоятларда ана шу ҳолат сири очилса, Маркес асарларида ҳам қаҳрамонлар даҳшатли ўлим арафасида турган ҳолатда (“Ёлғизликнинг юз йили”да Аурелиано Буэндия отиши, “Ошкора қотиллик қиссаси”да Сантяго Насор ўлим арафасида) тасвирланиб, воқеалар занжирни якунида бу ҳалокат сири очилади.

Маркес инсонни фожиа ва фалокатлар ичida олиб тасвирлар экан, барибири одамзоднинг ўзини ўзи англаши, бирлашишини истайди; шундагина инсоннинг болиб ҳамда ҳақиқий инсон бўйлиб қолишига ишонади. Унинг асарларини ўқиётиб, Достоевский айтгандек, “дунёда ҳамма — ҳамма учун жавобгар” эканини юрак-юракдан ҳис этамиз.

## РУХИЯТ ТАЛҚИНЛАРИ

**Зигмунд Фреид. Введение в психоанализ. Лекции.**  
Москва, “Наука”, 1991.

“Рухий таҳлилга кириш. Маърузалар” китоби Зигмунд Фрейднинг асосий тадқиқотларидан бири ҳисобланади. Тушлар таҳлилига бағишиланган мазкур китоб унга шуҳрат олиб келди.

“Туш, — деб ёзади Фрейд, — инсон рухиятига олиб борувчи энг ойдин йўлдир”.

Зигмунд Фрейд фикрича, тушда кишининг уйғоқ пайтидаги онг ости кечинмалари юзага қалқиб чиқади. Уйғоқ пайти инсон кўпроқ



онгга, ақлга бўйсунади. Унинг хатти-ҳаракатлари чегараланган, маълум бир йўналишга солинган бўлади. Тушда эса инсон эркин.

Дарҳакиқат, уйқу ҳолатида уйғоқ пайтимиз юзага чиқишига ақлий истакларимиз йўл кўймаган кечинмаларга гувоҳ бўламиз, у билан бирга яшаймиз ва буни туш деб атаемиз. Туш асли инсон руҳий дунёсининг ажралмас, мураккаб ва мухим қисмидир. Фрейд тушни таҳлил қиласр экан, тушга эътиборсизлик XX аср одамларини руҳан майиб қилиб қўйди, деган хулосани ўртага ташлайди. Тушга — ички истак ва кечинмаларга эътиборсизлик натижасида одамзод энг катта фожиага дуч келди — ўз қалбини унугиб қўйди.

Фрейд XX асрга хос ёвузлик, қуллик, мутелик, ахлоқий бузилишлар, маънавий юзисликлар, эътиқодсизлик ва сусткашлик инсоннинг ички истак, кечинмаларига эътиборсизлиги ёхуд бу кечинмаларнинг зўрлик билан жиловлаб қўйилишида, деб тушунтиради. Фрейдинг бу назарияси Фарбдаги фан оламини туш ҳақидаги қадим тасаввурларга жалб этди ва тушни, инсон руҳиятини, инсон кечинмалари акс этган бадиий ижодни тадқиқ этувчи руҳий таҳлил методи юзага келди. Фрейд, Юнг ва бошқа руҳшунслар тушни таҳлил қилиб, ундаги рамзлар мифлардаги рамзлар билан вазифасига кўра ўхашаш эканини кашф этди ҳамда тушни шарҳлаш мифларни шарҳлашни осонлаштиради, деган қарашни ўртага ташлади.

Умуман, уйқу ва уйғоқ ҳолатлар инсон фаолиятининг икки қарама-қарши қутбидир. Бирида воқелик ва мантиқ, иккинчисида эркинлик ва “Мен” ҳукмрон. Уйғоқ одам фаолиятини мавжуд шароитнинг мантиғига мослайди: у шу даврга мос кийим кияди, уй қуради, ташвиш чекади ва унинг мантиғидан келиб чиқиб фикр юритади, муносабат ва муомала қиласди, яъни макон ва замон чегарасида яшашга, улар номидан гапиришга, фаолият юритишга, яшаш учун курашга, ундан ўзини ҳимоя қилишга мажбур. У ухлаётганда макон ва замондан мутлақо ҳалос бўлади, ички дунёси — “Мен” и ихтиёрига ўтади. Макон ва замон уни ушлаб қололмайди. “Мен” шунчалик кенгки, ўзида барча маконларни, барча замонларни мужассам этади. Бу ерда уйғоқ пайтдаги яшаш учун кураш мантиғи “ўлади”. Киши уйғоқлигига онгини жиловлаб турган бу мантиқ уйқуда мутлақо аҳамиятсиз бўлиб қолади. У макон ва замон ахлоқидан, тартиб қоидасидан, қонунларидан, яшаш тарзидан, таъқиб ва тақиқ ҳавфидан буткул ҳалос бўлади. Унинг замон тартиб-қоидасидан тарағ бўлган ақлий зўриқишилари барҳам топади ва ақл “дам” олади. Ана шу пайтда факат “Мен”га — ички дунёга хос истак-кечинмалар бош кўтаради. Уйғоқ одам ўзини ўраб турган воқеликнинг ижрочиси, уйқу эса ички ҳиссисиётлар — руҳий дунё билан юзма-юз келишади. Уйғоқ пайти ақлий истаклар, ақлий муносабатлар пардалаб қўйган кечинмалар уйқу пайти ўзини кўрсатади. Олимнинг фикрича, онг ости ҳислари онгли ҳисларга нисбатан сезувчан, ҳаракатчан, ўта аниқ кечинмалардир. Башорат тушлар ана шу ўта сезувчан кечинмалар ҳосиласи бўлиб, буни одам бирдан англаб олиши қийин, ақл бу сезувчан ҳисларни қабул қилолмайди. Бунга мантиқ ҳалал беради. Уйқу пайти эса бу кечинмалар туш сифатида келажакни ўзида намоён қиласди.

Тадқиқотлар шундан далолат берадики, ибтидоий даврлардан то XXI асргача кишиларнинг тушга бўлган муносабатида унчалик фарқ сезилмайди. Улар кўраётган тушдаги рамзларда ҳам яқинлик мавжуд.

Зигмунд Фрейд руҳий хасталарнинг беморлигига туш ҳам сабаб бўлганини ва уларни кўрган тушларини ҳикоя қилиб бериш орқали даволаганини ёзади.

Халқимиз орасида ҳам туш ҳаммага айтилавермайди, деган қараш мавжуд. Туш энг яқин кишиларга айтилади. Одатда, юксак мақомларга эришган, эл-юрт орасида катта ҳурматга сазавор бўлган, донишманд ва оққўнгил кишиларгина тушларни таъбир қилган.

Тушни таъбир қилиш исломда пайғамбарликнинг қирқ олти жузъидан бири ҳисобланади.

Туш кўрувчининг табиати, ахлоқи, дини, эътиқоди, исми, шажараси, туш кўриш олдидаги ҳолати, тушни кўрган куни ва пайти — буларнинг бари уни таъbir қилаётганда албатта эътиборга олиш зарур бўлган омиллардир.

Фарбда туш ҳақида жуда кўп файласуфлар, тарихчилар, ижодкорлар фикр билдириган. Бироқ Зигмунд Фрейдга қадар тушни ҳеч бир ижодкор маҳсус ва мукаммал тадқиқ этган эмас. Олим узоқ вакт инсон ҳолати ва рухияти устида кузатиш олиб борди ва инсонни англаш, қалбига, юрагига кириб бориш, ундаги хасталикни енгиш учун, аввало, рухиятига “тил” топиш керак, деган фикрни илгари сурди. Бу файласуфнинг фикрлари ўз даврида кескин қаршиликларга дуч келди. “Туш ўрганишга арзимас нарса, уни ўрганиш бизга ҳеч нарса бермайди”, дея эътиroz билдирган муҳолифлари унинг бақувват тадқиқотларидан сўнг тушга бошқача муносабатда бўла бошлади, тан берди.

## АКУТАГАВА АСОТИРЛАРИ

**Акутагава. Паутинка. Новеллы. Москва, “Правда”, 1987.**

Ўлимидан сўнг саксон йилдан ортиқ вакт ўтган ва замонлар эврилиб кетган бўлса-да, бор-йўғи, ўттиз беш йил умр кўрган, шунда ҳам том маънода ўн йилини ижодга бағишлигаран, XX аср япон адабиётининг классиги деб тан олинган Рюносек Акутагаванинг адабий мероси ҳозиргача нафақат ватанида, балки бутун дунёда баҳсу мунозараларга сабаб бўлиб келмоқда. Зоро, санъатшунослар Акутагава ҳикояларидан сўнг япон адабиётида реализм имконияти тугади, ундан сўнг насрда ёзиш зарурати қолмади, деб даъво қилганда, адид ҳали ҳаёт бўлган ва мақтвларга истеҳзоли сукут билан жавоб берган.

Даставал уни тан олмаган, сўнгра эса “тирик классик” дея айюханнос соглан замонасига нисбатан умри ва туйғуларини қизғанди. Иккюзламачи даврга сабоқ бериш учун ўзини ўзи ўлимга ҳукм этди.

Акутагавадан катта ҳажмли асарлар эмас, бой, сермазмун, ҳамма замонлар учун бирдек қадрли бўлган мерос қолди. У ўз ижодида XX аср бошидаги Шарқ ва Фарб анъаналарини бирлаштириди. Шарқقا ўқиб бўлинган эртак, эски асотир дея қаровчиларга Шарқ абадий ва азалий санъат сифатида инсоният бадиий тафаккурининг таянчи бўлиб қолишини исбот этди.

Акутагава ижодини таҳлил қилган тадқиқотчилар унинг “Расёмон дарвозаси” ҳикоясини ижодининг гултожи деб баҳолайди. Ҳикоядан ижтимоий мазмун изловчилар ҳам, диний мазмун изловчилар ҳам, янги анъана излаганлар ҳам, миллийлик бирлами чи дегувчилар ҳам уни ўзларича шарҳлади. Акутагава ижоди эса барчасига дош беради. Унинг миллий мифология пойдевор бўлиб хизмат қилган асарларида соф япон характеристи, дунёқарашиб, психологияси акс этган. Шу сабабли бу ҳикоялар ўлмасдир. Зоро, асар қанча миллий бўлса, шунча умуминсонийdir. Бироқ Акутагава ижодининг ўзига хослиги фақатгина миллийлигига эмас, балки XX аср бадиий тафаккурини янгилашга кўшган улкан ҳиссасида ҳамdir.

Адид Расёмон дарвозасини — эзгулик ва ёвузлик ўртасидаги кўприкни фақат мифларда ва чўпчакларда қолдирмайди. Худди ўзининг Фарбдаги адабий маслакдоши Кафка каби XX аср япон кишиси, япон жамиятини таҳлил этувчи воситага айлантиради. Ёвузлик — бу шунчаки чўпчак эмас, миф ҳам инсондан ташқарида эмас. Миф инсон қалбида, шуурида яшайди. Жамият ва унинг яшаш тарзи аслида мифдир. Демак, Расёмон дарвозаси — инсоннинг ўзида, унинг онгиди. Эзгулик ва ёвузлик қадим япон битиклари эмас, инсон қалбида курашади. Акутагава инсон онгидаги чангальзорлар, қотилликлар, худбинниклар, ёвузниклар ҳақида гапиради. Бу ҳикоялар миф эмас, XX аср кишиларининг психологияси, яшаш тарзидир.

Акутагава қадим япон битикларини, сюжетларини қайта ишлаб, XX аср битикларига, асотирларига айлантириди. Саксон йилдан ошдики, бутун дунё бу битикларни ўқишида ва уқишида давом этмоқда.



# *Milliy g'oya va yoshlar tarbiyasi*

Хозирги даврда Ўзбекистоннинг демократик тараққиётини жамиятда инсоннинг туб манфаатлариға мос ижтимоий муносабатларни шакллантириш орқалигина таъминлаш мумкин. Бунда инсон ва жамият манфаатлари уйғулигини белгилаб берувчи таянч нуқта, жиспластирувчи куч сифатида милл以习近平 тоға ҳамда унинг гуманистик ва демократик принциплари майдонга чиқади. Бу тоғ я барча фуқаролар ва, айниқса, ёшларда ворисийлик ҳиссини тарбиялайди, анъаналар бардавомлигини таъминлайди. Бундай мухитда эса баъзан жозибадор тулоладиган зарарли ёт тоялар таъсирига тушиб қолиш ҳавфи ҳам кескин камаяди.

Юртимизда бой милл以习近平-маданий меросга таянилган ва дунё эътироф этган демократик меъёрларга риоя қилинган ҳолда кенг кўламли ислоҳотлар олиб бориляпти. Шу асосда олий таълим тизимида ҳам милл以习近平 тоғ ва милл以习近平 мағкурани талабалар қалб мулкига айлантириш ўқув-тарбия жараёнининг бош бўғинига айланган. Бунда асосий мақсад ёшлар онгига демократик қадриятлар билан бир қаторда милл以习近平 анъаналарни ҳам сингдириб, уларда мулоқот, мунозара олиб бориши маданиятини шакллантиришдир.

Дунё тажрибасидан аёнки, демократия милл以习近平 ва умуминсоний қадриятларга асосланган бўлсагина давлат ва жамият қурилишининг ҳуқуқий асосларини ҳимоя қиласи, давлат ва жамият бошқаруви ошкоралик ва одиллик тамоилларини тарғиб этади, ҳар бир фуқарога ўз фикр ва қарашларини эркин ифодалаш учун шароит яратади. Бу эса барча фуқаролар, хусусан, ёшларнинг мамлакат сиёсий-ижтимоий, маданий, иқтисодий ҳётида, биринчи галда эса, қонунларни ишлаб чиқиш ва ҳаётга жорий этишда фаол иштирокини таъминлайди.

Фикрлар ва қарашлар ранг-баранглиги милл以习近平 мағкурага жон бағишлайди, унинг янада такомиллашиб боришига хизмат қиласи. Ана шу асосда милл以习近平 мағкура хилма-хил нуқтаи назарлар билан бойиб боради.

Албатта, бу тоялардан ёшларни хабардор этишнинг ўзи билан кифояланмай, уни кундалик турмуш мезонига, маданий ва маърифий эҳтиёжга айлантириш бу борадаги бош вазифадир.

Шуни ёдда тутиш зарурки, милл以习近平 фагат соғлом мухитдагина юксак самара беради. Демак, унинг рўёбга чиқиши, аввало, чукур билимли, маънавий баркамол, жисмонан бакувват ва ақлий етук ёшларга боғлиқ. Колаверса, бундай ёшлар милл以习近平 тоғни, ундаги ҳаётбахш тушунчаларни ўзига сингдирувчигина бўлиб қолмай, айни чокда уни жамият аъзолари орасида тарғиб қилувчи куч ҳамдир.

Фаол, интилувчан йигит-қизлар аста-секин тоғий-мағкуравий таъсир обьектидан бундай жараёнлар субъектига, тоғий-мағкуравий тарбия тизимининг мухим бўғинига айланба боради. Зеро, ҳар бир шахс зарур тоғий-мағкуравий тайёргарликка эга бўлгач, ишлаб чиқариш, хизмат кўрсатиш, таълим, фан, маданият, соғлиқни сақлаш ва бошқа соҳалардаги фаолиятларни орқали милл以习近平 мағкуранинг асосий тамоилларини ўйиша, тарғиб этишда ва мустаҳкамлашда фаол иштирок эта олади.


Маълумки, милл以习近平 мағкуравий тарбиясида узвийликни таъминлашда оила ва маҳалланинг роли бекиёс. Оиладаги кекса ва ўрта авлоднинг турмуш тарзи, маданияти, Ватан, миллат каби қадриятларга муносабати орқали милл以习近平 тоғи фарзандлар онгига муҳрланиб боради. Уларнинг оила бағрида куртак ёзган имон-эътиқоди, одоб-ҳаёси, номус-виждони маҳалла мухитида янада камол топади, ҳалқ иродаси, ўзаро тутувлик ва баҳамжихатлик фазилатлари билан бойиб, жамиятда соғлом муносабатлар шаклланишига хизмат қиласи. Бир сўз билан айтганда, ҳалқимизнинг азалий удумлари, урфодатлари ва анъаналарини ифода этган маҳалла улкан тоғий-мағкуравий тарбия ўчоғидир. Бобо ва момоларнинг фойдали панднасиҳатлари, кўпни кўрган ота-оналарнинг ибрати, маҳалла аҳлининг ўзаро меҳр-муҳаб-

бати мисолида миллий гоянинг амалий киммати ортиб боради. Шу боисдан ҳам гоявий тарбия ёхуд мафкуравий таъсирни оила ва маҳалла тизими орқали янада такомиллаштириш зарурати бор.

Хуллас, миллий фоя ва миллий мафкура сиёсий воқелик ҳамда вазиятларни оқилона англаш, турли маданиятга мансуб гурухлар, қолаверса, ижтимоий қатламлар эҳтиёжини ўзаро мутаносиблаштириш шароитини яратади. Шунинг учун ҳам ёшлар онгини маҳаллий-

чилик, уруғ-аймоқчилик, маҳдудлик каби ижтимоий иллатлардан химоя этиш, зарарли ёт фояларга нисбатан мафкуравий иммунитетни мустахкамлаш, жаҳолатга қарши маърифат воситасида курашиш миллий фоя ёшлар қалби ва онгидан чукур жой олишида устувор йўналишлар ҳисобланади.

**Гулом ПИРНАЗАРОВ,**  
Тошкент Тўқимачилик ва енгил  
саноати институти ўқитувчisi



XXI асрга келиб сув масаласи ҳар қачонгидан долзарб аҳамият қасб эта бошлади. Бу борада социологлар, иқтисодчилар, тарихчилар, археологлар, географлар, экологлар фаол тадқиқот ўтказмоқда. Сув ҳавзалари, айниқса, трансчегаравий дарёларнинг давлатлараро муносабатларда мухим ўрин эгаллаётгани, масалага баъзи нотўғри ёндашувлар муаммога янада кескин тус бермоқда.

Трансчегаравий сув деганда, икки ва ундан кўп давлат чегарасидан оқиб ўтувчи ёки ушбу чегараларда жойлашган барча ер усти ва ерости сув манбалари тушунилади. Дунёдаги аксарият йирик дарёлар трансчегаравий ҳисобланади ва улар сони собиқ Иттифоқ парчалангандан сўнг янада кўпайди. БМТ мъльмотларига қараганда, ҳозир дунёда икки ёки ундан кўп давлат чегарасидан ўтувчи икки юздан ортиқ дарё ҳавзалари мавжуд. Замбези 6 та, Амазонка ва Рейн 7 та, Дунай 8 та, Зαιр 9 та, Нигер ва Нил 10 та давлат худудидан ўтади. Дунёнинг қарийб 40 фоиз аҳолиси икки ва ундан кўп давлат худудидан ўтувчи дарёлар бор мамлакатда яшайди. Бу ҳолат, айниқса, Яқин Шарқда яқъол кўзга ташланади. Ушбу худуддаги араб тилида гаплашувчи аҳолининг ҳар учтадан иккитаси ҳаёт фаолияти трансчегаравий дарёларга боғлиқ.

Таъкидлаш керакки, сув дунё бўйича нотекис тарқалган, чучук сувларнинг аксарияти музликлардан иборат. Бироқ рақамлар мавжуд сув захиралари дунё аҳолисини бемалол таъминлаши мумкинлигини кўрсатмоқда. Муаммо шундаки, Ер юзида аҳоли ва сув ресурслари мутаносиб жойлашмаган. Масалан, Осиёда

дунёнинг 60 фоиз аҳолиси яшайди, минтақадаги чучук сув миқдори 36 фоизни ташкил килади. Жанубий Америкада эса бу кўрсаткичлар нисбати — 5 ва 26 фоиз.

Сув билан боғлиқ муаммолар ирригация ишларининг тўғри йўлга қўйилмагани, экин майдонларининг номувофиқ тарзда кенгайтирилиши, шаҳар коммунал тизимида сув беҳуда истроф қилиниши, шунингдек, баъзан трансчегаравий дарёлар худудида жойлашган томонларнинг ўзаро келишмовчилиги сабабли ҳам келиб чиқмоқда.

Трансчегаравий дарёлар сувини тақсимлашда томонлар манфаати ҳисобга олинниб, биринчи навбатда, ҳуқуқий-меъёрий база шакллантирилса ҳамда шу асосда иш олиб борилса, бу масала у қадар глобал муаммога айланниб кетмайди.

Жаҳонда сув ресурслари бўйича баъзи келишув ва лойиҳаларни амалга оширишда кўпинча БМТ, Жаҳон атроф-муҳитни химоя қилиш ва ривожлантириш комиссияси, Жаҳон банки ва бошқа халқаро тузилмалар, йирик давлатлар воситачи ролини бажармоқда.

Халқаро ҳуқуқ меъёrlарига кўра, трансчегаравий дарёлар борасидаги мавжуд ва келиб чиқиши мумкин бўлган баҳс-мунозаралар белгиланган мезонда тартибга солинади.

Марказий Осиё минтақасида ҳам сув ресурсларини мувофиқлаштириш бўйича бир қанча ҳужжат қабул қилинган ва бу борада халқаро ҳуқуқ меъёrlарига амал қилиш тўғрисида ўзаро келишув мавжуд.

Бу худудда трансчегаравий сув ресурслари масаласи тобора долзарблашиб бораётга-

нининг асосий сабабларидан бири Амударё ва Сирдарёнинг юқори оқимида жойлашган Тоҷикистон ва Қирғизистон давлатларининг йирик гидроэнергетик лойиҳаларни амалга ошириш ҳаракатлари билан боғлиқ.

Хуллас, трансчегаравий дарёлардаги сув оқимини мувофиқлаштириш, яъни бу манбалар сувидан барча мамлакатлар бирдек фойдалана олиши учун томонлар маҳсус, доимий ишловчи ҳукуматлараро мувофиқлаштирувчи комиссия тузиши (аъзолар орасида ҳалқаро вакил бўлмоғи лозим), ўзаро ахборот алмашинув механизми вужудга келтирилиши ва, албатта, ҳалқаро ҳукуқ меъёрларига қатъий амал қилиши, шунда ҳам томонлар teng ижобий на-

тижаларга эришмаса, мустақил ҳалқаро экологик экспертизага мурожаат этиши керак. Бу ўринда, бизнингча, дарёнинг юқори оқимида жойлашган давлатлар сувдан фойдаланишида ўзига ўзи қандайдир нотабиий устунлик яратиб олмаслиги лозим. Зоро, трансчегаравий дарёлардан нотўғири фойдаланиш (бир ёки иккни давлат якка ҳолда устун бўлиши) охироқибатда бутун минтақа келажагини хавф остига кўяди.

**Аброр ЮСУПОВ,**

“Шарқ зиёкори” ОАЖ китоблар маркази минтақалараро савдо бўлими бошлиғи, тадқиқотчи



## *ШҲТ фаoliyatida Afg'oniston masalasi*

Марказий Осиё ва унинг теварагида юзага келган вазиятга Афғонистондаги ҳарбий-сиёсий ҳолатнинг таъсири бор, албатта. Бу эса Евроосиё маконида минтақавий хавфсизликнинг барқарор тизимини шакллантириш заруритини келтириб чиқаради. Бугунги кунда Афғонистонда мураккаб вазиятнинг сақланиб қолиши билан боғлиқ “урушдан кейинги ҳолат” ҳукм сурмокда.

Бу мураккаб вазият Афғонистонда тинчлик ва барқарорликни таъминлаш, мамлакат иқтисадиётини қайта тиклаш борасидаги саъйҳаракатларга тўқсинглик қилиб, мазкур муаммо ечимига ҳалқаро ва минтақавий ташкилотлар эътиборини қаратишни ҳам такозо этади.

Афғонистон билан боғлиқ бундай масалаларни ҳал этишда Шанхай Ҳамкорлик Ташкилоти (ШҲТ) муҳим амалий механизм бўлиб хизмат килиши мумкин. Аслида ҳам ШҲТ фаолият бошлаган дастлабки йилларданоқ Евроосиё минтақаси сиёсий жараёнларида фаол иштирок этиб келади. ШҲТ фаолият минтақа доирасида фоят аҳамияти ва истиқболли ҳисобланиб, сезиларли натижаларга эришаётганини кузатиш мумкин. Бу ҳолат минтақадаги давлатлараро муносабатларга таъсир кўрсатиб, ҳамкорликнинг кўптомонлама механизmlарини яратишга ҳисса кўшмоқда.

Бу борада Ўзбекистон Республикаси Президенти Ислом Каримов 2009 йил июнь ойида

бўлган ШҲТга аъзо давлатлар раҳбарлари кенгашида: “Стратегик муҳим бўлган Марказий Осиё минтақасида минтақавий ва глобал хавфсизликни таъминлашда, ҳалқаро терроризм, сепаратизм ва экстремизмга, шунингдек, наркотрафик ва хавфсизликнинг бошқа хавф ва таҳдидларига қарши курашда ШҲТнинг ўрни ва аҳамияти кундан-кунга ортиб бормоқда”, деган фикри билдирид (Выступление Президента Республики Узбекистан И.А.Каримова на заседании Совета глав государств-членов ШОС //16.06.2009. [http://mfa.uz/rus/pressa\\_i\\_media\\_servis/news/160609](http://mfa.uz/rus/pressa_i_media_servis/news/160609)).

Дарҳақиқат, Марказий Осиё минтақавий хавфсизлик тизимининг шаклланишида ШҲТнинг самарали фаолият олиб бориши муҳим аҳамиятга эга. Зоро, Афғонистон ШҲТга аъзо давлатларинг учтаси: Хитой, Тоҷикистон, Ўзбекистон ҳамда ушбу ташкилотнинг кузатувчилари бўлган Эрон ва Покистон билан чегародош.

Шу сабабли ШҲТ Афғонистон муаммоси ҳал этилишидан манбаатдор. Маълумки, 2005 йил 4 ноябрь куни Пекин шаҳрида ШҲТ-Афғонистон мулокот гурухини ташкил этиш борасида Шанхай Ҳамкорлик Ташкилоти ва Афғонистон ўтасида Протокол имзоланган эди. Унинг асосий мақсади “томонлар манбаатларига даҳлдор масалаларда ҳамкорликни амалга оширишга оид таклиф ва тавсияларини ишлаб чиқиши”дан иборат.

Афғонистонда ҳарбий ҳаракатларни тұхтатиши ҳамда мамлакатдаги барча гурүх ва қатамлар манбаатларини ифода этувчи давлат сиёсий тизимини яратында ШХТ ёрдами ма-саланинг ижобий ҳал этилишига күмак беріши мүмкін. ШХТ-Афғонистон мuloқот гурухы “Миллий давлатчилик барпо этиши жараёнда барча ағфон сиёсий күчләри: давлат түзилмәләри, сиёсий партиялар, миңтақа ва қабилялар вакилләри иштирок қилиши зарур”ligига алоҳида ургу бермоқда.

Ўзбекистон Республикаси ҳам Марказий Осиё миңтақавий хавфсизлигини таъминлаш мақсадида қатор ташкилотлар доирасыда фАОЛият олиб бормоқда. Давлаттимиз Афғонистон муаммосини барча томонларнинг манбаатларини инобатта олган ҳолда, фақат тинч йүл билан ҳал этмоқ зарур, деб ҳисоблайди. Юртимизнинг ШХТдаги иштироки ҳам айнан шу мақсадга қаратылғанни кузатыш мүмкін.

Бу борада Ўзбекистон Республикаси Президенти Ислом Каримов 2009 йил 15-16 июнь кунлари ШХТнинг Екатеринбург шаҳрида (Россия Федерацияси) бўлиб ўтган Саммити-

да “БМТ шафелигида Афғонистон билан чегарадош ҳамда Россия, АҚШ, НАТО вакиллари иштирокида “6+3” мулокот гурухининг ташкил этилиши асосида Афғонистон ичкарисида ҳам, унинг атрофида ҳам ягона битимга келиш имкониятини яратиш мүмкін”, деган фикрни билдириди (*Пресс-релиз о выступлении Президента Республики Узбекистан И.А.Каримова на заседании Совета глав государств-членов ШОС./16.06.2009.http://mfa/uz/rus/pressa\_i\_media\_servis/news/160609\_3.mgr*).

Хулоса сифатида айтиш мүмкінки, ШХТ Афғонистон томонлари ўртасида музокаралар жарайенининг ташаббускори сифатида иштирок этишга ҳаракат қилмоқда. ШХТга аъзо ва кузатувчи давлатлар умумий мақсад — Афғонистонда ҳарбий ҳаракатларни тұхтатиши ҳамда тинчликни таъминлаш ишига жалб этилиши зарур бўлади.

**Ақбар МУҲАММАДЖОНОВ,**

*Жаҳон иқтисодиёти ва дипломатия университети тадқиқотчиси*

## Ajdodlar merosi va siyosiy madaniyat

Биз бугун дунё, жамият ва шахс шиддат билан ўзгараётган даврда яшамоқдамиз. Бунда ахборот-коммуникация тизимлари жадал ривож топаётгани ва шунга мувофиқ тарзда глобаллашув жараёнлари ҳам тезкор тус олаётгани мухим роль ўйнамоқда. Ана шундай бир шароитда, мамлакатимизда ижтимоий-сиёсий барқарорликни сақлаш ва мустаҳкамлаш дол зарб масала ҳисобланади. Бу борада ахоли, айниқса, ёшларимизда миллий манбаатларга асосланган сиёсий маданиятни шакллантириш ҳал құлувчи ахамият касб этади.

Кенжә авлодда бундай маданиятни шакллантиришнинг бир неча воситаси мавжуд. Биринчидан, давлат ва нодавлат ташкилотларининг (сиёсий партия ва ҳаракатлар, фуқаролик жамияти институтлари ва ҳоказо) ахоли сиёсий онги ва тафаккурини юксалтиришдаги роли бекінісdir. Иккинчидан, кўп босқичли узлуксиз таълим тизими бу борада энг қулай ва самарали восита экани тажрибадан маълум. Айниқса, сиёсий дунёқарашни шакллантирув-

чи фанлар доирасыда аждодларимизнинг бу соҳадаги бой меросини ўргатиш асло фойдалан холи эмас.

Мовароуннарх худудида яшаб ижод қилган, алломалар орасида сиёсий мавзуда ҳам асарлар ёзib қолдирғанлари кўп. Биз қуйида айрим алломаларнинг сиёсий маданият ва бағрикенглика доир қарашларига қисқача тұхтатиби ўтамиз.

Абу Наср Форобийнинг (873-950) “Фозил одамлар шахри” асарида бундай шаҳар раҳбари қуйидаги ўн икки хислатга эга бўлиши лозимлиги айтилади: мучаси соғ, фаросатли, хотирави мустаҳкам, зехни ўткир, фикрини равшан тушунтира оладиган, илм-маърифатга қизиқувчан, нафсини тийиб олган, бойлика ружу қўймаган, ҳақиқатни севувчи, ориятли, адолатпарвар, қатъиятли (Абу Наср Форобий. Фозил одамлар шахри. Т., “Абдулла Қодирий мероси”, 1993, 159-160-бетлар) Унинг фикрича, фозил шаҳар аҳли юксак фазилат ва маданият соҳиби бўлади. Зоро, дангасалик,

бекорчилик, билимсизлик, касб-хунарсизлик инсонни таназзулга олиб боради. Ақл, илм-маърифат эса баҳт-саодатга эришишнинг асосий воситасидир.

Фирдавсийнинг (934-1030) “Шоҳнома” асари нафақат Мовароуннахр ёки Шарқ, балки дунё адабиёти ва маданийтининг ҳам ноёб дурданаси хисобланади. Бу асарнинг бош гояси ватанни, ҳалқ заковати ва фидойи шахсларни улуғлаш, одамларни бирдамлика, ватанпарварлик, инсонпарварлик, меҳнатсеварлик ва тинчликсеварликка чақириш, әзгулик, олижаноблик, ҳалоллик, мардликни мадҳ этиши, ёвузлик, зулм, адолатсизлик ва парокандаликни қоралашдан изборат.

Низомулмулк (1018-1092) “Сиёсатнома” асарида сиёсат әгалари: подшоҳ, вазир, ҳоким ва бошқа амалдорларни адолатли, вижонли, инсофли бўлишга ҳамда давлатни оқилона бошқаришга, қатъий тартиб-қоида ўрнатишга, мамлакат ободлиги, фаровонлиги, тинч-тотувлиги йўлида мунтазам ҳаракатда бўлишга чақиради (Низомулмулк. Сиёсатнома. Т., “Адолат”, 1997, 10-бет).

Миллий давлатчилигимиз ривожи тарихида Амир Темурнинг (1336-1405) ўрни бенихоя катта. Соҳибқирон бобомиз битган тузуклар сиёсат бобида қимматли манбадир. Унинг давлат бошқарувига доир қарашлари хеч қачон аҳамиятини йўқотмайди. У темурийзода хукмдорларга ва улар орқали барча соҳиби давлатларга мана бундай панду насиҳат қиласди: “Вазирлар ушбу тўрт сифатга эга бўлишлари лозим: насли тоза, оқил-фаросатли, сипоҳу раият ҳолидан хабардор, сабрли-тинчликсевар”; “Яхши одам юрт тузар, ёмон одам юрт

бузар”; “Агар лашкар бир турдан бўлса, хатарли бўлиб, тартибсизлик вужудга келади, кўшин ҳар хил қабиладан бўлиши зарур”; “Адолат инсон дастури ва раҳбари бўлиши лозим” (Амир Темур ўйтлари. Тўплам (Тузувчилар: Б.Аҳмедов, А.Аминов). Т., “Ўзбекистон”, 2007, 19-23-бетлар).

Алишер Навоий нафақат шоир, мутафаккир, балки давлат арбоби, сиёsatчи сифатида ҳам ном қозонган. Ҳусайн Бойқаро 1472 йилда бу зотни Ҳурросон салтанатининг бош вазири этиб тайинлайди. У янги лавозимда бор кучини тинчлик, осойишталикни мустаҳкамлашга, савдо-сотик, хунармандчилликни ривожлантиришга, амалдорлар ўртасидаги лоқайдлик, адолатсизлик пайини қиркишга, фуқаролар тенглиги, тутувлигини таъминлашга илм-фан, таълим-тарбияни юксалтиришга каратди. Ижтимоий-сиёсий фаолиятдан олган билим ва тажрибаларини “Маҳбуб ул-қулюб”, “Хайрат ул-аброр”, “Тарихи Мулки Ажам”, “Тарихи анбиё ва ҳукамо” каби асарларида баён этди.

Шундай хулоса ясаш мумкинки, Мовароуннахр диёридан етишиб чиққан кўплаб алломалар илмий-маърифий меросида сиёсий маданият ва бағрикенгликка доир қарашлар, ўйт ва тавсиялар катта ўрин әгаллайди. Улар бугунги ёш авлодни ижтимоий-сиёсий фаол, фидойи, ватанпарвар, баркамол ва кенг тафаккур эгаси қилиб тарбиялашда алоҳида аҳамиятга эга.

**Нуриддин ҲОШИМОВ,**

Давлат ва жамият қурилиши  
академияси тадқиқотчisi



Ўзбекистоннинг дунё андозаларига ҳар жиҳатдан мос келувчи янги кадрлар авлодини тайёрлаш бўйича тажрибаси яқин ва узоқ хориждаги кўплаб мамлакатлар дикқатини ўзига тортмоқда. Кўп асрлардан бўён ўзбеклар билан бир жуғрофий-сиёсий маконда, ёнмаён яшаб келаётган тоҷик ҳалқи ҳам ана шулар жумласидандир. “Биз тоҷик биродарларимизни, — деган эди Президент Ислом Каримов, — (бу соҳадаги — **Н.Х.**) ўз тажриба-

ларимиз билан таниширишга, агарда сизларда қизиқиш уйғотса, бундай дастурни Тоҷикистонда ҳам амалга оширишга ёрдам беришга тайёрмиз”.

Дарҳақиқат, ўзбек ва тоҷик ҳалқлари ўртасидаги маданий алоқа ва ҳамкорликни, аввали, таълим-тарбия соҳасида кўриш мумкин. Ҳозир Ўзбекистондаги 305 та мактабда тоҷик миллатига мансуб 102 минг ўқувчи ўз она тилида таҳсил олмокда. Бандан ташқари, Самар-

қанд, Бухоро вилоятларининг олий ўқув юртларида бир нечта тожик факультет ва бўлимлари мавжуд.

Собиқ ССРЎ ўрнида янги мустақил давлатлар барпо бўлгач, Марказий Осиё республикалари, жумладан, Ўзбекистон ва Тожикистон ўртасида ҳам кадрлар тайёрлаш ўзаро шартнома асосида, ўша кезлар қўшни мамлакатларда яшайтган қардош миллат вакиллари сони ва эҳтиёжини ҳисобга олган ҳолда йўлга кўйилди. Тарих фанлари номзоди Г. Мачиннинг маълумотларига кўра, 1994 йил ўрталарида қўшни республикалар умумтаълим мактабларини тугатиб, шартнома асосида Марказий Осиё минтақасидаги олий ва ўрта маҳсус ўқув юртларига қабул қилинган ўзбекистонлик талабалар сони 1312 киши бўлган бўйса, шундан 412 нафари Тожикистон ҳиссасига тўғри келган. Бундан ташқари, Марказий Осиё давлатларининг айрим вилоятларидан талабаларни кооперация асосида ўқитиш бўйича ўзаро шартнома тузиленган. Чунончи, ана шу шартнома асосида Тошкент вилояти бўйича тожик тилида ўқитиладиган мактабларнинг 10 нафар битирувчиси 1993 йили Хўжанд давлат университетига ўқишига кирди. Ўз навбатида, Ленинобод (ҳозирги Суғд) вилояти мактабларини тугатган яна шунча йигит-қиз Тошкент олий ўқув юртларида ўқиши имкониятига эга бўлди.

Ўзбекистон давлат Консерваторияси билан Тожикистон Республикаси мусиқа ва санъат ўқув юртлари ўртасида ижодий ҳамкорлик кенг йўлга кўйилган. Ўз вақтида тожикистонлик таникли маданият ва санъат арబоблари: композиторлар Феруз Баҳор, Суръат Халилов, Аъзам Солиев, Кудратилла Ҳикматов, мусиқашунослар Аслиддин Низомов, Фарогат Азизова, со зандалар Абдували Абдурашидов, Зулфия Халиловалар Ўзбекистон Давлат консерваториясида, машҳур режиссёр Марат Орипов, халқ артистлари Тоҳир Собиров, Марям Исаева ва башқалар Тошкент давлат Санъат институтида таҳсил олган.

Олий таълим соҳасидаги алоқа ҳамда ҳамкорлик мамлакатлар тараққиётининг ҳозирги босқичида ҳам самарали давом этмоқда. Бу жиҳатдан, айниқса, Самарқанд давлат университетининг фаолияти ибратлиdir. Бу ўқув даргоҳида мамлакатимизда ягона бўлган тожик филологияси факультети мавжуд. Айни пайтда бу ерда барча вилоятлардан келган 165 нафар йигит-қиз таҳсил олмоқда. Уларга 22 нафар профессор-ўқитувчи таълим-тарбия беряпти.

1997 йил 10 январда Ўзбекистон ва Тожикистон бош вазирлари учрашувида икки мамлакат ўртасида таълим соҳасида ҳамкорлик бўйича ҳукumatларaro келишув имзоланди. Бу воқеа ортидан юртимизда Осиё тараққиёт банкининг таълим тизими ислоҳотларини бошқаришдаги ҳудудий ҳамкорлик лойиҳаси аъзоси бўлган мамлакатлар — Ўзбекистон, Озарбайжон, Қозогистон, Қирғизистон, Тожикистон ҳамда Мўғалистон вакиллари иштирокида семинар бўлиб ўтди. Мазкур лойиҳа Кавказорти ва Марказий Осиё мамлакатларининг таълим соҳасидаги ислоҳотларини янада жадаллаштириш, мазкур соҳа юзасидан шерик давлатлар билан молия муассасалари ўртасидаги ҳамкорликни чуқурлаштириш ва таълим тизимидағи тажриба алмашувни йўлга кўйиш вазифаларини кўзда тутади. Бу лойиҳа туфайли Интернетда мазкур мамлакатларнинг таълим тизими ва уларда ўтказилган ислоҳотлар ҳақида маълумот берувчи веб-сайтлар яратилди.

2000 йил 25 январда Тошкентда бўлиб ўтган иқтисодий таълим масалаларига бағишлиланган халқаро конференцияда Ўзбекистон, Қозогистон, Қирғизистон ва Тожикистон халқ таълими вакиллари иштирок этди.

Тожикистонда ўтказилган халқаро симпозиум ва конференцияларда, жумладан, мумтоз бастакор Борбаднинг 1450 йиллигига бағишлиланган симпозиум, “Мусиқада семантика масалалари” мавзусидаги институтлараро илмий конференцияларда Ўзбекистон Давлат консерваториясининг мусиқашунос олимлари фаол қатнашди.

Ўзбекистонлик ҳамда тожикистонлик олим ва мутахассислар икки давлат ўртасида таълим ва кадрлар тайёрлашга доир ҳамкорликни янада ривожлантириш мақсадида янгидан-янги таклифларни илгари сурмоқда. Ўрта, ўрта маҳсус ва олий ўқув юртлари учун Ўзбекистон Қозогистон халқларининг тарихий қон-қардошлигини ёритиб беришга ва ёшларни шу асосда тарбиялашга қаратилган дарслилклар яратиш ҳақидаги таклиф шулар жумласидандир.

Умуман олганда, ўзбек ва тожик халқлари ўртасида таълим соҳасидаги ҳамкорликни янада юксалтириш иккала мамлакатда ҳам таълим ва кадрлар тайёрлаш даражасини янги босқичга кўтаришга хизмат қиласди.

**Хайриддин НИЗОМОВ,**  
Қарши давлат университети  
тадқиқотчisi

# Falsafada ham benazir

Абдурауф Фитратнинг 260 босма тобокдан зиёдроқ илмий-адабий меросида фалсафий қарашлари ҳам ўз аксини топган. У ўтган асрнинг 20-йилларида, Петроград дорилғунунинг шарқ факультетида маъруза ўқиб юрган кезларида профессор унвонига сазовор бўлган. Унинг Британия энциклопедиясида файласуф олим сифатида қайд этилгани ҳам бежиз эмас (*Мустакиллик. Изоҳли илмий-оммабоп луғат. Т., 2000, 221-222 бетлар*).

Абдурауф Фитрат машғул бўлган илм ва ижод соҳалари хорижий манбалардан бирида мана бундай белгиланганд: "...сиёсатчи, давлат арбоби, маорифчи, ношири, файласуф, шоир, носир, драматург, адабий танқидчи, адабиёт тарихчиси, тилшунос, мусика тарихчиси, фольклор тадқиқотчиси ва ҳоказо..." (*Тимур Ҳожаулу. Туркистонлик олим Абдурауф Фитратнинг туркология соҳасидаги унуттилган асарлари. "Турк тили араштирилмалари" йиллиги. Бюллетенъ, Анқара, 1986, 101-бет. Иқтибос "Фитрат ва миллий тараққият" илмий тўпламидан олинди. Т., "Фан", 2008, 20-бет*). Булар қаторига публицистика, таржима, жуғрофия, риёзиёт, илми нужум, табобат, тафсир ва тасаввуф илмига оид тадқиқот ва асарларини кўшсак, аллома шуғулланган соҳалар ҳақиқатан ҳам кўп бўлганига ишонч ҳосил қиласиз.

Айнан ана шундай кўпқирирали фаолият ва чукур илм, юксак тафаккур туфайли Фитрат фалсафа соҳасида ҳам самарали ижод қилган. Умуман, унинг ҳар бир асарида бошқа мавзулар қатори фалсафий масалалар ҳам таҳлил этилган. Масалан, адабнинг "Нажот йўли" деб номланган ижтимоий-фалсафий, ахлоқий-мавзаний мавзудаги қомусий асарида, жумладан, илмлар таснифи, одамлар турмуш тарзи, эстетик ғоялар, ёш авлоднинг таълим ва тарбияси сингари мавзулар қаламга олинган.

Таъкидлаш лозимки, Абдурауф Фитрат илмлар таснифида даврига нисбатан илғор қарашларни илгари суради. Илмларни таснифлаш антик давр юонон мутафаккирлари ҳамда ўрта аср Шарқ файласуфлари ижодига хос бўлиб, Фитрат билан замондош олимлар ижодида учрамайди. Арасту ўз даврида фанларни тасниф қилас экан, уларни уч гурухга — назарий, амалий ва ижодий фанларга бўлган

эди. Фитрат эса илмларни ноанъанавий тарзда таснифлайди ва ҳар бир илмдан миллат ва ҳалқ манфаати йўлида фойдаланишни маслаҳат беради.

Маълумки, фойдали илмлар қадимдан икки қисмга — илми нақлия ва илми ақлияга бўлинган. Инсонларнинг бир-бирига сўзлаб, нақл қилишлари натижасида юзага келган илм "илми нақлия" деб аталган. Фитрат илмларни диний ва дунёвийга бўлади. Уларнинг таркибига тафсир, ҳадис, фиқҳи қамраб олган диний илмлар, илми лисон, тарих ва жуғрофиядан иборат дунёвий илмларни киритади.

Инсон ақлининг кашфиётлари натижасида ривожланадиган ақлий илмлар "бутун инсониятга тегишли бўлиб, бу илмларнинг умумий ҳайъатини ҳикмат дейдилар". Ҳикмат — илмий кувватнинг фазилати хисобланади. Толиби илим мазкур илмларни баҳоли қудрат эгаллаб, ақлини камолга етказсангина диний ва дунёвий ишларда ҳақни ботилдан, манфаатни заرارдан фарқлай оладиган бўлади. Яъни бирор илим ё эътиқодга дуч келганда, уни ақл тарозисида ўлчаб, ҳақ ва фойдали бўлса, қабул қиласи, ноҳақ ва заарли бўлса, рад этади.

Фитрат ҳикмат ёки табиий илмларни учта катта қисмга — тибиёт, риёзиёт ва фалсафага бўлади. Ўз навбатида, фалсафий илмларни ҳам тўрт қисмга — рух илми, ахлоқ илми, илоҳиёт илми ва мантиқа бўлади.

Абу Наср Форобий фалсафанинг моҳияти ва аҳамияти ҳақида тўхталиб, бундай деган: "Мавжудот ҳақидаги билим кўлга киритилса, шу ҳақда таълим берилса, мавжудотдан бўлган нарсанинг зоти билинса, нарсанинг маъноси тушунилса, ишончли далил-хужжатлар асосида шу нарса ҳақида мияда бир турли ишонч ва тасаввурлар пайдо бўлса, мана шу маълумотга доир фанни фалсафа деймиз (*Наврӯзова Г., Каримов Б., Зоиров Э. Фалсафа ва дунёқараш. 1-кисм, Бухоро, 2008, 75-бет*).

Фитрат эса фалсафий фанларнинг вужудга келишини инсон ва унинг ахлоқи борасидаги вазифаларнинг нимада эканини англашга бўлган ҳаракат натижаси сифатида таърифлайди. "Ўз нафсины (руҳиятини) таниган одам, ўзининг илоҳини танибди. Лекин одам ўз нафсини таниш билан қаноатланмайди. Хотирасига, бизга руҳни ким берган, бизнинг вазифамиз

нимадан иборат, деган фикрлар келади. Шундай қилиб, илоҳиёт ва ахлоқ илми шу саволлар натижасида шаклланган” (Фитрат. Нажот йўли. Т., “Маънавият”, 2001, 64-бет).

Фитратнинг фикрича, инсон рухи тириклигингининг нишонасиdir. Руҳнинг нима экани ва сифатлари ҳақида одамлар тафаккур орқали тасаввурга эга бўлади. Илми рух ана шу тафаккур ва ҳаракат натижасиdir: “Илми рух шундай илмки, рух пайдо бўлиши ва унинг сифатларидан баҳс қиласди. Бу илмнинг фойда-си нафснинг маърифатидан иборат, нафснинг маърифати эса вожибидир” (Ўша асар, 64-бет).

Шуниси қизиқки, Фитрат илоҳиёт илми — теологияни диний илмлар таркибига киритмайди, балки уни фалсафанинг таркибий қисми сифатида тақдим этади. Бу билан у илоҳиёт илми инсон акли билан ривожлантирилади, худони англаш илм ёрдамида амалга ошади, деган қарашни илгари суради. Фитрат шу тариқа ўлканинг маданий ва иктисадий ривожи йўлида тўсик бўлиб келаётган жаҳолатни бартараф этиш мумкин деб ўйлади.

Фитрат диний ва дунёвий илмлар ҳақида Фикр юритар экан, кўйидаги хуносаларга келади: илм таҳсилни ҳар бир мусулмон учун ҳам қарз, ҳам фарзидир; илмнинг турлари жуда кўп бўлиб, биз аввало фойдалисини чукур ўрганишимиз керак; илмсиз саодатга, аникроқ қилиб

айтганда, “саодати дорайн”, яъни икки дунё саодатига етишиш мумкин эмас.

Фитратнинг фикрича, илм ўрганишдан максад инсон ҳаётининг асосий мазмунини ташкил этувчи ҳаёт гояси — Оллоҳ васлига етишишdir. Бунинг учун эса икки дунё саодатига эришиш керак. Оллоҳ томонидан инсонга ато этилган ақлу заковат нажот йўлланмасиdir.

Фитрат ўз асарларида Афлотун, Арасту, Сукрот, Ибн Сино, Беруний, Форобий каби буюк файласуфлар асарларидан иқтибослар кептиради. Бу эса унинг фалсафа фанини чукур билишидан, дунёқарашни нихоятда кенглигидан, диний билимлар билан бирга дунёвий илмларни ҳам ўрганиш ва ўргатиш зарур, деб ҳисоблаганидан далолат беради.

Фитрат барча асарларида миллатнинг саодатга эришиш йўли фақат маърифатда эканини таъкидлайди. Унинг ўзи юксак илму маърифат, қомусий билим эгаси эди. Адибнинг биргира “Нажот йўли” асарида “илм” сўзи — 185; “акл” сўзи — 73; “ҳикмат” сўзи — 33; “калом” сўзи — 28; “билим, билимоқ, билиш” сўзлари — 12; “олим” сўзи — 7; “фалсафа” сўзи — 5 марта ишлатилгани ҳам фикримиз далилидир.

**Мавлуда РАҲМОНОВА,**

Бухоро Озиқ-овқат ва енгил саноат технологияси институти катта ўқитувчisi

## Germenevtika – talqin nazariyasi

Фалсафий-хукукий фанлар ривожида герменевтика методининг ўз ўрни бор. Матнларни талқин қилиш, тушунтириш билан боғлиқ усул фалсафада герменевтика дейилади. “Герменевтика” атамаси қадимги юон мифологиясидаги савдогар ва мусофиirlар ҳомийси, ҳабарчи илоҳа “Гермес” номидан олинган. Афсоналарда Гермес Олимп маъбудлари элчиси сифатида тасвиirlangan ва бош илоҳ Зевс унга ўзи етказадиган матнни одамларга тушунтириш вазифасини юклаган.

Барча нарса ва ҳодисани матн сифатида ўрталарувчи герменевтика назариясига XIX аср ўрталарида олмон илоҳиётчи олимлари Ф.Шлейермахер (1768 — 1834) ва В.Дильтей (1833 — 1931) асос солган. Шлейермахер, илҳом ёрдамида кўхна матнлар муаллиfinинг ички дунёсига сингиш мумкин, деган қараш асосида тарихий ҳодисаларни қайta ўрганиш-

ни ва қайta тушунтириш гоясини тарғиб қиласди. Дильтей эса, матнни тушуниш уни интуитив ҳис қилишидир, дейди. Герменевтика мазкур олимнинг ҳаёт фалсафаси моҳиятига чукур сингиб кетган. Кейинчалик бу олимларнинг издошлари Э.Гуссерль, М.Хайдеггер ва Х.Гадамер герменевтиканни универсаллаштириди. Ҳанс Георг Гадамер (1900-2002) герменевтикада ўзигача бўлган иррационал талқин йўлидан бормади. У тушуниш уфқларини каашф килди. Гадамер борлик сўз ва тилдан иборат дея анъанавий тушуниш усулидан илгарилаб кетди (Гадамер. *Х. Истина и метод. М., 1985*). Гадамер таълимотидан файласуфлар ҳам, хукукшунослар ҳам, филологлар ҳам фойдаланади. Герменевтика фақат олмон фалсафий мухитидагина ривож топиб қолмаган, Россияда М.Бахтин, Францияда П.Рикёр, Италияда Э.Бетти, Австрияда Л.Витгенштейн, Германияда

Ю.Хабермас, Ҳиндистонда Р.Сарвепалли, Туркияда А.Кумушхонавийлар ҳам самарали илмий изланишлар олиб борган.

Гадамер герменевтикасини чинакамига тушуниш ва тушунтириш фалсафаси дейиш мумкин. У матнни тушунишга ҳаракат қилаётган киши (респондент) тушуниш лаёқатига ёки бошлангич тушуниш доирасига эга бўлиши керак, дейди.

Герменевтика шундай мураккаб усулки, уни матнни шарҳлашда, шарҳни шарҳлашда, ҳатто, энг сўнгги шарҳни изоҳлашда ҳам кузатиш мумкин бўлади. Масалан, Гадамер, матнни тушуниш ҳеч қачон охирига етмайди, дейди. Бу фикр матнни шарҳлаш ҳеч қачон ниҳояланмаслигига ишорадир. Ҳақиқатан ҳам матнлар ҳар бир замонда ўзгача мазмун касб этади. Дейлик, ўтган замондаги матн ўз даврида бошқача, бизнинг

асримизда ўзгача маънони ифодалайди ёки биз ундан ўзимизга тааллуклисими оламиз. Келажакда айнан шу матн мутлақо янгича тушунилади, янгича қарашлар уйғотади.

Матнни герменевтик тушуниш қадимги Юнонистонда грамматистлар, Ҳиндистонда буддавийлар, Хитойда конфуцийчилар кўрининшида учраган бўлса, бизда Авестони тушуниш, сўнгра Қуръони Каримни тафсир ва таъвил қилиш, муҳаддислар, фақиҳлар илмини англаш орқали вужудга келди, дейиш мумкин.

Хозир тадқиқотчилар кўпроқ Гадамернинг герменевтик методини ўрганмоқда, эгалламокда.

**Шукур ЖАББОРОВ,**

Давлат ва жамият курилиши  
академияси тадқиқотчиси



Ўзбекистонда машинасозлик ва металлга ишлов бериш замонавий саноат соҳаси сифатида 1920 йилларда шакллантирилди. Бу жараён қишлоқ хўжалигининг ривожланиши, энг аввало, пахтачилик ва пахтани қайта ишлаш саноати билан чамбарчас боғлиқ эди. Тошкентда 1927 йили Бosh пахтачилик кўмитасининг меҳаник устахоналари фойдаланишга топширилди. Улар Ўрта Осиё республикаларининг пахта тозалаш ва мой заводларини технологик жиҳозлаш учун эҳтиёт қисмлар ишлаб чиқаришга мўлжалланган эди. Шунингдек, пахта сеялкалари, тола ва жун титиш ускуналари ҳам ишлаб чиқарила бошлади. Бу ҳалқ хўжалиги оғир саноатида мухим тармоқ бўлган қишлоқ хўжалик машинасозлигини ташкил этишдаги илк қадам эди.

Айни вақтда оғир саноатни хомашё билан таъминлаш мақсадида республика ҳудудидан фойдали қазилмаларни излаб топишга киришилди. Ўзбекистонда иккита озокерит кони бўлиб, бу хомашёни қайта ишлаб, стандарт маҳсулотлар олиш учун Москва заводларига жўнатиш мўлжалланган. Озокерит маъдан сифатида жуда харидоргир бўлиб, Ўрта Осиёда захираси кўп эди. Сифати ҳам жуда юқори бўлгани сабабли Ўзбекистон бу соҳада монополист бўлиши мумкин эди. Лекин марказ бу саноат маҳсулотларидан ҳам факат ўз манфати йўлида фойдаланди (ЎзР МДА.З-фонд, 1 – рўйхат, 9-ийғма жилд, 60-варақ).

Оғир саноат учун биринчи беш йилликда ажратилган капитал маблағлар дастлабки йилларда мавжуд корхоналарни таъмирлаш ва кенгайтиришга, кейинги йилларда эса асосан янги саноат обьектлари қурилишига сарфланган. Бундан марказ Ўзбекистонни аграр ҳудуддан аграр-саноатлашган республикага айлантиришини кўзлаган эди.

II жаҳон урушига қадар Тошкентда экскаватор заводи, Самарқандда “Колхозник”, Андижонда “Коммунар”, Кўконда “Большевик” каби машинасозлик заводлари қурилиб, ишга туширилди.

1926 йили Бекободда барпо этилган цемент заводи Ўзбекистон қурилиш саноатининг ilk корхонаси ҳисобланади. Бу завод иккинчи беш йиллик охирида йилига 128 минг тонна цемент ишлаб чиқара бошлаган. 1932 йилга келиб эса Қувасойда цемент ва оҳак заводи, Жиззахда оҳак заводи, Тошкентда қурилиш материаллари заводи, Самарқанд, Андижон, Тошкент ва Кауфман станцияларида фишт заводлари, Сергели станциясида кум-шагал карьеrlари маҳсулот берга бошлади.

Бирор бутун совет давлатида бўлгани каби, Ўзбекистонда ҳам биринчи беш йиллик мароралари ҳаддан ташқари юқори қилиб белгилангани боис қабул қилинган режа тўлиқ амалга ошмади. Мутахассис кадрлар камлиги, топшириклар ноаниқлиги саноатни ривожлантиришга ажратилган маблағдан унумли

Фойдаланиш имконини бермади. Иттифоқ раҳбарияти бундай вазиятдан чиқиш мақсадида саноатлаштириш суръатларини қайта кўриб чиқишига қарор қилди. Иккинчи беш йилликда (1933-37 йиллар) дастлабки топшириклар кескин камайтирилди. Айни чоқда совет ҳукумати халқ ҳўжалигини бошқаришда йўл қўйилган хато ва камчиликлар оқибатидаги йўқотишлар ўрнини қоплаш учун маъмурий-бўйруқбозлий усуллари орқали мажбурлаш ва марказдан туриб ташкил этилган турли социалистик мусобақалар, зарбордлик, стахановчилик ҳаракатлари орқали “халқнинг инқилобий гайрати”ни оширишга уринди. Шуни ҳам қайд этиш жоизки, республика ва маҳаллий аҳамиятга эга корхоналар ҳар доим режасиз кўрилган ва қўмматга тушган (ЎзРМДА. Р-837-фонд, 15-рўйхат, 136-йигма жилд, 67-варак). Қурилишлар аксарият назоратдан четда қолдирилган, ҳомашё вақтида етказиб берилмаган, заводларда дасттоҳдан тўғри фойдаланишни биладиган мутахассис камлиги, уларни билиб-бilmay ишлатиши натижасида таъмир учун кўп микдорда маблағ сарфланган. Уй-жой қурилишида ҳам нотўғри лойиҳалаштириш оқибатида ҳар йили ортиқча ҳаражатга йўл қўйилган, 1938 йили 300 минн сўмдан кўпроқ режадан ташқари маблағ ишлатилган (ЎзРМДА. Р-837-фонд, 32-рўйхат, 1025-йигма жилд, 12-варак).

Масалан, ЎзССР молия халқ комиссари ўринбосари Меренер ЎзКП (б) МҚ секретари А.Икромовга ва Совнарком (Халқ Нозирлар Кенгаси) раиси Ф.Хўжаевга билдиришномасида (ЎзРМДА. Р-83 -фонд, 3-рўйхат, 116 а-йигма жилд, 77-80-вараклар) таъкидланишича, янги қурилиш материаллари трести 1933 йили хўжасизларча, зарарга ишлаган. 385 минг

сўмлик маҳсулот ишлаб чиқарилгани ҳолда, 434 минг сўм зарар кўрилган. Бунинг асосий сабаби раҳбар ходимларнинг тинимсиз алмашиши бўлган. Чимёндаги магнезит заводи ҳомашё базаси якинида жойлашгани ва бир йилда 535 тонна маҳсулот ишлаб чиқаргани ҳолда, 214 тонна ёки 43 фоизи ташиб кетилмаган. Колдик маҳсулотлар сакланадиган омборхоналар талабга жавоб бермагани боис улардаги маҳсулот сифати бузилган ҳамда қурилиш саноатида фойдаланишга яроқсиз бўлиб қолган. Оқибатда ишчиларга ойлик маош тарқатишида ҳам жиддий муаммолар юзага келган. Мазкур ҳужжатда, шунингдек, қурилиш материаллари танқис бўлган бир даврда завод ишини оёқга қўйиш ниҳоятда зарурлиги уқтирилган. Шунинг учун Чимён заводига ажратилган 95 минг сўм, режадан ташқари яна 11 минг сўм беҳуда сарфлангани инобатга олинниб, бу завод УполНКТП қарори билан тўхтатиб қўйилган.

Ўзбекистон иктисадиётida оғир саноат тармоқларининг ривожлантирилиши республика ахолисининг ижтимоий-иктисадий ҳаётида ижобий ўзгаришларга ҳам сабаб бўлган, албатта. Лекин Ўзбекистон иттифоқнинг иктисадий мустақиллигини мустаҳкамлашга муҳим ҳисса кўшса-да, чоризм даврида бўлгани каби ҳомашё етказиб берувчи ўлкалигича қолаверган. Миллий иктисадиётда қазилма бойликлар ва қишлоқ ҳўжалик ҳомашёсини етказиб бериш ҳажми юқори бўлса-да, қайта ишлаш ва машинасозлик тармоқлари улуши оз, умумиттифоқ даражасидан бир неча баравар паст бўлиб келган.

**Нигора БЎРОНОВА,**  
ЎзМУ тадқиқотчиси

## Bo‘yoqlarda jonlangan tarix

Ўзбекистон тарихи музейида бир деворий тасвир бор. Унда XX аср бошларида ўлкамизда рўй берган тарихий вокелар — жадидлар ҳаракати акс эттирилган. Абдулла Қодирий, Абдурауф Фитрат, Абдулхамид Чўлпон ва уларнинг бошқа сафдошлари — миллий озодлик учун курашган ва оқибат эрк йўлида жонини нисор этган инсонлар — халқнинг асл фарзандлари сиймосини рассом Алишер Аликулов яратган.

Мустақиллик даврида — 1991-2009 йиллар давомида миллий санъатимиз мураккаб ва се-

ркирра тараққиёт йўлини босиб ўтди. Ҳусусан, тасвирий санъат соҳасида бадиий жараён шиддатли ва ёрқин кечмокда. Академик реализм мактаби ўз мавқенини сақлаб қолди ва тарихий жанрлардаги асарлар шу услубда ёритилмоқда.

Ўзбек рассомлари олдида тарихимизни рангтасвир орқали ҳаққоний акс эттиришдек муҳим вазифа турган эди. Баҳодир Жалолов, Жавлон Умарбеков, Азиза Маматова, Алишер Аликулов, Мухаммад Нуриддинов, Акмал Ик-

ромжонов ва бошқа мусаввирлар ижодини кузатар эканмиз, бу вазифа юксак даражада адо этилаётганига гувоҳ бўламиз.

Ўзбек ва умуман, жаҳон тасвирий санъатида портрет шоҳ жанр ҳисобланади. Ўзбек рангтасвирида, хусусан, портрет жанрида ижод этувчи рассомлар орасида Азиза Маматованинг ўз ўрни бор. У Ибн Сино, Шоҳ Машраб, Бобур Мирзо, Абдулла Қодирий, Чўлпон, Усмон Носир, Ойбек каби тарихий шахслар портретини яратган. Мусаввирнинг ютуғи шундаки, бу улуг инсонлар сиймосини тиклашда ҳар бирининг шахсига хос хислатларни, дейлик, улуғворлиги индивидуалликни ранглар воситасида ишонарли, таъсирчан ифодалашга эришган. “Азиза Маматова асарлари она заминимиз, миллий анъаналаримиз, жағокаш халқимизга чексиз муҳаббат билан сурорилган. Айнан мана шу хусусиятлари сабаб унинг асарлари маданий-маънавий ҳётимизда алоҳида ўрин тутиб, Ўзбекистон миллий рангтасвирининг энг сара намуналари қаторидан жой олган”, деб ёзади адабиётшунос олим Нажмиддин Комилов (А.Маматова. *Вақт ва Инсон. Альбом. “Ўзбекистон” нашриёти, 2007, 2-бет).*

Машхур рассом Баҳодир Жалолов портретларининг муҳим жиҳати эса инсон ички дунёсини акс эттиришга асосий эътибор қаратилганидадир. Тарихчи олима Г.Пугаченкова Б.Жалолов асарлари ҳақида бундай деган эди: “Бу рассом ўз асарларида ўзбек халқининг тарихий ҳаётини акс эттириб, шундай гўзал манзаралар, илм ва маданият гуллаган пайти тасвирлаганки, у даврни ҳақли равишда Шарқ “Ренессанси” деб аташ мумкин.” (Б.Жалолов. Альбом. *“Художник” нашриёти, 1991, 4-бет).*

Яна бир етук мўйқалам устаси Жавлон Умарбековнинг Ўзбекистон давлат Санъат музейи

зейида сакланаётган “Мен инсонман” деб аталган асарида Арасту билан Алишер Навоийни, Данте билан Эйнштейнни, Ибн Сино ва Беруний билан Менделеевни ёнма-ён кўриш мумкин. Ёшлар айнан шундай асарларни томоша қўлмоги, улардан ибрат олмоги керак. Бундай чукур фалсафий моҳиятга эга бадиий дурдоналар уларни нафақат гўзалликка ошуфта этади, балки унга сингдирилган мазмунни чақишига ундаиди, мушоҳадага йўл очади. Бундан ташқари, бу буюк алломалар ижодий меросини чуқуррок ўрганишга ҳавас ҳам уйғотади. Фикримизча, ўқувчиларни тасвирий санъатнинг тарихий жанрларида яратилган асарлар билан мактабда, расм дарсларида босқичма-босқич таништириб бориш керак. Кўпгина ривожланган давлатлар мактабларида (Япония, Германия, Англия) бу усул аллақачон амалга татбиқ этилган. Бу мамлакат ёшлари ўз халқининг улуғ олимлари, ёзувчилари, бастакорлари билан бир каторда тасвирий санъатда яратилган машҳур асарларию уларнинг муаллифлари тарихини ҳам яхши билади.

Рангин тасвир, гўзал шеър ва жозибадор мусиқа ёшлар қалбига тез йўл топади. Президентимиз таъқидлаганидек, “Агар биз Ўзбекистонимизни дунёга тараннум этмоқчи, унинг қадимий тарихи ва ёруғ келажагини улуғламоқчи, уни авладлар хотирасида бокий сакламоқчи бўлсак, авваламбор, буюк ёзувчиларни, буюк шоирларни, буюк ижодкорларни тарбиялашимиз керак” (И.А.Каримов. *Юксак маънавият – енгилмас куч. “Маънавият” нашриёти, 2008, 139-бет).*

### **Улугбек МАМАТОВ,**

Камолиддин Беҳзод номидаги  
Миллий рассомлик ва дизайн  
институти тадқиқотчиси



“Ушшоқ” арабча сўз бўлиб, “ошиқлар” деган маънени билдиради. Мусиқа санъатида эса маълум пардалар муштараклигигида ва дардчил оҳанглар воситасида яратилган мунгли куй ва мумтоз ашула Ушшоқ дейилади (Ражабов И. Мақомлар. Т., 2006. 92-бет). Шу боис мусиқий меросимизга оид Ушшоқ туркумидаги асарларни “Ошиқлар куйи” деб таърифлаш мумкин. Ушшоқ мақомининг товуш қато-

ри Европа мусиқасида миксолидий номи билан маълум бўлган табиий ладга мос келиб, сифат жиҳатидан энг мукаммал товушлар бирлигини ташкил этади. Анъанага кўра, ушбу мақом (лад) асосида ижод этилган куй ва ашулалар ҳам шу ном билан аталади.

Таъқидлаш жоизки, Ушшоқ йўллари Шарқ мусулмон халқлари орасида муқаддас саналиб, эъзозлаб келинган.

Ўрта асрларда мумтоз адабиёт ва мусиқа санъатида ишқ мавзуси алоҳида аҳамият касб этиши муносабати билан “ушшоқ” сўзи ҳамда шу туркумдаги куйлар ҳам кенг маънода қўлла-на бошлаган. Масалан, мумтоз шеъриятда Ушшоқ чин ошиқлик тимсоли сифатида ғазалдан-ғазалга қўчиб юрадиган ўзига хос “назира-ибора”га айланган.

Шу билан бирга, Ушшоқ “Ошиқлар куйи” сифатида ўн икки мақом номи қаторида ҳам зикр этилган:

“Ушшоқ”и маро қади “Хусайн” чу “Рост”,  
Дар пардаи “Бусалик”, “Раҳови”ву “Наво”ст.  
Чун гашт “Бузург” дар “Исфаҳон”у “Ироқ”,  
“Зангула”, “Ҳичоз”у “Кучак” андар бари мост.

(Кавкабий)

Ушшоқнинг қадими пардалари асосида ижро этилган куй ва ашула йўллари деярли барча Шарқ ҳалқлари мусиқа санъатида муким ўрин тутганини кўриш мумкин. Мутахасислар Низомий Ганжавийнинг “Хусрав ва Ширин” достони ҳамда бошқа ёзма ва ашёвий манбаларга (Проблемы музыкальной культуры народов Узбекистана, Туркмении и Таджикистана. М., 1972; Т.Вызго. К вопросу об изучении макомов. стр. 387-413) таяниб, Ушшоқ парда-оҳанглари Сосонийлар саройида хизмат қилинган бастакор Борбад асарларида (жумладан, шу санъаткорга нисбат берилган “Хусравониёнт” силсиласида) қўлланганини таъкидлайди (Гафурбеков Т. Фольклорные истоки узбекского профессионального музыкального творчества. Т., 1984). Тахминан, VII-VIII асрлардан узил-кешил шакллана бошлаган Етти мақом тизимида, XIII-XVII асрларда эса Ўн икки мақом доирасида ва кейинчалик (XVIII-XIX асрлар) шу асосда юзага келган Шашмақом, Хоразм мақомлари ва Фарғона-Тошкент йўллари таркибида ҳам Ушшоқ пардалари барқарор мавқега эга бўлгани қайд қилинган (Иброҳимов О. Фергано-ташкентские макомы. Т., 2006).

Ушшоқ мақомининг кўп асрлик тарихга эга бўлган ижрочилик анъанаси ҳам катта илмий қизиқиш уйғотади. Бунда турли мусиқий тизимлар таркибида унинг коинот жисмлари билан боғлиқ “вақт ҳукм”лари ҳам ўзгариб турганини кўрамиз. Чунончи, Алишер Навоийнинг “Сабъаи сайёр” достони қатламларида аниқланган Етти мақомининг бири — Ушшоқ қизил сайёра — Марс билан боғланган бўлиб, унинг ижро этилиши сешанба кунига, вақти эса шафак (шом) пайтига тўғри келган. Бунга ушбу достоннинг тўртинчи хикоясига ишланган “Баҳром гулгун қасрда” минаятюрасидаги қизғиши рангли гумбаз, янги чиқкан ой ва юлдуз тимсоллари далил бўла

олади (*Шашмақом сабоқлари. II тўплам. Иброҳимов О. “Рангларда садоланган мақомлар”*. Т., 2005. 61-62 бетлар).

XIII-XVII асрлар мусиқа амалиётида кенг қўлланган. Ўн икки мақом занжирида эса Ушшоқ мақоми биринчи бўғинда келиб, одатда, унинг ижро этилиши вакти кўёш чиқсан маҳалга тўғри келган. Бу ҳақда Нажмиддин Кавкабийнинг “Рисолаи мусиқа” асарида зарур маълумотлар келтирилади.

Мусиқий рисолаларда Ушшоқнинг тинглов-чига ҳиссий таъсири ҳам таърифланади. Жумладан, Абдураҳмон Жомийнинг “Мусиқа рисоласи”да Ушшоқнинг тингловчидагайрат ва шижаот ҳиссиси уйғотиши ҳақида фикр билдирилган. Бу ўринда Ушшоқнинг, энг аввало, ишқ йўлида (роҳи рост) туну кун мардонавор сайъ-ҳаракат қилаётган ошиқларга руҳий кувват бўлиши назарда тутилади. Шу боис бўлса керак, манбаларда Ушшоқ сўзига уланиб, Рост ҳам келади:

Жомий аз баҳри мақоми ту навое ки занад,  
Баҳри Ушшоқ руҳи Рост бувад сўн Ҳичоз.

(А.Жомий)

(Маъноси: Жомий, сендан илҳомланиб Ушшоқ қуини Росту Ҳижоз ила тараннум айлагайлар).

Ушшоқ ва Ростнинг узвий боғланиши илмий жиҳатдан ҳам асосли кўринади. Ўтмишга, айникса, Ўрта асрларга доир рисолаларда Рост ва Ушшоқ мақомларининг товуш қаторлари бир-бирига ниҳоятда яқин бўлгани таъкидланади. Профессор В.Беляевнинг Жомий рисоласига бағишлиланган шарҳидан маълум бўладики, Рост ва Ушшоқ ўртасидаги фарқ, бор-йўғи, 24 фоизни ташкил қиласи, яъни бу фарқни эшитиш сезгиси билан деярли илғаб бўлмайди. Шундай яқинлик туфайли Шашмақомнинг шаклланиш жараёнида (XVIII аср) ушбу мақомлар (Ушшоқ ва Рост) Рост мақоми туркумига киритилган.

Бизгача етиб келган барча ушшоқларнинг дастлабки асоси Ўн икки мақом тизимидан ўрин олган шу номдаги мусиқа асарига бориб тақалади, дейиш мумкин. Бунда Ушшоқ намуналарининг умумий парда-оҳанг ва ривожланиш тамойиллари (нота ёзувларида турлича қайд этилган асосий таянч пардаларидан қатъи назар) муҳим далил сифатида қаралиши мумкин. Бунга “Самарқанд Ушшоғи” ёки “Ушшоқи Ҳожи Абдулазиз”, “Ушшоқ” ёки “Мулла Тўйчи Ушшоғи”, “Содирхон ҳофиз Ушшоғи” каби мусиқи асарлари мисол бўла олади. Зикр этилган асарларнинг келиб чиқсан манбалари умумий бўлса-да, уларнинг ҳар бири ноёб ва алоҳида бадиий қимматга эга.

Миллий мақом санъатимиздаги Бухоро-Самарқанд услубининг йирик намояндаси бўлган мусиқашунос санъаткор Ҳожи Абдулазиз Расулов Шашмақом чолғу ва ашула йўлларининг моҳир ижрочиси эди. “Самарқанд ушшоги” қўйида унинг маҳорати яққол акс этади, яъни бу асар мавзу баёни, ривожланиш тамоийлари ва авжлари билан Шашмақом шўйбалирининг ички тузилиш қонуниятларини эслатади. “Тошкент Ушшоги” ёхуд Ушшоқнинг Мулла Тўйчи иўлида эса Фарғона-Тошкент услубидаги макомларга хос бўлган сифатлар ўйнунлаштирилган. Айниқса, “Содирхон Ушшоги”-

да ана шу услубнинг ёрқин ва ўзига хос жанри — катта ашуланинг бадиий жозибаси ўзгача бир тароват билан намоён бўлади.

Миллий мусиқамиз ҳазинасидан ўрин олган бу каби ноёб жанрлар Ушшоқ мақом йўлининг битмас-туганмас ижодий имкониятларини тасдиқлаш билан бирга, унинг бастакорларимиз учун келажақда ҳам бебаҳо илҳом манбаи бўлиб қолишини кўрсатади.

**Чинора ЭРГАШЕВА,**  
Ўзбекистон давлат Консерваторияси  
катта ўқитувчиси



Қашқадарё ва Сурхондарё воҳаси ҳалқ оғзаки ижодининг бой ҳазинасига эга. Асрлар давомида бу ҳудудда Шеробод, Чироқчи, Қамай, Бойсун ва Бешкўтон каби бешта поэтик мактаб шаклланган. Улар ўзбек достончилик мактабида ўзига хос жиҳатлари билан ажралиб турган. Бу воҳа мусиқасида инсон руҳий дунёсининг ранг-баранг товланишлари яққол кўзга ташланади. Бу элнинг баҳши-шоирлари шунчаки ижрочи бўлиб қолмай, ижодкор сифатида ҳам ўзбек эпоси ривожига мунтазам ҳисса кўшиб келган. Жумладан, “Алномиш” достонининг иккинчи қисми — “Барчин бекач” янги жозибадор сюжет йўналиши билан бойитилган.

Жанубий Ўзбекистон поэтик мактаблари орасида Шеробод достончилик мактаби баҳши-шоирлари сўз санъати ва мусиқанинг кўп намунасини бизгача авайлаб-асраб етказиб келган. Бу мактаб Сурхондарё ва Қашқадарё вилоятининг айрим ҳудудлари, Тоҷикистон ва Туркманистон республикаларининг ўзбеклар яшайдиган овул, қишлоқ, туманларида тарқалгани, репертуарида ўзига хос достонлар мавжудлиги, баҳшичилик анъанаси яшовчанлиги билан ҳам ажралиб туради. Шуни ҳам қайд этиш лозимки, бу гунги кунга келиб, Сурхондарё ва Қашқадарёда достончилик мактаблари кам қолган ва уларнинг вакиллари ҳам Шеробод достончилирининг таъсирига тушиб, ўз мактаби анъаналарини деярли унугтан.

Табиийки, ўзбек баҳшичилик мактаблари тугаб бораётган бир паллада унинг Шеробод мактаби нисбатан яшовчанлигига сабаб нима, деган савол туғилади. Буни куйидагича изоҳ-

лаш мумкин: ҳудуд республикамизнинг чекка қисмида жойлашгани, кенглиги ва аҳолининг аксарият қисми чорвачилик билан машгуллиги, тарқоқлиги; ижтимоий-маиший турмушнинг бошқа вилоятларга нисбатан секин ривожланиши; ерли ҳалқнинг достончиликка бўлган кучли ихлоси уни сақлаб турган асосий омиллар бўйлиб, ҳозирги кунда ҳам тўйлар, кўнгилочар томошалар, байрамлар, сайиллар баҳшиларсиз ўтмайди; устоз бадиҳагўй баҳшилар шогирд тайёрлашни бурч деб билади ва бу анъанани давом эттирмаса, эл назаридан қолади. Ўзига муносиб ўринбосар етиштирмаган устоз баҳши саналмайди; баҳшиларнинг ўзаро ижодий беллашувлари, тўй ва давраларда эл олдида айтишиб, тингловчини ўзига оғдириб олиш анъанаси ҳозиргача сақланиб қолган.

Шу ўринда айтиб ўтиш жоизки, Қашқадарё ва Сурхондарё достончилик анъаналари астасекин йўқолиб бораёттир. Бунинг ўзига яраша сабаблари бор: ижтимоий-маданий ҳаётдаги янгиликлар, радио, телевидение, кинонинг кенг тарқалиши баҳшичилик санъатига қизиқишина бирмунча сўндириди; тўю тадбир, байрамларда бошқа “санъат” турлари оммалашди, натижада баҳшилар ҳалқ ўртасида кам кўринадиган бўлди. Шунингдек, устоз баҳшиларнинг шогирд тайёрлаш анъанаси асл мөҳиятини йўқотди, яъни устоз энди шогирдлар билан алоҳида шуғулланмай, факат тўйларда, давраларда эпос намуналаридан парчалар айтиш билан чекланмоқдаки, натижада шогирд матнни тўлиқ ўзлаштиrolмай қолмоқда. Ўзини кўрсатиш, радио ва телевидениеда чиқиш учунгина устоз кўрмай, дуо

олмай, чоп этилган достонлардан парча ўрганиб айтадиган ҳаваскор баҳшилар пайдо бўлди. Бунинг натижасида эса достон мазмунини, баҳси маҳоратини тушунадиган тингловчилар камайиб кетди. Дўймира чалиб ички овозда куйланяётган ҳар қандай матн достон, куйловчи эса баҳси деб аталаётгани ниҳоятда таассуфли ҳолдир.

Хозирги баҳшилар устозидан ўрганган достонларни ижро этиш билангина чекланиб қолмайди. Улар республиканинг бошқа ҳудудларида яшаган ижодкорларнинг нашр этилган асарларини ўқиб-ўзлаштириб, тури анжуман, кўрик-тандловларда эшитган матнлар билан ҳам репертуарини бойитади. Шундай экан, бугунги кунда маълум поэтик мактабларга хос ань-

аналар аралашиб кетди. Бу ҳол ижро усулида ҳам кузатилади.

Жанубий Ўзбекистонда ҳам достончилик санъатининг мавқенини белгилайдиган бадиҳаҳигъ баҳшилар саноклигини қолди. Уларнинг кўпли мутахассислиги филолог бўлгани боис ёзма адабиётга хос шеър тузилиши, тасвир усулларини оғзаки ижодда ҳам қўллаши эпик анъаналар сўниб бораётгани, достончиликдағи жонли жараён сусаяётганидан дарак беради ва бу бебаҳо анъанани сақлаб қолиш юзасидан чора-тадбирларни кучайтиришга даъват этади.

**Абдиолим ЭРГАШЕВ,**  
филология фанлари номзоди

## “Parda” jozibasi

Робиндренат Тагор, Хўжа Аҳмад Аббос, Кришн Чандр, Амрита, Тирумалеш, Прем Чанд каби ҳинд адабиётининг иирик номояндалари ижодини ўзбек китобхони яхши билади.

Биз сўз юритмоқи бўлган асар эса яна бир машҳур ҳинд ёзувчиси Яшпал қаламига мансуб “Парда” хикоясидир. Ҳаётни бадиий акс эттиришнинг реалистик усулига мансуб бу асар сюжети оддий бир ҳинд оиласи, унинг ижтимоий кечмиши тасвирига асосланган. Хикоя қархамони — Парибахш чаласавод бир йигит, амал-тақал қилиб уйланган. Қархамона онаси, хотини, беш фарзанди бор. Катта оиласи боқиши учун у оладиган маош камлик қиласди, шу боис бир умр боши қарз-қаволадан чиқмайди. Ночорлик, фақирлик шу дараражадаки, “Газлама... қимматлашган бир пайтда, ҳудди кузда дарахтларнинг барги тўкилгандек, уйдаги хотин-қизларнинг кийим-кечаги ҳам тутдай тўкилиб қолган эди”.

Хикояда муаллиф парда деталидан бадиий приём сифатида фойдаланади. У бир вақтнинг ўзида хурмат, тўсиқ, ҳимоя, никоб, иззат, обру рамзи вазифасини бажаради. Парибахшдан қарзини ололмаган Хон ичкарини ташқаридан тўсиб турадиган парданни юлиб олишга қарор қиласди. Парибахш ялиниб-ёлвориб, “Теримни шилиб олиб, бозорда пуллай қолинг. Розиман!” деса ҳам “Хон парданни жаҳл билан бир тортган эди, парда шарт узилди. Йўқ, парда эмас, Парибахшнинг жон риштаси узилди. У гандиреклаб ерга ийқилди”. Одатда, гарбона мента-

литет, турмуш тарзидан фарқли ўлароқ, ҳиндларда ҳам, ўзбеклар каби, ота-она фарзандига жонифдо бўлади. Айниқса, ота учун бокира қизларни асраш мисоли кўз қорачигини асраш, жону жаҳонини эъзозлаш билан баробар. Шумъонода, ёзувчи отанинг ички дунёсини, руҳий оламини бутунисича, ишонарли қилиб тасвирлай олган.

Парда бадиий образ сифатида жадид асарларида (Фитратнинг “Ўқитгувчилар юртига” шеъри ҳамда Чўлпоннинг “Кеча ва кундуз” романидаги) денотатив, яни мажозий маънода ҳалқ кўзини қоплаган жаҳолат рамзи тарзида кўлланган. Уларда парданинг нечолиқ хавфли ва зарарли эканини кўрсатиш учун унинг коронгилик тимсоли экани алоҳида таъкидланган бўлса (Абдурауф Фитрат. 1-жилд. Тошкент, “Маънавият”, 2000, 42-43-бетлар; Чўлпон. Яна олдим созимни. Тошкент, Адабиёт ва санъат нашриёти, 1991, 184-бет), мазкур ҳикояда парда коннотатив маъносида, аёллар номусини саклайдиган восита сифатида акс эттирилган. Демак, бу асарларда парда бир-бирига контраст кўлланган.

Шунингдек, парда деталида ёзувчининг мавхумлика асосланган сирли (яширин) гоявий мақсади ҳам умумлашган. Назаримизда, парда образига кўчган “яширин (сирли) метафора”ни Англиялик олим Вильям Эмпсон яратган мавхумликтининг олтинчи категорияси билан узвий боғлиқлиқда изохлаш мумкин (William Empson, Seven Types of Ambiguity. New York: new

*Directions. 1966, twelfth printing, pp. 176-191.).*

Зотан, мазкур категория асосида муаллиф ақлининг дудмал структураси воситасида характерланган, ёзувчи ёки шоирнинг бадиий асардаги foявий мақсадини тарғиб қилишга имкон берадиган мавхумлик қурдати, мавхумликка эътиқод назарияси ётади. Шубҳасиз, Вильям Эмпсон яратган дудмаллик назарияси у даражада такомиллашмаган шакл (ёки приём) ёхуд ҳар жиҳатдан мукаммал категория бўлмаса ҳам, юқорида кузатганимиздек, Яшпал пардадаги сирли мавхумлини аниқ мақсадга йўналтира олганини изоҳлашимизга ёрдам беради.

Шуни алоҳида таъкидлаш керакки, ҳикояда хинд халқининг ночор ҳаёт тарзига қарама-қарши ўлароқ, оптимистик руҳ — ҳаёт қийинчиликларидан чўчимаслик, оила шаънини пок сақлаб яшашга интилиш, отанинг хонадон аҳли учун масъуллиги, оила, хусусан, хотин-қизлар ор-номусини ҳар нарсадан устун кўйиш, эъзозлаш каби Шарқ ҳалқларига хос бўлган талай жиҳатлар реал бўёкларда тасвирланган. Парибахш хонадонидаги аёлларнинг остона ҳатлаб кўчага чиққанини маҳаллада ҳеч ким кўрган эмас. Ота қизлари бўй етиб қолгани учун уларга кўчага чиқишига руҳсат бермайди, ҳатто сувни ўзи ташиб олиб келади. Парибахшнинг хатти-ҳаракатлари унинг руҳий ҳолатини намоён этади, ўзига хос қиёфасини гавдалантиради. Муаллиф бу образ орқали Шарқ, хусусан, хинд халқига хос миллий характер қирраларини кўрсатишга эришган.

Яшпалнинг “Парда” ҳикоясида кўтарилиган муаммо Шарқ ҳалқларида умрбокий, абадий давом этадиган масалалардан бўлгани учун ҳам бу хинд китобхони каби ўзбек китобхонини ҳам бефарқ кодирмаслиги шубҳасиз.

Шу ўринда хинд ижодкорлари асарларидан таркиб топган ва биз юқорида таҳлилга торган ҳикоя ҳам жой олган “Чироқ ёнар тун

бўйи” (Тошкент, “Чўлпон” нашриёти, 2006 йил) тўплами ҳақида икки оғиз. Тўпламдаги наср ва назм намуналари хинди, урду, бангалий, панхобий, гужрати ва инглиз тилларидан ўзбекчага аслият асосида таржима қилинган. Тўпламдаги Ражагўпалачариянинг қадимий ҳинд фольклори анъаналари руҳида, маърифий-дидактик йўналишда ёзилган “Булоки” асари, Пурушуттам Балкришна Сатҳенинг Хиндистондаги толерантлик ҳақидаги “Кўрмана” ҳикояси, Хўжа Аҳмад Аббоснинг “Чироқ ёнар тун бўйи” ҳикояси ва бошқа асарлар ҳам мавзуу ва муаммо нуқтai назаридан ўзаро яхлитликини ташкил этади. Фикримизча, бугунги кун талабларидан келиб чиқиб, тўпламга ўзбек ўкувчиларига маълум бўлган Мирзо Фолиб, Робиндронат Тагор, Премчанд каби машхур сўз усталарининг асарларини киритиш шарт эмас эди. Жуда лозим топилса, улар ижодидан қилинган янги таржималар китобхонлар диккатига ҳавола этилса кифоя қиласиди. Ўзбек китобхонига нотаниш замонавий хинд адабиёти намуналарини нашр эттириш эса ҳар жиҳатдан мақсадга мувофиқ бўлур эди. Бу Хиндистондаги жорий адабий жараёндан боҳабар бўлиш имконини беради.

Тўпламдаги таржималарнинг бадиий савиаси турлича. Уларда учрайдиган жузъий камчиликларни таҳрир жараёнида тузатиш мумкин эди. Бу билан таржималар бадиияти янада сайқалланган бўларди. Шунга қарамай, хинд ёзувчилари асарлари жамланган “Чироқ ёнар тун бўйи” тўпламини юртдошларимиз она тилида ўқиши имконига эга бўлганининг ўзи ҳам катта ижтимоий-адабий ва маданий-эстетик ҳодисадир.

**Зулхумор МИРЗАЕВА,**

Алишер Навоий номидаги Тил ва адабиёт институти докторанти

# SUMMARY

In a discussion entitled “Literature purifies the soul”, literary scholar Naim Karimov narrates about jadidism, a movement of national renaissance in Turkistan at the beginning of the last century that spread ideas of enlightenment among people, and so was severely suppressed by the Soviet government. The author then touches on the issues of Uzbek literature, the modern state of the art of word, and deals with those ideas that he expressed in his work entitled “The panorama of XXI century literature”. At the end, he tries to compare contemporary intellectuals with those of the past century in an attempt to find similarities and differences between them.

Non-governmental public organizations are widely recognized as an integral part of a democratic society. If so, why are these non-government non-profit bodies, often described by westerners as “third sector”, needed? What are their goals and functions? How different are they from intergovernmental organizations? Ulughbek Muhammadiev in his article entitled “NGOs” carefully scrutinizes these structures, functions of which often deviate from the declared ones.

Some people regard contemporary changes in the world as the age of information or that of the computer. Whatever it is called, it is a fact that the notions of custom, traditions, and national culture are undergoing massive conversions. What do we mean by culture, who is cultured today? What are the basic parameters of cultured people? Does being modern mean that a person is cultured? Writer Nazar Eshonqul’s “What is culture? What is a lack of it?” is an article where these questions find their answers.

**I**n Central Asia the first schools appeared in the VIII century. Since then till the 20s of the XX century such schools had been operating under mosques. At the beginning students of these schools were taught the alphabet, and then they learnt portions from Koran. The main goal of old schools was to instill Islamic beliefs into the child's mind. "The old school" is an article by literary scholar Ulughbek Dolimov where he examines the historical formation of traditional schools; gives information about the educational systems of the past centuries, boys' and girls' schools, the educational process, and methods of teaching how to read and write.

**J**aloliddin Rumiy was a distinguished poet, a famous representative of the teaching of tasavvuf (Sufism), an intellectual who greatly contributed to the development of Islamic philosophy. But a thorough analysis of his works and nature leads one to question whether he should be a poet and a philosopher. Aesthetics scholar Abdulla Sher in his article headlined "If you understand your nation, you understand God" makes an attempt to clear this ambiguity.

**P**hilosophy is a main integral part of humanitarian sciences. However, there is a problem before today's scholars: what concepts should philosophy be based on? Khurshid Yuldashev's "Is philosophy a science?" is an article where the author's views about the place of philosophy in the system of sciences, its objects and main differences from other sciences are presented.

**“I**f one tries to closely investigate the life paths of the characters in the "Alpomish" epic, he can discover the philosophy of life," says folklorist scholar Shomirza Turdimov in his book entitled "Epos and ethnoscience". "A lesson drawn from the family tree" is a section from this book where one can find a structural analysis of the epic. This extract is kindly presented to the reader's attention.